

宋中

元 脱 脱 等撰

中 書 局

卷一四三至卷一六〇(志)第 一 一 册

未更卷一百四十三

志第九十六

儀衙一

殿庭立仗

尤爲詳備。其殿庭之儀,則有黃麾大仗、黃麾半仗、黃麾角仗、黃麾細仗。凡正旦、冬至及 盾以夾王車。 度、示等威;一以愼出入,遠危疑也。禮載弁戈、冕劉、虎賁、車輅。獨官旅賁,王出入,執 五月一日大朝會,大慶、册、受賀、受朝,則設大仗,月朔視朝,則設半仗,外國使來,則設 乘萬騎之盛。 綦天下之貴,一人而已。是故環拱而居,備物而動,文謂之儀,武謂之衞。一以明制 歷代因之,雖或損益,然不過爲尊大而已。宋初,因唐、五代之舊,講究修葺, 朝儀之制,固已粲然。降及湊、漢,始有周廬、陛戟、鹵簿、金根、大駕、法駕千

三三六五

志第

九十

六

儀

禮書具在。 京用之。 澤、明堂、 角 仗; 發 宗廟、籍 册 南 授寶,則 今取所載,撮其凡爲儀衞志。 渡之後,務爲簡省。此其大較也。 田 用之;三日 設 細仗。 其鹵簿之等有四:一 小 駕,朝陵、封祀、 若夫臨時增損, 奏謝 日 一大駕, 用之; 郊祀大饗用之; 二日 用置不同,則有國史、會要、 几 日 黄麾仗, 親征 一法駕, 、省方還

旗 玉兔、 嶽 二十八宿 旗 ,分左 旗 并 辟邪 在 幡 五. 殿 馴 分左右; **氅等**, 右 在 (庭立仗,本充庭之制。 右 犀、 各 左 網 雷 金 子、貔旗各二,分左右 _, 攝 著于通禮,正、至、五 赐 五 公、電 朱雀、眞 提 角宿至壁宿在左,奎宿至軫宿在右。 《鵝、瑞 星旗五 旗 二,分左 母 旗 麥、孔 武 在 各 旗 右 __, 石 各 雀、 ; 唐禮, 五. 分左 一,分左右 野 五. 一方龍: 月一日, 馬、 信 右 辰 殿庭、屯門,皆列諸衞黃麾大仗。宋興,太祖增創錯 **犛**牛 旗五 幡二十二,分左右 旗二 軍 御正 北北 十五 公旗六, 旗 阜纛 風 谷二 과 伯 一殿則 在 十二, 旗 ,分左右 雨 左 分左右 一,分左 陳 師 , 之。 旗各 五方鳳族二 分左 ; 青龍、 傳教、告止幡各十二,分左右 右 ___, 右。 黄鹿 日 分左 月合璧旗 白 木、火、北斗在左, 以 十五五 派 上金吾。 虎旗各一, 右 麟、 在 兕 白 ___ 天一 右 澤、 在 騶牙 左, 金、水、土 分 馴 紅 五. 象、 太一 門 左 白 右 神 仙 狼、 在右。 旗各 旗 繡 鹿 珠 五

六,分左右; 旗 以上龍墀。 黃麾二,分左右。 一在右; 獅子旗二,分左右; 龍君、虎君旗各五,分左右;赤豹、黄羆旗各五, 吏兵、力士旗各五,分左右; 天王旗四,分左右; 太歲旗十二,分左右; 天馬旗 排闌旗六十,分左右;左右幡氅各五行,行七十五;大黃龍旗二,分左右; 以上兵部。 金鸞、金鳳旗各一,分左右 日旗、月旗各一,分左右 五方龍旗各一 君王萬歲旗一在左,天下太平旗一在 分左右; 小黃龍旗一在左,天馬 。青、赤在左,黄、白、黑在右。 大

神旗六,分左右。

以上六軍。

植 黄 屬,勒 興 定朝會圖 爲 詔 受册、加元 (色,以 從之。 於 表 大 識 神宗元豐二年,詳定所言:「正旦御殿,合用黃麾仗。 所 、庭,夷夏共瞻,或致博聞多識者譏議,非善, 古 部 取漢制;用十二幅,以取唐制;用一旒,以取今龍墀旗 者 ,於大慶殿橫街北 其當御廂之後,則建黃麾幡二。」上謂蔡確等曰:「黃麾制 又言:「御殿儀仗,有黃麾幡三而無黃塵。 中門、殿庭列仗衞。今獨修正 一服,册命諸王大臣,朝宴外國,亦皆用之。故事,皇帝受羣臣上尊號,諸衞各率其 扇翣,皆編 次雉羽或尾爲之,故於文從『羽』。 止陳大輦、逍遙、平輦,而 旦儀注,而餘皆未及。欲乞多會等儀,悉 宜姑闕之。」乃止。 請製大麾一,注旄於干首, 興未 陳也。 唐開元改爲 案唐開元禮,多至朝會及皇太子 之制。 當大 度,終有可疑。 孔雀,凡 三年,詳定所言:「昨 建於當御廂之前,以 大朝會,陳一 以取 今鑿而爲 加 夏制; 詳定。」

三三六七

扇,皆無所本。」遂改製偏扇、團方扇爲三等,繡雉。 百 Ŧi 十有六,分居左右。 國朝復雉尾之名,而四面略爲羽毛之形,中繡雙孔雀,又有雙盤龍 凡朝會,平輦、逍遙並陳於東西龍墀上。

徽宗政和三年,議禮局上大慶殿大朝會儀衞

儀刀部 各於軍員之南,居次廂 二,儀鍠五 領 , 稍 ; 軍 第七,白鵝 衞 黄 (麾大 十二行,每行持各十人:後部並仗同。 大將軍各一員,第二部,左右 第十二,綠縢絡盾 色幡 (仗五千二十五人。 匹 ; 1角氅; 第三,青孔雀 第 第八,朱縢絡盾 刀。 部 稍前 仗首左右廂各二部,絳引幡十。 執各一人。第一部, 五 揭鼓二,掌鼓二人。 角氅; ·領軍衞折衝(I),掌鼓一人,帥兵官一十人。 第二部於第一部之後,並相 刀; 第四,烏戟; 第一行,黄雞 第九,阜鵝六角氅 後部同。 第五 四 角氅;凡氅, が緋 以上排 鳳六角氅; 向 第十,細 列 左右 皆持以龍頭竿。第 廂。 弓矢; 第六,細 第 第十 次執 一 部

向。 軍 - : 各一員。 持黃 次 廂 左右 人麾幡 左右各三部:第 第 二人,在當 __, 果毅; 御廂前分立。 , 第二、第三, 左右 屯衞,第二,左右武 折衝: 當御廂左右各一 各一員。 篇,並大將軍; 部, 於仗首 左右衞果毅各一人,於玉 左右 廂 第 第三,左右衞 部 之南, 相 將

次後廂· 左右各三部:第一,左右聽衞將軍;第二, 左右領軍衞折衝;第三,左右

輅之前

分

北

向。

志第九十六 儀衞一

領軍衛果毅;各一員。 偏,右在象輅之後東偏; 第三部,左在革輅之後西偏,右在木輅之後東偏,並北 第一部,分於當御廂之左右差後,第二部,左在金輅之後西 向

第二 鸚鵡、瑞麥、孔雀、野馬、犛牛、甘露、網子。 內第十二隊旗同第一隊。 刀盾、弓矢相間, 分十 右屯衞,第九、第十一,左右領軍衞,並果毅:各一員。每隊旗一,貔、鶡雞、仙鹿、金 二隊,每隊三十人,五重。第一至第六隊,在仗首第二部北,第七至第十二隊,在仗首 衞,第十、第十二,左右領軍衞,並折衝;第三,左右聽衞,第五,左右武衞,第七,左 衞 扩 部南,東西相向 .衝:各一員。各在網子、鶡雞、貔旗之前,東西相向。左右廂各步甲十二隊:第一 左右衞果毅;第二,左右衞, 次左右廂各三部:第一,左右武衞將軍;第二,左右屯衞將軍;第三,左右領軍 第四,左右驍衞,第六,左右武衞,第八,左右屯

毎隊 在 五 人 [前,第五至第八隊在後,第九至第十二隊又在後,東西相向。 為 (三),左右領 左右 旗二、角船、赤熊、兕、太平、馴犀、魏鸛、騩騔、騶牙、蒼烏、白狼、龍馬、金牛。 列,弓矢十人爲二重,稍二十人爲四重。 厢後部各十二隊:第一、第二、左右衞,第五至第七三、左右武衞,第十至第 軍 · 衞:並折衝。第三、第四,左右聽衞 以上在大慶殿門外,第一至第四隊 ;第八、第九,左右屯衞**:**並果毅。 次弩

弩五 排 列 人爲一列, 弓矢二十人爲四重, 稍二十五人爲五重。以上在大慶門外中道, 北向 眞 武 隊 ·金吾折衝都尉一員,仙童、眞武、螣蛇、神龜旗各一 , 執各一人。犦稍二人,

當職 團 在 人二百二十有二人;腰輿在南,一十有七人;小輿又在南,二十有五人,皆西向。平輦 西,逍 龍 掌二人,各立團龍扇之北。 殿 扇四,分左右; 執扇都將四人。 中省尚輦陳孔雀扇四十於簾外。執各一人。陳輦輿於龍墀。大輦在東部,押、執、擎 遙在南,共三十七人,皆東向。設繖、扇於沙墀:方繖二,分左右; 方雉 金吾引駕官二人,分立團扇之南。 · 易一百,分繖、易之後,爲五行。 執扇長行一百人。押 執織將校四人。

列官一人。易二,方繖一。 IE 五 面) 左 、
閣儀 十人。 衙 視 文德 金吾引駕官一人,四色官二人,各帶儀 朝之禮。」詔 即文德殿遂闕視 神宗 殿入閣之制,唯殿中省細仗,與兩省供奉官班於庭。太宗淳化三年,增黃麾仗二 熙寧三年, 學士院詳定。 朝之禮。 修閣門儀制宋敏求言:「本朝惟 金吾仗碧襴十二,各執儀刀。 學士韓維等上其儀:朔前 乞下兩制及太常禮院, 刀。 被 金甲天 兵部儀仗排列職掌一人, 入閣乃御文德殿 約唐御宣 、武官 日 ,有司供 一政殿 人, 張 绡 制裁定, 於文德殿 視 殿 朝。 H 省 今旣 以 庭。 備 押隊員 朔 不 排 甪 東

僚二人。黃麾幡一,告止幡、傳教幡、信幡各八,龍頭竿、戟各五十。西面,右金吾引駕官以 幄於殿後閣。其日,左右金吾將軍常服押本衞仗,殿中省官押細仗,東西對列,俟皇帝受朝、 西,白虎族一,五星旗五,五鳳旗十。 下、皆如東面。天武官東西總百人。 門外立仗:其東、青龍旗一,五嶽旗五,五龍旗十; 御馬,東西皆五匹,每匹人員二人,御龍官四人。 設御 其

徽宗政和三年,議禮局上文德殿視朝之制:

降坐、放仗,乃退。

毅,次廂左右第二、第三部,次折衝,次後廂左右部,次將軍。帥兵官十人,分部之南北,爲五重,北在 中。次廂左右第一、第二、第三部同。掌鼓一人,次大將軍後。次廂左右第一部丼當御廂左右部,次果 同,左部在帥兵官東,右部在帥兵官西,各爲十重。左右領軍衞大將軍各一員,居部之 後厢左部在黃氅東,右部在黃氅西。 絳引幡之南,南在絳引幡之北。次廂左右第一、第二、第三部在部之南北,當御廂、次 在金吾仗南,東西相向。絳引幡十,執各一人。分部之南北,爲五重。當御廂左右部 黄麾半仗,共二千二百六十五人。殿內仗首,左右廂各一部,每部一百二十四人,

左右部,每色一行,爲十重。左部以東爲首,右部以西爲首,並次帥兵官。第一行,龍頭竿黃雞四角氅, 執儀刀部十行,行十人,每色兩行,爲五重。來廂左右第一、第二、第三部同。 當御廂、次後廂 武衞;第五,左右領軍衞:並折衝,各一員。第二,左右驍衞;第四八第六,左右屯衞 後部各六隊, 每隊三十八人, 在部下親從後, 東西相向。第一隊, 左右衞; 第三, 左右 牛、甘露、鷃雞,執各一人。刀盾、弓矢相間,人數行列同前。左右廂步軍,殿門外左右廂 四,左右 後廂左右部同。 間,北向。當御廂左右各一部,每部一百二十四人,在殿門內中道,分東西,並北向。夾 左右衞;第三,左右 大將軍,第三部,左右衞將軍各一員,折衝各一員。黃麾幡二,分立當御左右廂前 右厢仗首之南,東西相向。第一部,左右屯衞大將軍及果毅各一員;第二部,左右 凡氅皆持以龍頭竿。第二,儀鍠五色幡;第三,青孔雀五角氅;第四,烏戟;第五,緋鳳六 各步軍六隊,第一隊,每隊三十三人,第二至第六隊,每隊各二十七人。分東西,在仗隊後。 廂並一在儀鍠、青氅間,一在弓矢、白氅間,與後行齊。 **ှ**9氅,第六,細弓矢,第七,白鵝四角氅,第八,朱縢絡盾刀,第九,阜鵝六角氅,第 次後廂左右各一部,每部一百一十四人,次當御廂南,左右驍衞將軍各一員。左右廂 十,稍。揭鼓一,掌揭鼓二人。分立緋氅、烏戟後當中,吹廂左右第一、第二、第三部同,當御廂、次後 屯衞;第六,左右領軍衞:並折衝,各一員。每隊旗二,貔、金鸚鵡、瑞麥、犛 大慶殿列於樂架之南。 ·武衞,第五,左右領軍衞:並果毅,各一員。第二,左右驍衞,第 左右衞果毅各一員。左在部西,右在部東。次後左右廂將軍准 次廂左右各三部,每部一百一十五人,次**左** 第一, 武衞 此 41

並果毅,各一員。角編、太平、馴犀、騶牙、白狼、蒼烏等旗各二,弩五人,爲一列,弓

矢十人, 爲二重, 矟二十人, 爲四重。

仙童、眞武、螣蛇、神龜等旗各一,爆矟二人,弩五人爲一列,弓矢二十人爲四重,矟二 十五人爲五重。排列仗隊職掌六人,分立仗隊之間,殿內四人,殿外二人。

五方色鳳旗各一次之,五方色鳳旗各一又次之。 五方色龍旗各一次之,五方色龍旗各一又次之。白虎旗一在右,五星神旗各一次之, 長行南。以上並分東西相向立。設旗於殿門之外,青龍旗一在左,五嶽神旗各一次之, 長行二十四人,在四色官之南。排列官二人,在長行之南(日)。次金甲天武官二人,在 之南、與繖、扇一列。宣敕放仗二人,在引駕官南。執儀刀引駕官二人,在親從官後。 長行各一人,金吾左右將軍各一員,在繖、扇之南,稍前。四色官四人,二人立於將軍 扇四,並分左右夾繖。執扇各一人,將校或節級。方雉扇六十,作三重,在繖、扇之後。 輦官 在東,小輿在西,人員、都將各一人,輦官共四十人。 陳繖、扇於殿下,方繖二, 殿中省尙輦陳易二十於簾外,執扇殿侍二十人。陳腰輿、小輿於東西朵殿, 團龍 腰興

語頒行之。 大慶殿册命諸王、大臣,黃廳仗準文德殿視朝

北。 寫 執訴人並錦帽、五色絁繡寶相花衫、錦臂鞲、革帶。 各一:青、黄、赤龍旗,宣德、泰禮門在東,太廟在南;黑、白龍旗,宣德、泰禮門在西,太廟在 門並陳于大黃龍旗之南,東西相望; 荻 赤龍旗之南。 於殿庭;太廟,在西櫺星門外路南,次赤龍旗少北;青城,在泰禮門外,夏祭大禮在明禪門外。 武、君王萬歲、獅子、金鸞、金鳳、五方龍、天下太平等旗,凡二十一。正、至受朝同。龍墀旗 黃龍負圖 旗 之北。 깯 列,南北相望。 門,在路東;太廟,在門外路南。次獅子旗二,左右有金鸞、金鳳旗各一。 次天下太平旗一,宣德、泰禮門,在路西;太廟,在路北。以上旗皆在車駕前發仗內。 政和中, 旗之南。 宣和多祀,陳于大內前。 大祀饗立仗: 大黃龍負圖旗一, 執絲二百人, 陳于闕庭赤龍旗南少西大黃龍 宗祀給饗大禮,不設大黃龍負圖旗、大黃龍旗。 龍墀旗執紙各十二人, 左右有日、月旗各一。 次君王萬歲旗一, 宣德門 宣和,此旗下又有日、月、五星連珠、北斗、招搖、蒼龍、白虎、朱雀、 大黃龍旗 太廟陳于西櫺星門外,大黃龍旗之西少南,視赤龍 一,執訴六十人,陳于逐頓宮門外宣德門,次大 大神旗六,執訴各九十人,宣德門、泰 次五方龍 旗 陳 玄 旗 郦

政和中, 遼使朝紫宸殿,用黃鱷角仗,共一千五十六人。殿內黃塵幡二,次四色官之

西相向排列。 稍二十人, 為四重。排列仗隊職掌二人, 次廂第二部之南, 分左右。 以上殿內外仗隊(+), 東 人,第二隊每隊三十三人。第一,左右衞,第三,左右武衞,並折衝;第二,左右驍衞果毅。 角鰛、 左右衞,第三,左右武衞,並果毅;第二,左右驍衞折衝:並各一員。貔、金鸚鵡、瑞麥旗各 員。掌鼓以下至掌揭鼓人數,並同仗首。殿外左右廂各步甲三隊,每隊三十三人。第一, 右廂仗首之南。第一部,左右屯衞大將軍、果毅各一員,第二,左右武衞大將軍、折衝各一 揭鼓一人,在緋氅、烏戟之後。 夾廂左右第一、第二部同。 次廂左右各二部,每部一百五人,次左 第五,緋鳳六角氅;第六,細弓矢;第七,白鵝四角氅;第八,矟;第九,阜鵝六角氅。掌 竿黃雞四角氅;皆持以龍頭竿(kì。第二,儀鍠五色幡;第三,青孔雀五角氅;第四,烏戟; 引幡之北。 次大將軍後。次廂左右第一部次果毅,第二部次折衝。帥兵官十人,分部之南北,北在絳引幡之南,南在絳 北,各爲五重。左右領軍衞大將軍各一員,在部中稍南。夾廂左右第一、第二部同。掌鼓一人, 南,分左右。仗首左右廂各一部,每部一百四十人,朵殿下稍南至。 太平、馴犀旗各二,以次分在三隊。弩五人,爲一列,弓矢十人,爲二重,第二、第三隊爲一列。 二,以次分在三隊。刀盾三十人,爲五重。內第二隊弓矢。左右廂後部各三隊,第一隊每隊三十八 次廂左右第一、第二部在部之南北。各爲五重。 執儀刀部九行,每行持各十人。 第一,龍頭 絳引幡十,分部之南

下,方繖二,分左 殿 中 省 尙 虀 陳 右 輿、輦於東西朵殿,平輦在 ; 團 龍 扇四,分左右,夾方繖。 東, 西向; 方雉 扇二十四,分左右,各二重,在繖、扇 逍遙輦在西, 東向。 設織、易於殿

金吾四色官一人。

依方位 分左右 鸞旗 旗 每 每旗 內 駕 白 旗 在 執 官 龍 二人押旗 執 勃 、 青龍 辺 旗、 西 金 政 撦 揩 各二 一銅儀 六人。 人。 和 排 Ъ. 立 黑龍: 人。 中,文德殿發册,用黃塵細仗,共一千四百二人。 列。 於日、月旗 旗 (),在旗之南,分左右。 次金甲二人。 刀 員 左 十五 、赤龍旗各一,在殿東階之東,以西爲上,月旗、天下太平旗、獅子 旗各 左右各六人,在北。 每 僚 右 旗執 金吾仗司 人押旗, 撦三人。 南。 每 在殿西階之西,以東爲上; 五 旗 次方繖二,團 次四色官六人, 內二人執笏, 員僚各 次朱雀 相 在旗 間,各依 之北 次紅門旗二十八,分左右 旗 二 人 次都押衙二人,立於碧襴之南,少退。 方 、押纛, 在 龍 色排 以上 東,眞武 扇 四, 立於旗 並 列 夾 分 旗 方繖。 差 次 每旗執撦四人。 右, 南。 五 在 嶽 東西 餘執 次青 西 神 次金吾上將軍二人,將 設日旗、君王萬 旗 金銅 向。 每旗執撦二人。 龍 每旗執籍六人。 五 俱北· 旗 在 儀 次 東 向立。 五 刀。 在 了, 五 方龍 東, 次碧襴 次阜 星 以上 次寅、卯、辰、巳、 .歲旗、獅 押當 神 旗 白 瀮 旗 在 虎 並 旗 東 職 旗 旗 五 ___ 軍 北 在 子旗、金 + 掌二人, 几 金 五 向 + 西, 在 几 人,引 鳳 方 旗 各 員 鳳

志第九十六 儀衞一

苣文、馴象、飛鱗旗各一;第六隊,辟邪、玉兔、吉利、仙鹿、祥雲旗各一;第七隊,花鳳、飛 豹、吏兵旗各五,每旗各爲一列在東,每列掩尾天馬旗一,以次在東。次虎君、黃熊、力士旗各 **第九**隊,犛牛旗一,設於孔雀旗後。 右廂第一隊,同左廂第一。 第二隊,尾、箕、斗、牛、女宿 **黄**、野馬、金鸚鵡、瑞麥旗各一;第八隊,孔雀、兕、甘露、網子、角編旗各一,並各為一列; 虚、危、室、壁、奎宿旗各一;第四隊,參、井、鬼、柳宿、駃騠旗各一;第五隊,三角獸、黃鹿、 旗、四瀆旗各一,爲一列;下至第九隊旗行列準此。第二隊,角、亢、氐、房、心宿旗各一;第三隊, 立 東 排 北 第八隊,並同左廂第五至第八,第九隊,騶牙旗、蒼烏旗各二,相間爲一列。每旗執籍三人。 俱 旗各一;第三隊,婁、胃、昴、畢、觜宿旗各一;第四隊,星、張、翼、軫、駃騠旗各一;第五至 五,每旗各爲一列在西cs),每列掩尾天馬旗一,以次在西。每旗執籍三人。員僚六人押仗,各分 午、未旗六,在東; 申、酉、戌、亥、子、丑旗六,在西。 天王旗四,分左右,夾辰旗。次龍君、赤 止 闌 一旗前。次員僚四人押旗,分左右,東西爲一列。每列一員。左廂第一隊,鶡雞、白澤、玉馬、貔 幡、 向。員僚二人,押黃麾立於龍鳳旗之北。左右廂五 兩廂排 旗三十,白黃壓幡東西排列,以次於南,每旗執籍三人。俱北向。 傳教幡、信幡各五,次絳麾幡二,次絳引幡五。 列。 鐙杖起北,哥舒間之,俱東西相向。 色龍鳳旗之東西,各設黃麾幡二。次告 左右廂執白柯槍各七十五人,東西相 員僚五人,押黃麾立 鐙杖、哥舒各三十,於殿 於龍 鳳 旗 北少東。

祭口口。 後少酉,執撦三人。次大神旗六,分左右。 向。 大將二人,節級二人,檢察六人,左右 又於騶牙旗南 凡大朝會儀衞,有司皆依令式陳設 設大黃龍旗一,在殿門裏少西,執撦二十人。 金吾仗司押當職掌、排列官各一人。 衞尉寺押當儀仗職掌四 小黄 一人,排 人龍旗一 仗通直官(五)二人, 職掌、大將、檢 ,在大黃龍旗

仗,而大仗不設。 初,宋制,有黃麾大仗、半仗、角仗、細仗。 中興大朝會,四朝惟 一講, 紹興十五年正 南渡後,儀仗尤簡,惟造黃塵半仗、角仗、細 月朔旦是也。 馬 然止以大仗三分

勒帛。 相 革帶,執儀刀。旁頭一十人,素帽、紫紬衫、纈衫、黃勒帛,執銅仗子。金銅甲二人,兜鍪、甲衫、 錦臂衣,執金銅鉞斧。 三十二人,幞頭、碧襴衫、銅革帶,執儀刀。將官二人,幞頭、緋抹額、紫繡羅袍、背騰蛇、銅 官兵等一千八百三人,兵部職掌五人,統制官二人,皆幞頭、公裳、腰帶、靴、笏。金吾司碧襴 滅一,用三千三百五十人。 自是正旦、冬至俱免大朝賀,以為定例 花衫、勒帛。 黃 (麾半仗者,大慶殿正旦受朝、兩宮上册寶之所設也,用二千四百一十五人。其內儀仗 黃麾幡二,執幡人武弁、黃寶相花衫、銅革帶。 五色小氅三百人,儀鍠四十人,皆纈帽,五色寶相花衫、勒帛。 絳引幡十,告止幡、傳教幡、信幡各二,執幡人皆武弁、緋寶相花衫、 小行旗三百人,素帽、五 色抹額、緋寶 金節一十二

志第九十六 儀衞一

平巾 羅裏 素帽 革帶、烏皮履。 男纈羅單衫、塗金銀柘枝腰帶。輦官二十七人,幞頭、白獅子纈羅單衫、塗金銀海捷腰帶、紫 相 旗 幘、緋寶 相 人,素帽、緋寶相花衫、勒帛。 下織扇 各五 花 花衫、勒帛。 武弁、青寶相花衫、銅革帶。 殳叉三十人,素帽、五色寶相花衫、勒帛。 幘、緋寶相花衫、勒帛。 子、銀褐寶相花衫、勒帛。 袍、 ,青龍旗、白虎旗、朱雀旗、玄武旗各一,每旗扶拽一十七人,搭材一名,武弁、五色寶 後、烏皮介幘、緋羅寬衫、白羅大帶。 相 銅革帶。 花 .|衫。內大旗下六百一十二人,大旗三十四,龍旗一十,鳳旗一十,五星旗、五嶽 中道繖扇六十六,輦官七十人,素方繖四十四人,弓脚幞頭、碧襴衫、塗金銅 其外殿中興輦、繖扇百三十三人,逍遙、平輦各一,每輦人員八人,帽子、宜 繡紫方繖六、花團扇十二、十八人,雉扇二十二人, 準備四人, 皆武 鳳扇二十二人,黃抹額、黃寶相花袍、黃勒帛。 銅仗子二十人,素帽、紫紬衫、**黃勒**帛。 烏戟二百一十人,纈帽、緋寶相花衫、勒帛。 儀弓二百七十人,纈帽、青寶相花衫、勒帛。 編排儀仗職掌五人,立殿 儀刀百八十四人,平巾 白柯槍六十人, 綠稍二百一十 儀弩六十人, 弁、 緋寶

止幡 其黃 其內儀仗官兵等八百八十七人,兵部職掌十二人,金吾司碧襴三十 、傳教幡 尶 小 4 一、信幡一、用十五人,黃麾幡一,三人。 ·仗者, 大慶殿册皇太子及穆清殿皇后受册之所設也, 小行旗百八十人, 用一 人, 千四百 五色小氅子百 絳引幡二、告 九十九

皆與前半仗同。內大旗下六百一十二人,殿中興輦、繖扇百三十二人,皆同前半仗。 弓六十三人, 儀弩四十五人, 銅仗子一十人, 儀刀六十七人。統制官、將官、牽頭、金銅甲, 八十人,金節十二人,儀鍠、斧二十三人,綠矟七十五人,烏戟七十五人,白柯槍八十一人,儀

斧一十三人,白柯槍三十人,綠矟七十人,烏戟七十人,小行旗三百人,五色小氅三百人,銅 幡一,三人,絳引幡八,二十四人,金節十二人,儀弓七十人,儀弩五十人,儀刀七十人,儀鍠、 仗子三十人。 也,用一千五十六人。內金吾司放仗官二人,統制官一人,攝大將軍六人,旁頭五人,黃麾 其黃應角仗者,大慶殿冬至受朝、紫宸殿即位、兩宮賀節慶壽、紫宸殿受金使朝之所設

後或用百人至五百人,隨事增損。而其執仗有四,小行旗、五色小氅、儀刀、銅仗子; 色有四,纈帽子、素帽子、平巾幘、武弁冠,五色寶相花衫、勒帛 其黃麏細仗者,大慶殿、文德殿發册及進國史之所設也。東都用一千四百二人,中興

高宗移蹕臨安,殿無南廊,遇雨雪,則日參官於南閤內起居。 臣正任,文臣卿監、員郞、監察御史已上。四參遇雨則改日參。 參,用釐務通直郞已上。 宣制、非時慶賀以望參官,餘以朔參官。 大朝會之外,有日參、四參、六參、朔參、望參。 朔參,用釐務、不釐務通直郎已上。 宰執、使相立簷下,侍從、兩 在京宮觀奉朝請者赴六參。 四參官,謂宰執,侍從,武

認 尶 作 殿、不設儀仗。 殿 + 旈 殿 宸 行 省 崇政 位 禮 殿 ĵĖ. 角 制 視 氢 以 仗 版 淳. 制 朝 日 至 諫官以下 參 熙 爲 不 朝 垂 千 文德殿, 同 + = -[-+ 望 賀 拱 四 Эí 參 禮 年 红 月,禮部侍 + 月 殿 立 今大慶殿 六人。 , 朔視 及 垂 南 始 詔 羣臣 講 拱 引 閣 視 御 朝, 殿 水祖 内; 呈射殿 史臺 朝于文德 拜 自是,後殿 日 則 朝會,禮文繁多,欲先舉行文德殿 表、 郎王賞 参 宗故實常 請 御 卿 聽 公事 文德殿,謂之前 監、 以 匹 御 殿,設黃塵半仗二千四 射殿爲崇政 参, 言:「正 郎官、武功大夫以下立 札 ,殿門外排 坐及射殿引呈 假 朝、 批 日崇政 答權作文德殿 視 至及 朝 殿, 正 殿 立 殿 大 (正衙,設黃 衙 御 慶賀受朝,係 坐, 朔望權置 一公事 馬 聖節 便殿之儀 東 以 如後殿 百 上 東 垂 日 ---帳 閣 視 () 麾半 拱、紫宸殿 西廊。 景已高 Ξī 門。 門以爲紫宸殿, 之儀 朝 御 人。 之制 仗。 大慶殿, 乃討 其垂 紹 , 六月,紫宸 依舊 時時 其餘 諭 興 拱 朔 十二年 與文德、 壽之制 殿 紫宸、 制 行 日 設 几 宮 文 宣赦 參 〈德殿 衞 殿 止 十月,有 、垂拱皆 、紫宸 望 士 於殿 書、 請 殿 參 視 青凉 先 德音 朝 設 門 \mathcal{I}_{J} 係 II. 御 司 外 黄 更 紫 別 正

慶殿 朔 都 日 副 後幄 承 大 朝 會儀 **殿經**涂 諸 前 房 圳 舊制 副 儀 與 都 鷥 東 承 IL 旨前 司 都 一拱殿 設 異, 御 導, 乃 以 設 **楊於大慶殿** 簾, 管 常常 軍 殿 御 引 上 殿 駕 駐 爲 中, 至 益 垂 大 拱 南向、設東西房於御榻 候 慶殿 一般 起 居 後幄 痥 稱 駐 賀 降辇, 辇 班 ·, 設 絕, 入次 簾 乘辇 帷 一、設椅 更 左 , 衣 樞 右 密、 稍 子 紹 北、設東西 知 興 稱 閤 賀 門官 五 年 . | | | | | | | 過 正 樞 於 大 月

志

第

Ju

-

六

簆

衙

校

勘

캶난

殿後左右,殿上前 外,東西相向。兵部帥屬設黃麾仗三千三百五十人於殿門內外。以殿狹,輦出房,不鳴鞭。 興輦、繖扇於殿下,東西相向。 · 楹施簾,設香案於殿下。 兵部陳五輅於皇城南門外, 俱北 太常展宮架樂於殿庭橫街之南。其日,御輦院陳 向。 騏驥院列御馬於殿門

千五十六人。 皇太子、文武百僚常服稱賀,而設黃麾半仗二千四百十五人。 淳熙十六年正旦,行稱賀禮,比政和五禮月朔視朝儀。皇帝御大慶殿,服鞾袍。即御坐, 著爲令。 而大朝會儀,自紹興十五年以後不設。 及冬至朝賀, 設黃 座角仗一

校勘記

- 第二部左右領軍衞折衝 據五禮新儀卷二一,此句疑爲注文。
- (三) 第五至第七 「至」字原脫,據五禮新儀卷二一補。
- (三) 第十至第十二 「至」字原脫,據同上書補
- (四) 在長行之南 「南」,五禮新儀卷二一作「西」。
- (至) 朵殿下稍南 五禮新儀卷二二作「在朵殿下稍南」。
- (云) 皆持以龍頭竿 五禮新儀卷二二,此句上有「凡氅」二字。
- 以上 殿內外仗隊 「外」字原脫, 按此處仗隊當指上文殿內、殿外兩部分,「內」下應有「外」字,


記

(元) 在西 二字原脫,據五禮新儀卷二二補。

(元) 排仗通直官 「仗」原作「列」,據五禮新儀卷二二改。

從略,此六字當删。

(10) 職掌大將檢察 按五禮新儀卷二二,此處係敍述職掌等官員服飾,關於仗衞人員服飾,本卷多



宋史卷 百百

志 第九十七

儀衙二

宮中導從 行幸儀衛 太上皇儀衛 后妃儀衛

衣,分執金灌器、唾壺。 人,高鬟髻、青衣。 人,紫衣、弓脚幞頭。 人,持踏牀一人,並服文綾袍、銀葉弓脚幞頭。 宮中導從之制,唐已前無聞焉。 執犀盤二人,帶鬅頭、黃衫。執翟尾二人,帶鬅頭、黃衫。 新婦二人,高鬟、青袍。 女冠二人,紫衣,執香爐、香盤。分左右以 五代漢乾祐中,始置主輦十六人,捧足一人,掌扇 大將二人,紫衣、弓脚幞頭。 尚宮一人,寶省一人,高鬢、紫衣。 次奉引。 童子執紅絲拂一 雞冠二人,紫 書省二 四

太宗太平興 志 第 九 + 國 七 初,增主輦二十四人,改服高脚幞頭;輦頭一人,衣紫繡袍,持金塗銀仗 儀 衞

銷金 以 二人, 制 每 也 IÈ 督領之。 至 及 衣緋 繡 眞宗 御 殿 銷 時,加四 奉珍珠、 復增司 金袍,並高 祀 郊 簿 廟 面 七寶、 內官周 人,內省 步 脚 幞頭。 輦出入 翠毛華樹二人, 衣緋袍; 衞 人, 執拂 至長春殿用之。 大中祥符三年,內出 司 翟 辺 儀 人,鬅頭、 人, 司 其 給 乘 衣 奉金寶山二人, 繪圖 黄 **益** ___ 人, (繡袍。 ٠, 則 以示 皆分左右前導, 屈 右足、垂左足而 舊衣 宰相 衣綠 綾袍、紫衣 繡 袍 儿一 憑 者,悉易以 奉龍 几 十七行。 腦合

有都虞候、指揮使、員僚。 馬 人,散直百七人,鈞容直三百二十人,御龍 人,散都頭五 隨駕,二十七 二人作兩隊隨駕口; 祗 班長 **啄**, 應。 行幸儀衞。 凡諸 入祗候殿侍 御龍弓箭直百三十三人,御龍弩直 班 十四四 人第一隊,二十六人第二隊。 直 內,殿前指揮使全班 宋初,三駕皆以待禮事 人, 散祗候五 十八人,駕後動樂三十一人,馬隊弩手分 若隨駕不使馬隊(三) 右班七十七人,二十四人在駕前右邊引駕,五十三人在 十四人,金槍 祗 應:左 0 即減內殿直、散員、散指揮、散都頭、散祗候、金槍 直 車 內殿直五 駕 五十四人,茶酒 班 百 百 三十三人, 七十六人,二十四 近 四十二人, 田, 十四人,散員六十四 止用常從以行。 寬 御龍 衣天 東西 班祗 骨朵子直二百二十人,並 八十五 武指揮二百 應殿侍百 人在駕前 其舊儀, 人,散指 五 左 招箭 邊 + 一十六人。 殿前 駕 引 七 揮六 班三 後 人, 駕 作 司 東第 + 隨 网 五 DΩ 駕 隊

等直,仍減東西班馬隊弩手八十五人,餘並同上。

人,並 嫳 一殿門 凡 於駕前 外快行、祗候、 皇 城 司 先行,行 隨駕 人數:崇政 幸所到之處,充行宮司 親從第四指 殿 祗 揮五 應 親從四 十四四 把門、灑掃祗 指 揮 車駕導從、 共二百五十二人, 應。 兩壁隨 各有正副都頭、節級、十 執擎骨朵, 行親從親事官共 充禁衞 將 九 十六 崇

刀,騎。 夾,計 第二 叉六 武 每 人執 口 係 隊 口 一,緋 軍儀 前 後 撦, 尙 十二人, 步 人執二人夾, .書兵部供 繡 分左右, 撦人執弓箭。 二口係前步 甲第 叉右 仗司 (三 鳳 氅; 並 金吾 黄 **隊前**,二 騎 供儀仗法物 第三,青繡 麾仗內法物: 引 甲第七隊前 計三十人, 駕 監門校尉 仗 口 供 1係後步 孔 牙 內內 雀氅; 門 叉左 六人,並帶 並 獅 罕舉各一。 旗 甲第 騎, 金 子 + 口 第四 係前 吾 旗 几 七 夾 引 匹 口 隊 儀 駕 人 部 口 卓編鵝 制 前 刀, 執 五 仗供牙門 ,充門旗 黄 同 色繡氅子 塵第 弓箭。 騎。 左 几 氅 仗。 口 開 二口,各一 旗 隊 監 第五 口 並 + 門校尉二十人,每 前,二口 門, 係 龍 四 兵 一, 白 頭竿挂,第 口 部 每 , 繡 人執, 門 班 係 + 鵝氅; 劍儀 後 口 口 部 開 分左右 力隊 黄 一,青 五 第六,黄 每 、塵第 門 門, 後 口 四 繡 句 人,並帶儀 <u>二</u> 口 孔 人執二人 隊前 門 繡 雀氅; 口 三口 雞 各十 係眞 氅。

惟 前 仁宗 有 駕 康定 頭 後 元 年 擁 ·, 參 繖 扇 知 而 政事 已, 宋庠 殊無禮典所載公卿 車 駕 行 幸, 奉引之盛。 非 郊 廟大 禮具陳 其侍從及百司 鹵 簿外, 官屬, 日 下至脚 導從,

志

第

燗于 之弊, 有 後 馮 興 高 相 駕 大駕 行 禮院 下瞰 諸 改作之咎。 之愼也。 渍 事 雜 仗, 小駕之儀。 從 行 興 ,莫爲嚴憚。 酌取 簡 庶 道 兩 2略,每鳴鑾游發,盡去戈戟、旌旗之制,儀衞寡蔣 中。 且自 觀者 制詳定, 其中, 宜委 步輦 黃帝以神功盛德,猶假師兵營衛 ,率隨扈從之人,夾道馳 至唐又分殿中諸 稍增儀物,具嚴法禁,以示 一二博學近臣,討繹前 一參以 邏司 之後, 舊儀,別 '街使,恬不呵止,威令孢闕,玩習爲常。 但以親事官百餘人執檛以殿, 加新 衞 黄 制 魔等仗,名數次序, 走,喧呼不禁。 代儀注及鹵 尊極,以防未然。 , 則 防微御 簿令, 所 謂之禁衞 過 各有 變,古今一 以乘 頗 旗 亭市 同 革去因循,其在今日。」詔 施設。 非 ·興常時: 藩鎭 所謂 樓, 諸 豐。 國朝 旄 垂 班 出入之儀, 此皆制 一簾 勁 頭 案漢 承 先驅, 外蔽 五 し魏以 度 姓 頗 放 元茂残 興 失,

今添 指 扇 旗 馬 揮 前 十二,分左 百 執 使舊四十八人,今添百五十二人,通爲二百人,或於近上諸班相兼差充, 後 匹, 吥 各四 制 並 舒 同 帶 禮 分左 爲 右 器械,分五 官議,略準小 請於 重。 右 親 並 親從 從官內差充。 騎 行,行二十人。 官舊 駕制 緋繡 度, 百 以 鳳氅二十 四 上 添清道 + 一新派 請 五. 下殿前 人,今添 百 20 馬、罕畢、旗氅等物。 , 分 六十二人。 司,於諸班內差。 左右,並 百 五 + 騎。 五 凡 罕單 天 人,通爲三百 武官舊 以 上請下 各一,分左 別 爲常行禁衛 三百 - 殿前司 一人,為 一,於諸 右 + 六 並 儀, 並 班 重 人, 騎 差 加 空行, 充。 爲 殿前 牙 凊 雉 門 道

重。 以 上因舊人數添 舊四百九人,新添三百七人,共七百一十六人。

使執 毕, 押當 馬 圧 後 僚 牙 於 旗 門 其 除 凡 左右 第 面 加震 餘 合將 旗 門 以 隨 以 前 表 菛 殿 駕 前 入 公門,用 興通 出 、禁衞 文武 前指揮使、 屬 轉光錯綵旗, 其諸 禁衞中,不得 事舍人相 隨從 臣僚,並 色人止令於牙門旗前 人數外,餘並 親從官爲二重,左右 通上計五軍, 在 對,第二 從內第四 輒 人。 門與閣門使相 令於殿前 皆 凡中 重殿 掩後團轉。 書、樞 前 道 相 傍 指 指 對 凡百 密 起 揮 揮 對。 了,各開二門,約二丈, 使 院 使行 居, 內,分 μij. 每 臣 不得 祗 外 僚 有 應人 並 左 臣 左右 便 右 僚 於從 入禁衞. 於禁衛 前 迎駕起居, 依官位 後行 內第 中。 內 每門並差人員二人 行 無 凡前 每門外 重 馬 並令中 執掌者, 寬 牙門 衣 重,令殿 天 道 旗以 武 及隨 候 前 內行 起 後, 指 駕 居 揮

門 扇 凡 隨 左 兩 從 旗 右 隨 街 傍 松 巷 及 雖 掖 7/ 凡 寬 觀 車 行 行 東 其殿 駕 闊 馬 韭 後牙門旗未行,除 卽 處 去 經 不 |拱 歷去 一,儀 處。 前 得 指 宸門及已至 衞 夾 凡前 處, 揮 並 路 使 依 喧 牙門 若 (四)、天武官,並權分於駕前後隨行。 新 呼 有 圖 駠 所 .旗 樓 止 排 走。 幸 閣 絕 在 列 清道 處, 開 前牙門以 雜 並 即自 加 不 馬後約 行 遇 得 人外, 窄狹街巷,禁衞 有門禁, 前 亚 ,後牙門以後,不 簾 十步已來,後牙 其隨 障蔽 不用 駕臣 及 牙門 僚 在此限。 止 止 官 絕 用 旗 門 司 後至寬闊 親 士: 約 人等, 旗 凡車 *L*焦 從官 束。 在 不 駕後殿前 駕未出 許 二重 並 凡 處, 依常 臨 車駕已在道 高 乘 御 皇 瞰 例, 興徐行, 指 龍 城 下 直 揮 門, , 次第赴合 使之後。 止 宣 重,雉 儀仗 前牙 於街 德

依舊排 內, 瑟 入,惟於 習旣畢, 前 去不 列 外 排立。 或言新制嚴密,慮違犯者衆,因不果行 通人行處,其儀仗、殿前指揮使等,各於巷口排立,止 或駕 幸園 其隨駕臣僚及諸 苑、宮觀、寺院幷臣僚宅, 司人,自依常 卽淸道馬、儀仗、 例隨從,候駕行,依 絕行人,餘並 殿前 次排 指揮使、 列。 一如故。 或臣僚宅 天武官 時詳定 更不 在

請 人隨之。 自 今車 嘉 站 駕 六年,先是,幸睦親宅,抱駕頭 出 以 阁門祗候丼內臣各二員, 、內臣 分駕頭· 一墜馬, 左右扇筤後編欄, 壞駕頭。 太常禮院、 仍以 **閤門及整肅禁衞所** 皇城司親 從

外,添; 充塡 不足, 刨 几 於 人,分四 前 哲宗 撥 引 於 差 據 過東 行 行 編 人數均差, 門之前 紹 隊,內人 攔 西 聖二年,詔 天 外。 班 武 殿 隨 人 員各同 侍 仍別 員 身器 馬 、 長 車駕行幸儀衞, 四 兩 差 械, 行共二百 隊 人 各別 (員六· 金槍 禁衞 給銀 人。 人,揀選 御 班 龍 添 骨朵 內殿直、 駕後 直、 有 弓箭 東西班殿侍馬兩隊, 行 作 散員、散指 駕後 止 直、 七十八人, 舊 馬隊、殿前 人充, 弩直、 揮、散 出 長 內人員三人。 入 行, 指揮 都 <u>1</u>E 撥充駕前編攔,分兩 頭、散 於宣 仍 一使馬, 各添 德 祗 門外 給 以百 候, 弩手 銀 並 骨朵。 人分四 班 增作 行 添 在 兩 壁行 禁衞 隊 百

南 渡 後 乘輿出入, 初未有儀。 高宗將迎韋太后于郊,因製常行儀仗, 用黃塵仗二千二 1

宮

FF

正月, 五 + 百 人,皇 六 人, 十五五 詔 一城在 崇政 人。 駕 出 內 殿四 孝宗 御後殿坐,宰執、百官、儀衞等赴後殿,起居殿上,登輦,出後殿門, 巡 檢司 百 朝德壽宮,減一千人, 匹 五百二十八人,崇政 一十九人,凡一千四 |百六十· 用殿前 一殿五 九 司六百二十九人, 百二十一 人。 几 人, 孟 詣 凡一千九百二 景 、靈宮, 皇城 用殿 在內巡檢司三百九 十四四 前 司 八百 駕 田 九 -6 , 年 -

祥

曦殿門

從 赴 年 親 未 有 扇 坐 六月 備 德 物 從二十 司 儀 鳴 御 壽 排 者 上 太 鞭 「,當 宮 詔 F 言:「漢之未 龍 列, 皇儀衞。 起 直 燭 禁衞 以義 居。 三十人, 罩等合 快行 起, 皇 如 百 親 日常朝殿,差御龍 |央,唐之興 隆興元年,孝宗嗣位,詔 遇 極 五 從二 九 執織 行幸,令禁衞 其 百 十 尊崇, + 七 扇 人,殿 天武一十人, 隨 (慶,其 畆 爲萬 行 應 前 扈 所隨以 世法。」 指 從。 車 直 行幸, 辺 辇 揮 儀 使二 前 十三人,執 祗 崇政殿親從攔前一十人。 逐 引 則 衞 有 應。」 -禁衞 定宰執、 不 七 司 載 -討論德壽宮興輦 兩 人 所 仗排 奉 中道六 : 内 今父堯子 差行門、 百官詣德壽宮 上皇旨, .行宮殿 立 + 丼 禁衞 舜,事 設 却 前 繖 儀衞。 而 崇 編 諸 扇, 不受, 禁衞 排 政 起 親 班 禁衞 殿 典禮, 鳴 直 居 先是, 鞭。 親 重 故 天 則 從 子 行 凡往 武 禁 復 宰 几 子 有是 親 衞 + 執退朝, 重四百 興三十二 古 從 所 人,都 + 官 依 來 今所 及 後 執 繖 殿 仍 尋

志

第

九

+

七

儀

衞

燭罩都下親從一百人;第四,內殿直一十人,散員、散指揮、散都頭、散祗候、金鎗、銀鎗班 第一,崇政殿親從一百人;第二,御龍直、骨朵直、弓箭直三十人,東西班七十人,第三,執

各一十人,後從殿前指揮使二十人。

所乘興,名之曰「大安輦」。 天聖元年,有司言:「皇太后車駕出,合設護衞:御龍直都虞候一 寬衣天武百人。餘諸司祗應、鳴鞭、侍衞,如乘興之儀。」詔依。 門三人,長行二十人,帶器械。皇城司禁衞二百人,寬衣天武二百人,供御輦官六十二人, 班都虞候一人,都知一人,行門三人,長行二十人,帶器械;右班指揮使一人,都知一人,行 副都頭二人,十將、長行八十人;弓箭直指揮使一人,都頭二人,副都頭二人,十將、長行五 人,都頭二人,副都頭一人,長行五十人,十將已下(至);骨朵子直都虞候一人,都頭二人, 十人,弩直指揮使一人,都頭二人,副都頭二人,十將、長行五十人。 殿前指揮使兩班: 左 皇太后儀衞。自乾興元年仁宗卽位,章獻太后預政,侍衞始盛。 用禮儀院奏,製皇太后

頭二人,長行二十五人。 行二十五人; 嘉 站 八年,英宗卽位,太常禮院言:「準詔再詳定皇太后出入儀衞:御龍直都頭二人,長 骨朵子直都頭二人,長行四十人,弓箭直都頭二人,長行二十五人,弩直都 殿前指揮使兩班,各都知一人,行門各二人,長行各一十人,帶器

被 官各 皇 一城司 一員、內 禁衞一百人, 寬衣天武一百五 東門司 使臣二員。 御 辇 院 短 十人、打燈籠子親事官八十人。 一鐙、教駿、攏 馬親事 官,入內院子,諸司 入內 都 井入 知 御 、內內 薬

省

砥

應

內品,

人數不定。」詔

依

內院 隨 太 司 員 車子 皇太后 長行各共三十人; 翰 冶 子 林院、 御 上城司 平元 画 五 藥 儀範已定,皇太后合設儀衞 應 + 院 年, 人, 人 親從官一 車子院 使臣二 擎檐子供 充圍 詔 皇太后出 御膳 子皇城 員 百人,執骨朵寬衣天武官 弓箭直、弩直差指揮使、 素 御 內東門 | 輦官 廚、化成殿 入唯 口 親 司 ,執擎從物等 事官八十人。 不 使臣 .鳴鞭(云), : 御 深果子 龍直、 員, 庫,並 他儀衞 供 內酒 骨朵子 打燈 百 都 御、 從。 五十人, 頭、 坊、 次 籠 如章獻明肅故事。 副 直 遇出 供 御廚、 短 差都 御 都 充圍 鐙 并下 頭 新 馬、 法酒 各一人, 虞候、都 城 子行宮司 門,添差帶 都 攏 庫、儀 螯 馬 直等, 親 頭 + 從官 癥 四 將、 人 副 器 年,神宗 司 員 都 、數不 乳乳 長行各共二 帔 共一 金 頭各一人, 內 酪院、 銅 臣 定 百人, 車 嗣 位 翰 椶 都 詔 車 入 林 知

盜 依 殿 慈 侍 直 聖 共一 哲宗 几 光 + 獻 百 $\overline{\mathcal{H}}$ 卽 皇 位 人, 人, 元站 后 御 快行 之例 元 增 直 年 至二十人。 肥 , 几 詔 m + 太皇 又詔 五 人,皇城 太后 :太皇太后 軍頭引見司監官二員,並將帶承局、 出 司 入 禁衛 、儀衞 出入入 五 並依 儀 十人, 衞 章 派 獻 馬 御龍骨朵子直三 明 隊 肅 三百 皇后 五 故 十人, 事 等子, 十六 東 其 不 西 依隨 人, 班 可考者 駕 茶 御 例祗 酒 龍 則 班 弓

應;鈞容直丼動樂殿侍,則候開樂取旨。

衛而差省焉 過飾儀從。 其車以興不以釐,餘惟繖、扇而已。 朝謁景靈宮、太廟,則用禁衞諸班直、天武親從五百人。其前引、中道、圍子,同上皇儀 仁、英、哲之世,太后臨朝垂簾,儀從亦不崇侈,止曰儀衞, 器物惟塗金,輿前用黃羅繖扇二,緋黃繡雉扇六, 紹興奉迎太母,極意備禮,然猶曰太后天性朴素,不敢 紅黃緋金拂扇二,黃羅 無鹵簿名 也。 南渡後 尤簡 暖扇

太妃繖 禁衞 紅黃 十,侍從官入內省都知或押班一員,內侍省都知或押班一員,皇城司、御藥院、內東門司各 五. 三人,骨朵子直三十三人,弓箭直二十三人,弩直二十三人,天武官一百五十四人,皇城 十八人,燭龍七十,諸 員,帶御器械內侍八員,引喝內侍一員。殿前指揮使三十二人,內人員二人,御龍直三十 **兼用,從皇太后出入,則止用紅** 一百人,入內院子五十人,行宮司一百人,輦官供御六十二人,次供 皇太妃出入儀衞。哲宗紹聖元年,三省、樞密院言:「增崇皇太妃出入儀衞:龍鳳扇二 用 紅黄 羅。 參議得皇太后出入銀用紅黃,今皇太妃若亦用黃,則非差降之意。 司 御燎子、茶牀、快行親從四人。」禮部太常寺又言:「元祐三年、詔皇 御四十九人,下都 伏請

燭、皇城司 直 徽 宗 出 告寧元年,臣僚言:「元符皇后**」** 親 御 從官、 龍 由 宣 弩直 德 金銅車丼椶車 二十二人, 殿前指揮 IE. 門、增 龍 鳳扇二十,御龍直 ,隨時定數供須。 ,先帝皇后也 十三人,皇城 十二人, 行幸 司 共 藥架 禁衞二十人, 、典禮宜極褒崇。」於是約 御龍 一坐,勾當官、吏人二員,封 骨朵子直 快 行 十七人, 親從官四人, 聖瑞 御 龍 執

員

三人,擡檠藥架輦官

+

一人,秤、庫子

親事官,

量差

人

數祗應。

從之。

常 柄。 出 龍 五 皇 御 五 司 合要數 龍 十人。 官 寺 城 鳳 **奏**:「 弩直 輦官 司 繖 年,臣 御 紅 一典禮, 龍 供 員, 供 百 二十三人,今添作四 快 黄 人 御六十二人,次供 須 行 骨朵子直三十三人, 僚 御 兼 禁衞 親 準聖瑞 用。 輦 义言:「元符 從 行 院 官 幸 ,今添作 輪官 出 藥 儿 皇太 人、 架 由 隨 從,諸 宣 今添 妃 皇后, 坐,勾當官一員,更人二員,封題一 百二 徳東 例, 御 + 作 四 今添 五 司 元符末嘗預定策之勳 侍從官 + 門, 亢 十人。 人。 御 人。 九 作 燎 今欲 人, 殿前 五. 子、茶牀、 入內內侍省 執 天 十人。 都 出 、武官 燭、 指 下 入 揮 皇城 由宣 五 一百五 御龍 三十二人, 帶 十八 御 司 德 都 弓箭直三十三人, 器 親 (1), 人。 知 IE 十四四 從官 槭 門。 或 內侍 御龍 押班 以 今添作四 龍 承 員, 金 十人, 行宮司 直三十三人, 鳳 神宗、 銅 藥童 員, 扇 車 引 + 並 皇城 哲宗之志。」禮 + 今添 喝 一百人,入 五 椶 柄, 內 車 Ý 御 作 侍 逐 今添 今添 擡 樂、 內臣二人。 几 樂樂架替 時 + 内院子 作 作三 內 內 五 部 興 几 東 中 用 FF 太 批

官十一人,秤、庫子親事官,量差人數祗應。」從之。

簡素,后尤簡焉。出入朝謁宮廟,用應奉御輦官一員,人吏三人。供應六十三人:內人員十 人,服同上,輦官惟雲鶴帶。 捷腰帶、紫羅表夾三襜、緋羅看帶。 五人,頭帽、紫羅四揆單衫、金塗銀柘枝腰帶;肩擎輦官四十八人,幞頭、緋羅單衫、金塗海 一十三人,服同肩擎官,惟行獅帶。 皇后儀衞,惟東都政和禮有鹵簿,他無鹵簿之名,惟曰儀衞而已。中興後,皇太后旣尙 次供應十四人:內人員一人,服同上,惟海捷帶; 都下五十四人: 內人員一人, 帽服同前, 輦官五十三 輦官

校勘記

- 作兩 隊隨駕 「隊」下原行「馬」字,據下文右班「作兩隊隨駕」句和太常因革禮卷八五 删
- (=)岩隨駕 不 使馬 隊 駕 原作「馬」。 按此處係敍述隨駕馬隊,「馬」當爲「駕」;太常因革禮 卷八五
- 正作「駕」,據改。
- 叉六軍 <u>朱繪要職官三三之六,「六軍儀仗司」上不當有「右」字。</u> 儀 仗司 「又」原作「右」。 按宋以左右羽林、 龍武、 太常因革禮卷八五「右」作「又」,據改。 神武 爲六軍,掌郊祀、 朝 會儀 仗, 見

压 長行五十八十將已下 本句有誤。按太常因革禮卷八五作:「十將、長行五十人。」和下文敍述

一致,疑以因革禮爲是。

<u>(</u>₹) 詔皇太后出入唯不鳴鞭 「皇太后」原作「太皇后」,據宋會要輿服一之一三、長編卷二〇一改。

(主) 元符末嘗預定策之勳 「末、原作「未、。按宋會要后妃一之二〇,崇寧元年七月八日詔:「元符

皇后自今應共須薦獻之物,並依聖瑞皇太妃元符三年體例,以后於元符末嘗麥預欽聖援立之謀

也。」據改。

三三九七

芯

第 九 ٦٠ -1:

校 勘 記

未更卷一首四十五

志第九十八

儀衞三

國初鹵簿

犀牛,六軍以孔雀爲文。舊,執仗軍士悉衣五色畫衣,隨人數給之,無有準式,請以五 衛以瑞馬,驍衞以雕虎,威衞以赤豹,武衞以瑞鷹,領軍衞以白澤,監門衞以師子,千牛衞以 議三金吾及諸衞將軍導駕及押仗,舊服紫衣,請依開元禮各服本色繡袍。金吾以辟邪,左 生之色爲次、黑衣先之、青衣次之、赤、黃、白又次之。 大駕鹵簿之制,惟得唐長興南郊鹵簿字圖,校以令文口,頗有闊略違戾者。 蚁 初 鹵簿。 太祖 建隆四年,將郊祀,大禮使范質 與鹵簿使張昭、儀仗使劉温叟, 大駕五輅,各有副車,近代寖廢,請依 禮儀使陶 同詳定 穀建 行 相 右

志

第九

十八八

餞

御三

令文用 令文 會删 象自 部 以 旗 旗 -1-八宿 軍 (三),皆有 頭 一副 【來,又 禮,亦皆陳於殿 增 主、都虞候攝事,中郎將、都尉以指揮使、副指揮使攝事,校尉、主帥以軍使、副兵馬使、 君 王 六引 又作大蓥,皆率意定 旗、十二辰 都 萬 作 頭 架, ---..歲旗一,天下太平旗一,師子 金鸚鵡、 其 案 鹵 將攝 南郊用之。 阴 旗 簿各依本 宗 庭 舊 事. 玉 龍墀十三旗、五 妃 圖 凡馬 馴 大黃龍 其制。 導駕三 닖 少儀 象旗 以 給。」從之。 穀义 仗,共一萬一千二百二十二人,悉用禁軍 引 負 太祖 方神旗、五方鳳 而 圖 取天文大角、攝 儀仗法 旗 ,旗二,金鸞旗一,金鳳 义詔 陳於明德 舊清 別造大黃 物 游 人 数多, 隊 門前,餘二十 旗、四瀆 有 提列星之象,作攝 龍 甲 周太 負 騎 族。時 圖 具 旗 旗一、大神旗六、 祖 、裝, 旗悉立 一,五 鹵 有貢黃 亡其 簿 六引 龍 於宿頓 提 制 鸚鵡 旗五 度 旗 而 及北 分穀 大 人數 宮前 白 將 日 以其 旗 긔 軍 、將軍 旗、二 及馴 + 所 遇 請 月

羽儀 特 簿 排 列、儀 衞 大校勾當儀仗兵隊,捧目、天武庙主四人,編排捧目、奉宸隊及執仗人,內諸司使、副使 四年,始令改畫衣爲繡衣,至開寶三年而成,謂之|繡衣鹵簿」。其後郊祀皆用之。 乾 自是寖甚。 德三年, 似使 《糾督之,大禮及餘使同按閱, 蜀平,命左拾遺孫逢吉收**蜀法**物,其不中度者悉毀之。 每大祀,命大禮、禮儀(三)、儀仗、鹵簿、 致齋日巡仗。 橋道頓遞五使,鹵 又命殿前大校管勾捧日、奉宸隊 是歲,太祖親閱 簿使專掌定字 車 鹵

三員同押儀仗,別二員編排導引官。 六年, 詔節度使已下, 除在京巡檢及押儀仗外, 並令服

榜褶衣導引。

武外,步騎一萬九千一百九十八人,此極盛也 警場青城,又別爲圖,圖成,以藏祕閣。 太宗至道中,令有司以絹畫爲圖,圖凡三幅,中幅車輅、六引及導駕官,外兩幅儀衞,其 凡仗內自行事官、 排列職掌丼捧日、奉宸、 散手天

中書、樞密院一行在東,親王一行在酉,餘依官次。大中祥符元年,改小駕爲鸞駕。 至內殿崇班,各二人。少卿監,諸行郎中已下,閤門祗侯已下,各一人。又詔南郊引駕官, 諫議,知制誥,大卿監,金吾大將軍,樞密都承旨、副承旨,客省閤門使、副使,諸司使、 事,樞密副 [真宗咸平五年, 詔南郊儀仗引駕官, 不得多帶從人。宰臣, 親王, 樞密、宣徽使, 參知政 使,三司使,各四人。尚書,節度使,翰林學士、侍讀、侍講學士,各三人。 給事 副使

爲圖記十卷上之,詔以付祕閣。凡大駕,用二萬六十一人,大率以太僕寺主車輅,殿中省主 衣冠、幬蓋,軍器庫出箙、弩、矢,內弓箭庫出戎裝、雜仗。凡六引導駕、太僕卿、千牛將軍 隊、大角、五牛旗,門下省主寶桉,司天臺主鐘漏,太常主鼓吹,朝服法物庫出旗器、名物 興輦、繖扇、御馬,金吾主纛、稍、十六騎、引駕細仗、牙門,六軍主槍仗,尚書兵部主六引諸 自太祖易繡衣鹵簿後,太宗、眞宗皆增益之。仁宗卽位,儀典多襲前世,宋綬定鹵簿,

志第

九十八

殿中侍 **黄**麾仗, 揮使攝。 武 京朝官 勝 、寧朔、虎翼兵。 御 內諸司使、副使以下攝事。 則遞減 史、 校尉、主帥、旅帥、隊正以軍使、副兵馬使、都頭、副都頭、 司天監少府監僚佐局官、乘黃令、大將軍、金吾上將軍、將軍、六統軍,皆以 其數。 大將軍、將軍以軍 仗內用禁軍諸班直:捧日、天武、拱聖、神勇、宣武、 主、都虞候攝。 中鄓 將、郞將、都尉以指揮使、 十將攝。 餘法駕、 鸞駕、 驍騎、 副指

景祐五年,賈昌朝言儀衞三事:

端冕顒 宮,鼓吹振 未爲允稱。 宮。 不足以昭文物, 夫毬杖非古,蓋唐世尙之,以資玩樂。 昂,鼓吹不作,而 日 南 作,即 郊 况導駕官 鹵 叉不 復 .簿,車駕出宮詣郊廟日,執毬杖供奉官,於導駕官前分列迎引,至於齋 使 可以備軍容。 就 风 省員數悉備,何煩更有此色供奉官,謂宜徹去毬杖, 乃陳戲賞之具,參簪紳之列,導迎法駕, 列 常時 豫游, 其執之者皆褻服, 或宜施用。 方今夙夜齋戒, 錦繡 入 于 珠玉,過於 祠 宮。 稽諸 親 俟禮 奉 侈 典儀, 麗,旣 大 畢還

循,尚未改革。 寶之飾,駕以 日大駕 小 鹵 竊以郊祭天地,廟見祖宗,車服所陳,動必由禮。 駟,馭以丱童,自是以來,遂爲法從。 [簿,有羊車前 列。 臣案羊車本漢、晉之代,乘於後宮。 唐制 兼有 藿 車、副 至於四望、耕根之屬, 車之名,國 隋大業 中,增金 朝因

兼 包 ·歷代,皆或有因,豈容後宮所乘,參陪五幣。 欲望大駕不用羊車,所冀肅恭,

後仗衞· 物, 事 及 士卒將領者, ,,旁陳象物,仰法乾行,四方之人,觀禮於是,宜詳制度, 五 亦或 一使量 三日 次第, 泛差互。 南郊大駕鹵簿,儀衞甚衆,有司雖依典禮,名物次第,兵杖數目,預先分布, 行 案閱。其 自殿門至郊廟分列之處,詳視先後及器仗名品,無令差忒。 於致齋前命儀仗、 押當官但以行 、如被差執掌吏員兵伍, 素不閑 事爲名,從便趨進,失其處守。 鹵簿使令有司 執簿籍率押當官暨諸衞、 [習,行列先後,多失次序] 以示光華。 竊謂三載親郊, 諸省 請 大駕 國之大 所持名 鹵 執仗 簿前

庭制 畢降壇,導至青城,由青城前導歸大內。 隋禮儀志曰:『漢氏 詔 今昌朝 禮儀 也。 言宿 使宋綬與太常禮院同詳定以奏。 况歷代載於興服志(至),自唐至今,著之禮令,宜且 : 齋之時,不可陳玩樂之具。 或以 人牽,或駕果下馬。』 請郊祀前一日, 後漢劉熙釋名曰:『贏車、羊車,各以所駕名之也。』 綬奏:「鹵簿內有諸 此乃漢代已有,晉武 應供 一仍舊。 司 奉官等令宿幕次, 供奉, 偶取 其鹵 蓋資備物, 乘於後宮 簿儀仗,遇南郊前 俟皇帝 以 ,非特爲掖 奉 乘輿。 行禮

素備 二年,將享明堂,鹵簿使奏:「法駕滅大駕三分之一,而兵部亡字圖故本,且文牘散 ,願依昌朝所奏,下儀仗、鹵簿使加 點閱,使之齊肅。

志 第 九 + 八 儀 衞

五使預

閱

請以 駕 左右 駕 逸 南 頭 鹵 郊 雖 閣 墮 Ŧ 簿 粗 門 牛 用 馬 有 ,駕頭 祗 在禮 ,皆服紫繡戎服, 萬 名數 候及 有一 當 n 較之禮 壞 內 千八十八 乘 侍各二員, 金輅,而 御 史 令,未 中 人。 珂 丞 或 韓絳 珮 扶駕 有以裁 詔 嘉祐 乘 騎 大 頭 奏 而 請 輦, 其中。」詔禮官與兵部加考正, 左 年船 前 右 嚴 宜著于令, ·,次扇: 儀 節 享,用禮 衛,事 度 筤, 使 亦 下 儀 又以皇 常以 **閤門、太常禮** 衣袴褶 使奏:「南 大輦從。」六年,幸 城 導駕 親從兵二十 郊 院議 仗, 如 爲 舊 金 圖 例。 吾 以 人從 遂 上 奏。 合奏 陸 是 將 其 親宅, 月, 軍 及 三「車 上 禮官 內侍抱 圖 駕 統 奏 法

木牛 萃, 義 副 載 後 神 車 世 宗 旗 也 車 熙 用 駕 寧 人 諸 儀 七 興之,失其 、輅之副, 仗, 年 多雜 詔太常看 宜次 秦、 (本制 IE 漢 詳 輅。 制 兵部 宜除去。」 度, 羊 大 車 當革其尤者。 駕 ,前代宮中 一從之。 鹵簿字圖 -所乘; ,遂奏言:「制器 周禮 車僕:『凡 五牛 旗, 師,共革 尙象,有 蓋 古之五時副 車,各以 其 數者,必 車 其萃 也, 有 以

宮中導從之物,不宜用諸 揾 南 規 郊 提 旗 茍 元 皇帝自 豐 所 簡 元 繪 MI 年, 因 大 形 循已久; 次 詳定所言:「 、及龍 至 版 位,內侍二人執翟 、虎、仙 或事 郊廟。 大駕 出 童 詔 興聲 大 畤 則。 神、 m 不足爲法。」 仗衞 金鸚鵡、 羽前導,號曰一拂翟」。 儀 物, 黄鸚鵡、 兼 詔令 取 歷 網子、 更定。 代所 螣蛇 用, 拂翟不出禮典,乃漢乾祐 於是請去二十八宿 其間 神 龜 情文訛 等 旗 妕 舊制 甚 五. 親 或 而

又禮文所言:

德車 戟,各四赤,戟矛皆插 以黼,皆戾於古。 加棨戟於車之右 太常則繪三辰,加升龍、降龍,大旂則繪交龍、大赤鳥隼、大白熊虎、大氅龜蛇而 ,使之應禮。 、武武 近 制 ",金輅不以金飾諸末,象輅不以象飾諸末,革輅不鞔,木輅不漆,請改飾四輅 固異用矣。 又古者,五輅皆載旗,謂之「道德之車」。 浅江記車戟崇於安, 會矛崇於 ,韜以黼繡之衣。 請去五輅關戟,以應「道德」之稱,而建太常於車後之中央,升輅則由 車騎,謂之「兵車」。 漢鹵簿,前驅 後周 有 司輅,左建旗,右建闟戟,闟戟方六尺,而 鳳 戰國尙武,故增插四戟,謂之「關戟」。 凰關戟, 猶未施於五輅。 江左以來,五 宝其宴 一被之 輅 則 知

玉輅,非制。 右, 則齋 又按周禮:「大馭,掌馭玉輅以祀。」則祀乘玉輅也。 乘金輅也。 請進金輅,俟太廟祠畢,翌日,御玉 齋祀之車,異用而不相 因。 一輅詣 國朝親祠太廟,致齋文德殿,翌日即進 郊 齋僕掌馭金輅,齋右 充金輅之

兼九國 敢 '曠左,左必式。」蓋古者後車餘輅,不敢曠空,必使人乘之,所以別曠左之嫌也。 又周禮戎右職曰:「會同,充革車。」儀禮曰:「貳車畢乘。」禮記曰:「乘君之乘車,不 車服,西漢因之,大駕屬車八十一乘。後漢志云:「尚書、御史所載。」揚雄曰:「鴟

志

國 夷 朝 國 鹵 器 [簿, 車 託 於屬 十二乘,虛設於法駕之後,實近曠左之嫌。 車。 則是漢之屬車,非獨載人,又以載物, 請 亦儀禮 令尙書、御史乘之,或以載 所謂「畢乘」之義也。

乘, 則 又 其 言:「法駕之行,必有共興者,蓋以承淸問。 禮 益 重。 故道 德之車 則有 齋 右、 道右, 武 周官有太僕、齋僕、道僕,所以御 車 則 有 我右, 皆以 士大夫爲之。 車, 或 朝 至

制

澳有

太僕

而

無參

乘,請增

近

臣

員

了; 立,

車右。」

溗

輿

服

輅。 神宗 從 大麾。 軍 其後, 更 員 製 諸輅 新 職 詔 掌 之 玉 增製 副, 輅,六年正 諸 軍 五輅 各次正 諸 司 及 二萬 參 一月,御大慶殿受朝,先夕 一輅,仍 乘,玉 二千二百二十一人。 存 闟 輅 戟 建 焉。 太常, 時 金輅. 大駕 陳諸 建大旂,象輅建 鹵簿, 初, 庭, 玉 幣自 仗下 夜半徹幕屋, |唐顯 官 大赤、革輅建大白、木 百 慶 中 几 傳 + 壓焉。 之, 六 負 號 自 執 I是竟i 顯 仗 慶 輅 輅 乘 押 舊

吹、五 心 六引內係羣臣 制 徽宗 局 一色衣 言:「 建 旛 鹵 中 排掌 .鹵簿,而旗物通畫交龍,非便,合鳌正。」七年,兵部尚書蔣猷請令有司取天聖 **簿** 靖 六引 或 元年, 交龍。 儀 仗, 太常寺狀具南 信 按樂令,三品以 幡 承 以 雙龍 郊儀仗, 上 大 緋 角 掌 黑漆 人兵二萬 畫 蹲 畫 豹 龍 紫 千五. 濫 繡 唯 龍 百七 乘 袋, 興器用 十五五 長 八鳴、次 人。 並 飾 鳴、 政 以 和 大 龍 四 小 横 今

鹵簿圖記,更加考正可否而因革之。 韶如其請。 宣和元年,蔡攸被旨改修,凡人物器服,盡

從古制,飾以丹采,三十有三卷。

慶、册、親饗皆用焉。是年冬,玉輅成。 書莫將等檢會本朝文德、大慶殿舊儀,下太常定,用二千二百六十五人,於是始備黃麾仗, 法服、儀仗赴行在所。 十一月,帝郊於揚州,儀仗用一千三百五十五人。 倉卒渡江,皆爲金 兵所焚。 高宗初至南京,孟太后以乘興服御及御輦儀仗來進。 紹興十二年,有司言:「天子起居,當備法駕,况太母回鑾,將奉郊迎。」途令工部尚 建炎初,詔東京所屬起發祭器

紬代。 常又奏,前後六引鼓吹八百八十四人,舊制騎。 始增捧日、奉宸隊,合一萬五千五十人。 鹵簿之制備矣。 三十一年九月,行明堂禮,儀物視 旗物用繡者,以錯采代; 革帶者以勒帛代。 曰:「事天貴質,若惟事華麗,非初意矣。」十月,鹵簿器物及金象革木四輅、大安輦皆成。太 繡者,以生色代。 明年,郊,準國初大駕之數,一萬一千二百二十二人。內舊用錦襖子者以纈繒代,用銅 禁衛班 直服色,用錦繡、金銀、真珠、北珠者七百八十人,以頭帽、銀帶、 殿前司仗內金槍、銀槍、旗幹,易以漆飾;而拂扇、坐褥以珠飾者去之。帝 而指揮使、都頭仍舊用錦帽子、錦臂袖者,以方勝練鵲羅代; 車路院香鐙案、衣褥、睥睨, 今路狹擁遏,欲止令步導。從之。十六年, 御輦院華蓋、

曲蓋及仗內

瞳角等袋用 纈羅衫代。 用絁者以

志第

郊祀省三之一,用一萬一千五人(云)。

後,以行都與東都不同,前二日止乘輦。 御仗,逍遙子還宮,導駕官兎步導。 人數則如舊焉。 大安輦皆省,止用三千三百十九人。 八十九人,蓋減紹興二十八年人數之半也。 三年始也。 孝宗隆興二年正月,以鹵簿勞民,乃令有司條具其可省者。 車駕遇雨,玉輅施障,從駕臣僚賜雨具,中道遇晴則撤。 自後,終宋之世,雖微有因革,大抵皆如乾道六年之制。 故事,祀前二日詣景靈宮,皆備大駕儀仗、乘輅。 次日,自太廟詣声城,始登輅,設鹵簿。 乾道六年之郊,雖仍備五輅、大安輦、六象,而 次年郊祀, 止用六千八百 郊壇遇雨,則就青城放 若明堂,則四輅、 自紹興 中興 +

吾上將 以上各用本品鹵簿。 者,所在刺史、縣令導駕,準此。 二人夾,纛矟皆 大駕鹵簿。象六,中道,分左右。次六引,中道。第一,開封令;第二,開封牧; 軍四人,將軍四人,大將軍各一人,折衝都尉一人。 中道 次震十二。每蘇一人持,一人托,四人撦,騎二人押。次爆稍騎八,押衙四人騎引。 第三,太常卿;第四,司徒; 第五, 大將軍、都尉並夾以 欙矟二, 每矟一人執, 御史大夫;第六,兵部尚 駕從餘州縣出 左右金

次清游隊。 左右道。 白澤旗二,一人執,二人引,二人夾,左右金吾折衝都尉各一人領。

十二,稍四十。次左右金吾十六騎,左右道,主帥各一人分領。弩八,弓箭十二,稍十二。次夾道

饮飛,騎。左右金吾果竅都尉各二人分領。 虞候**伙**飛四十八人,鐵甲依飛二十四人。

相間。 皮軒車。左右金吾衞果毅都尉各一人,來往檢校。次引駕十二里〔七〕。中道,並騎。弩八,弓箭八,稍八。 火、土、金、水星旗各一,左、右攝提旗各一,北斗旗一。次指南、記里鼓、白鷺、鸞旗、崇德、 二人引,二人護後;副竿二,皆騎,左右金吾果毅都尉各一人領。風伯、雨師旗各一,雷公、電母旗各一,木、 叉四十。 次前隊 受仗。左右道。左右領軍衞將軍各一人,犦矟四人,主帥四人,受八十,叉八十; 左右武衞屯衞主帥各四人, 殳各五十人, 叉各五十人, 左右驍衞主帥四人, 殳四十, 次朱雀旗一,中道,一人持,二人引,二人夾。弩四,弓箭十六。 次龍旗十二。中道,並一人執,

二在右,主帥二人騎領。 簫二十四,觱篥二十四,笳二十四,桃皮觱篥二十四, 掆鼓十二在左, 主帥二人騎領。 十四,拱宸管二十四,簫二十四,笳二十四,大横吹百二十,主帥十人騎領。 四人騎領。大鼓百二十,主帥二十人騎領。長鳴百二十,主帥六人騎領。鐃鼓十二,主帥四人騎領。歌二 次太常前部鼓吹。令二人,府史四人從。掆鼓十二在左,主帥四人騎領。金鉦十二在右,主帥 歌二十四、拱宸管二十四、簫二十四、笳二十四 小鼓百二十,主帥十人騎領。 中鳴百二十,主帥六人騎領。羽葆鼓十二,主帥四 節鼓二,笛二十四,

次司天監一人,騎,引相風、刻漏,中道。令史一人,排列官二人,騎從。相風烏興一,匠人一。交龍 志 第 九 + 八 儀 徿 == 三四〇九

鉦、 鼓各一, 司晨 、典事各一人騎從。 鐘樓、鼓樓各一,行漏輿一,漏刻生四人從。清道二人,十二神

輿 一。 司天官一人押。

長一人,鈒戟二百八十人,分左右;左右武衞將軍各一人,校尉四人,分左右。 罕一在左,舉一在右,朱雀幢一,叉一。青龍、白虎幢各一,分左右,叉各一。 史二人,黃麾一。騎二夾。 次持鈒前隊。 中道。 左右武衞果毅都尉各一人分領,校尉二人。絳引幡一,金節十二, 導蓋 一。 叉 一。 次殿中侍御 稱

第二隊,氐宿、房宿、女宿、虛宿旗各一,左右領軍衞果毅都尉各三人分領,兼第三、第四隊。 領; 兼第十一、十二隊。 第十一隊觜宿、翼宿旗各一; 第十二隊 參宿、軫宿旗各一。 隊婁宿、鬼宿旗各一,左右武衞果毅都尉各三人分領;兼第八、第九隊。第八隊胃宿、柳宿旗各 衞折衝都尉各一人分領;第六隊奎宿、井宿旗各一,左右屯衞折衝都尉各一人分領,第七 在右,餘隊同此。左右金吾衞折衝都尉各一人分領,弩十,弓箭二十,矟四十; 三隊,心宿、危宿旗各一;第四隊尾宿、室宿旗各一;第五隊箕宿、壁宿旗各一,左右領軍 第九隊昴宿、星宿旗各一,第十隊畢宿、張宿旗各一,左右聽衞折衝都尉各三人分 次前部馬隊。左右隊。第一隊,角宿、亢宿、斗宿、牛宿旗各一,執衣同龍墀旗,角、亢在左,斗、牛 並分左右,餘隊皆 第

次步甲前隊。 左右道。爆矟四,左右領軍衞將軍各一人檢校。第一隊,鶡鷄旗二,引、勢

毅 +; **冤旗二,左右** 分領,白鍪甲、刀盾六十;第九隊,麟旗二,左右聽衞折衝都尉各一人分領,黃鍪甲、弓箭六 武 啄 刀盾六十;第五隊,黃鹿旗二,左右屯衞折衝都尉各一人分領,黑鍪甲、弓箭六十;第六 分領,青鏊甲、弓箭六十,第四隊,三角獸旗二,左右領軍衞果毅都尉各一人分領,青鏊甲、 果毅都尉各一人分領,赤鍪甲、刀盾六十,第三隊,玉馬旗二,左右領軍衞折衝都尉各一人 同馬隊。 都尉各一人分領,黃鍪甲、刀盾六十。 . 衞折衝都尉各一人分領,白鍪甲、弓箭六十;第八隊,鸞旗二,左右武衞果毅都尉各一人 ,飛麟旗二,左右屯衞果毅都尉各一人分領,黑鍪甲、刀盾六十;第七隊,駃騠旗二,左右 第十隊,馴象旗二,左右驍衞果毅都尉各一人分領,黃鍪甲、刀盾六十,第十一隊,玉 左右 領軍衞折衝都尉各一人分領,赤鍪甲、弓箭六十;第二隊,貔旗二,左右領軍衞 衞 折衝都尉各一人分領,黃鍪甲、弓箭六十;第十二隊,辟邪旗二,左右衞果

一部。 盾 孔 衝 雀 都尉各一人分領 氅二十,小戟二十,揭鼓二,龍頭竿五 折 次前 衝 部黃壓仗。左右道。 都尉各一人分領,主帥二人。龍頭竿赤氅二十,揭鼓二,儀 頭竿繡氅二十,弓箭二十,矟二十,揭鼓二,綠縢盾二 主帥及氅鍠等並同第一部,餘準此。第三部,左右屯衞大將軍各一人檢校, 絳引幡二十,第一部,左右領軍衞大將軍各一人檢校,兼檢校第 色鵝毛氅二十,弓箭二十,龍頭 | +; 鍠 第二部,左右領軍衞 五. 色瞳二十,龍頭竿小 雞 毛氅二十,朱縢 果 折

志

第

九

左右聽衞大將軍各一人檢校,雖檢校第六部,折衝都尉各一人分領。第六部,左右衞果毅都尉各一 毅都尉各一人分領 第四部,左右武衞大將軍各一人檢校,折衝都尉各一人分領,第五部,

都頭各一人騎押。吏兵、力士旗各五,白幹槍五十,柯舒十,鐙仗八,相間。 馬旗二。左右羽林軍、左右龍武軍,並同神武軍。惟羽林用赤豹、黃熊旗各五,龍武用龍君、虎君旗各五。 次六軍儀仗。 中道、在殿中黃塵後。左右神武軍統軍各一人、本軍旗二,一人執,一人引、二人夾 排闌旗二十,掩尾天

龍旗各一、金鸞、金鳳旗各一、獅子旗二、日旗、月旗各一、君王萬歲旗一。 旗十三,中道,各一人執,二人引,二人夾,排仗將二人騎領。天下太平旗一,青龍、赤龍、黃龍、白龍 次引駕旗十六,中道,執人同六軍旗。十二辰旗各一,天王 一旗四。 排仗通直官二人騎領。 次龍墀

青龍、白虎旗各一。左右道。左右衛果毅都尉各一人分領七十騎,弩八,弓箭二十二,矟四 旗二,次五星連珠旗一,次祥雲旗二。以上並一人執,二人引,二人夾,佩橫刀,執弓箭。 次御馬二十四匹,中道,並以天武官二人執轡。尚乘奉御二人從。 次日月合璧旗一,次苣文 次長壽瞳一。次

次班 劍儀刀隊。 勳衞郎將各二人,班劍二百二十,爲第三、第四行,翊衞郎將各三人,儀刀三百七 左右道。左右衛將軍各一人,親衞郎將各二人,班劍二百二十,爲第一、

百四四 右 武 八,爲第五、第六、第七行: 十二,爲第十行,左右領 衞 翊 衛郎將各一人,儀刀一百三十八,爲第 左右聽衞翊衞郎將各一人、儀 軍 衞 翊 衞 郎將各一人,儀刀一百四十六,爲第十一行 九行:左右 屯 刀一百三十四,爲第八行;左 衞 翊 衞郎將各一人, 儀刀一 1; 左右

金 吾衞 次五 翊 仗。 **衞郎將各一** 左右道。 人,儀刀一百五十,爲第十二行 左右衞供奉中郎將各二人, 親勳翊衛各二十四人, 左右衞郎將各

官二人,進馬四人,千牛將軍一人,千牛八人,中郎將二人,長史二人,引駕官四人,天武官 二人。 三百人。次毬仗供奉官一百人。 二人夾,四旗屬兵部,每行次五方鳳旗。接寶三十二人,香案一,符寶 旗各一,五方神旗各一,五方龍旗二十五,五方鳳旗二十五,四瀆 第二隊、飛黃旗二、將軍各一人、弩、弓箭、矟同第一隊、下準此。 散手翊衛 碧襴二十四人,騎, 次左右驍衞、翊衞三隊。 金吾細仗。 各三十人,左右 殿中繖扇,千牛。中道。 內十四人,執儀刀。 、曉衞郎將各一人,翊 第一隊,花鳳旗二,大將軍各一人,弩十,弓箭二十,矟四十; 方繖二,雉扇 青龍、白虎旗各一,一人執,三人引,騎二人押當。 衞各二十八人。 四,四色官六人,押仗二人,金甲天 第三隊,吉利旗二,郎將各一人。 、郎一人,寶案 神 旗各一。各一人執,二人引 一,寶興 五嶽 輿士十

武

神

次左 志 右 第 偷夾轂 九 -隊。 儀 衞 左右道。第一、第四隊,朱鏊甲、刀盾各六十,折衝都尉各一人檢校; Ξ

第二、第五隊,白鍪甲、刀盾各六十,果毅都尉各一人檢校,第三、第六隊黑鍪甲、刀盾各六

十,果毅都尉各一人檢校。

五重相間。 次捧日、奉宸隊。左右道。 捧日三十五隊,隊四十人,騎;奉宸二十五隊,隊四十人。 並

右;正言二人, 分左右; 司諫二人, 分左右; 起居郎二人在左, 起居舍人二人在右; 二人在左,中書侍郎二人在右,侍中二人在左,中書令二人在右。次鳴鞭二。 大夫四人,分左右;給事中四人在左,中書舍人六人在右;散騎四人,分左右;門下侍郎 次導駕官。 中道。通事舍人八人,分左右;侍御史二人,分左右;御史中丞二人,分左 中道。 次宮苑 諫議

次殿中省仗。 大繖二,方雉尾扇四,腰興一,排列官一人騎領。 小雉尾扇四,方雉尾扇十

二,華蓋二,香鐙一。

次諸 次誕 μij 隨 [駕供 馬 二,玉輅。 奉。 次大辇,掌輦四人導,尚輦奉御二人騎從。 皇帝升輅,則太僕卿御,千牛大將軍二人夾輅,將軍二人陪乘。 殿中少監二人,騎。 前有誕馬二,教馬官二人。 本省供奉二人騎從。

次持鈒後隊。 中道。 左右武衞旅帥各一人,大繖二,大雉尾扇二夾。 大雉尾扇四,小雉尾扇

次

御

馬二

十四。

並以天武官二人執轡,倚輦直長二人騎從。

十二,朱團扇十二,華蓋二,叉二。睥睨十二,御刀六,玄武幢一,叉一。絳麾二,細矟十二。 次

大角百二十。 左右金吾果毅都尉各一人騎從。

拱宸管二十四,簫二十四,笳二十四;主帥二人騎領。鐃鼓十二,主帥四人騎領。 十四,笳二十四 次後部 鼓吹。 中道。鼓吹丞二人,騎。 小横吹百二十,主帥八人騎領。笛二十四,簫二十四,觱篥二十四,笳二十 典事四人騎從。羽葆鼓十二,主帥四人騎從。歌二十四 歌二十四, 簫二

尙 次黃麾幡二,騎二夾。 殿中侍御史二人,騎。 書令史四人騎從。 次五牛旗興各一,左右屯衞隊正各一人,騎,檢 令史四人騎從。 次芳亭輦一,鳳輦一,小興一,

進賢、 明遠、羊車。 次屬車十二。

次中書、門下、祕書、殿中省局官各一,騎。

並執銀裝長刀。

次乘黃令、丞二人。府史四人騎從。

次金、象、革、木輅。

次五

副

輅。

次耕根

四,桃皮觱篥二十

应。

衝都尉各一人分領 分領 人分領; 第三部,左右屯衞將軍各一人檢校,折衝都尉各一人分領 次後部黃 主帥肇蝗等並同前帝,下皆準此。 、麾仗。 第五部,左右驍衞折衝都尉各一人分領,第六部,左右驍衞 左右道,與殿中黃麾相並。 第二部,左右武衞將軍各一人檢校,折衝都尉各 第一 部,左右驍衛將軍各一人檢校,折衝 第四部, 左右領軍 折衝 国都尉各 都 衞 尉 折

志 第

各一人分領,絳引幡二十,護後主帥二十人。

第四隊。 隊 隊弩、 領軍衞果毅都尉各一人分領 隊, 犛牛旗二, 左右 弓箭同 各一人分領 左 弓盾同前隊第十二。 苅 人分領 右 第六隊、鷄鸛旗二、第七隊,飃飏旗二: 弓箭 盾同前隊第二。 「聽衞 仙 次步甲後隊。 前隊第七。 第四 後 稍 部 折 並 馬 隊,太常 衝 鍪甲、弓箭同前隊第三。 同 前隊。 第七 隊 **黎甲、刀盾同前隊第八。第六隊,孔雀旗二,左右** 都尉各一人分領 第二隊,鶡雞旗二,左右衞折衝都尉各一人分領,鍪甲、弓箭同前隊第十一。 第十二隊,貔 屯衛 左右道。 左右 第二隊,赤熊旗二; 隊,野馬旗二、左右屯衞果毅都尉各一人分領 旗二; 道。 折衝都尉各一人分領 第 第一隊,貔旗二,執、引並同前。左右衞果毅都尉各一人分領 第五 一隊, ;鍪甲、刀盾同前隊第四。第十 旗二, 第十 ; 隊 鍪甲、弓箭同前隊第九。 角端旗二,左右 一隊, 馴象旗 左右領軍衛折衝都尉各 第三隊,兕旗二,左右聽衞果毅都尉各三人 鷃雞 第八隊,騶牙旗二,左右屯衞果毅都尉各二人分 二,左右武衛折 ;鍪甲、弓箭同前隊第五。 旗二, 衞 第五隊,瑞麥旗二,左右 折衝都尉各三人分領 左右 隊,網子旗二,左右領 武衛折衝都尉各一人分領 領 衝 ___ 軍 都 人分領 衞 尉 果毅都 各三人分領 第九隊,甘露旗二, 鍪甲、刀盾同前隊第六。 尉各一 鍪甲、弓箭同前隊第 軍 **棄第二、第三隊。每** 衞 武衞果毅都尉 折衝 人分領 **銀第六、** 分領 都尉 左右 第八 鍪甲 第七 各 飨

領 第九隊,蒼烏旗二;第十隊,白狼旗二;第十一隊,龍馬旗二,左右領軍折衝都尉各二

人分領 第十二隊,金牛旗二

五 一十,叉五十;左右屯衞驍衞主帥各四人, 殳四十,叉四十。 都尉各一人,大戟五十,刀盾五十,弓箭五十,矟五十。 次後隊 受仗。 左右道。 左右領軍衛主帥四人, 父八十, 叉八十 ,左右武衛主帥四人, 殳 **次掩後**隊。 中道。 左右屯衞折

稍二十五,弓箭二十,弩五。 次眞武隊。中道。金吾折衝都尉一人,仙童、騰蛇、眞武、神龜旗各一,十人執,二人引,二人

衝

金槍 揮 儿 二十二人,下茶酒 鋪 一十鋪 御龍直二 十鋪,一百四十一 ,四百七十七人; **鈰**、五十三人; 車駕至青城,則周衞行宮及壇內外。 ,一百五十人;銀槍 十二鋪,三百八十五人,御龍骨朵子直一十二鋪,二百一十二人, 班一 東第三班六鋪,九十一人,東第四 人; 內殿直 鋪,三十一人; 散都頭一十鋪, 一十鋪,一百四十一人,散員一十鋪, 十鋪, 散直 其青城坐甲布列三百三十六鋪"殿前指揮使二十 一百四十三人;散祗侯一十鋪,一 百五十人,東第一班三鋪,五十二人,東第二 十鋪 班 百四十九人; 五鋪,八十四 鈞容直一十鋪,二百 一百四十二人;散指 東第五 百四十人; 御龍弓箭 班二鋪,

志

第

ル

+ 八

儀

衢 \equiv

殿親 直 六十三人; 行宮司親從一十二鋪, 一百八十人; 六千七百二十有四 隊及提舉 一十人; 從四 駕頭 十八 十六人,行宮殿門親從幷提舉人員二百四十人,把街約攔親事官貼諸處齪門 · 扇筤天武一鋪,三十二人;禁衞天武六鋪,三百一十人;約攔天武三十鋪 鋪 人員一百三人,殿前指揮使已下看守馬火甲隊一千一百七十一人,右禁衞諸 方圍子親從三十四鋪,三百六十人,禁衞崇政殿親從四十鋪,幷提舉人員共 二百九十六人,御龍弩直二十二鋪,三百五十六人,把天門天武一鋪, 快行親從四鋪,八十六人。行宮殿門崇政 匹 班

人,天武把門長行八人。 睘 壇東門外中道夾立諸班直主首引駕人員九人, 御龍四直門旗六十人, 御龍仗劍六

踏道。 圍至百官幕次,共八百六十二人。凡詣小次行禮,不須隨從。大次前裏圍抖攔前一百 **壝外諸門行宮司共一百六十人,宮架及壇東幄幕、宰臣百官幕次共六十人。 右自大次前外** 人,執燭一百二十九人,外圍一百八十人,行宮門及快行二十四人。右自裏圍至行宮快行共五 大次後把街約攔執事官五十一人。大次兩壁快行六十九人,於禁衞外排立壇周圍,守 大次前外圍親從四隊三十八人,執燭親從八十六人,行宮殿門一十二人,御龍直 裏圍親從 一十將、節級二十二人,壇從裏第二重方圍親從三百二十四人。大次及外 七十 四

百四人。凡詣小次行禮,隨從祗應。

使行門三十五人,內人員一十五人,壇東門夾立擎鞭長行一十人。右自青城赴增諸班親從文武及 等六百九十五人;第三重,散員等六百四十二人;第四重,散都頭等七百一十人; 御營圓壇巡檢下,總七千四百六十七人。 重,御營四面抖青城圓壇巡檢下步軍八百六十七人,第八重,御營四面巡檢下馬軍四百三 重,天武骨朵大劍約攔五百八十一人;第六重,御營四面巡檢下步軍八百六十七人;第七 圓 壇從外壝下分作九重:從中第一重,殿前指揮使等七百四十四人;第二重,御龍直 第九重, 御營四面巡檢及青城圓壇巡檢下馬軍四百三十四人。壇四門殿前指揮 第五

門天武一鋪, 鋪,二百一十二人,御龍弓箭直六鋪,二百九十六人, 鋪,二十二人;下茶酒班一鋪,三十一人;御龍直八鋪,三百八十五 人,共四鋪,六十人;東第三、第四班各四鋪,六十人,共八鋪,一百二十人;東第五 十人;金槍 內殿直、散員、散指揮、散都頭、散祗候、散直各一十鋪,一百二十人,共六十鋪七百二 駕至太廟,環衞如郊壇,坐甲布列二百六十三鋪。殿前指揮使二十四鋪,四百七十七 一十鋪,一百五十人;銀槍一十鋪,一百五十人;東第一、第二班各二鋪,三十 八人; 駕頭扇筤天武一鋪,三十二人;禁衞天武六鋪,三百一十人; 御龍弩直八鋪,三百 人; 御龍骨朵子 五 十六人; 直四 班二

志

第九

+

行親從 崇政殿親從四十鋪, 幷提舉人員共四百六十三人; 行宮司親從一十二鋪, 一百八十人; 快 177 鋪,八十六人;方圍親從二十四鋪,三百六十人; 約攔 天武三十鋪,三百一十人。

從, 至圜 隊 ,丼提舉人員一百三人,御營四面巡檢六員下步軍九百一十八人, 「壇巡檢下親從四十人。 行宮殿門崇政殿親從及提舉人員二百八十六人,把街約攔親事官貼諸 百四十五人。 左山商氏家藏宋人青城、閩增、太廟三圖,其布置行列, 右禁衞諸班直等御營四面巡檢軍兵,及青城至圜壇巡 親從四 極爲詳備, 十人。 處齪門一十二 因附鹵簿之後 青城內 檢下親

庶覽之者,可以考一代之制云。

黃麾仗前,第四門在黃麾仗後,第五門在步甲後隊第六後。 每旗二人執,四人夾, 並騎, 分 在掩後隊後。 凡 每門監門校尉六人領 鹵 .簿內牙門旗,中道四,分二門 ,左右道各十,分五門。 中道一門在金吾細仗前, 左右廂第一門在步甲前隊第六後,第二門在前部黃麾仗前,第三門在後部

屬車四,餘並三分減一。。泰山下、汾陰行禮、明堂、大慶殿恭謝用之,凡一萬一千八十八人。 導駕官。 又大駕,郊祀、籍田、薦獻玉清昭應景靈宮用之。 法駕,減太常卿、司徒、兵部尚書,白鷺、崇德車,大**輦**、五副輅,進賢、明遠車,又減 迎奉聖像亦用大駕,惟不設象及六引

聖像,太廟上册皆用之。 制無定,然皆減於小駕。 宮,奏告玉清昭應宮云,奉迎刻玉天書,躬謝太廟,皆用之。鸞駕舊用二千人,大中祥符 車、黃鉞車、豹尾車、屬車,小輦、小興,餘並減半。 五年,眞宗告太廟,增至七千人。兵部黃麾仗,用太常鼓吹,太僕寺金玉輅,殿中省大輦,其 又減縣令、州牧、御史大夫,指南、記里、鷺旗、皮軒車, 御樓、車駕親征或省方還京,迎禁中天書,五嶽上册, 建安軍迎奉 朝陵,迎泰山天書,東封、西祀,朝謁太淸 象輅、革輅、木輅,耕根車、羊

校勘記

- (1) 梭以令文 「令」原作「今」,據太常因革禮卷二七並參考下文改。
- Ξ 凡二十一旗 按上文所列旗數只有二十,據宋朝事實卷一一、玉海卷八三所載, 疑缺黃龍負圖

一族

- 禮儀 禮 字原脫,據本書卷九八禮志、太常因革禮卷三補。
- 諸省 原作「諸有」,據宋會要輿服 一之一九、太常因革禮卷二八改。
- (E) 輿服志 原作「輿衞志」,據同上書同卷改
- 萬 一千五人 于 原作「十」,據宋會要興服一之三九、玉海卷八〇改。

志第九十八 校勘記

(+) 次引駕十二里 按还海卷八○記宋初大駕鹵簿之制,於指南等車後有「引駕十二重」,疑此處

「十二里」爲「十二重」之誤。

(元) 玉清昭應宮 「應」原作「靈」,據上文和通考卷一一八王禮考改。

宋史卷一百四十六

志第九十九

儀衞四

政和大駕鹵簿幷宣和增減 小駕附

稍八, 並各一人。本衞上將軍、將軍各四人,本衞大將軍二人,並騎。 爆矟四,夾大將軍。 部尚書。 人,夾二人,並騎。 政和大駕鹵簿。象六,分左右。 各用本品鹵簿。次金吾纛、矟。 法駕、犦矟減二、本衞上將軍、將軍各減二人。 次六引:開封令、開封牧、大司樂、少傅、御史大夫、兵 左右皂纛各六,執、托各一人,紙四人。押衙四人,並騎。犦 執各一

凡仗內引、夾、執人數準此。 次朱雀旗隊。 並騎。 弩四,弓矢十六,矟二十,左右金吾衞果毅都尉二人押除。 金吾衛折衝都尉一人引隊,犦稍二,夾都尉;執旗一人,引、夾各二人。 法駕, 弩減

志第九十九 儀飾四

二,弓矢減六,矟減八。宣和,引隊改天武都指揮使,押隊改天武指揮使

各減 五星旗五,左、右攝提旗二,北斗旗一,護旗十二人,副竿二。 [![] 次龍旗隊。 宣和 ,檢校改左右衞大將軍,雷公、電母旗去「公」、「母」二字。 大將軍 一員檢校,騎;引旗十二人,並騎。 風伯、雨師、雷公、電母旗各一 執人並騎。 法駕,引旗、護旗人

記里鼓之下、崇德之前 士各十八人。 次指南、記里鼓車各一,駕馬各四,駕士各三十人;白鷺、鸞旗、崇德、皮軒車各 **法**駕,無白鷺、崇德車。 減白鷺、鸞旗、皮軒三車,駕士之數如前 宣和, 有青旌、青雀、鳴鳶、飛鴻、虎皮、貔貅六車, 駕

神勇都指 次金吾引駕, 揮使 騎 ; 本衛果毅都尉二人二一,儀刀、弩、弓矢、矟各減二。 宣和,改都尉爲

各二十四; 拱宸管、簫、笳各二十四,大横吹一百二十,帥兵官十人領。 十、長鳴減四十,鐃鼓減四,拱宸管後簫、笳各減八,大橫吹減四十,節鼓後笛、簫、觱篥、笳 人領。大鼓一百二十,帥兵官二十人領。長鳴一百二十,帥兵官六人領。鐃鼓十二,帥兵官四人領。 二,帥兵官四 次大晟府前部鼓吹。令二人,府史四人,管押指揮使一人, 掆鼓、金鉦各十二, 人領。 **掆鼓、金鉦各十二,**帥兵官四人領。 歌工、拱宸管、簫、笳各二十四。 小鼓、中鳴各一百二十,帥兵官八人領。 法駕,前後掆鼓、 節鼓二,笛、簫、觱篥、笳、桃皮觱篥 金鉦各減四, 大鼓 羽葆鼓十 帥兵官八 歌工

桃皮觱篥各減 一八,小鼓、中鳴各減四十,羽葆鼓減四,最後簫、笳各減八,帥兵共減十八人。

一,與士多大駕二人。 宣和,鼓、鐘樓並改爲興,太史正前有捧日副指揮使二人,捧日節級十人, 太史正一人、清道二人、十二神興一。興士十四人。 一,與士各六人。 史相風、行漏 司辰、典士各一人,並騎。漏刻生四人,鼓樓、鐘樓、行漏 等輿。 太史令及令史各一人,並騎。 法駕,行漏興一, 與士減四十人(三)。 相風烏興一,興士四人。 興各一,與士各一百 交龍鉦、鼓 神興

神與

(興士增·

右 稱長一人,銀戟二百八十八,左右武衞將軍二人檢校,左右武衞校尉四人押隊。 一,去龍虎旗後之叉三,檢校改用左右廳騎將軍 有 金節十二,執人並騎。罕、舉各一,朱雀幢、叉、導蓋,青龍、白虎幢各一,叉三。 次持鉞前隊。 左右武衞果毅都尉二人引隊,左右武衞校尉二人。絳引幡一,經二人。左 法駕,金節 執人並騎。

旗各二十合有,〔三〕吏兵、力士旗各五,掩尾天馬旗二,羽林有赤豹、黄熊旗,龍武有龍君、虎君旗各一。 左右羽林軍、左右龍武軍,各有統軍二員,都頭二人羽林又有節級二人。押仗,本軍旗各一,排闌 柯槍五十、哥舒棒十、鐙仗八。法駕、神武軍滅排闌旗十、羽林、龍武軍各滅四,吏兵、力 次黃廳幡一。執一人,騎;無二人。法駕,前有殿中侍御史二員。次六軍儀仗。左右神武軍、

志 第

九

,戟,羽林)

(無節級(量),黃熊旗改黃羆,龍武旗改熊虎

谷減 (国)。 宣和 ,統軍改軍將,神武軍旗改熊虎,排闌旗改平列,哥舒棒改戈戟,鐙杖

珠旗 檢校。 直二人,爲十二重。 下太平旗 (10)目、月旗各 一,祥雲旗二,長壽幢二日。 次引駕旗。天王旗二,排仗通直官二人押旗,十二辰旗各一。 **法駕**,同。 一,排仗大將二人夾旗,五方龍旗各一,金鸞、金鳳旗各 宣和,大將軍改爲左右驍衞大將軍。 法駕,减八,爲八重。 法駕, 減鸞、鳳、師子旗。 宣和,苣文改慶雲,祥雲改祥光。 宣和 ,御馬直改爲習馭。 次御馬二十 次日月合璧旗一,苣文旗二,五 应。 一,師子 控馬 法駕, 次中道隊。 每匹天武二人, 旗二,君王萬歲旗 可。 次龍墀旗。天 大將軍 星連 御馬 員

寶、天子信寶在右,爲四重。 執各一人,無各三人。法駕,五方龍、鳳旗各滅二。 欄之間。 次 次金吾細仗。 八八寶。 法駕,減碧欄八人。 鎭 國 神寶、皇帝之寶、皇帝行寶、皇帝信寶在左,受命寶、天子之寶、天子 青龍、白虎旗各一,五嶽神旗、五方神旗、五方龍 香案八,各以二列於寶興之前。 宣和,增引寶職掌二人云,香案職掌六人,援衞傳喝 宣和,改校尉爲使臣,五嶽 碧襴二十四人,符寶 旗、五方鳳旗各五。 神旗去「神」 鄓 親從 行 於碧

席

一褥、油衣共三人,香案、寶興各九,燭籠三十六(fb),碧襴之數同前

官每寶二十八人,節級一人,奉寶一十二人,昇香案、行馬、執燭籠各四人,持

百

奉寶輦

牛衞上將軍一員,千牛八人,中郎將二人,並乘珂馬。千牛二人。並騎。 二人。法駕,滅押仗。次金甲二人。宣和,改爲銅甲。次太僕寺進馬四人。並騎。次引駕千 次方繖二,大雉尾扇四夾。 執織、扇各一人,以下準此。法駕,同。 次金吾四色官六人, 押仗 宣和,引駕改爲千十篇

級共九人,長行二十六人。平輦一。應奉人員七人,餘同上。法駕,排列官後中雉尾扇減四。宣和,去小 史、諸衞將軍以上四人。次繖扇、輿輦。大繖二,中雉尾扇四夾,腰輿一,小雉尾扇四夾,應奉人員 馬六,太僕卿御,駕士一百二十人。 遙子改爲逍遙輦,奉輦一十六人。平輦一,奉輦人同上,後有上輦奉御二人,騎。小輿前又有大輅一。駕 雉尾扇四,腰輿一,添管押人員二人,都將四人,愈押小輿排列官二人。小輿一,奉輿二十四人,都將九人。逍 香 鐙 一。 執擎八人。小 輿 一,應奉人,逍遙、平輦下人,長行二十四人。 逍遙子 一,應奉人,十將、將、處候、節 大將軍,中郎將改爲捧日都虞侯。次長史二人。並騎。宣和,無。 一人,十將、將、虞候、節級二人,長行十六人。排列官二人,中雉尾扇十二,華蓋二,執名二人。 次金吾引駕官四人。並騎。次導駕官。執政以上人從六人,待制、諫議、防禦使以上五人,監察御 史、刺

十一人,御龍直仗劍六人,天武把行門八人。麋旗一,殿前班擊鞭一十人,簇輦龍旗八, 方色龍旗五,門旗四十, 御龍四直步執門旗六十。 天武駕頭下一十二人, 茶酒班執從物 次駕前東第五班。開道旗一,皂纛旗十二。引駕六十二人,鈞容直三百人。引駕回作樂。

志第九十九

儀 衙 四

直十二人,御龍弓箭直、弩直各十八人,御龍直仗劍六人,執麋旗殿侍二人,管押龍旗人員 侍三人,管押十人。門旗,殿侍二人,管押四十人,叉八,門旗六十,御龍直一十二人,骨朵 軍二人,朝服陪乘。 二人,都知、副都知各一人,執骨朵殿侍十六人,內大將軍改爲千牛衞大將軍,朝服步從。 員,進輅職掌二員,部押二人,敎馬官二員。法駕,同。宣和,無鈞容直,開道旗內增押班一 人,殿侍二人。皂纛旗十二,殿侍十二人執。引駕人員二人,長行六十人。 五方色吉字旗, 月、麟、鳳旗四,青、白、赤、黑龍旗各一。御龍直四十人,踏路馬二,夾輅大將軍二 掌藿四人。 殿 將

十五人,分左右,陪乘將軍二員。法駕,同。宣和,駕士增爲二百三十四人。 皇帝乘玉輅,駕青馬六,駕士一百二十八人,扶駕八人,骨朵直一百三十四人,行門三

用黄 敷列為五 人龍旗 次奉宸隊。 ′′;餘並 重。 扇筤下天武二十人,茶酒班簇輦三十一人,招箭班三十三人。 天武骨朵、大劍三百一十人(io)。 無 御龍直,左廂骨朵子直、右廂弓箭直,弩直,御龍四直,並以逐班直所管人 次駕後東第五 班。 大黄龍旗 法駕,同。 鈞容直三 官. 和,止

大輦一、掌輦四人、應奉人員十二人、十將、將、虞候、節級共十人,長行三百五十五人。 次副 玉輅 一,駕青馬六,駕士四十人。法駕,無。 宣和,駕士一百人,內人員二人。 尙

旕 九 十人。 ·奉御二人,殿中少監、供奉職官二員,令史四人, 書令史四人。 次太僕御馬二十四,爲十二重。

法駕,減八,爲八重。 宣和,無太僕 法駕,同。 宣和增奉輦爲

駕,減四十。 大繖二,大雉尾扇 ,絳麾二,叉一,細矟十二。 宣和, 次持鈒後隊。 眞武瞳改爲玄武。 宣和,改都尉爲驍騎 四,小雉尾扇、朱團扇各十二,華蓋二,叉二,睥睨 左右武衞族帥二人。法駕,同。 法駕,小雉尾扇、朱團扇、睥睨、稍各減四, 次左右 都指揮使。 金吾衞果毅都尉二人,並騎。 宣和,改爲神勇都指揮使。 總領大角一百二十。 十二,御 華蓋 减 刀六, 眞武幢 次重輪旗二, __, 御 刀 法 减

簫 几 改爲天武、神勇、宣武、虎翼四都 歌 、 笳、笛、觱篥、桃皮觱篥各减八, ,小横吹一百二十,帥兵官八人領。 工、拱宸管、簫、笳各二十四〇〇,帥兵官二人領。 次大晟府後部鼓吹。 丞二人,典事四人,管轄指揮使一人,羽葆鼓 頭 笛、簫、觱篥、笳、桃皮觱篥各二十四。 鐃鼓減四 小横吹減四十。 鐃鼓十二, 帥兵官四人領。 帥兵官並減二人。 法駕, 歌 十二,帥兵官四人領。 工、簫、笳各二十 宣和 羽葆鼓減四 ,帥兵官

奉鞶五十人。 次黃 爬一 , 法駕, 執、新人數同前部, 去鳳 辇 法駕亦同, 有殿中侍御史二員在黃麾前。 宣和, 芳亭奉輦六十二人。 芳亭輦一 , 奉輦六十人。 鳳蒼

次金、象、革 木 四輅,並有 副輅。 金輅踏路赤馬二,正副各駕赤馬六,駕士六十人。 餘

志 第

九

+

九

儀 猫 四

輅言 乘,每乘駕牛三,駕士十人。 輅 一,駕 百人,管押人員各二人。 JF. 秘書、殿中四省局官各二員。 法駕,除進賢、明遠 副 (士二十四人),明遠車一,駕上四人(三)。 駕 宣. 馬 和 數同 ,駕馬之色又異,金以騮,象以赤,革以赭白,木以烏; 丽 色異,象輅以赭白,革輅以騮,木輅以黑,駕士各四十人。 車外,並同。 **畊根車一,駕青馬六,** 法駕,减 法駕,同。 宣 几 和,有黄鉞天武 乘。 宣和,增衙官二人,管押節級一人。 次黄鉞車、豹 駕士四十人。 法駕,無。 副 : 料頭 尾車各一,各駕赤馬二,駕士 宣和,各增駕馬四。 **法駕**,同。 及 神勇副 駕士 都頭各 正百五十人, 宣和 無。 法駕, 次屬車 次門下 進 + 一二 賢 副 前 上中 五 車 副

弩減 旗一 ,真武 宣和 氼 掩 宣和 後隊。 押隊 旗 ,改爲玄武隊。改眞武爲玄武,又去仙童、龜、蛇旗,改都尉爲 ,螣蛇、神龜旗各 改用宣武都指揮使二人。 左右 威衛折衝都尉 一,稍二十五,弓矢二 二人領隊,大戟、刀盾、弓矢、矟各五 次眞武隊。 十,弩五。 金吾 衞折 衝都 法駕, 尉 稍減 一 人, + 虎翼 大 犦 法駕, 都指 稍 弓矢減 各減 揮 使。 仙 道

為摔 号 矢 三 日都指揮使。 政 ---和 大駕外仗。 稍 几 + 左右金吾各十六騎,帥兵官二人,弩八,弓矢、矟各十二。 清游 法駕? 隊。 次第 次第六引外仗, 一引 外仗(图),弩減二, 白澤旗二,左右 弓矢減 金吾衛折衝 八, 稍 减 -都 尉二人,弩八, 法駕, 宣和 改 金吾騎 都尉

及弓矢、矟各减四。宣和,改金吾爲天武都頭。

十四 次伙 飛隊 並甲騎。 左右金吾衞果毅都尉二人分領, 法駕,前減十八人,後減八人。 並騎。虞候依飛四十八人、 宣和,改金吾衞爲拱聖都指揮使,改 並騎。 鐵 野快飛 都 尉

爲

都

指

揮使。

仗,前: 右 頭、武衞 十,第四 三十,第 威 百 《衞、左右武衞、左右驍衞、左右衞各四人。 第二,八十人;第三, 六十人。 次後 次前隊安仗。 接中道 爲宣武都頭,驍衞 、第五各減二十。 五. 滅 六十。 北 帥兵官,左右衞、左右驍衞、左右武衞、左右威衞、左右領 斗旗,後盡 安叉分五 左右領軍衞將軍二人檢校,並騎。犦矟四。 宣和,安叉各一 鹵 爲 宣和,改檢校爲左右衞將軍,領軍 一百人;第四、第五各八十人。 簿後歐。 歐 院翼都頭; "第一、第二,八十人;第三,一百人;第四,八 百,天武、神勇、宣武、虎翼、廣勇都 法駕, 受叉第一、第二隊各減二十四, 第三、第四各減 受叉第一隊減六十,增第二隊至第五 法駕, 受叉第一隊減六十, 第二、第三各減三 逐隊有帥兵官左右領軍衞、左 衞爲天武都頭,威衞爲 受叉分五隊:第一,一百六十 頭 軍 衞 十人; 隊 凡前 爲 後隊安 神勇都 第五, 百。

牛宿旗四 前 部 馬 ,弩十,弓矢二十,矟四十。 隊。 凡十二〇三, 皆以 都尉二人分領。 第二,氐、房、女、虚宿旗四 第一,前左右金吾衞 第三,心、危宿旗,第 折 衝 領, 角、亢、

宿旗 分領 逐 厄, 旗各二,各以 隊 井宿 尾、室宿旗各二。以上四隊CEO,各以左右領軍衞果毅領。 弩減 各二,各以左右武衞果毅領。 上 一一隊 旗各二,各以左右威衞折 <u>[]</u> ,以虎翼、廣勇都指揮使,分領 左右驍 弓矢減六, 稍減二十。 衛折 衝領。 弩、弓矢、矟 衝領。 第十,畢、張宿 宣和,捧日、拱聖、 第七, 婁、鬼宿旗, 第八, 胃、柳宿旗, 第九, 下二隊。 人數,同第一隊。 旗,第十一,觜、翼宿旗,第十二,參、軫宿 神勇、聽篇、宣武五都指揮使口艺, 法駕,分二十八宿旗爲十隊, 第五 , 箕、壁宿 昴、星 第六,

第 勇,第九驍騎,第十宣武,第十 並 旗 +-領 之後 改 - } -雌 為 以 以 第 次 都 馴 左 E 步 一、第三各以左右領 指 右 法駕, 右 象 甲前隊。 凡十二,左右領軍 玉玉 揮 衞,並折 聽篇,第十二以左右衞,並果毅。 使 止 冤、辟邪等旗各二,以序居都 第 十隊,每隊 衝; 一、第二並 第二、第四各以左右 軍衞,第五 弓矢各減 捧 虎翼,第十二 日 ,第三、第四 衞將 二十。 以左右威衞,第七以左右武 軍二人檢校, 尉之後。 廣 宣和,檢校改 內 領 並 有 軍 勇 鶡、 衞 天武,第 逐隊有弓矢、 貔、玉馬、三角獸、黄鹿、 第六以左右 並騎。爆矟四,逐隊皆有都尉二人分 用 五、第六並拱聖,第七、第八並神 左 右衞將軍, 高,第· I威篇, 刀盾 相間,各六十 九以左右 第八以 又 去犦矟, 飛麟、駃騠、 左 聽衞,第 右 人,居 武 分領

次前部黃麾仗。 絳引幡二十,下分六部:第一, 左右威衞 "第二,左右領軍衞" "

本 左 · 衛大將軍二人檢校,本衞折衝都尉二人分領。 右 朱綠縢絡眉丼刀二重,重各二十。法駕,止五部,絳引幡、帥兵官、龍頭竿、幡、戟、弓 一威衞 揭鼓三重, 重各二; 第四,左右武衛 ;第五,左右驍衞;第六,左右衞。 儀望五色幡、小戟、矟各一重, 重各二十; 又各有帥兵官二十人。 諸部各有殿中侍御 弓矢二重, 重各二 龍頭 (竿六重,重各 史 兩

二,稍四十。 次青龍、 法駕,減後騎三十,弩減二,弓矢減八,稍減二十。 白虎旗各一,左右衞果毅都尉二人,分押旗及領後七十騎,弩八,弓矢二十 宣和,改都尉爲虎翼都指揮

矢、盾刀、矟並減六。。宣和,六部:聽衞、武衞、屯衞、領軍衞、監門衞、千牛衞,皆左右上將

天武、神勇、宣武、虎翼、廣勇,皆都指揮、都頭,逐部上將軍、都頭各一人。

使。

軍;

右 十四人,翊衞儀刀減 何 武衞將軍及捧日、天武指揮四人,拱聖六人,神勇、驍騎、驍勝、宣武、虎翼指揮使各二人。 十六人。左右武衞、左右威衞、左右領軍衞、左右金吾衞各二人。法駕,親、勳衞班劍減 衞 班 次 次班劍、儀刀隊。 並騎。 左右衛將軍二人分領,郎將二十四人,左右親衞、勳衞各四人, 親 ,劍二百二十人,諸翊衞左右衞六人,領儀刀四百八人,左右驍衞二人,領儀刀一百 勳 散 手、 一百三十二人,增左右驍衞四人,班劍、儀刀九十二人。宣和,分領改左 驍衛 翊 並騎。 左右衞供奉中郎將四人, 分領 親勳翊衞四十八

儀 衞 四

志

第

九

+

九

四人,分領衞兵四十八人;翊衞郎二人,分領衞兵六十人;親衞郎二人, 法駕, 左右 衞 親勳減十六人,散手、驍衞各減二十人。 郎將二人, 分領散手翊衞六十人,左右聽衞郎將二人, 宣和,改爲中衞、翊衞、親衞 分領 分領衛兵 (驍衛) 翊衞 隊 五. 中 Ħ. 十六 十六 衞 郎

改花鳳族 四,弓矢、稍各減 本 衞 郎將 次左右 爲雙蓮旗 花鳳、飛黃、吉利旗各二,分爲三隊;逐隊弩十,弓矢二十,矟四十。 聽衛翊衞三隊。 半。 宣和,分領第一、第二隊,左右驍衞大將軍、將軍,第三,廣勇指揮使。 並騎。 各有二人分領,第一本衞大將 軍, 第二本衞將軍, 法駕,弩减

和,檢校改為捧日、天武、拱聖三指揮使。 六並左右衞果毅。 次 夾轂隊。凡六,逐隊都尉二人檢校,第一、第四左右衞折衝(云),第二、第三、第五 逐隊刀盾各六十人,內第一、第四有寶符旗二。法駕,各減刀盾二十。

十人,左右廂天武約攔各一百五十五人。 次捧日隊。 '逐隊引一人,押二人,長行殿侍二十八人,旗頭三人,槍手五人, 弓箭手二 法駕,同。

衞。 部內殿中侍御史、大將軍、都尉、帥兵官、絳引幡、龍頭竿等,並同前部。 次後部黃塵仗。分六部:左右衞、左右縣衞、左右武衞、左右威衞、左右領軍 **法駕,减第六** 衞、左右武

部,絳引幡減六。宣和,六部:第一改爲左右驍衞大將軍,自二至六改爲天武、神勇、宣武、

虎翼、廣勇五指揮。

並折 和,自第七隊以下,分領改用都指揮使,七、八並神勇,九驍騎,十宣武,十一虎翼,十二廣 各二,以序居都尉之後。逐隊有弓矢、刀盾相間,各六十人,居旗之後。法駕,止十隊。 第四以左右聽衞,第六以左右武衞,第八以左右威衞,第十、第十二各以左右領軍衞,以上 左右武衞,第七以左右威衞,第九、第十一各以左右領軍衞,以上並果毅,第二以左右衞, 旗亦改其半,七天正堯瑞,八日有戴承,十翔鶴,十一紅光,十二文石。 衝。 次步甲後隊。 凡十二,皆有都尉二人分領。 第一以左右衞,第三以左右驍衞,第五以 內有貔、鶡鷄、仙鹿、金鸚鵡、瑞麥、孔雀、野馬、犛牛、甘露、網子、祥光、翔鶴等旗 宣

天武,五、六並以拱聖,七、八並以神勇,九以驍騎,十以宣武,十一以虎翼,十二以廣勇。 十隊。弩減四,弓矢減六,稍減十二。宣和,改都尉爲指揮使,一、二並以捧日,三、四並以 鳥、白狼、龍、虎、金牛等旗各二,以序居都尉之後。每隊弩十,弓矢二十,矟四十。法駕,止 各以左右武衞,第十至十一、十二各以左右領軍衞,並折衝,第三、第四各以左右驍衞,第 八、第九各以左右威衞,並果毅。內有角艡、赤熊、兕、天下太平、馴犀、鷯鷯、驗臅、騶牙、蒼 次後部馬隊。凡十二,皆以都尉二人分領。第一、第二各以左右衞,第五、第六、第七

志第

九十九

儀 衙 四

校勘記

六有芝禾並秀旗,七有萬年連理木旗。

甲後隊第六隊之後。 第一,居步甲前隊第六隊之後,第二,居第十二隊之後,第三,居夾轂隊之後,第四,居步 後,第二門居掩後隊之後,法駕,同。 以上鹵簿,凡門有六,中道之門二:第一門居日月合璧等旗之後,法駕,居龍墀旗之 **法駕**,同。 各有監門校尉四人。 各有金吾衙門旗四,監門校尉六人。左右道之門四: 宣和,改校尉爲使臣。

旗、崇德、皮軒、畊根、進賢、明遠、黃鉞、豹尾、屬車等十一〇〇、餘並減大駕之半。 <u>政和小駕,滅大駕六引及象、木、革輅,五副輅,小輿,小辇,又減指南、記里、白鷺、鸞</u>

校勘記

各八。法駕」十字。

- 本衞果毅都 尉 據通考卷一一八三禮考、宋會要興服二之八,此處下脫「儀刀、弩、弓矢、稍
- 輿士減 四十人 減 原作「各」,據宋會要興服二之九、通考卷一一八王禮考改。
- 排闡旗各二十合有 據宋會要興服二之一〇:「左右神武軍旗各一,排闌旗二十在仗外分夾本

軍旗。」又二之一一:「左右羽林軍旗各一,排闌旗二十在仗外如神武軍分夾。」「左右龍武軍旗各

- [']排闌旗二十在仗外如羽林軍分夾。」此處「合有」疑爲「分夾」之誤。
-) 国 更兵力士旗各減一 「各」字原脫,據文義和宋會要輿服二之一一所載事實, 此處「旗」下當有
- **公** 三 節級 原作「節鈒」,據上文和宋會要興服二之一二、通考卷一一八王禮考改。

「各」字,今補

(六) 君王萬歲旗 一「王」原作「皇」,「一」原作「二」,據本書卷一四八儀衞志、宋會要興服二之一二、

通考卷一一八王禮考改。

- いして 長壽幢二「幢」原作「旗」,據宋會要興服二之一三、通考卷一一八王禮考改。
- へ
 ノ
 い 增引寶職掌二人 「引」下原脫「寶」字,據通考卷一一八王禮考補。
- へたい 燭籠三十六 「三」原作「二」,宋會要輿服二之一四註引宋史、通考卷一一八汪禮考都作「三」,

(0) 並以逐班直所管人數列為五重天武骨朵大劍三百一十人 之一七載:「奉宸隊,分左右,充禁衞。 直;第三重,**弩直;第四重,御龍四直,並以逐班直所管人數列成隊伍。第五重,天武骨朵大**劍 三百一十人,分左右。」據此,志文此處「五重」當作「四重」,其下又當有「第五重」三字。 從裏第一重,御龍直;第二重,左廂骨朵子直、右廂弓箭 本句史文有脫誤。 按宋會要興服二 五禮新

志

儀卷一四所載與宋會要同。

拱宸管簫笳各二十四 「管簫」二字原倒,據宋會要興服二之二〇、五禮新儀卷一四改。

(三) 前副輅 宋會要興服二之二一作「無副輅」。

駕士四人 宋會要興服二之二一、五禮新儀卷一四都作「駕士四十人」,疑此處脫「十」字。

(四) 次第三引外仗 「仗」字原脫,據本段標題「政和大駕外仗」,和通考卷一一八汪禮考補

(IE) 凡十二 「十二」二字原倒。按下文分述各隊時,總數實只十二隊;通考卷一一八王禮考正作

「凡十二」,今乙正。

(15) 以上四隊 上文已說第一以左右金吾衞折衝領,則此處只能說「以上三隊」;宋會要興服二之

宝 五都指揮使 二四、五禮新儀卷一五,以左右領軍衞果毅都尉領的也只三隊,此處「四」字當爲「三」字之訛。 「五」原作「四」。按上文捧日、拱聖、神勇、驍衞、宣武爲五軍,不得說是「四都指

揮使」,通考卷一一八王禮考作「五都指揮使」,據改。

左右 衞 折衝 「衞」字原脫,據下文和宋會要興服二之三○補。

風車等十一 按上文所列「指南」至「豹尾」十一車都非屬車,此語疑有誤。

宋史卷一百四十七

志第一百

儀衛五

紹興鹵簿 皇太后皇后鹵簿 皇太子鹵簿 妃附

王公以下鹵簿

裁定一千三百三十五人。紹興初,用宋初之數,十六年以後,遂用一萬五千五十人,明堂 三分省一,用一萬一十五人。|孝宗用六千八百八十九人,明堂用三千三百十九人。以後, 紹興鹵簿。 宋初,大駕用一萬一千二百二十二人。宣和,增用二萬六十一人。建炎初,

紹與用象六、副象一。乾道用象一、淳熙用象六而不設副、紹熙如乾道、慶元後不設。 志 第 百 儀 衞 五

並用孝宗之數。

各二,青衣二人。」孝宗朝,第三、第四、第五、第六引內大角省爲二,餘並同第二引已省之數。 爲十六。刀盾二十,矟二十。澤宗並省。第三、第四、第五、第六引,並同第二引。 孝宗省為二。車輻棒四,孝宗省為二。告止、傳教、信幡各二,儀刀十,戟二十,弓矢二十,孝宗皆省 騎;鼓一,鉦一,大鼓十;節一,矟二,皆騎;方繖一,雜花扇四,孝宗省爲二。 青衣二人,車輻棒二,告止、傳教、信幡各二,戟十。第二引,清道二人;孝宗省之。 一,皆騎;大角四,鐃一,簫二,笳二,横吹二,笛一,簫一,觱栗一,笳一;外仗青衣四人, 第一引,清道二人;澤宗省之。憶弩一人,騎;方繖一,雜花扇二,曲蓋一; 曲蓋 內花扇、大角 一,喧一,麾 **樾弩一人**,

騎,神勇都指揮使;次弩、弓、矢、矟各四,並騎 雷旗、電旗各一,五星旗五,攝提旗二,北斗旗一,護旗一,左右衞大將軍一人。 金吾引駕 旗一,犦矟二,弩四,除前後引、押各天武都指揮使一人,騎。龍旗隊。引旗 人,將軍四人,孝宗省之。大將軍二人,孝宗省爲一。犦矟十二,並騎。 金吾纛稍隊。 纛十二,孝宗省爲六。押纛二人,孝宗省爲一。押衙四人,孝宗省爲二。上將 孝宗省爲八。 一,風 朱雀隊。 師、雨師、 朱雀

節鼓一,鐃鼓六,羽葆鼓六,歌工二十四,拱宸管二十四,孝宗歌工、管並省為十八。簫、笳各三十 人。掆鼓十二,金鉦十二,孝宗鼓、鉦並省爲十。大鼓六十,孝宗省作二十四。小鼓六十,孝宗省作三十。 太常前部鼓吹。鼓吹令二,府史四人,管轄指揮使一人,帥兵官三十六人,孝宗省作十四

六,孝宗朝,簫十八、笳二十四。長鳴六十,中鳴六十,孝宗朝,並省爲十八。大横吹六十,孝宗省爲二十四。

笛十二,孝宗增爲十八。觱栗十二,桃皮觱栗十二。

瓜旗二,雙蓮花旗二,太平瑞木旗二,朱雀旗一,甘露旗二,嘉禾旗二,芝草旗二。 終引幡 一,孝宗省之。黃麾幡一,青龍、白虎幢各一,金節十二,罕、舉各一,叉一,鈒戟五十。 持鈒前隊。 廳騎都指揮使一人,將軍二人,軍使四人,並騎。稱長一人,靈芝族二,瑞

四十八。

鉞各四,白柯槍三十。平列旗二十,分夾仗外。 孝宗朝,第一隊,軍將、卒長各一,龍虎旗、赤豹旗、吏兵旗 兵旗、力士旗各一,熊虎旗二,龍君旗、虎君旗各一,天王旗四,十二辰旗各一,戈六,矛、戟、 鉞四, 白柯槍四十。平列旗二十, 分夾仗外(1)。 第三隊, 軍將二, 卒長二, 騎。 通直官二, 吏 同。戟六、鉞六、戈四、矛四、白柯槍二十。第三隊,軍將、卒長各一,吏兵、力士、熊虎、龍君、虎君、天王旗並同,十二辰旗 力士旗各二,矛四、戈四、戟二、鉞二、白柯槍三十,平列旗十四,餘同。第二隊軍將、卒長各一,龍君、虎君、黃熊、赤豹旗 六,矛四,戟四,鉞四,白柯槍五十。平列旗二十,在仗外分夾旗槍。第二隊,軍將二,卒長 十二,通直官二,白柯槍十,平列旗十二。 二,騎。龍君旗、虎君旗各三,黃熊旗四,赤豹旗二,吏兵旗、力士旗各一,戈六,矛四,戟四, 六軍儀仗。第一隊,軍將二,卒長二,騎。熊虎旗二,赤豹旗二,吏兵旗、力士旗二, 支

中, 日月合璧旗一,慶雲旗二,五星連珠旗一,祥光旗、長壽幢各一。 一,左,月旗一,右。御馬十匹,分左右,爲五重。中道隊。左右衞大將軍一人檢校,騎。 黑在後,青左、白右。次金鸞旗一,左,金鳳旗一,右;獅子旗二;君王萬歲旗一; 墀旗隊。 天下太平旗一,排仗大將二人夾之; 五方龍旗各一 , 爲三重。 赤在 前, 黃在 日旗

省碧襕為十二,餘同 右;皇帝行寶左,天子行寶右,爲四列。每寶一興,每興一香案,興、案前燭罩三十二。引 陳列亦如之。五方龍旗二十五,相間爲五隊,每隊赤前、黃中、黑後、青左、白右。五方鳳旗 仗。青龍旗一,左,白虎旗一,右;五嶽神旗五,分前、中、後、左、右,爲三列;五方神旗五, 四瀆旗,江、淮在左,河、濟在右;押二人,分左右,騎。孝宗五龍、五鳳旗止各一隊,共省四十旗,餘同, 二十五,相間爲五隊,陳列亦如之。五嶽旗在左,五方旗在右;五龍旗在左,五鳳旗在右; 八寶輿。鎭國神寶左,受命之寶右;皇帝之寶左,天子之寶右;皇帝信寶左,天子信寶 金吾牙門第一門。牙門旗四,次監門使臣六,分左右,騎。孝宗省旗爲二,監門爲三。金吾細

仗二人、騎、金甲二人、執鉞、進馬官四人、騎、千牛衞大將軍一人、澤宗省之。千牛衞將軍八 殿中繖扇、輿辇。方繖二,岸宗省一。朱團扇四,孝宗省二。金吾四色官六人,孝宗省爲二。押

夾繖而行 人,孝宗省爲二。金吾引駕官二人,導駕官四人,並騎導。大繖二,孝宗省一。鳳扇四,孝宗省二。 前同。 腰興一,鳳扇十六,夾興。孝宗省爲四。華蓋二,排列官一人,香凳一,火

燎一,小興一,逍遙子,平輦。

四人。次御龍直百二十人,孝宗省爲八十六人。快行五十人,日、月、麟、鳳旗各一,青龍、白龍、赤 宗省爲三人。麋旗一,人員一,孝宗省之。殿前指揮使、行門二十二人,鳴鞭十二人。孝宗增爲一十 班長 | 寒宗省為八人。 茶酒班執從物殿侍二十二人,又都下親從二十二人,孝宗省為十七人。 劍六人,孝 旗五,五方龍旗五,龍旗二十,孝宗省之。門旗六十,孝宗省爲三十。殿前指揮使、引駕骨朵子直 開道旗一,纛一十二,鈞容直二百七十人,駕回則作樂。孝宗乾道元年省之,乾道六年以後再用。吉利 四十人。分左右,夾門旗外。駕頭,駕頭下天武官二十二人,孝宗省爲十七人。都下親從一十六人, 百 黑龍旗四,人員二,引駕千牛上將軍一人。 入祗候五十二人,班直主首九人,孝宗省爲三人。茶酒新舊班一百六人,孝宗省爲四十四人。 五十人,孝宗省爲四十五人。東西班六人,孝宗省爲二十二人約攔。 駕前諸班直。駕頭、鳴鞭、誕馬、燭罩三百三十人。孝宗省爲二百一十人。前驅都下親從官 殿前指揮使四十人,東第三

Щ 御龍直二百五十人,爲第二重;

崇政殿親從外圍子二百五十人,爲第三重;御龍直、骨 玉輅奉宸隊。分左右,充禁衞,圍子八重:崇政殿親從圍子二百人,爲第一重;從裏數

志第

孝宗省爲八人。天武六人,孝宗省之。禁衞內攔前崇政殿親從三十二人,孝宗省作二十五人。 上並同。天武約攔二百人,孝宗省作百八十八人。在禁衞圍子外,編排禁衞行子二十一人,快行五 朵子直二百五十人,爲第四重;御龍弓箭直二百五十人,爲第五重;御龍弩直二百五十 十九人,孝宗省爲四十二。管押相視御龍四直八人,孝宗省爲四人。照管行子御龍四直二十四人, 人,為第六重,禁衞天武二百五十人,為第七重,都下親從圍子三百人,為第八重。 孝宗以

下增招箭班三十四人。扇筤,扇筤下天武二十二人,孝宗省作一十七人。都下親從十六人,孝宗省作八 茶酒班執從物五十人,騎。澤宗省爲三十人。 駕後部。扇筤,大黃龍旗一。駕後樂:東西班三十六人,鈞容直三十一人,並騎。

大輦。輦下應奉幷人員合六百一十四人,分五番,孝宗乾道元年省之, 六年以後復設。

十疋,爲五重。

六。御刀六、玄武幢一,絳麾二,叉、細矟十二,孝宗省爲六。驍騎都指揮使一人,騎,總領大角。 爲四。鳳扇二,小雉扇二十二,孝宗省鳳扇,而減雉扇爲六。華蓋二,孝宗省爲一。俾倪十二,孝宗省爲 持鉞後隊。神勇都指揮使二人,騎,重輪旗二人,大繖二,孝宗省爲一。朱團扇八,孝宗省

大角四十。孝宗省爲二十。

太常後部鼓吹。鼓吹丞二人,典吏四人,孝宗省爲三人。管轄指揮使一人,羽葆鼓六,歌

官十人。孝宗歌工十八,拱宸管十二,簫十八,笳二十四,鐃鼓六,笛十八,節鼓一,小横吹三十,觱栗十八,桃皮觱栗 工二十四,拱宸管十二,簫三十六,笳二十四,鐃鼓六,小横吹六十,笛十二,觱栗十二,帥兵

十二,羽葆鼓吹六,帥兵官八人。

乾道元年省之,六年以後復用。掩後隊。中道。宣武都指揮使二人,大戟、刀盾、弓矢、矟各十五。 黃麾幡一,中道。金輅、象輅、革輅、木輅各一,每輅誕馬各六在輅前,駕士各百五十四人。

安、叉六十。後隊安仗。都頭四人,騎,安、叉四十。 **佼飛**隊。並騎。拱聖指揮使二,虞侯仗飛二十,鐵甲仗飛十二。前隊殳仗。都頭六人,騎, 十六,左、右金吾十六,騎。天武都頭二人,弩八,弓矢十二,矟十二。≽宗弩、弓矢、稍並省爲六。 三。玄武隊。並騎。中道。虎翼都指揮使一人,爆矟二,玄武旗一,矟、弓矢各十,孝宗並省爲五。弩 五。外仗。分左右道,以夾中道儀仗。清游隊。並騎。白澤旗二,捧日指揮使二,弩四,弓矢十,矟 金吾牙門第二門。中道。牙門旗四,分左右,澤宗省之。監門使臣六,分左右,騎。澤宗省爲

揮使二人,心、危旗各一,弩、弓矢、矟如第二隊(三),第四隊,天武都指揮使二人,尾、室旗各 二隊,捧日都指揮使二人,氐、女、房、虚旗各一,弩、弓矢、矟如第一隊,第三隊,天武都指 ,弩、弓矢、矟如三隊(wì),第五隊,拱聖指揮使二人,箕、畢旗各一(wì),弩、弓矢、矟如第 前部馬隊。第一隊,捧日都指揮使二人,角、斗、亢、牛旗各一,弩四,弓矢十,稍八;第

衞五

各一,弩、弓矢、稍如第十一隊。 孝宗省爲七隊,二十八宿旗每隊四,弓矢、稍每隊六,餘同 指揮使二人,觜、翼旗各一,弩、弓矢、矟如第十隊;第十二隊,廣勇都指揮使二人,參、軫旗 除;第十隊,宣武都指揮使二人,畢、張旗各一,弩、弓矢、矟如第九隊;第十一隊, 虎翼都 四隊 指揮使二人,婁、鬼旗各一,弩、弓矢、矟如第六隊; 第八隊,神勇都指揮使二人,胃、柳旗各 一,弩、弓矢、矟如第七隊,第九隊,驍騎都指揮使二人,昴、星旗各一,弩、弓矢、矟 第六隊, 拱聖都指揮使二人, 奎、井旗各一, 弩、弓矢、矟如第五隊; 第七隊; 神 如第八 勇都

犀旗,黃鍪甲、刀盾。孝宗改黃鍪甲爲青鍪甲,餘並同。 甲、刀盾;第五隊,拱聖指揮使、都頭,祥鶴旗,黑鍪甲、刀盾;第六隊,拱聖指揮使、都頭, 這揮使、都頭,萬年連理木旗,黃鍪甲、刀盾;第四隊,天武指揮使、都頭,芝禾並秀旗,白鍪 孝宗刀盾省爲十二,下並同。第二**隊,捧日指揮使、都頭,貔旗,朱鍪甲、刀盾;第三**隊,天武 步甲前隊。第一隊,捧日指揮使、都頭各二人,騎,下同。鶡鷄旗二,青鍪甲、刀盾二

省爲四人。步甲前隊第七隊,神武指揮使、都頭,鶡鷄旗,青鍪甲、刀盾;第八隊,神武指揮 聽騎指揮使、都頭,蒼烏旗,次白鍪甲、刀盾;第十一隊,虎翼指揮使、都頭,鸚鵡旗, 使、都頭,鱗旗,朱鍪甲、刀盾;第九隊,驍騎指揮使、都頭,白狼旗,黃鍪甲、刀盾;第十隊, 金吾左右道牙門第一門。牙門旗四,分左右,監門使臣八人,並騎。孝宗旗省爲二,使臣

甲、刀盾; 第十二隊,廣勇指揮使、都頭,太平旗,黃鍪甲、刀盾。 自二至十二隊,人、旗、刀

盾、數列如第一隊。孝宗內去鶡鷄旗、鱗旗而用慶雲旗、瑞麥旗。

金吾左右道牙門第二門。 牙門旗四,分左右,監門使臣八人,並騎。 孝宗旗省爲二, 監門省

爲四人。

騎指 氅,鼓,斧,戟,弓矢,矟,弩。 第四部,殿中御 弩;第三部,殿中御 十,孝宗省爲二十。弩十;第二部,殿中侍御史,天武指揮使、都頭,青氅,鼓,斧,戟,弓矢,矟, 日 指揮使二,都頭 揮 前部黃塵仗。 使、都頭, 上史,神勇指揮使、都頭,黃氅,鼓,斧,戟,弓矢,矟,弩; 白氅, 五, 第一部,殿中侍御史二員,騎,下同。 史,拱聖指揮使、 並騎,下同。 鼓,斧,戟,弓矢,矟,弩; 自二至六部,數列並 黄氅五· 都頭, 十,孝宗省爲二十。 緋氅,鼓,斧,戟, 第六部, 殿中御史, 如初部 絳引幡二十,孝宗省爲十。犦矟二,捧 鼓四, 弓矢,矟,弩; 斧十,戟、弓矢二十, 第五部,殿中御 廣勇指揮使、都 孝宗省作三部。 史,驍 頭, 稍三 黑

青龍白虎隊 並騎。 青龍旗一,白虎旗一,虎翼都指揮使二,弩四,弓矢十,矟

儀刀六十。 班 劍、儀刀 次驍騎、驍勝、宣武、虎翼指揮使各二人,班劍六十,儀刀六十(E)。 隊。 並騎。 武衞將軍二人,捧日、天武、拱聖、神勇指揮使各二人,班劍六十,

親 勳 散 手、 驍 衞 翊 衞 隊。 並騎。 中衛郎四人,翊衛郎二人,親衞郎二人,衞兵四 甲

志第一百 儀飾五

騎 二,弩四,弓矢十,孝宗減弓矢爲六,下同。 四十在衞兵外。 左右曉衞、 翊衞三隊。 稍十六; 並騎。 孝宗減稍爲八,下同。第二隊,廣勇指揮使二人, 第一欧, 左右驍衞大將軍二人,雙蓮花旗

吉利旗,弩、弓矢、矟數如初隊。

捧日隊三十四隊,左右各十七隊,孝宗減為十隊,左右各五隊。每隊引一人,押一人,旗三人、槍五 人,弓箭二十人。 金吾左右道牙門第三門。 牙門旗四,分左右,監門八人,並騎。孝宗旗減爲二,監門減爲四人。

部,仗數亦同前部黃廳已減之數,併去犦稍、絳引幡。絳引幡二十。孝宗減爲十。 後部黃壓仗。凡六部,第一部至六部,並同前部黃壓仗,惟無絳引幡、犦矟。岸宗減爲三

金吾左右道牙門第四門。 牙門旗四,監門八人,騎。孝宗旗減爲二,監門減爲四人。

頭, 甲、刀盾;第三隊,拱聖指揮使、都頭,犀旗、鶴旗,黃鍪甲、刀盾;第四隊,神武指揮 甲、刀盾; **蒼烏旗、白狼旗,白鍪甲、刀盾,第五隊,驍騎指揮使、都頭,天下太平旗、** 孝宗減刀盾爲十六,逐隊並同。第二隊,天武指揮使、都頭,芝禾並秀旗、萬年連理木旗, 步甲後隊。 第六隊,虎翼指揮使、都頭、鶡鷄旗、鵾旗,黄鍪甲、刀盾。 第一隊,捧日指揮使、都頭各二人,騎,鴟旗、鶡鷄旗各二,青鏊甲、刀盾二 自二至六隊,數列並如 鸚鵡旗, 使、都 朱鍪 黑鍪

初歐。

金吾左右道牙門第五門。牙門旗四,監門八人,騎。孝宗減旗爲二,減監門爲四。

矟; 写矢、稍;第十二**隊,廣勇都指揮使,金牛旗,弩、弓矢、稍。**自二至十二隊,數列並如初隊。 第八隊,神勇都指揮使,騶牙旗,弩、弓矢、矟;第九隊,驍騎都指揮使,蒼烏旗,弩、弓矢、 芝禾並秀旗,澤宗用金牛旗。弩、弓矢、矟;第七隊,神勇都指揮使,萬年連理旗,弩、弓矢、矟; 矢、稍;第五隊,拱聖都指揮使,犀旗,澤原用龍馬旗。弩、弓矢、矟;第六隊,拱聖都指揮使, 揮使,孝宗更用拱聖。兕旗,弩、弓矢、矟;第四隊,天武指揮使,孝宗時更神勇。天下太平旗,弩、弓 六,稍減爲八。第二隊,捧日都指揮使,孝宗更用天武。赤熊旗,弩、弓矢、矟;第三隊,天武都指 第十隊,宣 後部馬隊。第一隊,捧日都指揮使二,角端旗二,弩四,弓矢十,矟十六,孝宗弓矢减爲 |武都指揮使,白狼旗,弩、弓矢、矟;第十一隊,虎翼都指揮使,龍馬旗,弩

賀上禮,並罷。 烈鹵簿。后謙避,於是詔延福宮受册仍舊;而小駕鹵簿、端禮門外黃麾仗、紫宸殿臣僚稱 皇太后、皇后鹵簿,皆如禮令。 其景靈宮朝謁,則依近例。三年,議禮局上皇后鹵簿之制 徽宗政和元年, 韶皇后受册排黃麾仗及重翟車, 陳小

十騎,執稍二十人,弩四人,橫刀一十六人。次虞候依飛二十八,騎。次內僕、內僕丞各一 清游蹊。 旗一。執一人,引二人,夾二人,並騎。 金吾衞折衝都尉一員,騎, 執犦矟二人夾。 領四

志

員。 各書令史二人,並騎。

戟、五色氅;第二行,戈、五色氅;第三行,儀鍠、五色幡。 次正道黃麾一。 執一人,夾二人,並騎。次左右廂黃麾仗,廂各三行,行一百人:第一行,短

人領,內左右領軍衞帥兵官各三人,各果毅都尉一員檢校,各一人步從。左右領軍衞絳引旗, 左右領軍衞、左右威衞、左右武衞、左右聽衞、左右衞等各三行,行二十人,各帥兵官六

引前、掩後各六。

二十人。次偏扇、團扇、方扇各二十四。次香鐙一。次執擎內給使四人。 次內謁者監四人,給事、內常侍、內侍各二人,並騎。內給使各一人,步從。次內給使一百 在重翟車前。

次重翟車。 ` 領寺人六人,分左右夾重翟車。 駕青馬六,駕士二十四人,行障六、坐障三,夾車,並宮人執。 次內寺伯二

朱畫團扇各十二,錦曲蓋二十, 次腰與一,與士八人。 團雉尾扇二, 夾興。 錦六柱八扇。 次大繖四,大雉尾扇八,錦花蓋二,小雉尾扇、 自腰輿以下,並內給使執。 次宮人車。 次絳麾二。

車駕赤騮,各四,駕士各二十四人。 次正 道後黃麾一。執一人,夾二人,並騎。 四望車、金根車,各駕牛三,駕上各一十二人。 次供奉宮人。 次厭翟車駕赤騮,翟車駕黃騮,安

各一百 次左右廂各置牙門二。 五 十人執受,帥兵官四人檢校。 每門執二人,夾四人,一在前黃塵前,一在後黃塵後。 次左右領軍衛折衝都尉各一員,檢校父仗。 次左右領軍衛, 各一人騎 每廂

檢校。 次後安仗。 內正道置牙門一,每門監門校尉二人,騎;每廂各巡檢校尉一員,騎,來往

前後部鼓吹。 金鉦、掆鼓、大鼓、長鳴、中鳴、鐃吹、羽葆、鼓吹、節鼓、御馬,並減大駕之

太子,亦依 升 儲 事 皇太子鹵簿。禮令,三師、詹事、率更令、家令各用本品鹵簿前導。 多謙 此制。 抑,謁廟日止用東宮鹵簿,六引官,但乘車 政和三年,議禮局上皇太子鹵簿之制。 तंत 不設儀仗。 天禧二年,仁宗爲 太宗至道中,真宗

旗 游 矢九人,弩三人,二人騎從折衝。 等,執犦稍 隊 旗,執一人,引二人,夾二人。 家令、率更令、詹事各乘輅車,太保、太傅、太師乘輅,各正道,威儀、鹵簿依本品。 各二人。 次外清道直盪二十四人,騎。 並正道。 次左、右清道率府率各一員,領清道直盪及檢校清游隊龍 清道率府折衝 都尉 員,領二十騎,執矟 一十八人,弓 次清

每重二人,自龍旗後均布至細仗, 矟與弓箭相間, 並騎; 每廂各果毅都尉一員領。 次正道龍旗各六,執一人,前二人引,後二人護。副竿二。執各一人,騎。次正道細仗引。 次率更

丞一員。

鐃吹一部,鐃鼓二,各執一人,夾二人,後部鐃節鼓准此。 帥兵官二人;次大鼓三十六,横行,長鳴以下准此。 二,帥兵官二人; 次小鼓三十六,帥兵官四人;中鳴三十六,帥兵官二人。 以上並 次正道前部鼓吹。府史二人領鼓吹,並騎。 帥兵官八人;長鳴三十六,帥兵官二人; 簫、笳各六,帥兵官二人;掆鼓、金鉦各 **掆鼓、金鉦各二**, 執各一人, 夾二人, 以下准此。

太子舍人、中允、中舍、左右諭德各二人,左、右庶子四人,並騎。 員,領班劍,左右 次誕馬十,每匹二人控,餘准此。廐牧令、丞各一員。各府史二人騎從。次左、 | 翊衞執班劍二十四人,通事舍人四人,司直二人,文學四 自通事舍人以後,各步從一人。 人,洗馬、司 右翊府郎將各一 談 以

刀...第一行,親衞二十三人, 曲折三人, 第二行, 親衞二十五人, 二十七人,由折五 第六行,翊衞三十三人,曲折八人。 次左、右衛率府副率各一員,步從,親、勳、翊衞每廂各中郎將、郎將一員,並領六行儀 人; 第四行, 勳衞二十九人, 曲折六人; 曲折人並陪後門。以上三衞 第五行, 並 曲折四人; 騎。 翊衞三十一人,曲折七 第三行, 勳 衞

次三衞一十八人,騎;中郎將二人夾輅,在六行儀刀仗內。 金輅, 駕馬四,僕寺僕馭,

左右率府率一員,駕士二十二人。夾輅左、右衞率府率各一員。各步從一人。

翊衞二隊。 三衞儀刀仗,後開牙門。次左右監門率府直長各六人,監後門。並騎。次左右衞率府每廂各 次左、右內率府率各一員,副率各一員,並騎。 各步從一人。次千牛(も)騎,執細刀、弓矢, 並騎。次厭角隊各三十人,執旗一人。引二人,夾二人。執矟一十五人,弓矢七人,弩

執各一人。次內直郎、令史各二人騎從檢校。 次誕馬十,典乘二人,府史二人騎從。 次正道糤二,雉尾扇四,夾繖。次腰興一,興士八人,團雉尾扇二、小方雉尾扇八夾。 三人,每隊各郞將一員領。

次左右司禦率府校尉各一人,並騎從。領團扇、曲蓋。次朱團扇、紫曲蓋各六,執各一人。

火諸司供奉官人。

吹十,節鼓一,笛、簫、觱栗五,即兵官二人。 次左右清道率府校尉各一人,並騎。領大角三十六。鐃鼓二,簫、笳各六,帥兵官二人; 並騎。次管轄指揮使二人檢校。

次副輅, 駕四馬, 駕士二十人。 軺車, 駕一馬, 駕士十四人。 四望車, 駕一馬, 駕士一十

人

志 第

百

儀衞

五

横

人,並 一帶弓矢、 次左右厢步隊凡十六,每隊各果毅都尉一人領,並騎。隊三十人,執旗一人,引二人,夾二 騎。 步二十五 一人,前 一隊執矟,一隊帶弓矢,以次相間。 左右司禦率府、左右衞率府廂各

四隊,二在前,二在後。 次左右司禦率府副率各一員檢校,步隊各二人,執犦矟騎從。

次盡 尉各一人, 各六色, 色,色三行,行六人。 儀 誕井毦 ,執各一人,引前旗六,引後旗六。 後 次 ·鹵簿左右廂各六色,色三行,行六人,左右司禦率府副率各一 儀 色三行,行六人。 仗。 第四 帥兵官各六人領, 左右廂各六色,色九行,行六人。前第一行,戟、赤氅,第二行,弓矢;第三行, 行, 刀盾; 第五行, 左右司禦率府各一員,果毅都尉各一員,帥兵官各六人領。 左、右衞率府副率各一員,果毅都 揭 左右 鼓十二。 司禦率府率兵官各六人護後, 儀鍠、五色幡;第六行, 揭鼓左右司禦率府四重,左右衞率府二重 尉各一員,帥兵官各六人領 油戟。 並 員, 次前 騎。 各一人步從。 仗首左右廂 每廂各絳 次左 果毅 引幡 右廂 各六 都

隊儀仗外、馬隊內,前接六旗 人從,每廂 次 左 右廂安。 各帥兵官七人。 各 一 百五 〉,後盡· 十人, 並騎,左右司禦率府各四人,左右率府各三人。 鹵簿,曲折至門,每廂各司 左右司禦率府各八十六人,左右衞率府各六十四人。並分前後,在步 禦率 府果毅都尉 員 檢校,各

隊, 領 六人,弓矢七人,弩三人。 左右 第八、第九、第十隊,左右司禦率府果毅都尉各一員領。 次馬 司 隊。 禦率 左右 府果毅都尉各 廂各十 10%,每 前 第 一 隊, 隊 員領 自帥兵官以下三十一人,旗一, 左右清道率府果毅都尉 第五、第六、 第七隊, 次後拒除。 左 各 執一人,引二人,夾二人。 右 員额 衛率府果毅都尉 ; 旗一、執一人、引二人、 第二、第三、 執稍 各一員 第 JL

清道率府果毅都尉一員領四十騎,執矟二十人,弓矢十六人,弩四人。叉二人,騎從。

府 步隊後,左右率府步隊前 氼 後 · 拉隊前當正道殳仗行內開牙門。次左右廂各開牙門三:前第一門, ;第二門,左右衞率府步隊後,司禦率府儀仗前;第三門,左右 左右司禦率

每開牙門,執旗二人,夾四人,並騎。

司

禦率府儀仗後,左右衛率府步隊前。

保,正道 從。 監門率府直長各二人,並騎; [乘輅,威儀、鹵簿各依本品次,文武官以次陪從。 次左右清道率府副率各三人,仗內檢校抖糾察,各一人騎從。 次左右監門率府副率各一員,騎;來往檢校諸門,各一 次少師、少傅、少

執。 客 各內給使一人。 二扇,內給使執。 舍人四人,內給使六十人,偏扇、團扇、方扇各十八,並宮人執。行障四,坐障二,夾車,宮人 **典內二人,騎,厭翟** 皇太子妃鹵簿之制。」政和三年,議禮局上。清道率府校尉六人,騎。次青衣十人。次導 次戟九十。 次供 奉內人, 乘犢車。 車,駕三馬,駕士十四人。 次繖一,正道。 次閣帥二人,領內給使十八人,夾車,六柱 雉尾扇二,團扇四,曲蓋 執織、扇

雖 嘗 討論 |宋 制 ",然皇· , 臣 子 太 無 鹵 了皆沖挹不受,朝謁宮廟及陪祀,及常朝,皆乘馬, 簿名,遇升儲 則草具儀注。 政和禮雖創具鹵簿,然未及行也。 止 以 宮僚導從, 南渡後, 有

志

第

百

儀

衞

五

宣效一十人,步司兵級七十八人,防警兵士四人。朝位在三公上,扈從在駕後方圍子 扇 而無圍子。 十人, 輦官二十人, 翰林司四人, 儀鸞司四人, 廚子六人, 教駿四人, 背印二人, 步軍司 用三接青羅繖一,紫羅障扇四人從,指使二人,直省官二人,客司四人,親事 內。

則教験兵士 扇四人從。 皇太子妃,政和 呵止 以皇太子府親事官充輦官,前執從物,檐子前小殿侍一人,抱塗金香毬。 亦有鹵簿,南渡後亦省之。 妃出入惟乘檐子,三接青羅繖一,黃 先 驅

給鹵簿,與南郊儀仗吉凶相參。 制 官、朝會、婚葬之用。」從之。於是儀服悉以畫,其葬日在塗,以革車代輅 在禁樂,禮官請鹵簿鼓吹備而不作,從之。景德二年,南郊鹵簿使王欽若言:「鄆王費日所 加告止幡、傳教幡、信幡各二。 王公以下鹵簿。 凡大駕六引,用本品鹵簿,奉册、充使及詔葬皆給之。 。望依令別制王公車輅,所有鼓吹、儀仗,亦請增置,以備拜 其葬日,用六引內儀仗。 真宗咸平二年,王承衍出葬 親王用一 品之

鼓吹。令及職掌、局長、院官各一人,掆鼓、金鉦各一,大鼓、長鳴各一十八,掆鼓、金鉦各一。 次引樂官二人,小鼓、中鳴各十。次塵、幢各一,節一,夾矟二,誕馬八,每匹,控馬各二人。革車 |徽宗政和三年,議禮局上王公鹵簿之制:中道清道六人。 次幰弩一騎。 次大晟府前部

各八十 部 儀 笛、簫、觱栗、笳各四。 稍 押 乘,駕赤 次後 人員各一人,敎馬官一人。 十二,細矟 儀 部 刀十八,信幡八,告止幡、傳教幡各四 馬四,駕士二十五人,散扇十,方繖二,朱團扇四夾方繖, 鼓吹,丞一員,錄事一人。 十二。 次左 次外仗。 [右衞尉寺押當職掌一十一人,騎; 青衣十二,車輻棒十二,戟九十, 押當職掌四 次鐃鼓一,簫四, 人,騎。 「,儀鋋二, 儀鍠、斧挂五色幡六, 油戟十八, 笳四, 大橫 部轄步兵、部轄騎兵、太僕寺 絳引幡六,刀盾、矟、弓矢 吹六, 曲蓋二云。 節鼓一, 夾色二, 次大角

鹵 簿。 惟葬日給之。 秦國成聖繼明夫人葬日, 亦給外命婦一品鹵 簿, 自餘未嘗

用。

員 品減 車 長、院官各一人。掆 六,駕黃牛十 六,命 戟九十, 乘,駕赤 鐃 品鹵 鼓 婦散扇五 八,駕士五 簫 簿。 刀盾 馬 十,行障五,行於車前,二品、三品准 四、駕士二十五 統統 、稍各八十,弓矢六十,儀刀三十,信幡八, 命婦同。 十九人,行大角前,二品、三品准 鼓、金鉦各一 大横 中道清道四人。 吹各四 人。 ,大鼓、 一,節 命婦 鼓 長鳴各一 厭翟車,駕士二十三人,二品、三品准 , **嶢弩一,騎。大晟府前** 笛 此 此 簫、觱栗、 方繖二,朱 次後部鼓吹。 + 六,麾、幢、節各 笳各四。 團 告止幡、傳教幡、儀鍠斧挂 扇 丞一 四 部鼓吹。 外仗。 員 曲 一,稍二, 蓋 此。 錄 二,大角八。 散扇 令一,職掌一 青衣 事 誕馬六。 八 十人, っ二品減 引 樂官 車 命婦屬 人,局 四,三 五. 次革 輻 色 棒 車

志

第

幡各四 次衞 一尉寺排列、押當職掌一十一人,部轄人員、太僕寺部押人員、教馬官各一人。

押當職掌四人。命婦加二人。

尉排列、 赤馬四,駕士二十五人。 院官各一人。掆鼓、金鉦各一,大鼓十四,麾、幢、節各一,夾矟二,誕馬四。 事 、引樂官各一人。鐃鼓一,簫、笳各二,大橫吹四,笛、簫、觱栗、笳各二。 輻 밆 押當 棒 鹵 八、戟七十,刀盾、矟、弓矢各六十,儀 簿。 職掌九人,部轄入員、太僕寺部押人員、敎馬官各一人。 命婦同。 中道清道二人。 散扇四,方繖、朱團扇、曲蓋各二。 聽答一。 刀十四,信幡四, 大晟府前部鼓吹。 次大角八。次後部鼓吹。 告止、傳教幡各二。 令 一, 押當職掌四人。 次革車一 及職掌、局 外仗。 青衣 乘,駕 丞 次衞

棒六 押當職掌 乘,駕 文戟 以上皆政和所定也 六十, 赤 協簿。 1 馬 人,部轄 几 刀盾、稍、弓矢各五 ,駕士二十五 命婦同。 人員、太僕寺部押人員、教馬官各一 中道清道二。 人。 散 十,儀刀十二,信幡 易二,方繖 **憾弩一。** 麾、幢各一,節一,夾稍二,誕馬 曲 盏 几 人。 ,大角 告 止 押當職掌四人 、傳教幡 四 外仗。 ...各二。 青 命婦 实 衣 四。 衞 八 加二人。 尉 人, 次革 排列、 車輻 車

- (二) 分夾仗外 「夾」字原脫,按上下文和宋會要興服一之二五,一、三兩隊都有平列旗二十分夾仗
- 外,此處「分」下當缺一「夾」字,據補。
- (三) 弩弓矢矟如第二隊 「矟」字原脫,據上下文和宋會要輿服一之二九補。
- (三) 弩弓矢矟如三隊 「弩」字原脫,據上下文和宋會要興服一之三〇補
- (四) 箕畢旗各一 按畢宿旗下文重出,據前卷及通考卷一一八三禮考所列二十八宿旗, 箕宿下依
- 次是壁宿,疑此處「畢」當作「壁」。
- (三) 儀刀六十 「刀」原作「劍」,據上文和宋會要輿服一之三一改。
- (云) 各一人騎從 「從」原作「後」,據五禮新儀卷一八、通考卷一一九王禮考改。
- (七) 千牛 「牛」字原脫,據五禮新儀卷一九、通考卷一一九王禮考補。
- **3** 曲蓋二 原作「曲蓋各二」,行「各」字,據五禮新儀卷二〇、通考卷一一 九王禮考刪。

三四五九



宋史卷 百百

志第一 百百

儀 衞

鹵簿儀服

脚幞頭、緋繡窄衣、銀帶。 當胸、後鞦並設銅鈴杏葉,紅犛牛尾拂口, 數十人,使越人騎之以試橋梁。 九 (年南郊時,其象止在六引前排列。 詔鹵簿使領其事 鹵簿儀服。 自漢鹵簿,象最在前。 太宗太平興國六年,兩莊養象所奏: 宋鹵簿, 晉平吳後,南越獻馴象,作大車駕之,以載黃門鼓吹 以象居先,設木蓮花 跋麈。 每象,南越 軍一 坐, 韶以象十於南郊引駕,開寶 人跨其上,四 金蕉盤, 紫羅繡襜絡腦, 人引,並花

旗, 応 皆錯采爲之,漆竿、鎞首、纛頭、錦帶腰、火燄脚。 第 百 儀 衞 六 白澤、攝提、金鸞、金鳳、師子、苣 三四六

以赤。 文、天下太平、君王萬歲、仙童、騰蛇、神龜,及在步甲前後隊、後馬隊三隊、六軍儀仗內,並 四瀆、五方、四神、十二辰、五龍、五鳳、龍虎君,並以方色。 日、月及合璧、連珠、風、雨、雷、電、五星、二十八宿、祥雲,並以青。 天王以赤、黄二色。排攔以黃、 北斗以黑。五岳

造。」從之。 言:「二十八宿旗,五星、攝提旗,按鹵簿圖畫人形及牛虎頭、婦人、小兒之類,於禮無據。 元豐三年,禮文所上言乞改製,各著其象,以則天文。 土之說,繪爲人形,於禮無據。 元豐三年,詳定郊廟奉祀禮文所言:「鹵簿,前用二十八宿、五星、攝提旗,有司乃取方 伏請改製,各著其象,以則天文。」從之。 元祐 後有可循舊儀,未曾改正, 七年,太常寺 今欲改

臣 4. 請 取 名。 制爲旗號,日寶符,日重輪,日祥光,日瑞鶴。」從之。 元符二年,徽宗卽位,兵部侍郎黃裳言:「南郊大駕諸旗名物,除用典故制號外,餘因時 伏見近者璽授元符,茅山之上日 有重輪,太上老君眉間發紅光,武夷君廟 有仙

大慶觀聖祖殿東,有嘉禾、芝草並生。 八、五之數。 政 和 DO 年, 仙童、網子、大神三旗無所經見,乞除去。」 禮制局言:「鹵簿,大黃龍負圖 其嘉禾一本凹穗,芝草葉圓而重起。 旗畫八卦,乞改畫九、一、三、七、二、四、六、 從之。 初, 大觀三年, 至是, 詔製芝禾 西京潁陽縣

旗 述 秀旗 又以元符二年武夷君廟有仙鶴迎詔, 政和二年延福宮宴輔臣, 又以是年二月,日上生青、赤、黄戴氣 後, 日下生青、赤、黄承氣,詔製日有 有羣鶴自西北來, 戜 旋 承

於睿謨殿

上,及奏大晟樂而

[翔鶴屢至,詔製瑞鶴旗

聳 詔 鹦 動 鵡 有 於隴 民 司 八 瞻。」從之。 取 自崇、 坻,得三玉 禮部: 侍郎張 觀 至今,凡中外所上瑞應,悉掇其尤殊者,增製旗物, 一
発
於 郑昌 耶封, 奏:「太祖 馴象至而 時, 甘露降於江陵者十日 五嶺平,瓊管族而白鹿出,皆命製爲旗章陳之。 ,瑞麥秀於濮陽者六岐,獲金 上以丕承天贶,下以 望

建之。 繡 以 \mathcal{T}_{1} 盖 惟 帽 五. 幅 繡 采 下 日 初 飾以 句 宋制 大赤,朱質 龜 無斿,而竿首垂旒,抑又取古者「注旄及羽於竿首」之遺制。 、月、星而 幅 蛇 (藻,玉 繡 熊 旗物尤盛, 側 輅建之。 無龍,下有 幅 七幅,每 虎一 繡 龜 , 中興後惟務簡約、雖參用舊制、然亦不無因革。其太常 三,下 側幅 幅 大旂,黃質 網鬚謂之菲 繡 如之,下 垂皂絲 鳥隼二 九 垂送 黄 , 網 、幅,每1 ,而竿頭爲龍 側 矮四 幅 如之,下 一、木輅 絲網 幅繡 升 緌 建之。 龍 首,銜青結 *Ŧ*i. 垂 朱 一,侧 革 絲 輅建之。 網 幅二, 緌 綬,垂青旄 -1; 竿用 下 象輅建之。 大塵,皂質 亚 椆 黃 緌 木,護以 絲 十二,謂 網 一青質 四幅 大白 緌 九 剖 之旒 || 灰羅 竹,膠 素質 金輅 每

其 黄 龍 負 <u>圖</u> 旗, 建 隆 初創爲大制。 有架,旗力重,以百九十人維之,今用七十人。

志

第

瑞木、道州連理木、遂寧府嘉禾、鎭江府瑞 . 歲、天下太平、日月、五星、北 其祥瑞旗八,紹興二十五年所制 斗、招搖、青龍、朱雀、白虎、玄武等十旗,皆以十七人維 也。 是歲,適當郊祀,而太廟生靈芝九莖,贛州進太平 瓜,南安軍雙蓮花, 嚴州兜率寺、信州玉山芝草,

黎州

十露,禮部侍郎王珉等請繪之華旗,以紀盛美焉。

亦並 失其本制,宜省去。」從之。 「大駕鹵簿羊車,本前代宮中所乘;五牛旗,蓋古之五時副車也,以木牛載旗,用人輿之, 編牛形。 五. 牛旗,依方色,皆小興上刻木爲牛,背插旗。 興士各四人, 服繡五色牛衣。 自太祖時詔用之。 錯采爲牛,旗竿上有小盤,盤 神宗 熙寧七年, 太常寺言: 衣及 興衣

門,門二旗,蓋取周制「樹旗表門」及「天子五門」之制 牙門旗,古者,天子出建大牙。今制,赤質,錯采爲神人象,中道前後各一門,左右道五

之,爲前驅焉。不設,則以朱匣韜之。 圍錯采,繪走龍形,微曲。上加緋羅繡褥,裹以緋羅繡帕。 駕頭,一名寶床,正衙法坐也。香木爲之,四足瑑山,以龍卷之。 每車駕出幸,則使老內臣馬上擁 坐面用藤織雲龍,四

羅文佩,繫龍頭竿上。其錯采字下,告止爲雙鳳,傳敎爲雙白虎,信幡爲雙龍。又有絳引 幡,本幟也,貌幡幡然。有告止、傳教、信幡,皆絳帛,錯采爲字,上有朱綠小蓋,四角

幡,制頗同此,作五色間暈,無字,兩角垂佩。中興爲六角蓋,垂珠佩,下有橫木板,作碾玉

文。三幡,亦以錯采篆書「告止」、「傳敎」、「信幡」。

青龍 而右白虎」之義。王公所給幢,黑漆柄,紫綾袋。 幢,制如節而五層,韜以袋,繡四神,隨方色,朱漆柄。取無禮「行前朱雀而後玄武,左 中興,用生色袋。

鎞首六脚。後志云:「今制,皂邊皂斿,斿爲火焰之形。」金吾仗主之,每纛一人持,一人拓 乘興行,則陳於鹵簿,左右各六。 皂纛,本後魏纛頭之制。唐衞尉器用,纛居其一,蓋旄頭之遺象。 制同旗,無文采,去

絳麾,如幢,止三層,紫羅囊蒙之。王公麾,以紫綾袋。

如幡,錯采成「黃麾」字,下繡交龍;朱漆竿,金龍首,上垂朱綠小蓋。一神宗元豐二年,詳定 黃麾,古有黃、朱、纁三色,所以指麾也。|漢鹵簿有前黃麾護駕御史。|宋制,絳帛爲之,

朝會御殿儀注所言:

漢大駕有前黃麾。 崔豹古今注:「麾,所以指麾,乘輿以黄,諸公以朱,刺史二千石以 大廳,書曰『王右秉白旄以麈』。」孔穎達曰:「虞世但注旄,夏世始加旒縿。」西京雜記 后氏所建。」禮記曰:「有虞氏之旂,夏后氏緌。」鄭氏曰:「緌,謂注旄牛尾於杠首。 所謂 按周禮「木輅建大麾,以田」。鄭氏曰:「大麾不在九旗之中。以正色言之,則黑,夏

纁。」開元禮義纂曰:「唐太宗法夏后之前制,取中方之正色,故制大**麾**,色黄。」

以 用漢制;以十二幅爲旗,則取唐制;以一旒爲之,則取今龍墀旗之制。當元會陳仗 漢制言之,則色又不黃。伏請製大麾一:注麾於竿首,則法夏后氏之制,其色正黃,則 衛,建大黃**麾一於當御廂之前,以爲表識。其當御廂之後,則建**黃廳幡二。 應象,取其居中,導達四方,含光大也。」今鹵簿黃麾,以夏制言之,則狀不類旗,以 今禮有黃麾,其制十二幅。開寶通禮義纂曰:「黃,中央之色。此仗最近車輅, 故

井上大黃塵、黃塵旛制度。 神宗批曰:「黃塵制度,考詳前志,終是可疑。今鑿而爲之,植於 大庭中外共瞻之地,或為博聞多識者所譏。宜且闕之,更俟討求,黃麾幡仍舊。」

以鳳, 佩,揭以朱竿,上如戟,加橫木龍首以繫之。」 皂、白、黃五色,上有朱蓋,下垂帶,帶繡禽羽,末綴金鈴。青則繡以孔雀,五角蓋,緋則繡 氅, 本緝鳥毛爲之。唐有六色、孔雀、大小鵝毛、雞毛之制。後志云:「今制有青、緋、 六角蓋; 皂則繡以鵝,六角蓋;白亦以鵝,四角蓋; 黄則以雞, 四角蓋。 每角綴垂

節 一,制同金節,韜以碧油 金節,隋制也。 黑漆竿, 上施圓盤,周綴紅絲拂八層,黃繡龍袋籠之。王公以下皆有

繖,古張帛避雨之制。 今有方繖、大繖、皆赤質、紫表朱裏,四角銅螭首。 六引內者,其

但 制 差小。 引紫繖,而無青繖之文。 哲宗元祐七年,太常寺言:開元禮大駕八角紫繖,王公已下四角青繖。 詔改用。 紹興十三年將郊、詔繖、扇如舊制、拂扇等不以珠飾。 今鹵簿圖

繡花龍。 蓋,本黃帝時有雲氣爲花蘤之象,因而作也。 又有曲蓋,差小,惟乘興用之。 人臣則親王或賜之,而以青繒繡瑞草焉。 宋有花蓋、導蓋,皆赤質,如繖而圓,瀝水

睥睨,如華蓋而小。

降俯仰,衆人皆得見之,非肅 凡朔望朝賀、行册禮,皇帝升御坐,必合扇,坐定去扇,禮畢駕退,又索扇如初。 狀,有三等:大雉扇長五尺二寸,闊三尺七寸, 雉 銅 大駕、法駕、鸞駕,常出並用之。 尾之狀,中有雙孔雀雜花,下施黑漆橫木長柄,以金塗銅飾。 飾。 扇筤,緋羅繡扇二,緋羅繡曲蓋一,並內臣馬上執之。駕頭在細仗前,扇筤在乘興後。 扇有朱斟及雉尾四等。 穆之容,故必合扇以鄣焉 朱團繡雲鳳或雜花、黑漆柄、金銅飾。 扇圓,徑四尺二寸,柄長八尺三寸,黃茸繡 中扇、 小扇遞減二寸。 乘興出入,必以前持鄣蔽 下方上殺, 雉尾皆方, 團龍, 仍用金塗 蓋謂天子升 以緋羅 繡雉尾之 繡

螭首銜紅 罕、畢,象「畢、昴爲 海絲拂; 星圓 天堦」,故爲前引,皆赤質,金銅飾,朱藤結網, 如扇 金獸面。 罕方,

香鐙,唐 志 第 制 百 也。 朱漆案,緋繡花龍衣,上設金塗香爐、燭臺。 儀 衞 六 長竿二, 輿上八人。 三四六七 金塗

銀 火鐐、香匙副之。

大 角,黑漆畫龍,紫繡龍袋。

長 鳴、 次鳴、大小橫吹,五色衣旛,緋掌畫交龍。 樂令,三品已上,緋掌畫蹲豹。

犦 稍。 犦,擊聲也。 一云象犦牛, 善鬭, 字從牛。 唐金吾將軍執之。 宋制,如節有袋,

上加碧油。 常置朝堂,車駕鹵簿出,則八枚前導;又四枚夾大將軍者,名衞司 犦

稍,長矛也。 木刃,黑質,畫雲氣。 又有細矟,制 同 而 差小。

戟,有枝兵也。 木爲刃,赤質,畫雲氣,上垂交龍掌、五色帶, 帶末綴銅鈴。

掌,而有 小橫木,鈒,插也,制本插車旁。 又小戟與鈒戟同

殳、叉,戟之類。

安,無

刃而

短,黑飾

兩末。

叉、青飾兩末。並中白、畫雲氣、各綴朱絲拂。

又鈒戟,

無

槍,稍也。 唐羽林所執,制同稍 而鐵刃,上綴朱絲拂。

儀鍠,鉞屬也,秦、漢有之。 唐用爲儀仗,刻木如斧,塗以青,柄以黃,上綴小錦幡、 五色

帶。

班 劍,本漢朝服帶劍。 晉以木代之,亦曰「象劍」,取裝飾斑斕之義。 鞘以黃質,

文, 金銅飾,紫絲條 奶錔

御刀,晉、宋以來有之。 黑鞘, 金花銀飾,靶軛,紫絲條粉錔。 又儀刀,制同此, 悉以銀

飾,王公亦給之。

刀盾。 刀,本容刀也; 盾,旁排也。 。一人分持。 刀以木爲之,無鞘,有環,紫絲條帉錔。

赤質,畫異獸。 又朱藤絡盾,制悉同,唯綠藤綠質,皆持執之(三)。

聽弩,漢京尹、司隸前驅,持弓以射窺者。 宋制,每弩加箭二,有製,畫雲氣, 仗內弩皆

同。

弓箭,每弓加箭二,有靫,同幰弩。

車輻,棒也,形如車輪輻。|宋制,朱漆八稜白幹。

柯舒,黑漆棒也,制同車輻(四),以金銅釘飾。

鐙杖,黑漆弩柄也。 以金銅爲鐙及飾,其末紫絲絛繫之。

鳴鞭,唐及五代有之。 馬官條狼氏執鞭趨辟之遺法也。內侍二人執之,鞭鞘用紅絲而

漬以 蠟。 行幸,則前騎而鳴之,大祀禮畢還宮,亦用焉,視朝、宴會,則用於殿庭。

哲宗元祐 誕馬、散馬也。 七年,太常寺言:「誕馬,按鹵簿圖曰:舊並施鞍韉。 加金塗銀鬧裝鞍勒。乘興以紅繡韉,六鞘,王公以下用紫繡及剜花韉。 景祐五年去之。昨納后,誕馬

御馬鞍勒之制,有金、玉、水晶、金塗四等鬧裝,點猶施鞍韉,今欲乞除去,仍依鹵簿圖,用纓、轡、緋屜。」

志 第 百 儀 金、玉、水晶、金塗四等鬧裝,鞊鞢促結爲坐龍, 衞 六 三四六九 碾鈒鏤塵沙面、

面、窪 素園韉,榼樸用金銀綫織或緋黃絁,鞭用紫竹,紅、黃絲鞘,纓以紅、黃犛牛尾,金爲鈌。 日 二年詔:「先是,御馬以織成帊覆鞍勒,今後以廣絹代之。」 ,馬五 面、方團 匹供奉, 、寸節、卷荷校具、皆垂六鞘、金銀裹鞍橋、銜鐙、朱黃絲條轡鞦、 鞍用玉及金塗,礚襆皆素。 行幸則十四匹,加眞金、水晶之節。 緋黃織繡或 太宗至道 每

銅鈴 馬 後有跋塵、錦包尾。 珂之制,銅面,鵬翎鼻拂,攀胸,上綴銅杏葉(丟)、紅絲拂。 獨鹵簿中金吾衞將軍導駕者,皆有之。 又胸前及腹下,皆有攀

青絁爲下帬,絳韋爲絡,金銅鈌,長短至膝。 馬 甲騎 甲,加 、具裝,甲,人鎧也;具裝,馬鎧也。甲以布爲裏,黃絁表之,青綠畫爲甲文,紅錦褖, 珂 拂於前膺及後鞦 前曆爲人面二,自背連曆,纏以錦騰蛇。 具裝,

毬杖, 常出,三十人,公服,皆騎導。 金塗 銀裹,以供奉官騎執之,分左右前導。 大禮,用百人,花脚幞頭、紫繡揆袍

故王者以天鷄爲度。 得鷄者,官給以纈襖子,或取絳旛而已。 主號令,故宣號令則象之。 鷄竿,附竿爲鷄形,金飾,首銜絳旛,承以綵盤,維以絳索,揭以長竿。 金鷄事,六朝已有之,或謂起于西京。 陽用 事則鷄鳴, 大禮畢,麗正門肆赦則設之。 故布宣陽澤則象之。 南渡後,則自紹興十三年始也。 一曰「天鷄星動爲有赦」, 其義則鷄爲巽神,巽 募衞士先登, 志第一百一 儀衛六

帶、 韈。 執 金 平 折 靿 袍 大 弓箭 中 ,横刀,執弓箭, 衝 口 烏皮鞾 佩牙 袴、 金吾! 及執 十六騎, 幘 駕 錦雕 緋繡 刀 稍者 押 金吾押牙, 鹵 纛, 簿 珂 蛇、 袍、大 班 一,服錦 巾服 馬 劍 服幞頭、 銀帶,佩 珂 之制: 儀 口 諸 帽、 服 馬 袴。 刀 衞 金鵝 隊 緋繡 大將 皂繡 横 金吾上將軍、將軍、六統軍 千牛, , 諸 刀,執弓箭 親勳 帽、 衞 袍、銀帶 軍 衫、 主率 一、將 紫繡 服花 翊 大口袴、 軍 衞 都 袍、 脚 一、中郎 尉, 幞頭 執 監 銀帶, 千牛 大角 引駕 銀帶 門校尉、六軍 將、折 緋 將 儀 、烏皮韡。 騎 繡 軍 衝、 刀。 並 服服 袍、抹額、大口 一、千牛、 持 服 果毅、 鈒 7下 金吾持 车 押仗, 巾 隊 巾 執金吾犦稍, 內校 中鄓 ·幘(云、紫繡 幘 散 纛者, 服 緋繡 手 尉、 將,服花脚 幞 袴、 翊 頭、紫繡 旅 衞 服 裲襠、 銀帶、鞾 帥 鳥 袍、 服錦袍 服 紗 執 幞 大 平 帽 裲 衞 靿 口 頭 口 巾 檔 司 袴,佩 袴、 皂衣 帽、臂鞲、 抹 幘 殳 前 隊 銀帶 仗 紫 額 馬 榜、鞖 IE. 爆 、紫繡 横 繡 隊 袍、 銀 服 樺 內

額 執 旗 旗 淸 際、銀 前 ()執絳 遊隊 後部 帶 黄 伙 引 麾 旛 飛 執白 、執 執 黄 榦 痙 日 副 棒 月 旛 仗矟, 合 者, 壁等旗, 服 加 並 服 銀褐捍腰。 甲 騎 緋 具裝、 靑龍 繡 衫、 白虎 抹 錦臂韝, 執龍旗及前馬隊內執旗 額 隊、 兴 大 金吾. 横 口袴、 刀, 細 銀帶。 執 仗內 弓箭, 執旗 白袴。 人,服 者, 並服 前後 朱雀 五 色繡袍、銀帶 五 步 隊 色繡袍、 隊、眞武 執 旗 及 抹 隊 執

銀帶 弁、五 幞 賢等 服 引 弩、稍 緋 繡 麾、 行 頭 帖 繡 夾 大 帽 縢 眞 金帽、 紅紅 袖 車 袍、 旗 色繡 庾 青 大 武 夾轂 及 駕 衫 繡 大 繡 口 、紫繡 疃 執 候 土 袴、 袴。 衫、 抹 口 袍 柯 义 啄 伙 袴、 額 相 人, 舒、 勒帛、 大 釆 銀 大袖 執 、紫繡、 風 服 錦騰 帶。 口 鐙 並 執 弓箭、 袴、 五 鍾漏 衫、 青耳 仗者 服 長 色質 衫、 削 蛇 銀帶 武 壽 銀帶。 等興 執 後 白袴、 弁、 噇 履 鍪 服 龍 步 五 一、鎧 、紫繡 輅 寶 旗 興 帖 隊 執引 掩後 執眞武 銀 士 金帽 人,服 輿 副竿人, 副 錦 帶。 〈法物 衫。 輅 駕 隊 臂鞲、 並 , 餘同 服 龍 五. 服 噇 掌 耕 持鈒 人,並服 服錦 色鍪 墀 武 黑鍪 藿 者 根 白行 上。 旗、 文主 弁、 隊 車 帽、五 服 甲、 駕 土 六軍: 甲、錦臂鞲、 縢 緋 武 辇 殿 執 平 錦臂購 繡 , 花 弁、 巾 中 紫帶、 旗者, 一,服 色繡 服 衫。 鳳、 黄 ·幘 皂繡 武 應、織 平 飛黃 兴鞵 袍、 弁 駕羊 緋 市帻、 **鞵韈**。 服 行 衫、紫繡 繡 · 韈、袴、 大 黄 錦 縢 吉吉 車童 扇 袍、大口 、口袴、 繡 帽、 靑繡 利 飃 衫 腰 **字**, 五. 銀 誕 旗 衞 衫 輿、香鎧 銀 紫繡 色繡 帶。 者 袴、 翊 服 帶 青 衞 服 垂 銀 衫 朱雀 五 誕 履 執弩、 銀 耳 牛 帶 隊 錦 髻、 裼 並 旗 隊 臂 繡 뿚 援 服 內執 青 攏 敎 興 鞲、 一, 指 衣 寶, 御 馬 平 頭 官 **德**、 抹 銀 弓箭 人,服 馬 巾 南 執 者 服 武 淮

令 史, 皷 螣蛇 服 吹 幞 令、丞,服 頭 歌、拱宸管、簫、笳、笛、觱栗,無螣蛇。 綠 衫 綠 黄 袴褶冠 半 臂 太常 銀 褐 裙 主 帥 金 掆 銅 鼓、 車 帶 金 鉦 緋 節 白 太常大鼓、長鳴、小鼓、中鳴,服黃雷 鼓 大 一帶、 人, 履 服 韈。 平 [] 太常· ·幘 緋 寺 繡 府 袍、 史、 大 典. П 事 袴, 司 花 抹

志第一百一 儀衞六 校勘記

袍、袴、 將、金吾引駕、押仗、押旗,服幞頭、紫公服、烏皮鞾。 銅帶、烏皮鞾。 進馬四色官,服幞頭、綠公服、白袴、金銅帶、烏皮鞾。 典事、漏刻生,服青袴褶冠、革帶。 吹,服青苣文袍、袴、抹額、抹帶。 抹額、抹帶(も)。 舊衣黃,太平興國六年,并內侍省並改服以碧。 太常鐃、 大横吹,服緋苣文袍、袴、 排列官、令史、府史、服黑介幘、緋衫、白袴、白勒帛。 殿中少監、奉御、供奉、排列官,引駕仗內排列承直官、大 尙輦奉御、直長、乘黃令丞、千牛長史、 殿中職掌執繖扇人,服幞頭、碧襴、金 抹額、 抹帶。 太常羽葆 鼓、 司辰、 小横

烏,五牛旗以五色牛,餘皆以寶相 賢車以瑞麟,明遠車以對鳳,羊車以瑞羊,指南車以孔雀,記里鼓、黃鉞車以對鵝,白鷺車以 以 翔鷺,鸞旗 百澤,監門衞以師子,千牛衞以犀牛,六軍以孔雀,樂工以鸞,耕根車駕士以鳳銜嘉禾,進 凡繡文:金吾衞以辟邪,左右衞以瑞馬,聽衞以雕虎,屯衞以赤豹,武衞以瑞鷹,領軍衞 車 以瑞鸞,崇德車以辟邪,皮軒車以虎,屬車以雲鶴,豹尾車以立豹,相風烏興以 花

幡以黃 滕、銀: 繡 衫、赤袴、銀帶。 六引內巾服之制·清道官,服武弁、緋繡衫、革帶。 持幰弩、車輻棒者,服平巾赤幘、緋 執誕馬 持幡 濫 轡、儀刀、麾、瞳、節、夾矟、大角者,服平巾幘、緋繡衫、大口袴、銀帶。 者,服 青衣,服平巾青帻、青袴褶。 繡 衫、抹額、大口袴、銀帶。 持戟、繖、扇、刀盾者,服黄 內告止幡、曲蓋以緋,傳教幡、信幡 、繍衫、抹額、行 、絳引

銀帶。 部內,服平巾幘、緋繡袍、白抹帶、白袴, 鹵簿內,執轡,並錦絡衫帽。持弓箭、稍者,服武弁、緋繡衫、白袴。駕士,服錦帽、繡戎服大袍 弓箭以青, 稍以紫。 持掆鼓者,服平巾幘、緋繡對 餘悉同大駕前 後 鳳袍、大口袴、白抹帶、錦螣蛇。鐃吹 部

以 ·獬豸,兵部尚書以虎,太常卿以鳳,縣令以雉,樂工以鸞,餘悉以寶相花。 其繡衣文:清道以雲鶴,幰弩以辟邪,車輻以白澤,駕士司徒以瑞馬,牧以隼,御史大夫

冠,又名「袴褶冠」。今鹵簿旣除袴褶,冠名不當仍舊,請依舊記如三禮圖「委貌冠」製。從之。 膊」。今請兼存兩說擇而用之,造裲襠,用當胸、當背之制。 背,謂之「兩當」。今詳裲襠之制「云〕,其領連所覆膊胳,其一當左膊,其一當右膊,故謂之「起 蓋掖下縫也。 太祖 建隆四年,范質議一按開元禮,武官陪立大仗,加螣蛇裲襠,如袖 從肩領覆臂膊,共一尺二寸。又按釋文、玉篇相傳云:其一當胸,其一當 宣和元年,禮制局言:鼓吹令、丞 無身,以覆其膊

校勘記

- 紅犛牛尾拂 「尾」原作「毛」,據宋會要興服三之一五、通考卷一一七王禮考改。
- 詔製瑞 鶴旗 據宋會要興服三之一至二、瑞異一之二三此是政和六年
- 皆持執之 「持」原作「特」, 通考卷一一七汪禮考作「持」,太常因革禮卷二三本句作「皆執持


12

車輻 原作「車軸」,據通考卷一一七王禮考、太常因革禮卷二三改。

(<u>E</u>) 杏葉 原作「本葉」,據宋會要興服六之二五、太常因革禮卷二三改。

(云) 平巾幘 「巾幘」二字原倒,據本卷上下文和宋會要輿服四之一五乙正。

(元) 今詳裲檔之制 (七) 抹帶 原作「袜帶」,據上文幷參照宋繪要輿服二之四、五禮新儀卷一三改。下文「抹帶」各條同。 「裲襠」,原作「稱襠」,據本卷上下文文義和宋會要輿服四之一八改。



宋史卷一百四十九

志第一百二

興服一

小興 鉦鼓興 豹尾 記 五. 里鼓車 輅 車 腰輿 大輅 屬 鍾鼓樓輿 白鷺車 車 耕根車 大輦 五. 車 鸞旗 芳亭辇 進賢車 涼 車 車 崇德車 鳳輦 相風鳥輿 明遠車 逍遙 皮軒車 行漏輿 羊 車 平 辇 黄鉞 指 南 十二神輿 車 車

治,蓋取諸乾坤。 昔者聖人作興, 軫之方以象地, 」夫輿服之制,取法天地,則聖人創物之智,別尊卑,定上下,有大於斯二者 蓋之圓以象天。 湯傳言:「黃帝、堯、舜,垂衣裳而

志

第

百二

庾

服

三四七七

等職 之, 漢 締 平 新唐書改 興, 繡 擥 舜 Ŀ 功 以 以 命 選 不 是 五 禹 以 能 一
采
彰 知 曰:「予欲觀古人之象,日、月、星辰、山、龍、華蟲作會,宗彝、藻、火、粉米、黼 供 監 興 `服, 古成 服 服 施 御,其 始 鄭樵合諸代爲通志 於 (憲,而 五 於黃帝,成於唐、虞,歷夏及商,而大備於周。周衰,列 八次以 色,作服,汝明。」、周官之屬,有巾車、典路、司常,有 傚秦所爲。 賜百官,始有 又爲器服。 自是 大駕、法駕之制; 代有 變更,志有 其文雖 殊,而效古制作,無以尚 詳略。 又自天子以至 東漢 至 牧守, 司 舊唐書皆 國 服、 肆 各有 爲 、司裘、內司 於三代矣。 侈汰。 稱 鹵 連服, 簿焉。 秦作

秦已還,何所 乎黻 輅, 服 冕」。 周 之冕。」 代 M 制 論 損 器 晃以 益 且. {禮 乎? 所以 周 謂 爲 為 |周 貴,是周之文勝於夏也。 百世法者, 人上興」,而 以其 孔子 華質適中也。 獨取 殷略, 蓋已不能 是殷 孔子 無損 之質 答顔淵爲 益 勝 於周 於其間焉。 邦之問 也 又言 不知歷代於 日:「乘殷之 禹 「致美

爲

{車

然, 鹵 簿, 雖 宋之君 不 叉 能盡 熾 以 臣 合 旗 於二帝、三王、周公、孔子之道,講之甚明。至 幟, 占 制 華 "; 而 以 於後 繡 衣 代 褻以 庶 無愧焉 毬)杖, 豈非 宋初 循 襲唐 ,袞冕綴 五 飾 季之習,獨 一其規模 不 用 珠 制度, 玉 未 一,蓋 能 盡 存 飾 去 簡 爲 其 儉 聲明 陋 之 邪 風 ? 已足粲

物, 子 淪沒於金。 殆 有 甚 焉 中興、掇拾散逸、參酌時宜、務從省約。 者 矣。 迄于 徽宗, 奉身之欲,奢蕩靡極 跳 凡服用錦織、皆易以纈、以羅 欲 不亡得 乎? 靖康 之末, 累朝 旗仗 法

詒

及

之法。 質,若 用 金銀飾者,皆易以繪、以髹。 尚華 儒臣名物度數之學, ·麗,非禋 祀本意也。 見諸論議,又有 建炎 是以子孫世守其訓,雖江介一 初 有 事 郊 可觀者焉。 報 仗內拂扇當用珠飾。 今取舊史所載, 隅, 丽 華質適時,尙足爲 高宗日:「事 著于篇, :興服 天貴 代

志。

唐舊 所 徽宗 五 輅。 大 觀間 宋自神宗以降, 有 議 禮 局,政 銳意稽古, 和 又有禮制局。 禮文之事, 先是,元 招延儒士, 折衷同異。 豐雖 置 局 造 輅, 丽 五 元豐有詳定 輅 及 副 輅 一禮文 多仍

升 葉 鏤。 與關 有 几 龍 障塵。 角 戟, 勾 ; 左 玉 青 闌 輅,自唐顯慶中傳之,至宋日 右 輪 青畫輪轅,銀轂乘葉,三轅,銀龍 分左右 載 設 龍,右白虎,龜文,金鳳翅,雜花,龍 衣、小帶、絡帶 圓鑑 關戟,繡 ᄓ 翟 屿 初。 黻文,並青繡綢杠。又設青繡門簾,銀飾梯一,拓叉二,推竿一,銀 輕重, 並 虚置 青羅 世之良工, 丙貼 繡 雲龍, 銀鏤香罨,軾匱 顯慶輅,親郊則乘之。 莫能爲之。 頭,橫木 周綴緹帶、羅文佩、銀穗毬、小 鳳, 金塗銀裝,間 上有 銀龍二,銜香囊, 其制 銀鳳 箱 十 二。 制作精巧, Ŀ 以玉 置平盤 左建青旗, 飾 銀 黄 行 香 鈴。 頂 爐, 屋, 止安重, 輪 十有 平盤 三層,外施 香寶 四柱 ()錦帶 皆 後 布 旒、皆繡 載 油 黃 太常 畫 銀 下, 下 褥, 耀 刻

志

銀裝 正 下,其制皆同玉 六騎馬,建大白,駕 大旂,駕 誕 輅 馬二 行 馬,青繒 士六十四 在 輅前,飾 輅,惟無玉飾。 裹輓索。 人。 土 四十人。 同 象輅色以淺黃,駕六赭白馬,建大赤,駕士四十人。 駕馬。 駕六青馬,馬有金面,插鵰羽, 木輅色以黑,駕六黑 餘輅及副 五副輅並駕六馬,駕士四十人,當用銀飾者,皆以 輅皆有之。 駕士六十四人。 騮馬,建大麾,駕士四十人。 **鞶纓,攀胸鈴拂,** 金輅色以 青繡 赤,駕六 革輅 屜, 色以 銅, 自 、赤馬, 錦包尾。 金 餘 黄, 制 輅 駕 建 如口 而

轅 設 銀結經二,紅羅繡雲龍結 銅 輪 面,插鵰羽,鞶纓,攀胸鈴拂,青線織屜,紅錦包尾。 圓鑑 \equiv 並飾以金塗銀螭首,橫轅上施銀立鳳一十二。左建太常, 佩八、銀穗毬一。 層,內一層素,輪頂 政 一,以青繡,杠首 和三年,議禮局更上皇帝車輅之制,詔頒行。 十六,青羅繡寶相花帶,火珠二十八。 平盤上布 飾以銀螭首。 上施金塗銀山花葉及翟 綬 一,紅錦幟龍鳳門簾 紅羅繡雲龍褥,曲 金塗銅鈸,青犛牛尾拂,青繒 几 羽, 香匱設香 又踏路馬二,在輅前, 扶几,上下設銀螭首二十四。 青絲繡雲龍絡帶二, 青畫輪 玉輅,箱上平盤、黄屋以下皆 鑪, 轅, 十有二旒 紅羅繡寶相花 銀轂 裹索。 乘葉。 右載 駕靑馬六, 周綴雑 飾同駕馬。 帶香囊, 城置, 闟 戟, 色經帶 如舊。 、横轅、前 几 繡黻 馬 角 香寶, 有銅 凡大 勾闌 頂

祭祀乘之。

金 一輅以下,並以次列其後。若大朝會、册命皇太子諸王大臣,則設五輅於大慶殿庭,爲

輅 充 以 飾 、青者, 辺 庭之儀。 以 一青者, 緋。 革輅以黃。 象輅淺黃質, 象輅以銀褐。 金輅赤質,以金飾諸末,建大族,餘同玉輅, 木輅黑質漆之,建大塵,餘同玉輅,駕黑騮六; 金塗銅裝,以象飾諸末,建大赤,餘同玉輅,駕赭白馬六,凡玉輅之 革輅黃質,鞔之以革,建大白,餘同玉 駕赤馬六; 凡玉 輅,駕騧馬六;凡玉輅之飾 凡玉輅之飾以青者,木 | 輅之飾以青者,

輅

以

皂。

凡玉

一輅用金塗銀裝者,象輅、革輅、木輅及五

副輅,並金塗銅裝。

輅 地,當依周官以六人維 赤 青 輅 旗 今旂首 足諸. ,依月令 帛 太常』 並 載 無鸞 又 黃 禮 末, 無鈴, 二副 而 ·旂』,以金、象、木、革四 和 制局言:「玉輅馬纓十二而無采,不應古制,欲以五 兼 不言色, 滤 ,乞添置。 連屬爲之,有升龍 74 乞增置。 飾 代 以 之制 玉 司常注云:『九旗之帛皆用絳,以 爲稱其實, 之。 蓋弓二十有二,不應古制,乞增爲二十八,以象星。 叉 則當用黃,仍分緣、斿之制 車 盏 又左傳言:『錫鸞 周以 而 |輅及所 非交龍, 而羅紋雜佩乃用塗金,乞改爲玉 流蘇 建之旂,與四 及 又無三辰,皆非 佩 各 和 鈴 八,無所法 及 昭其聲 一時所乘所載皆合。 繡 周尚赤故也。』禮記月令中央『天子乘大 畫三辰於其上。 古制。 象,欲 也 」。 注: 采 小罽飾 各增爲 二。锡在 如依 樊纓 成周以 又車箱 今玉 今改制,太常其 十二,以 馬 十有二就。輅衡 額, 輅所建之旂,以 又帅車言『玉 兩幡有 所尚之色則 鈴 應 天 在 數。 金塗龜 旂 首。 斿 曳 用 叉

三四八一

輅前. 取貮 文及 自後 『三分其隧,一在前,二在後,以揉其式,以其廣之半爲之式崇。三分軫圍,去一以爲式 登車 三分軹圍,去一以爲轛圍。』注:『立者爲轛,橫者爲軹。』今玉輅無式。」 有式匱,不應古制,恐當更易,以便登車及改式之制。又禮記言『車得其式』, 一級跪乘,執策分轡,驅之,五步而立,君出就 **鵑翅**,左龍 有妨。 右虎,迺後代之制,欲改用蟉龍,加玉爲飾。」又言:「旣建太常當車之後,則 曲禮言:『君車將駕,則僕執策立於馬前,已駕,僕展幹,効駕,奮衣由 車。』則君升車亦當自右, 由前 M)周官興 右 今玉

舊駕馬四,增爲六,色亦以青。」 飾以玉。自後而升,式匱不去。旣成,高二丈七寸五分,闊一丈五尺。 耀葉、螭頭、雲龍、垂牙、鎚脚、花版、結綬、羅紋雜佩、羽臺、蔥臺、麻鑪、香寶、壓貼牌字,皆 十有二就**,**流蘇及佩各增十二之數。樊纓飾以五采之罽,衡式之上又加鸞和。輅之諸末, 八,左右建旂、常,並青。 太常繡日月、五星、二十八宿,旂上則繡以雲龍。 朱杠,青縚,鈴垂 詔:「玉輅用青質,輪輈絡帶,其色如之。四柱、平盤、虛匱則用赤,增蓋弓之數爲二十 副玉輅,亦用青色,

博山、 建,各與輅一色。 政和四年,詔改修正副輅,討論製造金、象、革、木四輅,並依新修玉輅制度。 流蘇等數,軾衡加和鸞,以合於古。金輅朱質,飾以金塗銀三左右建太常、大族及 除去關戟,改車箱兩轓龜文、鵾翅、左龍、右虎之飾,並用蟉龍。 旂、常並 增蓋弓、

輪 衣 絡帶等, 色皆以黄; 龍旂九斿, 如周官金略建大旂之制 ; 駕馬 以騧, 飾獎纓五 一采九

就。 帶等, 衣 木輅 革輅朱質,凡制度、裝綴、名物並同金輅,飾以金塗銅鍮石; 左右建太常、大白及輪衣、 、絡帶等,色皆以紅;大赤繡鳥隼七斿,如潤官象輅建大赤之制; 象輅朱質,凡制度、裝綴、名物並 色皆以皂; 色皆以淺黃; ·朱質,凡制度、裝綴、名物皆同金輅,飾以金塗鍮石; 大塵繡龜蛇四斿,如潤官木輅建大塵之制;駕馬以烏,飾樊纓三就。 大白繡熊虎六斿,如馬官革輅建大白之制; 同金幣,飾以象及金塗銀銅鍮石 左右 建太常、大塵及輪衣、絡 駕馬以赭白,飾樊纓五 ;左右建太常、大赤 駕馬以赤,飾樊纓七 几

斿, 其 以 削 白 五. 一, 飾 采 太常 幅 爲之。 罽 又 長 Ü 禮 而 樊纓以 〈齊首 革 色黄, 九就 制局 木 輅 龍 飾以組 增改 五 ; 維以 依 勒 采 建 舊 絛 | 罽而 雅 大 纓, 色, **縷,充幅爲之。** 、旂,色青,飾以 飾諸 ,象日月於緣、星 建大白 而 七就; 飾 輅:舊副 以 「,色白 漆 建大赤,色赤,飾以組 其色黑; 玉 又詔玉輅身仍用紅,太常、旂、絡帶等用黃 組 輅 飾以組 辰於斿,其長 ,象交龍 色青,飾以金,改用黃而飾以玉;樊纓如正 前 象熊 樊鵠纓,建大 於緣、升龍 曳地。 虎 ,象鳥隼於糝、斿,其長 於終 於斿,其長 、游,其長 舊金 塵,色黑,飾以 一輅改用 一齊肩。 齊 軫。 青,飾以 組, 三略皆維 象輅 齊較。革輅 象 餘常、旂、絡 金 龜 改 輅之制; 用赤 蛇 樊 於 以 〈纓以 设用 介飾 縷,

輅駕

馬各六。

丢

輅

震士六十四人,餘皆四十人。

芯

第

亦隨其輅色。

天禧 年,遂作金、象、革、木四 寸,輻徑 名耀葉。 高宗 (宣 三十九寸,軸長 和 鏤以金塗龍文,覆以青羅,日 渡 鹵簿圖 江,鹵簿、儀仗悉燬於兵。 考究制度, 輅,副輅 十五尺三寸。 及故內侍工匠 不設。 ·輪衣。 頂上 紹興十二年,始命工部尚書莫將、戶部侍郎張澄等以 玉輅之制,青色,飾以 剡爲輪三層, 一省記指 綴垂 玉 說, 佩,間 參酌 象天 以 五. 制 玉,通 圜 色垂 度。 也 是年 | 氂尾,日流蘇 高 外施 十九尺, 九月, 青 玉. 博山 輪高 玉 輅 八十一, 成 名 明

平。 馬 黄 彩 顧 後卷簾梯級 頂 畫,此輅下飾也。 負之以行 飾之,前後左右各二。 香木爲之,取其黃中之正 間 [] 車輪三歲一易,心 角 輅 之中 闌 分 柱 垂 以 ; 四柱,象地方也,前柱卷龍。 青羅日絡帶,表裏繡 頭 次日推轅,班直推之以 有 登。 玉 蹲龍。 四面 每新輪成,載鐵萬斤試之。 用 周 楡 前有轅木三,鱗體昂首龍 軾前有: 以 色也。 圜數尺,圈以 闌 而 雲龍。 牌,鏤 闕其中,以備登降。 下有塗金蹲龍 助馬 曰「玉輅」,以玉篆之,上有 遇雨 平槃· 力。 鐵,以防折裂。 上布錦 則油 橫於轅後者名曰壓轅,以 十六。 形。 貴 繒 褥, 執綏官先 覆之。 轅木上東兩橫竿,在前 在平 前有横軾,後垂錦軟 橫貫大木以爲軸,**夾以** 槃四 自 圍 石 玉龍二。 下, 升, 又有. 立於右 人壓 中設 簾。 於後, 拓 者名曰 角雲龍 柱下, 河輪? 御 登車 坐,純 欲取 鳳 輪皆 以 則 其 備

金

自

左建太常,右建龍旂,插於輅後兩柱之金環前。 駕青馬六,馬有鏤錫,鞶纓,金鈴,紅旄

五人,專知官一人,手分一人,庫子八人,裝挂工匠二人,諸作工匠十五人,蓋覆儀鷺司十一人,監官三員。 二人。〇又有呵喝人員二人,教馬官二人,捧輪將軍四人,千牛衞將軍二人,推輪軸官健八人,抱太常龍旗官六人,職掌 前攔馬八人,後攔馬八人,踏道人員二人,踏道二十人,小拓叉四人,小梯子二人,燭臺二人,香匙剪子二人,左右索人員 入轅馬十二人,龍頭子二人,前後抱轅各六人,推竿四人,捧輪四人,拓叉四人,淨席四人,前攔人員一人,後攔人員一人, 繡屜,金包騣,錦包尾,青繒裹索引之。駕士二百三十二人(三)。誕馬十二人,左右索百二十八人,

銅,制 抹絹袴、襪、麻鞵,其色各從其輅。 木輅黑色,飾以金塗銀,制如革輅,博山、輪衣、絡帶並以黑,建大麾四斿,駕黑馬六,駕士 輪衣、絡帶並以朱,建大赤七斿;駕赤馬六,駕士一百五十四人。 大旂九斿;駕黃馬六,駕士一百五十四人。象輅朱色,飾以象及金塗銅,制如金輅;博山、 百五十四人。 金輅黃色,飾以金塗銀,制如玉輅,而高減五寸,博山、輪衣、絡帶、轅輻、軸並以黃,建 如象輅,博山、輪衣、絡帶並以淺黃白,建大白六斿,駕黃白馬六,駕士百五十四人。 五輅駕士服色:平巾幘、青絹抹額、纈絹對花鳳袍、緋纈絹對花寬袖襖、羅 革輅淺黃白色,飾以金塗

政和六年,徐秉哲言:「南北郊,皇帝乘玉輅以赴齋宮。 自齋宮赴壇,正當祀天

祭地, 天之義。 所駕之馬,其數如之,唯樊纓一就,以稱尙質之義。 至禮畢還齋宮,則御大輦,於禮無嫌。」從之。 大 虀 一, 疑 非禮意。」下禮制局討論。 禮制局請:「造大輅如 仍建大旂十有二旒, 玉輅之制,唯 龍章目月,以協象 飾以玉。

日大芳輦,三日仙遊輦,四日小輕輦,五日芳亭辇,六日大玉輦,七日小玉輦。 大輦。 潤官巾車氏有輦車,以人組挽之,宮中從容所乘。 唐制, 虀有七:一日大鳳輦,

方還都,則乘之。 帶 葉,龍鳳裝。其上四面行龍雲氣〔三〕,火珠方鑑,銀絲囊網,珠翠結條,雲龍鈿窠霞子〔四〕。四角 褥、帊,梯杖褥,朱索,緋繒油帊。 飾 並 勾闌、臺坐,紅絲條網,帉錔。 頭銜香囊,頂輪施耀葉。中有銀蓮花坐龍,紅綾裏三,碧牙壓帖。內設圓鑑,銀絲香囊,銀 緋 太祖建隆四年,翰林學士承旨陶穀爲禮儀使,創意造爲大辇:赤質,正方,油畫,金塗銀 繡壓金銀綫。長竿四,銀裹鐵錫龍頭,魚鈎,錦膊褥,銀裝畫梯,拓叉,黃羅緣席 中施黃褥,上置御坐,扶儿,香鑪,錦結綬。几衣、輪衣、絡 主輦六十四人。 親祀南郊、謁太廟還及具變駕黃塵仗、省

IF. 方,油畫,金塗銀龍鳳裝,朱漆天輪一, 真宗東封,以舊輦太重,遂命別造,凡減 金塗銀頂龍一。 七百餘斤,後常用焉。 四面施行龍一十六,火珠四。 神宗已後,其制:赤質, 几

錦 角 龍 褥等,施屛風,香鑪,結綬。 頭四,穗毬一十二。頂輪施耀葉,紅羅輪衣一,綴銀鈴,紅羅絡帶二。 長竿四,飾以金塗銀龍頭。 祀畢,車駕還內,若不進輅, 中設御坐、曲

以 楹 日 軾高三尺二寸。 月,以弧張幅,以韣韜弧;杠以青錦綢之,注旄於竿首,繫以鈴。 政 和之制:黃質,冒以黃衣,紘以黃帶。 建大旂於後楹,旂十二斿,其長 車箱四圍,於桯之外,高二尺二寸。 曳地,其色黃,繪以交龍,素帛爲繆,繪 設軾於前

爲龍 鈴,頂· 施方 質, 粡 塗 銀 行 正方,高 博山 縢 首。 鏡, 國 有 朝之輦有 清羅 九柱 八十 平 十五 槃下,四 十字 圍 以朱闌, 尺三寸,方十一尺六寸。 七,中興後,唯存大輦、平輦、逍遙三輦而已。 分垂 內有 圍結紅絲網。 几 圓鏡, 中設 角,日絡帶。 御坐、曲 金塗銀頂 輦官服色:武弁,黃纈對鳳袍,黃絹勒帛 几、屛風、錦褥。 匹 龍 1角出 四柱,平槃,上覆青綠錦。 --, 龍首, 銜氂牛五 四面 行龍十六, 火珠 下舉以 長竿四, 色尾,日 大輦又日大安輦,其制 匹。 上有天輪三層,外施 攢 旒 輸 竹筋 綏。 衣 以青,墜以 生 廖 儿 色袒帶,紫 丹漆之,竿 面 拱 斗, 外 金 金 赤

芳亭辇, 黑質,頂 如 幕屋,緋羅衣,裙襴、絡帶皆繡雲鳳。 兩面朱綠牕花 版, 外施紅絲網

志

網, 金銅粉錔,前後垂簾,下設牙牀、勾闌。 政和之制、簾以紅羅繡鵝爲額,內設御坐,長竿飾以金塗銅螭首,橫竿二。 長竿四、銀龍頭、銀飾梯、 行馬。 主

文、金鳳翅。前有軾匱、香鑪、香寶、結帶,下有勾闌二重,內設紅錦褥。長竿三氏了,銀飾梯, 鳳輦,赤質,頂輪下有二柱,緋羅輪衣,絡帶、門簾皆繡雲鳳。 主輦八十人。法駕鹵簿,不設鳳輦。 頂有 金鳳一 ,兩壁刻

子、宜男方勝纈衫。 封,別造辟塵逍遙輦,加牕隔,黃繒爲裏,賜名省方逍遙輦。中興之制,赤質,金塗四柱,椶 常行幸所御。又魚鈎,粉錔,梅紅條。 輦官十二人,春夏服緋羅衫,秋冬服白師子錦襖。 屋上有走脊金龍四,中起火珠凸頂,四面不設牕障,中有御踏子,制甚簡素。 逍遙輦,以椶櫚爲屋,赤質,金塗銀裝,朱漆扶版二,雲版一,長竿二,飾以金塗銀龍 祗應人員服帽 東

幸所御。 平輦,又名平頭輦,亦曰太平輦,飾如逍遙輦而無屋。 東封,別造升山天平辇,施機關,賜名曰登封辇。 中興之制,赤質,正方,形如一朱 輦官十二人,服同逍遙輦。

不別 竿二,竿爲螭首,金塗銀飾焉。初,有司言:「東都舊制,輦飾以玉,裙網用七 附 珠。」帝曰:「上皇意不然,止欲簡素。」遂以塗金易玉,梅紅絲結裙網,間綴七寶,而象牙 大輦 造。 加綴七寶。 旣而上皇却不受,每至大內,多乘馬,而間有行幸,則用肩 义有七寶輦,隆興二年,爲德壽宮所製也。 、平輦制度爲之。 中設香木御坐, 上施頂 引手為轉身龍,靠背為龍首,靠杯子織以紅黃 輪、耀葉、角龍、頂龍、滴子、鐸子、結穗毬。 高五十一寸, 閥二十七寸, 梁三十六寸。 興。 自是,<u>重華、</u>壽康兩宮 寶, 下施梅 而滴 藤 异 以 長 紅絲 子用眞 易眞 比 裙

色花 闡,施翟羽,玉照子,中爲方牀三級。 飾梯, 瀝 水 裙網。 //> 行馬。 中設方牀,緋繡羅衣,錦褥。 與,赤質,頂輪下施曲柄 **昇以長竿二,竿爲螭**首。 奉輿二十四人。中興後,去其輪蓋,方四十九寸,高三十一寸。 如濫 一組織 上設 上有小案、 宮殿從容所乘,設鹵簿則陳之。 御坐、曲几、踏子, 輪衣、絡帶, 、坐牀, 皆繡衣。 制 如鳳輦而小。 曲柄 踏床緋 緋羅繡蓋, 衣。 下有勾闌, 前後長竿二,銀 興下紅絲結五 興上周以 牙牀, **4.**J 繡

志

床、曲 六人。 腰 怲 輿,前後長竿各二,金銅螭頭,緋繡 蓋,而上設方御床、曲儿,异竿無螭首,用亦同 中 與制,赤質,方形,四 面 曲闌, 下結 鳳裙襴,上施錦褥,別設小牀,緋繡花龍衣。 繡裙 網。 小 制如 興。 小 興, 惟 無翟 尾、玉 照子、三級 奉 興

車 鹵 簿,並 而已, 緋 根 列 車制,青質、蓋三層, 其制 於仗 度 闪; 並 若耕 同,惟駕 籍則 士七十五人。 乘之。 餘如五輅之副。 國朝之車 ¬, 自 駕六靑馬,駕上四 耕根 而 下, 凡 4-十人。 有 五 親祠 南 渡所 具大駕、 存,惟 耕 法 根

馬。 門簾皆 駕川 進 賢 繡 馬,駕士二十四人。 車,古安 鳳, 紅 絲 車 網 也。 中 設 太祖 朱漆牀,香案,紫綾案衣,緋繒裹輓索,朱漆 乾德 元年改赤質,兩壁 紗牕,擎耳,虚匱, 行馬。 轅,緋幰衣,絡帶 凡車皆 有 輓索、行

上打 金龍 阴 遠 <u>U</u> 車,古四望車 角 垂銅鐸,上層 也, 駕以 [] 牛。 面 重 一簾,下層周以花版,三轅。 太祖乾徳元年 改,仍舊 几 馬。 駕士四十人,服繡 赤 質, 制 如 屋, 對 重 鳳 櫩 勾 闌

羊車、占輦車也、亦爲畫輪車、駕以牛。 隋駕以果下馬, 今亦駕以二小馬。 赤質,兩壁

畫 龜文、金鳳翅,緋幰衣、絡帶、門簾皆繡瑞羊。 童子十八人。

年,增爲三十人。仁宗天聖五年,工部郎中燕肅始造指南車。 指 上有仙人,車雖轉而手常南指。 南車,一日司南車。 赤質,兩箱畫青龍、白虎,四面畫花鳥,重臺,勾闌, 。一轅,鳳首,駕四馬。 湖上奏日: 駕士舊十八人,太宗雍熙四 鏤拱,四角垂

石.代 鈞繼作之,屬世亂離,其器不存。宋武帝平長安,嘗爲此車,而制不精。 時,越裳氏重譯來獻,使者惑失道,周公賜輧車以指南。其後,法俱亡。漢張衡、魏馬 後魏太武帝使郭善明造,彌年不就,命扶風馬岳造,垂成而爲善明鴆死,其法遂 至國朝,不聞得其制者,今創意成之。 唐元和中,典作官金公立以其車及記里鼓上之,憲宗閱於麟德殿,以備法駕。 黃帝與蚩尤戰于涿鹿之野,蚩尤起大霧,軍士不知所向,帝遂作指 祖沖之亦復造 南車。 周 成

齒 一百二十。足輪二,高六尺,圍一丈八尺。附足立子輪二,徑二尺四寸,圍七尺二 其法 ·用獨轅車,車箱外籠上有重構,立木仙人於上,引臂南指。用大小輪九,合

志

第

百

興服

輪一,其徑四尺八寸,圍一丈四尺四寸,出齒四十八,齒間相去三寸。中立貫心軸一, 平輪一,其徑一尺二寸,出齒十二,右小平輪一,其徑一尺二寸,出齒十二。中心大平 寸 高八尺,徑三寸。 。 出 齒各二十四,齒間相去三寸。 轅端橫木下立小輪二,其徑三寸,鐵軸貫之。 左小

岩 膊 齒,擊右小平輪一匝,觸中心大平輪左旋四分之一,轉十二齒,車東行,木人交而南指。 折 四分之一,轉十二齒,車正西行,木人交而南指。若欲北行,或東,或西,轉亦如之。 而西,推轅左旋,附左足子輪隨輪順轉十二齒,擊左小平輪一匝,觸中心大平輪右 上刻木爲仙人,其車行,木人指南。若折而東,推轅右旋,附右足子輪順轉十二

韶以其法下有司製之。

尺四寸, 寸八分。 車箱 |大觀 南 車 ·關戾。 元 身一丈一尺一寸五分,闊九尺五寸,深一丈九寸,車輪直徑五尺七寸,車轅一丈五 上下為兩層, 出齒一百、齒間相去一寸二分五釐,通上左右起落。 中心 (年,內侍省吳德仁又獻指南車、記里鼓車之制,二車成,其年宗祀大禮始用之。 臥輪一十三,各徑一尺八寸五分,圍五 輪軸 隨屏風 中設 **於**屛風, 貫下,下有輪一十三,中至大平輪。 上安仙人一執杖,左右龜鶴各一, 尺五寸五分, 出齒三十二, 齒 二小平輪,各有鐵隊子一, 其輪徑三尺八寸, 童子四各執纓立四 間 闡 相去 一丈

右轅小輪觸落右輪,若左轉使左轅 齒三十二,齒間相去一寸一分。 寸五 插 二,齒間相去二寸二分五釐。 寸,圍六尺三寸,出齒三十二,齒間 一徑一尺一寸,圍三尺三寸,出齒一十七,齒間相去一寸九分。 又左右附輪各一,徑一 羽,鞶纓,攀胸鈴拂,緋絹屜,錦包尾 分,圍四尺六寸五分,出齒二十四,齒間 左右後轅各 左右 小 輪觸落左輪。 車 相去二寸一分, 脚上各立輪一,徑二尺二寸,圍六尺六寸,出 小 輪 相 去二寸一分。 一,無齒,繫竹簟幷索在左右軸上,遇右轉使 行則仙童交而指南。 上輪各徑一尺二寸,圍三尺六寸,出 左右疊輪各二,下輪各徑二尺 車駕赤馬二,銅 幽三 尺五 -

鼓 + 記 里鼓車,一名大章車。 里, 則次層木人擊鐲 赤質,四面畫花鳥,重臺,勾闌,鏤拱。 轅, 鳳首 駕四 馬。 駕士舊十八人,太宗雍熙四 行一里,則上層 年, 增爲 木 人擊

寸四 里, 木槌。 用 分,出齒 仁宗 較 足輪 今法 天聖 各徑六尺, 五. 十八,齒間 五年,內侍盧道隆 尺爲步,三百六十 圍 相去二寸三分。下平輪一、其徑四尺一寸四分、圍一丈二尺四 丈八尺。 上記里鼓車 步爲 足輪 里。 立 之制:「獨轅雙輪,箱上爲 周, 輪 而 附於左足, 行 地三 步。 徑一尺三寸八分, 以古法六尺為 兩重,各刻 步,三百 木爲人,執 重 几 步爲

志

牙相制,周而復始。」詔以其法下有司製之。 平輪轉一周,車行十里,上一層木人擊鐲。

凡用大小輪八,合二百八十五齒,遞相鈎鏁,犬 輪一,其徑三寸少半寸,圍一尺,出齒十,齒間相去一寸半。上平輪一,其徑三尺少半尺,圍 去一寸二分。中立平輪一,其徑四尺,圍一丈二尺,出齒百,齒間 分,出齒五十四,齒間 一丈,出齒百,齒間相去與小平輪同。 相去與附立輪同。 其中平輪轉一周, 車行一里, 下一層木人擊鼓; 上 立貫心軸一,其上設銅旋風輪一,出 相去與旋風等。 齒三,齒間 次安小平

立.輪 關戾、撥子各一。其車脚轉一百遭,通輪軸轉周,木人各一擊鉦、鼓。 輪一,通軸貫上,徑三尺八寸,圍一丈一尺,出齒一百,齒間相去一寸二分。立軸一,徑二寸 又平輪一,徑四尺六寸五分,圍一丈三尺九寸五分,出齒六十,齒間相去二寸四分。上大平 二分,圍六寸六分,出齒三,齒間相去二寸二分。外大平輪軸上有鐵撥子二。又木橫軸上 一,安在車箱內,徑二尺二寸五分,圍六尺七寸五分,二十齒,齒間相去三寸三分五犛。 大觀之制,車箱上下為兩層,上安木人二身,各手執木槌。 輪軸共四。 內左壁車脚上

緋,皂頂及緋絡帶,並繡飛鷺。柱杪刻木爲鷺,銜鵝毛筩,紅綬帶。一轅。 白鷺車,隋所制也,一名鼓吹車。 赤質,周施花版,上有朱柱, <u>貫</u> 五. 一輪相重, 駕四馬,駕上十 輪衣以

鸑 旗車,漢制,爲前驅。 赤質,曲壁,一 上載赤旗、繡鷺鳥。 駕四馬,駕士十八人。

易太 十八 載太卜令一 花版,四 一, 弧矢易辟惡獸。」從之。 人。 崇德車,本秦辟惡車也。 角刻辟惡獸,中載黃旗,亦繡此獸 政和之制, 員,畫辟惡獸於旗。 建黄羅 繡崇德旗 上有桃弧棘矢,所以禳卻不祥。 [記 曰『前巫而後史』,傳曰『桃 __, 彩畫 (4)0 刻木獬豸四。 太卜署令一人,在車 宣和 弧棘矢,以供禦王事』。 太祖乾德元年,改赤質,周施 元年,禮制局言:「崇德 中執旗。 鴽 四 馬, 請 以 駕 巫 車

壁, 上有柱, 皮軒車, 貫五 漢前驅車也。 一輪相 重, 畫虎文。 冒以虎皮為 駕四 軒, 馬, 取曲禮「前有士師, 駕士十八人。 政和 之制, 則載虎皮」之義。 用漆柱, 貫朱漆皮軒 赤質, 曲

Ŧī.

黄 鉞 志 第 車, 漢制, 百 乘興建之,在大駕後。 爽 服 晉鹵簿有黃鉞車。 唐初 無之, 三四 貞觀後 九五 始 加。

赤

曲 壁,中設 金鉞 ,錦囊 綢 杠。 左武衞隊正 一人,在車 中執鉞。 駕兩馬,駕 土十五

駕 始 上十五 加 豹尾 此 車 ·於鹵 車。 簿 古者軍正建豹尾。 內,制 同 黄鉞車 漢制,最後車一乘垂豹尾,豹尾以前即同禁中。 上載朱漆竿,首 綴豹尾,右武衞 隊正 一人執之。 唐貞觀 駕 兩 馬,

網 法駕用三十一 二乘,宋因之。 **粉錔**。 屬 車,一 每乘駕三牛,駕士十人。 日副 乘,小駕用十二乘。 黑質, 車, 兩箱軬裝,前 一日熕車、一 有 **隋制**,大駕三十六,法駕十二,小駕不用。 日 左車。 曲闌,金銅飾,上施紫通幰,絡帶、門簾皆繡雲鶴,紫絲 秦制, 大駕屬車 八十 乘, 法駕三十六乘。 唐 大駕唯用 漢

雜 鷙 調 魓 陳 日 其間、未爲合禮。 則 五 載 車。 貔 有 貅。』萬乘 水 徽宗宣 則 載 青 和 旌 山, 元年,禮制 今欲改五車相次於中道,繼之以崇德車, 前 五. 有 車 塵 埃 局 必 言:「舊鹵 載,所以警衆 則 載鳴鳶,前 簿記有白 有車 <u>[]</u> 靑 騎 旌、鳴鳶、飛鴻、 則 載飛鴻,前有士 鸞旗、皮軒三車,其制非 於是爲備。」青旌車,赤質, 貔貅: 師 乃以白鷺、鸞旗 則 載 虎皮, 前 按 (曲)

車,赤質, 之,畫鳴鳶於其上。 曲 壁, 中載青: 曲壁,中載虎皮旌,以絳帛爲之,緣以赤,畫虎皮於上。貔貅車,赤質,曲壁,旌以 旌 ,以絳帛爲之,畫靑鳥於其上。 飛鴻車,赤質, 曲壁, 中載飛鴻旌,以絳帛爲之,畫飛鴻於其上。 鳴鳶車,赤質,曲壁, 中載 鳴鳶旌, 以絳 虎皮 闩 爲

絳帛爲之,緣以赤,畫貔貅於上。其轅皆一。

頭,穗毬,雲朵踏頭,蓮花坐,鴈鈎,火珠,門沓,鐚鉞,頻伽,大小鐶,駕以橐駝。 凉車,赤質,金塗銀裝,龍鳳五采明金, 織以紅黃藤,油壁,緋絲絛龍頭,梅紅羅褥, 省方在道及 銀螭

相 風鳥興,上載長竿,竿杪刻木爲鳥,垂鵝毛筩,紅綬帶,下承以小盤,周以緋裙,繡鳥

形。與士四人。

校獵迴則乘之。

漆 置貯水,渴鳥注水入鉢中。 行 漏輿,隋大業行漏車也。 長竿四, 奥士六十人。 制同鍾、鼓樓而大,設刻漏如稱衡。 首垂銅鉢, 末有銅象,

十二神興,赤質,四門旁刻十二辰神,緋繡輪衣、絡帶。 興士十二人。

有緋蓋,亦綉交龍。 輿士各二人。 中興後,相風、行漏、十二神、鉦鼓四輿,悉省去。 交龍鉦、鼓興各一,皆刻木爲二青龍相交,下有木臺、長竿,一挂畫鼓,一挂金鉦,上皆

鍾、鼓樓興各一,本隋大駕鍾車、鼓車也。 皆刻木爲屋,中置鍾、鼓,下施木臺、長竿,如

鉦、鼓興。 興士各二十四人。

行漏輿、十二神與、交龍鉦鼓輿、鍾鼓樓,舊禮無文,皆太祖開寶定禮所增。

校勘記

(1) 外施銀耀葉 「頂上剡爲輪三層」,「外施靑山博玉八十一,一名耀葉」。 「外」原作「各」。按下文稱政和時玉輅「頂輪三層,內一層素」;又紹興時玉輅 此處「各」亦應爲「外」字之誤。 據太常

因革禮卷二一、通考卷一一七王禮考改。

人;通考卷一一七汪禮考作「二百三十八」,而其下註文實數爲二百三十人。 駕士二百三十二人。按其下註文自「誕馬十二人」至「左右索人員二人」,實數爲二百三十四 記

珠翠結條雲龍鈿窠霞子 「條」,太常因革禮卷二一作「絛」;「龍」下,同書同卷有「鳳」字。

(新) 紅綾裏 「裏」,太常因革禮卷二一作「裹」。

(云) 長竿三 「三」,太常因革禮卷二一作「二」。

(七) 亦編此獸 「亦」原作「赤」,據太常因革禮卷二二、通考卷一一七王禮考及玉海卷七九改,

宋史卷一百五十

志第一百三

輿服二

后妮車輿 皇太子王公以下車輿 繖扇鞍勒 門戟旌節

興各一,上覆椶櫚屋,飾以鳳,輦官服同乘興平頭輦之制 馬,金銅 有虛匱、香爐、香寶,緋繡幰衣、絡帶、門簾,三轅鳳首,畫梯, 根 車。宋因之,初用厭翟車。其制:箱上有平盤,四 皇后之車,唐制六等:一日重翟,二日厭翟,三日翟車,四日安車,五日四望車,六日金 面,纓轡,鈴攀,緋屜。 駕士三十人, 武弁、緋繡衫。 「角曲闌,盤兩壁紗牕二」,龜文,金鳳翅,前 常出止用正、副金塗銀裝白 推竿,行馬,緋繒 裹索。 駕六 藤

徽宗 志 政 第 和 百 三年,議禮局上皇后 \equiv 與 服 _ (車興之制:重翟車,青質, 金飾諸末,間以五采。 三五〇一 輪金根

繒 朱牙。 則 坐,橫轅 裹索。 紫羅 其箱 上施立鳳八。 畫雲龍絡帶二, 駕青馬六,馬有銅面,插翟羽,鞶纓,攀胸鈴拂,靑屜,靑包尾。 飾以 重 翟 羽,四 香匱設香爐、香寶,香匱飾以螭首。 青絲絡網二,紫羅畫惟 面 施雲鳳、孔雀, 刻鏤龜文。 ···
, 青羅畫雲龍 頂輪上施金立 前後施簾,長轅三,飾以 夾幔二。 鳳、耀葉。 若受册、謁景靈宮, 車內設. 青羅 鳳 紅. 頭,青 憶衣 媷 及

車質。 帶,餘如 車。 儀則用之。 絲絡網,前後施簾;車內設褥及坐,長轅三,飾以鳳頭,駕赤騮四。 駕赤 厭 自重翟車以下,備鹵簿則皆以次陳設。藤輿,金塗銀裝,上覆椶櫚屋,以龍飾,常行之 翟 四望車,朱質,青幰衣,餘同安車。駕牛三。 金根 腳四。 重翟車。駕黃騮四。安車,赤質, 車,赤質,其箱飾以次翟羽; 若親蠶則乘之。 翟車,黃質,其車側飾以翟羽; 紫幰衣,紅絲絡網,紅羅畫絡帶,夾幔錦帷,餘 金飾,間以五采,刻鏤 車,朱質,紫뼪衣,餘同安車。 (龜文;紫幰衣,錦惟絡 黃幰衣, 黃絲絡網, 凡駕馬聲纓之飾, 錦 如 駕 並 帷 重 從 紅

厭 翟 車,常乘則白藤輿。 龍 「肩興。 一名椶檐子,一名龍檐子,舁以二竿,故名檐子,南渡後所製也。東都,皇后備 中興,以太后用龍興,后惟用檐子,示有所尊也。 其制:方質, 椶

第一百三 與服二

志

頂,施走脊龍四,走脊雲子六,朱漆紅黃藤織百花龍爲障; 緋門簾,看腮簾,朱漆藤坐椅,踏

子, 紅羅裀褥, 軟屏, 夾幔。

看牕簾 夾軟 檐子一 紅油十字帕、竿袋、魚鈎帕數同上,兜地帕 二,金塗銅手把葉段拓叉二,金塗銅叉頭拖泥行馬二,金塗銀葉杠子二,紅茸屬 緣肩膊席褥 尹肇發、納中宮金塗銀葉椶櫚、朱漆紅黃藤織百花龍枰子、碌牙壓貼、鏤金雕木腰花泥 八,插拴坐龍四,環索全,鈸遮那 屏風、夾幔各 隆興二年正月,皇后受册畢,擇日朝謁,有司具儀物,乞乘肩興龍檐。 乘。 二,朱漆藤面 金塗銀頂子,龍頭六,走脊龍四,走脊雲子六,貼絡龍四十,貼絡雲子三十,鐸子 一十六,繫帶全,金塗銀鐵胎 一,襯脚席褥、靠背坐褥及踏床各一,紅絹十字帕 明金雕木龍頭椅 一副,檀香龜背紅紗牕四 一,脚踏一,紅線絛結一,朱漆 杆鞫四 一,圍裙 魚鈎四 易, 火踏 紅羅緣紅篸門簾一,瀝水全, __<u>,</u> 小几二,紅 朱漆梯盤全, 一,竿袋四, 製造所受給使臣 羅 條四, 魚鈎帕一 褥全,紅羅 朱漆 版龍 紅羅 衣 匣

出,止用副 金塗銀裝白 神宗 真宗咸平中,爲萬安太后製興,上設行龍六。 嗣位, 藤興,覆以椶櫚屋,飾以鳳。 尊皇太后爲太皇太后, 其行幸依治平元年之制。 輦官服同乘興平頭輦之制。 乾興元年,詔皇太后 而皇太后、皇后常 御 於是韶太 坐檐子,

太后出入所 乘,如萬安太后興,上設行龍六,制飾率有加。 金銅 車,禮典不 載, 則 如舊制

辇。 豐 中, 哲宗曰:「今皇太后獨尊,非宣仁比。」遂詔行幸進大安輦,已而 哲宗紹 **先帝手韶**,皇太后行幸儀 聖元 7年,議 造皇太后大安輦,中書具治平、元豐中 衞 ,並依慈聖光獻太皇太后 日 皇太后 例, 皇太后嫌避,竟不製造。 而宣仁謙 興服儀衞以呈,日:「元 恭, 不乘

太皇太三 門。 宗旣嗣位,尊朱貴妃爲皇太妃,出入許乘檐子。 皇太后,又不可不逮於中宮。』今參以人情,再加詳定,伏請供 太常寺言:「近奉旨:"皇太后欲令皇太妃坐六龍 龍 五. 於是三省議,皇太妃坐 龍 出入由宣德東 后 輿。 詔 有司尋繹典故,於是擔子飾以龍鳳,糤用 皇太后所乘也。 、偏門。 龍 哲宗以皇太后踰旨, 東都,皇太后多垂簾,皆抑損遠嫌,不肯乘輦,止用 鳳興, 繖紅 黃 **兼用,從皇太后出** 興,股常思皇太妃 有 令太妃坐六龍興 司 紅。 請用牙 九年, 魚 進 **艺**, 鳳 **季**臣 龍 爲飾, 鳳 止 出 尊 奉之禮,既不 用 議 入, 興。」從之。 撤用· 紅 改檐 進黃 子 紹 青 繖, 聖元 爲 興而已 興,上 元站 敢 擬 由 年, 宣 隆於 德正 設行 禮 哲

焉 以椶,加走龍六,內設黃花羅帳、裀褥、朱椅、踏子、紅羅黃羅繡巾二。 紹 及徽宗即位, 興 奉迎 皇太后, 尊太妃爲聖瑞皇太妃, 詔造龍 興,其制 :朱質,正方, 詔儀物除六龍興 金塗銀 不 飾, 用, 四 竿, 仍 進 竿頭螭首 龍 鳯 興外, 赭牕 餘 悉增崇 和簾,

志第一百三 興服二

子妃, 諸 祀 頭,銜結綬及鈴綏。八鸞在衡,二鈴在軾。駕赤騮四,金鍐方釳,插翟尾,鏤鍚,鞶纓九就。 軾,龍輔,金鳳一在軾前。設障塵。朱蓋黃裏。輪畫朱牙。左建旂,九旒,右載關戟。 三年,議禮局上皇太子車輅之制: 太 末,青油 謁 〈子,謁太廟,乘金輅,常朝則乘馬。 則有厭翟車,駕以三馬。出入亦 太廟、納妃則供之。軺車,金飾諸末,紫油通幭,紫油纁朱裏,駕馬一。 太子車輅之制。 通憾,青油纁朱裏,朱絲絡網,駕馬 唐制三等: 金輅,赤質,金飾諸末。重較,箱畫苣文鳥獸; 一日金輅,二日軺車,三日四望車。 .乘檐子。 中興簡儉,惟用藤檐子,頂梁、异杠皆飾以玄 真宗天禧中,仁宗爲皇太子,亦同此制。 ____ 軺車、四望車以次列於鹵 太宗至道初,真宗爲 簿仗內。 四望車, 黄屋, 伏鹿 旂首金龍 徽宗政和 金飾 從

之; 制 同 三日 乘輿之 親 王 一季臣 木 副 輅 ,惟改 ,四品 車輅之制。 頭乘之; 龍 飾爲螭。 唐制有四:一日 儿 日軺車,五品乘之。 六引內三品以上乘革車, 赤質, 制 象輅,親王及一品乘之,二日革輅,二品、三品乘 宋親王、一品、二品奉 如 進賢車,無案,駕四赤 使及葬,並 革輅,

漆

四四

角刻獸形,素藤織花爲面,如

政和之制。

飾 馬 豸, 兵 駕 紫幰衣、絡帶 、部尚 書以虎,太常卿以 五. 並 繡 其緋 雉 衛瑞 幰衣、絡帶 草,駕二馬,駕士十八人。 [鳳, 駕上 、旗戟、綢杠繡文: 衣 介同。 縣令 司 乘軺車, 百官常朝皆 **徒以瑞馬** 黑質,兩壁 乘馬 京牧以 紗 隼 牕, 御 史大 夫以 金

三品 飾 在 制 之, 度。 衡 眞宗 -6 左建 詔 餘 旒 同 下 大中祥符 革 旅 几 太常 밆 輅 畫龍,一升一降,右載關戟。 六旒 禮院詳 軺 四 車 ,其鞶纓 年 , ·(=), 曲 定。 壁 如之。」 本院言:「按鹵簿令,王公已下, 青幰 知 樞 心碧裏 密 院事王 革輅以 諸略皆 一欽若言: 「王公車輅 朱質,朱蓋 革 飾 諸末, 一,朱旂旃,一品九旒,二品 左 象略以 一建旃 上並川龍 象飾諸末,朱班 餘 同象輅。 裝, 乞下 木輅 有司檢定 以漆 八 意

卿 建 車。 旗 旃 御 次 神 考之非 史 宗 太常卿, 大 夫 元 夫、兵 建 是。 豐三年, 物 ا آ ه 謹 鳳 部 請 按 旗 尚 公卿 ; 詳定禮文所言:「鹵簿記公卿 {周 書 禮 次司 乘夏縵,司 已下 巾 車 徒、瑞馬 奉引, 職 目 徒 光開封 = 旗; 乘 孤 夏篆,並 乘夏篆, 次御 今, 史大夫, 乘 一建施 卿 墨車 奉 乘 引: 夏 建物 獬豸 所以 縵, 第一 旗; 大 開封令,乘軺車; 多備 次 夫 次兵 開 乘 九旗 墨 封 牧, 部 車 之制 - o 尙 驱 書, 司 器 常 詔 車. 虎 職 次 從之。 建 旗 開 旗 封 = 而 牧,隼 孤 乘 卿 革

駕馬四, 政 和 親王 韼 禮局 昏則用之。 上王 公 以下 車, 車 制 赤質, 象 輅 載關戟 以 象 飾 諸末, 緋羅 繡輪 朱 班 衣、簾、旗、韜杠 輸 八 鷥 在 衡 左 終 建 帯 旗 駕 右 赤 載 馬 關 儿 ൎ议

豸, 乘。 駕 兵部尚 其 鹵 鹵 簿 輪 **薄六引,法駕鹵簿三引,開封牧第乘之。** 內第 衣 書以 、簾、旗、韜 虎。 引官縣令乘之,駕馬皆有銅 軺車,黑質, 杠. 、絡帶繡文 紫幰衣、絡帶並 開封 牧以 面,插 争,大司樂以鳳,少傅以瑞 王公、一品、二品、三品備鹵簿,皆供 繡雉 : 羽,鞶纓,攀胸鈴拂,緋絹屜,紅錦包尾。 施 紅 協策, 香爐、香寶結帶, 馬,御 史大 革車 駕 夫 以 赤 獬 馬

六年,禮制局言:

爲 改 伯 僚佐,其 <u>=</u>] 爲 徒爲 長,宜改用 大觀 中,用 少傅,然六 鹵 簿儀仗,依兵部尚書例 禮 大司樂代太常卿爲第三引, 部 们司 尚書。 徒乃地官之事 叉第四 引 給 司 了, 宜 徒, 蓋以 改 卽 和戶 用 大司樂掌鼓吹之事。 地官之長, 部尚 書。 自漢以來爲三公。 其府佐依六引諸 夫禮樂之官, 卿 朝廷近 例, 宗 改

矣。 仰 叉 丽 無 灭 今開 金 器 入 古之諸侯出 輅 m 車 謹度,則 封 也。 象輅之錫 牧 列 岩 職 封 公侯采 近 于 於外,同姓 而 君 朝, 而 乃比 地 與御 其勢屈。 在天子 於古之諸 錫以金輅, 史 大夫 縣內者, 故其 同謂 侯 入 入 異姓 覲,則不 之卿 則爲都鄙 覲 而 錫以 山 乘 也, 墨 敢 公象輅。 之長, 乘金 車,可 其在 輅、 乎? 풆 大司 周官, 出 象輅 而 馬所 則 制 卿大夫之職是矣; 以 節, 謂 同 一師 則遠 于 主, 都 君 建 當 而 旃 自 其 降 是

成 周 上公 九命 車旗以九爲節,故建常九斿,侯、伯七命,車旗以七爲節,故建常七

之數。 旃六斿。 斿 ; 宜乘墨車而 子、男五命,車旗以五爲節,故建常五斿,其卿六命,其大夫四命,車旗 則卿之建旃當用六斿,大夫建物當用四斿,至於三斿則上士所建也。 建物 回 . 游 開封牧、御史大夫、戶部兵部禮部尚書皆卿也, 宜 亦各眡其命 乘夏縵而 其開封令,

其年,詳定官察攸又言:

之。 不當次令、牧;以後爲尊,則兵部尙書不當繼御史大夫,此先後之序未正 三,後周復增爲六。本朝因之,以開封令居前,終以兵部尙書。 後魏亦三引:先平城令,次司隸校尉,次丞相,先卑而後尊也。 且大駕之出, 繡以虎,皆副之以關戟。 開封牧建繡隼旗,太常卿建繡 六引,開封令乘軺車居前,開封牧、大司樂、司徒、御史大夫、兵部尚書乘革車次 自漢光武時始有三引:先河南尹, 其先後之序,所乘之車,所建之旗,揆古則不合,驗今則有戾。 鳳旗, 司徒繡瑞馬旗,御史大夫繡以獬豸,兵部尚書 次執金吾,次洛陽令,先尊 然以前爲尊, 唐兼用六引, 也 而後 則大司樂 五代減爲 卑也。

之可也。 戟之設,尤爲訛謬,是所建之旗未宜也。 車非縣令宜駕,革車非公卿宜用,是所乘之車未稱也。 奉常掌禮,司樂典樂,皆專於一事,禮樂之容,非其所兼,禮部總之宜也。 司徒,三公論道之官,車徒非其所任, 鳳馬之繡,無所經見,關 戶部主 請

改司 三少,秩從二品,又尊於六尙書。 `徒用戶部尙書,改大司樂用禮部尙書,其僚佐儀制視兵部尙書。 其行,宜以兵部次令、牧,禮部、戶部又次之,終以御 御史大夫, 位亞

史大夫,則先後之序正矣。 夏篆者,篆其車而五采畫之也,夏縵則五采畫之而不篆,墨車則漆之而不畫。孤

宜乘夏篆, 象其文質之備 卿宜乘夏縵, 象其文采而不足於篆。 開封令秩比大夫,開

封牧古之諸侯,其乘皆宜墨車,其駕之馬,令以三,牧以四,御史大夫以六。 尙書, 卿之

任也,其駕亦四,則所乘之車稱矣。 司常曰:「孤、卿建旃,大夫、士建物,師都建旗。」蓋

通 [帛爲旃,其色純赤; 雜帛爲物,其色赤白: 物爲三斿,旃亦如之。 開封令秩視大夫,

故宜 建以物; 開封牧率王畿之衆而衞上,師都之任也,故宜建以旗; 尚書、御史大夫,

古之卿也,故宜建以旃。

從之。

輅,駕士之服,各隨其輅之色,則六引駕士之服,當亦如之。 質綉五色團花,於禮爲稱。」從之。 史大夫乘夏縵。 七年,禮制局言:「昨討論大駕六引,開封牧乘墨車,兵部尚書、禮部尚書、戶部尚書、御 已經多祀陳設訖,所有駕士衣服,尙循舊六引之制,宜行改正。 請墨車駕士衣皂,夏縵駕士皂 況天子五

有黄 興檐 有禁。 、路引、 肩 黑二等, 巃 中 神宗優待宗室老疾不能騎者,出入聽 凸 燭 興 不得過 蓋 東 征 一無梁,以篾席爲障,左右設牖,前施簾,舁以長竿二,名曰 西伐,以 兩對。 道 中 路阻險,詔許百官乘轎, 興後,人臣無乘車之制,從祀則以 肩輿。 熙寧五年,大宗正司請宗室以病肩 王公以下通乘之。 馬,常朝 竹 其制 則以轎。 轎子,亦日 正 舊制, 竹 飾

興。

白 藤 興 內 檐 外命婦之車。 内内 命 婧 皇 一親所 唐制有厭翟車、翟 乘 白 藤 興檐、金銅犢 車、安車、白銅飾犢車,而幰網 車、漆犢 (車,或 覆以氊,或覆以 有降差。 椶, 宋 內 制 外命 銀裝 婦

通

使始 明 年, 用之。 繖 復許 人臣 中書、 其後, 通 用,以 樞密院用焉 近 臣 .及 (青絹 內 命 爲 婦 之。 京城 出 入 宋 外, 省 初,京城 用 則 [三]。 庶官通 內獨 眞宗 用 親 大中 王 神宗 一得用。 祥 符 熙寧之制 五 太宗 年, 太平 詔 除宗室 非品官禁用青 興 國 中, 外, 其餘 宰相 悉 樞 ", 京 禁。

志第一百三 與服二

肾 遂 城 杭 爲 出 惟 州 奉 ,執政張澂(B)言:「羣臣扈從兵閒,權免張蓋,俟回鑾仍舊。」詔前宰相到闕,許張蓋 入,百 執 支 故 神 事 政官及宗室 許用 官不避, 八年, 紅 詔民 黃繖、扇,餘 許用。 乃賜 庶享神, 三接青羅 哲宗 洞 紹 不得造紅 廟 聖二年,韶 繖 並 __, 禁。其畫 紫羅 黃繖、扇及 在 壁、塑像儀 京官 大掌扇二, 不得用凉 父彩繪, 仗用龍 塗金花 以爲 易。 心神之物。 飾者易之。 鞍韉, 徽宗 政和三年 茶燎 建炎 等物皆 」。 道. 和 ·, 以 中, 初 用 燕 又 初 (()越二 涂金, 金色。 詔 駐 跸 諸

宰相 殿 使, 繡瑞 章、寶文閣 銀銜鐙 八 金塗銀鈸 學士,資政殿大學士,翰林學士承旨,翰林學士,資政殿、端 -殿前馬 草方 觀文殿大學士宮觀使,殿前 兩,紫羅繡寶相花 鞍 勒之制。 金塗 7韉,油 、樞密直 軍 使相 銀鬧裝麻葉校具五 步軍副都指 畫鞍,陷銀 在外, 宋以賜羣臣,其非賜者皆有令式,而 [學士,御史中丞,兩使留後,觀察、防禦使, 雉子方韉,油畫鞍,白 加紅織成鞍複。 揮使、都虞候。 衛鐙 十兩,紫羅 馬軍 ,以賜使 步軍 步軍都虞候以 相 都指 四廂 剜花方韉,油 銀 樞密副 都指揮使,韉以紫羅剜花。 揮使。 銜 鐙 上賜帶 使, 不敢踰越焉 以 金塗銀鬧裝太平花校具七十兩 畫 賜宰相,親王,樞密使帶使相 甲馬者,加 參知政事,宣徽使,節度使, 鞍,陷銀銜蹬, 明殿、翰林 軍廂都指揮使。 紅 若出使, 皮鞦轡校具七十兩 金塗銀鬧裝牡丹花 侍讀侍講 以賜三司使, 則加 軍廂都指 ,青氊圓 紅犛牛纓 龍圖 揮 宮觀 紫羅 校 曾 觀 韉,陷 使 具

当 徽 出 窪 授 使 州 銀 團 花 校 金 練使、刺 使 環 具 途 校 相 寶 具三 銀 節 史者 相 實 相 + 花 度使出使,曾 賜 兩 校 花 亦 校具 具二 , 同 賜 紫羅 曾任中書、 + 四 班 員 + 五 任 韉 皆 兩 风 中 藍 樞密院後爲學士、中丞者,七十 紫羅 書、 以 蠻 黄 賜 雲校 絁 樞 諸 員 密院 路 韉, 具十 韉 承 鳥 充 受。 五 諸 漆 兩 鞍, 路 白 , 都 以 成 銜 i總管、 賜 + 鐙 兩 五 諸 ,韉以 安撫 班 以 兩 押班 繡 賜 以 瑞草。 使, 阗 賜 練 殿前 朝辤 諸 使 見 王 任 指揮使以 刺 一宮僚 日 中 史。 書、 賜 翰 金 亦 樞 上 林 塗 如之。 密 侍 銀 院 促結 白 讀 侍 成 金 宣

面

+

网

以

諸

圓

使, 等。 副 繡 合子 使 則 宗 其 則 金 皇 地 室 如 塗 宮 女壻 親 員 銀 僚 韉 婚 太 繋親, 嫁 平 皆 凡京 花 皆 油 校具七 畫鞍。 給 皆 官 藍 三品以 賜紫羅 黃 十 射 羅 弓 兩 繡 上 則 繡 方韉 外 使 瑞 紫羅 銀 任 草方韉 裝,副 者, 繡 金 使銀 寶 皆許 塗 相 銀 楼。 校 花 花 馬 具自 賜 雉 以 諸 子 纓 七 金塗銀 方 蕃 飾 + 韉 進 兩 奉 **数校具自** 至 大 副 五 使 使 + 則 則 兩 八 槲 如 + 葉 刺 有 校 兩 史 具五 至 等。 而 <u>干</u> 二 + 用 青 其 兩 兩 賜 條 紫羅 有 契丹

子 鞍 鞍 不得 八年 勒 太宗 用 六品 太平 詔京 狨 毛 以 圓 朝 暖 下 國 知 坐 不 1 錄 得 年, 事 其 鬧 藍 多 翰 裝, 林 軍 黃 其韉 及 條 學 知 子, 1 縣者, 皆 承 非 不 宫 得 李 所 禁不 刺 昉 乘 繡 馬 得 並 乘 金 準 不 皮 詔 -得飾 士 飾 詳 庶 定 纓, 餘官 軍 車 後 校 服 及 復 乘 制 許 工 度,請 白 商 帶纓。 皮 庶 韉 升朝 人, 勒 端 者 官 許 洪二 悉 許 並 禁斷。 乘 乘 鳥 銀 裝 詔 漆 一從 條 素

坐。

符 口口 職 蒯 諸 Ŧi. 车 官 班 押班 詔 眞宗 繡 、禁軍指 韉及 咸平二年, 開 裝校具, 揮使、廂 西京留臺上言:「留府 軍 除宗室及恩賜外, 都 虞侯, 並許 乘 奉官 銀裝條子鞍勒 悉禁。 八使臣 天 禧 乘馬 元 年 京官 不得 令兩 任 帶纓。」從之。 省諫舍、 知州 通 宗室 判, 將 大 許 中 依 軍 祥

許

乘

狨

毛

暖

坐,

餘

悉禁。

凡京官,三班

已上

外任者

皆許

馬

以

經飾

神宗 朔 之 權 政 裝 黄 撘 侍 和 爲 武 先是, 仁宗 若 熈 絛 升 坐 鄓 \equiv 朝 太太 年, 寧間 開 白 官及 景 紹 花 建炎 皮爲 中 始 就三年 興元 繡 文武 大 賜 內職、 韉, 漢轉轡。 夫以 初 金花 年 惟 升 駐 禁軍 以江 朝官 上 恩賜 詔官 鞍 蹕 民 及學士、待 韉, 杭 庶 浙 指 乃 非 、禁軍 州 止 得 五 諸 揮 地 許以 詔扈 使、諸 品以 乘。 \pm 燠, 都 不 制 指 氊 上,好得乘鬧裝銀鞍, 餘官 從 施 改爲 班 揮 皮 臣 狨 經 押班 使以上, 純 及民 坐。 僚合設 恩 九月朔 紬 賜, 气廂 爲 庶, 宣 韉。 軍 許 狨 和 塗 仍禁銀 都 著 為 金銀銀 末 샾 乘 京官為通 **虞候、防** 沓 始 狨 火裝盤: 坐。 賜, 例 權 飾。 其乘 宜 中 乾道元年, 團 條促結 撤 舊制, 判 興 衙 金 副 以上 因之。 去。 使以 塗 節度 銀裝條子促結鞍 諸 故 職 五 上,聽之; 王 乾道 任 事 使 ガ 品以 視 者,許 詔 宰 宰 九 三衙 任 執、侍 上, 年 相 執 權依 復許 仍贝 乘馬 政 用 重 從自 官 灣者, 修 繡 升 得以 銀 儀 朝 鞍 亦 鞍 賜 八 韉。 制。 例 開 藍 月 加 自 狨

宗 列戟者,官司則開封、 門設焉 官恩賜者,正一品十六,二品以上十四。 軍乞降稍。 文合賜,卽下三司指揮。 二戟,下都督、諸州門各十戟,並官給。 廟 門戟。 門亦如之。 私 門 檢會令文,京兆 木爲之而無刃,門設架而 則府第恩賜者許之。 國學、文宣 河南、應天、大名、大都督府皆十四, 仁宗天聖 河 王廟、武成王廟 南太原府、大都督府、都護門十四戟,若中都督、上都護門十 四年,太常禮院言:「準批狀,詳定知廣安軍范宗古奏,本 太宗淳化二年,詔諸道 列之,謂之棨戟。 所有軍、監門不載,伏請 中興仍舊制 亦賜焉,惟武成王廟左右各八。 天子宮殿門左右各十二,應天數也 一州、府、軍、監奏乞鼓角戟稍, 中都督皆十二,下都督皆十。 不行。」神宗元豐之制,凡門 臣下 則諸 州公 如

箆、鐵鑽、髹杠、緋纛。 飾。 節度使,有司給門旗二,龍、虎各一,旌一,節一,麾槍二,豹尾二。 加 碧油絹袋。 節亦用髹杠,飾以金塗銅葉,上設髹圓盤三層,以紅綠裝釘爲旄, 旌 唐天寶中置,節度使受命日賜之,得以專制軍 壓槍設髹木盤,綢以紫網複囊,又加碧油絹袋。 旌用塗金銅螭頭,髹杠,綢以紅繒,畫白虎,頂設髹木盤,周 事,行卽建節,府樹六纛。 豹尾,製以赤黃布,畫豹文, 旗以 並綢以紫綾 紅繒九幅 複囊,又 上 宋 用塗金 凡命 一設耀

並 聚 杠 。

寧宗踐祚,有司言安奉皇帝藩邸旌節,宜有推飾。今用朱漆青地金字牌二:其一題曰「太上 之旗曰「精忠」。孝宗詔以其藩邸旌節,迎置天章閣。 院,給執擎人員、鞍馬。 皇帝藩邸旌節」,其一曰「今上皇帝藩邸旌節」。蓋襲用元豐延安故事云。 神宗熙寧五年,詔新建節丼移鎮,並降敕太常寺排比旌節,下左右金吾街仗司、 中興因之。 建炎三年,表韓世忠之旗曰「忠勇」。紹興三年,表岳 淳熙中,光宗亦詔奉東宮旌節。 其後, 騏驥 飛

校勘記

- 盤兩 壁 紗牕 宋會要與服一之三、太常因革禮卷二五都 無盤 字。
- =大中 祥 符四年 「四年」原作「三年」, 按太常因革禮卷二五、長編卷七六、玉海卷七九都作「四

年」,據改。

出入皆用 入 原作「外」,當以作「入」爲是, 據宋會要興服六之二六、通考卷一一九王禮考

改

下 四 張澂 本書卷二一三字輔表,當時的執政官有張澂,和宋會要合。 原作 「張澄」, 按宋會要興服六之二六,此次上言在建炎三年二月間,上言人爲張澂等。 張澄爲另一人,見上卷。據改

志第一百三 校勘記

詔前宰相到闕許張蓋 二六,在張瀏等上言之後有「從之」二字,此詔則繫於紹興六年十二月,繫年要錄卷一〇七繫此 承上文此韶當頒於建炎中,並似因張澂上言而發。按宋會要興服六之

韶年月同。此處失書紹興紀年。

宋史卷一百五十一

志第一百四

輿服三

天子之服 皇太子附 后妃之服 命婦附

有之。 袍, 天子祀享、朝會、親耕及視事、燕居之服也; 七曰御閱服, 天子之戎服也, 中興之後則 天子之服,一日大裘冕,二日袞冕,三日通天冠、絳紗袍,四日履袍,五日衫袍,六日窄

天之服』: 大裘之制。 志 "司服"王祀昊天上帝, 第一百 24 神宗元豐四年,詳定郊廟奉祀禮文所言:「周禮司裘『掌爲大裘,以供王祀 興 服 \equiv 則服大裘而冕,祀五帝亦如之。享先王則袞冕』。 三五一七 而禮記

是以 袞 袞冕 次, 道 至質 冕 服食 洲 一、耆大 盛 郊祭之日 服 寶通禮:皇帝服袞 冕 故 而 臨祭,非尙質之義。 被裘以體之。 文之備者, 主 則是 被袞以象天,戴冕璪十有二旒 禮記 故於郊之前期被之, 今儀注,車駕赴青城 是出 被袞, 赴行宮、祀 乞並 與周禮· 依開寶通 大 日 裘, ,服袞 以至大次。 禮。 郊 服 祀 。」詔詳定所 冕至大次; 則天數也。』 通 並用二服, 天冠、絳 旣 臨 一參議 紗袍。 燔 質明, 王肅據家語 事 柴, 不 相 改服 則 祀 戾, 之日 脫 太大裘而 袞 但服之有 ", 以 | 是服 乃服 為臨燔 冕出 裘, 華袍 先後 以 次。 柴,脫 明天 耳

黑羔 皮寫 繶 屬 议 前 純純 之。 買 皮 緣 後 又言:「臣等詳 素帶 领领 方 乞下 亚: 詔 前 袖 旒 所 以 低 加 詳 裏,絳純 黑 屬 寸二分,玄表 飾 定。 製 繒 又異『大裘不裼』之說。 大裘之制,本以尙質, 練 造 裳 其外,上朱下 其當暑奉祠之服, 朱 紱 朱裏,以繒爲 而 無 章飾 綠。 ПП 白紗 之。 佩白 今參考諸 後 乞降梁陸瑋議以黑繒 世反以 玉笄 1 1 玉 單 一,玄組 以 說,大 皂領 尚文, 故 冕之 飾 朱 綬。 組 、,青標 爲紘 裘冕無旒 車 帶 "; 玉 、襈、裾。 爲 博二 瑱 裘, 演廣 以 大為不 及唐輿服志 寸, 玉 玄 八 **朱** 韈 統 寸 長 經。 垂之。 鈎 赤 解 舄 而 尺六寸, ", 以 迈 禮書所 爲裘以 黑絢 佩紋

问冕。 光 禄 故禮記云『郊之日,王被袞以象天』。 寺 丞 集賢 校理 陸 佃 言:「臣 詳 冕服 有六。 又曰『服之襲也,充,美也』 周官弁師 云 『掌王 之五 ;『禮不盛,服不充 一晃」 則 大

夏葛 被裘 順 旒 故 裘,被袞 祀 心時序。 徒服 大裘不 乎? 以 大裘,則是表裘以見天地。表裘不入公門,而乃欲以見天地,可乎? 則 適寒暑,未有能易之者也。 蓋古者裘 裼』。此明王服大裘,以袞衣襲之也。 然則王者多祀昊天上帝,中裘而表袞,明矣。 周官日『凡四時之祭祀,以宜服之』 非尙質。 不 臣以爲尚質者,明有所尚而 徒服,其上必皆有衣,故曰『緇衣羔裘』,『黃衣 郊祀 天地,有裘無袞,則],明夏不必衣裘也。 先儒或謂周祀天地皆服大裘:而大裘之冕無 已,不皆用質也。 至於夏祀 夏祀 赤帝 天神地祇,則去裘服袞,以 或日,祭天尙質,故徒服大 今欲 狐 奖 與至 多至 且先王之服,多裘 『素衣麑裘』。 日祭地祇, 꺁 祀昊天上帝 如郊

黑羔 下,其袂之廣 臸 繭之下 皮為 六年 冕。 於是詳定所言:「裘不可徒服。禮記曰『大裘不 有 伏請多祀昊天與黑帝,皆服大裘,被以袞。 中 裘 尚書 衣。 、狹,衣之長短,皆當 黑 (網爲領 禮部言:經有 朝服 ,裼衣之下 袖及裏、緣,袂廣 大裘 如裘。 有裘,裘之下有中 而無其制,近世 伏乞改製。」於是神宗始服大裘,而 可運 肘 · 長 可蔽 楊」,則襲可知,所謂大裘之襲者,袞也,與 衣。 所爲,惟梁、隋、唐爲 其餘非多祀天及夏至 膝。 然則今之親郊口,中單當 按皇侃 說,祭服之下 印 一祭地, 考。 加 袞 請 冕焉 則皆服袞 有袍 緣 在大裘之 隋 制 汽袍 以以

服

裘

被袞

,其餘祀

天及祀

地祇,並請服袞去裘,各以其宜服之。」

哲宗 元祐 元年,禮部言:「元豐所造大裘,雖用黑羔皮,乃作短袍樣, 襲於袞衣之下,仍

與我 姚 勔 服 請 依 同 冕 元豐新禮,丁隲請循祖宗故事 未合典禮。」下禮部、 太常寺共議。 ,王念請做唐制,朱光庭、周秩 上官均、吳安詩、常安民、 請以玄衣襲裘。 劉唐老、

部員 外 郞 何洵 直 在 元豐中嘗預詳定,以陸佃所議 有可疑者八:

(家) (語) 袞,中 則 裘袞無同 以 ĪĪ 亦 按 裘而 又云裘冕,是袞與裘各有冕。 問禮節服氏「掌祭祀朝覲,袞冕六人,惟王之太常」; 有「被裘象天」之文。 色繒爲之。 冕兼服之理。 表袞,何以示裘袞之別哉? 記曰:「郊祭之日, 今乃以二服合為 諸儒: 或言「臨燔柴、脫袞冕、著大裘」,或云「脫裘服袞」 乃云裘與袞同冕,當以袞襲之。 王被袞以象天。」若謂 古人雖質, 一,可乎? 不應以裘爲夏服,蓋多用 裘上被袞, 「郊祀, 裘冕二人」。 裘旣無 以 被 大裘, 、冕,又 爲 當 襲 旣 於 云 則

之徒、附 說 者日 且. 爲 襲 , 大裘,天子吉服之最上,若大圭、大路 者 無 表 會爲說,不 了,裘上 別 襮 衣以 m 重 冕 楊之,蓋他服之裘褻,故 與經 亦 二衣 無 旒, 合。 也。 何必假他衣以 大 襲之爲義,本出於重沓, 変 本 不裼,鄭志乃云:「裘 藩 表 之比 飾之乎?凡裘上 裘不入公門。 ',是裘之在表者。 非一 上有玄 衣 事 也。 有 天以 衣, 衣 報本復始,故露 謂 記曰:「大裘不 與裘同色。」蓋 之裼,裼 上有 趙商 質見 衣 調調

古者齋祭異冠,齋服降祭服一等。 祀昊天上帝、五帝, 以裘冕祭, 則袞冕齋。 故

鄭氏云:「王齋服袞冕。」是袞冕者,祀天之齋服也。 裘冕爲祭服,兼與張融「臨燔柴脫袞服裘」之義合。 唐開元及開寶禮始以袞冕爲齋服, 請從唐制, **兼改製大裘,以黑繒爲**

佃復破其說曰:

今特言裘冕者,主冬至言之。 周禮司裘:「掌爲大裘,以供王祀天之服。」則祀地不服大 夫大裘而冕,謂之裘冕,非大裘而冕,謂之袞冕。 則裘冕必服袞,袞冕不必服裘。

裘,以夏日至,不可服裘故也。今謂大裘當暑,以同色繒爲之,尤不經見。

兼裼襲,一衣而已,初無重沓之義。被裘而覆之則曰襲,袒而露裘之美則曰裼。

襲也,充,美也。 而襲,則王服大裘而襲可知。且裘不可以徒服,故被以袞,豈借袞以爲飾哉? 有玄衣以覆之。、玉藻有尸襲之義。、周禮裘冕注云:「裘冕者,從尸服也。」夫尸服大裘 所謂「大裘不裼」,則非袞而何?玉藻曰:「禮不盛,服不充,故大裘不裼。」則明不裼而 鄭氏謂大裘之上有玄衣,雖不知覆裘以袞,然尚知大裘不可徒服,必

未能盡合於禮,固未嘗有表裘而祭者也。 星辰十二章,以祀天地。 今謂祭天用袞冕爲齋服,裘冕爲祭服,此乃襲先儒之謬誤。後漢顯宗初服日、月、 自魏以來,皆用袞服。則漢、魏祭天,嘗服袞矣。 且裘,內服也,與袍同。 袍褻矣,而欲禪以祭

天,以明示質,是欲衩衣以見上帝也。 洵直復欲爲大裘之裳, 纁色而無章飾。

得有裳哉?請從先帝所志。

其後詔如洵直議,去黑羔皮而以黑繒製焉。

政和議禮局上:大裘,青表纁裏,黑羔皮爲領、標、撰,朱裳,被以袞服。

帝服之,立多祀黑帝、立多後祭神州地祇亦如之。中興之後,無有存者。

制,不如權以繒代。又元祐中,有司欲爲大裘,度用百羔。 如祖宗舊制,以羔製之。禮部又言:「關西羊羔,係天生黑色。今有司涅白羔爲之,不中禮 元豐詳定郊廟禮文,何洵直議以黑繒創作大裘如袞,惟領袖用黑羔。 乞如洵直議。」詔有司 太常所言。」從之。遂以袞襲裘,冕亦十二旒焉 紹興十三年,禮部侍郎王賞等言:「郊祀大禮,合依禮經,皇帝服大裘被袞行禮。據 哲宗以爲害物,遂用黑繒。

旒,二纊,並貫眞珠。又有翠旒十二,碧鳳銜之,在珠旒外。 冕版以龍鱗錦表,上綴玉爲七 以七寶,紅綾裏。金飾玉簪導,紅絲絛組帶。 星,旁施 袞冕之制。 「琥珀餅、犀餅各二十四,周綴金絲網,鈿以眞珠、雜寶玉,加紫雲白鶴錦裏。 |宋初因||五代之舊,天子之服有袞冕,廣一尺二寸,長二尺四寸,前後十二 亦謂之平天冠。袞服青色,日、月、星、山、龍、 四柱飾

帶,紅羅勒帛。 雉 蔽 皆織就爲之。山、龍以下,每章一行,重以爲等,每行十二。白紗中單,黼領,靑標、襈、裾。 冕,垂白珠十有二旒,以組爲纓,色如其綬,黈纊充耳,玉簪導。玄衣纁裳,十二章:八章在 太子則服之。 鈒花,四神玉鼻。 四尺五寸,首廣一尺。小雙綬長二尺六寸,色同大綬,而首半之,間施三玉環。朱韈赤舄, 衣,日、月、星辰、山、龍、華蟲、火、宗彝:四章在裳,藻、粉米、黼、黻。衣標領如上,爲升龍 三,結玉環三。 金鈒花 盧 加 膝 、虎雌七章。 金飾。」詔可。 具劍,大珠鏢首,白玉雙佩,玄組。雙大綬六采,玄、黃、赤、白、縹、綠,純玄質,長二丈 加龍、山、火三章。革帶,玉鈎鰈。大帶,素帶朱裏,紕其外,上朱下綠,紐約用組。 太祖建隆元年,太常禮院言:「準少府監牒,請具袞龍衣、絳紗袍、通天冠制度令式。 鈿窠,裝以眞珠、琥珀、雜寶玉。 素大帶朱裏,青羅四神帶二,繡四神盤結。 鹿盧玉具劍,玉鏢首,鏤白玉雙佩,金飾貫眞珠。 紅裙,藻、火、粉米、黼、 祭天地宗廟、朝太淸宮、饗玉淸昭應宮景靈宮、受册尊號、元日受朝、册皇 黻五章。 紅羅襦裙,繡五章,青標、襈、裾。 紅磁膝,升龍二並織成, 綬帶飾並同袞服。 金龍鳳革帶,紅韈赤舄,金 白羅中單,青羅抹 間以雲朵,飾以 六采綬一,小綬

一年,太子詹事尹拙、工部尚書寶儀議:「謹按周禮:『弁師掌王之五冕,朱襄延紐(三), 志 第 百 75 興 服 Ξ 三五三三

事,繅斿皆就,玉瑱、玉笄。』疏云:『王不言玉瑱,於此言之者,王與諸侯互相見爲義。是以王 是本有充耳。今請令君臣袞冕以下並畫充耳,以合正文。」從之。 言玄冕、朱襄延紐及朱紘,明諸侯亦有之。諸公言玉瑱,明王亦有之。』詳此經、疏之文,則 五采繅, 十有二就,皆五采玉十有二,玉笲朱紘。諸侯之繅旒九就,珉玉三采,其餘如王之

飾 以 3珠玉 乾德元年閏十二月,少府監楊格、少監|王處訥等上新造皇帝冠冕。 一,帝以華而且重,故命改製之。 先是,郊祀冠冕,多

天板 續詔 爲 龍鱗 餅、琥珀餅各二十四, 表 寸, 詔 天河帶、組帶、款慢帶依舊,減輕造。 几 ,紫雲白鶴錦爲裏,今製青羅爲 通 仁宗景祐二年,又以帝后及羣臣冠服,多沿唐舊而循用之,久則有司寖爲繁文,以失法 長 天冠、絳紗袍 入內內侍省、 金輪等七 面 一尺六寸。 花墜子(三)、素墜子依舊,減 寶,元眞玉碾成,今更不用, 更不修製。 御藥院與太常禮院詳典故,造冠冕,蠲減珍華,務從簡約,俾圖以進。 減翠旒並鳳子,前後二十四珠旒並合典制。 今减 不用。 由是改製袞冕。 金絲結網子上,舊有金絲結龍 表,采畫出龍鱗,紅羅 輕造。 納言,元用玉製,今用青羅,采畫出龍鱗錦。 冠身丼天柱,元織成龍鱗 如補空卻, 天版元闊一尺二寸,長二尺四寸, 以雲龍細窠。 爲裏, 采畫出紫雲白鶴。 八,今減四,亦減 天板頂上,元織成龍 錦,今用 分旒 玉 青羅 鈎二,今減去 采 絲令細。 所有犀 今製廣 鱗錦 金稜 畫出

F 書 升 舊皂白 一棱道 羅 一龍二,雲子補空,減稀製之,周回依舊,細窠不用。 身 製造。 紅, ,依舊用金,卽減輕製。 羅 襈 裙用 ,

繡造。

所有

雲子,

相度稀稠 紅羅,繡出藻、粉米、黼、黻,周回花樣仍舊,減稀製之。 黈纊 、玉簪。 補空, 袞服八章,日、月、星辰、山、龍、華蟲、火、宗<u>彝</u> 更不用細窠,亦不使真珠裝綴。 六采綬依舊, 減絲織造。 蔽膝用 所有 紅羅 中單 一環亦 一, 依 繡

禮 F 聞 嘉 而 祐 元年,王洙奏:「天子法服,冕旒形度重大,華飾稍繁,願集禮官參定。」 禮院 繪圖以進。 因敕 一御藥院更造,其後,冕服稍增侈如故。 詔禮院詳典

减

輕。

帶

頭金葉減去,用銷金。

四神帶不用。

劍、佩、梁、帶、韈、舄並

依

舊。

英宗治平二年,知太常禮院李育奏日:

不宜 去 象,別 鶴 鷸 本 一; 而 11 凡十二旒,間以 近 以 郊 嘘 以 法 出 珍 胎 廟之祭,本尚純質,袞冕之飾,皆存 度 衣 道 怪累也 ,非法服 尙 裳 家之語 存。 繪繡之采。 所 夫明水大羹,不 父采玉 君 用 豈被袞 魏明之用珊瑚 一,加以 琥珀 東漢 戴 至唐, 紘、綖、笄、瑱之飾。 犀 梁、 餅, 可以 象天 非 史官名儒,記 衆味 江右(巴)之用翡翠,侈靡衰播之餘 至 則數之義 一尊所 和 ·法象,非事繁侈、重奇玩也。 ; 冠 雲門咸池 哉! 述前制,皆無 袞則以虞書爲始 龍錦七星, 自大 一不可 裘之廢, 珠翠 已列 以新 、犀寶之飾 御用変 采章之內; , 凡十二章, 首以辰 聲間 **冕則以周官爲** 豈足爲聖朝 冕 袞 冕之服 紫雲白 古朴稍 何 [j] [j] ?

志

道哉

禮官畫圖以獻,漸還古禮,而有司所造,復如景祐之前。 不經之飾,重者多去,輕者尙存,不能盡如詔書之意。故至和三年,王洙復議去繁飾, 率意妄增,未嘗確議,遂相循而用。故仁宗嘗詔禮官章得象等詳議之,其所減過半,然 羔裘, 尚質也。 太宗亦嘗命少府製於禁中,不聞改作。及眞宗封泰山,禮官請服袞冕。 竇儀參校之,皆做虞、周、漢、唐之舊。 且太祖建隆元年,少府監所造冕服,及二年,博士聶崇義所進三禮圖, 。今則無羔裘而有袞冕,可從近制。』是豈有意於繁飾哉。蓋後之有司, 至四年多服之,合祭天地於圜丘,用此 帝曰:『前王服 嘗韶尹拙、 制

三禮圖制度不同者,宜悉改正。 豈乏寶玩,顧不可施之郊廟也。臣竊謂,陛下肇祀天地,躬饗祖禰,服周之冕,觀古之 象,願復先王之制,祖宗之法。其袞冕之服,及鞸、綬、佩、舄之類,與通禮、衣服令、 又按開寶通禮及衣服令,冕服皆有定法,悉無寶錦之飾。 夫太祖、太宗富有四海,

韶太常禮院、少府參定,遂合奏日:

長孫無忌等采郊特性之說,獻議廢大裘。 古者冕服之用, 郊廟殊制。 唐典(語),天子之服有二等,而大裘尙存。 自是郊廟之祭,一用袞冕,然旒章之數,止以 |顯慶初,

夫國之大事 十二爲節,亦未聞有餘飾也。 ,莫大於祀 ,而祭服違經, 非以肅祀容、尊神明也。 國朝冕服,雖做古制,然增以珍異巧縟,前世所未嘗有。 臣等以謂宜如育言

酌(通 ...禮、衣服令、三禮圖及景祐三年減定之制,一切改造之。

朱下 之於衣,日、月、星辰、山、龍、華蟲、火、宗彝也; 具劍、玉佩、朱韈之制,已中禮令,無復改爲,則法服有稽,祭禮增重。 **龍標、領,織爲升龍。山、龍而下,** 裏,朱綠終辟。 相去一寸,長二尺。朱絲組爲纓,黈纊充耳,金飾玉簪導。 服之制,宜依舊以羅爲之。 -,以金飾版側〔5〕,以白 孔子曰:「麻冕,禮也,今也純儉,吾從衆。」純者,絲也,變麻用絲,蓋已久矣。 韗、敍、舄,大小綬,亦去珠玉、鈿窠、琥珀、玻瓈之飾。 冕廣一尺二寸,長二尺二寸,約以景表尺,前圓後方,黝上 玉珠為旒,貫之以五采絲繩。 一章爲一行,重以爲等,行十二。 四章繡之於裳,藻、粉米、黼、黻也。 前後各十二旒,旒各十二珠, 青衣纁裳,十二章:八章繪 別製大帶, 其中單、革帶、玉 素表朱 則冕

復詔禮院 再詳以聞。 而內侍省奏謂:「景酤中已裁定,可因而用也。」從之。

神宗元豐元年,詳定郊廟禮文所言:

表,紅羅爲裏,則非分師所謂「玄冕朱裏」者也。上用金稜天板,四周金絲結網,兩旁用 **浸版廣** 八寸,長尺六寸,與古制相合,更不復議。 今取少府監進樣,如以青羅爲

志

眞珠 貫於五色藻爲旒,以青、赤、黄、白、黑五色備爲一玉,每一玉長一寸,前後二十四旒,垂 而齊肩,以合孔子所謂純儉之義。 、花素墜之類,皆不應禮。 伏請改用朱組爲紘,玉笲、玉瑱,以玄紞垂瑱 ,以五采玉

緆之廣各寸半,表裹合爲三寸。羣臣祭服之裳,做此。 各縫殺一寸,謂之削幅,腰間辟積無數。 改正祭服之裳,以七幅爲之,殊其前後。以今太常周尺度之,幅廣二尺二寸,每幅兩旁 不有法,故謂之法服。今少府監袞服,其裳乃以八幅爲之,不殊前後,有違古義。伏請 衣、中禪之屬連衣裳,而裳復不殊前後,然以六幅交解爲十二幅,象十二月。其制作莫 又古者祭服、朝服之裳,皆前三幅,後四幅,前爲陽以象奇,後爲陰以象偶。 裳側有純,謂之綼;裳下有純,謂之緆。 惟深

從之。

繪日、月、星辰、山、龍、華蟲、火、宗彝;纁裳四章,繡藻、粉米、黼、黻。 蔽膝隨裳色,繡升龍 一丈二尺,廣二寸。朱絲組帶爲纓,黈纊充耳,金飾玉簪導,長一尺二寸。袞服,青衣八章, 青表朱裏,前後各十有二旒,五采藻十有二就,就間相去一寸。 青碧錦織成天河帶,長 白羅中單,皂標、繏,紅羅勒帛,青羅袜帶。緋白羅大帶,革帶,白玉雙佩。 政 和議禮局更上皇帝冕服之制:冕版廣八寸,長一尺六寸,前高八寸五分,後高九寸五

朱組 以 帶繫之。佩有衡,有琚瑀,有衝牙,繫於革帶,左右各一。上設衡,衡下垂三帶,貫以蠙珠。 以烏皮爲之。常服則用白舄,以絲爲之。韈,羅表繒裏,施靿著綦以繫之,赤舄以朱,黑舄 綬,惟三色。 大裘、絳紗袍皆用之。 革帶,博二寸,革爲裏,緋羅爲表,飾以玉銙,鈕以玉鈎 各一,大綬織以六采,青、黃、黑、白、縹、綠,下垂青絲網,上有結,垂玉環三;小綬制如大 裳纁,四章,繡。幅前三後四,斷而不屬,兩旁殺縫,腰辟積,綼緆之廣皆如舊。大帶以緋白羅 而 次則中有金獸 武之上,巢以五 合而紩之,以朱綠飾其側,上朱下綠,其束處以組爲紐約,下垂三尺。 通天冠、絳紗袍亦如 有聲。 白,白舄同 通天冠、絳紗袍亦用之。 韍從裳色,上有紕,下有純,去上五寸,繪以山、龍、火,上接革 白羅中單,領、標、饗以黻,服裘則以皂。絳紗袍則衣用白紗,領、標、饗以朱。 ,以其一屬於左笄上垂下,又屈而屬於右笄,繫之而垂其餘。衣玄,八章,升龍 中 興仍舊制,延、以羅衣木,玄表朱裏,長尺有六寸,前低一寸二分,四旁緣以金,覆於卷 爲有約,有純,有繶,有綦,以緋羅爲之,首加金飾。 面,兩旁夾以雙璜,又次設琚瑀。下則衝牙居中央,兩旁有玉滴子,行則擊牙 色絲貫五色玉,前後各十二,凡用二百八十有八。玉笄,充耳用黃綿,紘以 服通天冠、絳紗袍則用黑舄, 於山 綬大小

組 大祭祀致齋、正 如 (袍飾 纓翠緌,玉犀簪導。 通 ,並皂標、襈。 二十四梁,加金博山,附蟬十二,高廣各一尺。 旦冬至五月朔大朝會、大册命、親耕籍田皆服之。 白紗中單,朱領、標、裸、裾。 絳紗袍,以織成雲龍紅金條紗爲之,紅裏,皂標、襈、裾,絳紗裙,蔽膝 白羅方心曲領。 青表朱裏,首施珠翠,黑介幘 白韈, 黑舄,佩綬 如

之制,冠高 仁宗天聖二年,南郊, 九寸,服用並同 禮儀使李維言:「通天冠上一字,準敕迴避。」詔改承天冠。 中 興

端門建赦 則 日 華袍 乾道 九 ,並服之。 履、 年,又用 華皆 大禮畢還宮,乘平輦,服亦如之。 用 履 黑革。 袍。 袍以絳羅爲之,折上巾,通犀金玉帶。 几 孟朝獻景靈宮、 郊祀、 若乘大輦,則服通 明堂, 詣宮、 宿廟、 繁履,則 天、絳 進 胙, 日 紗如常 履袍; 服棒, 上 壽兩宮及

之。 黃、淡黃袍衫,玉裝紅束帶,皂文韡,大宴則服之。 又有窄袍,便坐 衫 初,高宗踐祚於南都,隆祐太后命內臣上乘興服御,有小冠。 袍。 唐 因隋制,天子常服赤黃、淺黃袍衫,折上巾,九還帶,六合鞾。 視 事 則 服之。 皆皂紗折 上巾 通 又 有 犀 金玉 赭黄、淡黄褛袍, 一環帶。 窄袍 太后日「祖宗閒居之 或 紅 御 衫 .烏 袍, 宋因之, 紗 常朝 帽 有赭 中 則 興 服

皇帝服帽子,紅袍,玉束帶,講讀官公服繫鞵。 所服也,自榊宗始易以巾。 願即位後,退朝上戴此冠(+),庶幾如祖宗時氣象。」後殿早講 晚講,皇帝服頭巾,背子,講官易便服。 此

御閱服。 以金裝甲,乘馬大閱則服之。

嘉定四年講筵之制也

也。 主,於周制、唐禮皆不合。 其元會受朝賀,請不執鎭圭上壽。」詔 若大朝會, 止進爵。 已。』考工記:『天子執冒四寸,以朝諸侯。』蓋天子以冒圭邪刻之處,冒諸侯之圭,以齊瑞信 。』釋者曰:『祭天地宗廟及朝日、夕月,則執之。若朝覲,諸侯授玉於王,王受玉,撫玉而 未有臨臣子而執鎖圭者。應六典殿中監掌服御之事,凡大祭祀,則搢大圭,執鎮 宋初,凡大祭祀、大朝會,天子皆執圭。 。開寶通禮始著元會執圭,出自西房。淳化中,上壽進酒,又令內侍奉 元豐二年,詳定儀注所言:「周禮:『王執鎮 वी 主;

雖 杼上終葵首,天子服之』。 非古制,蓋後世以所得之玉,隨宜爲之。今請揆玉之有無制之。」 三年,詔議大圭尺度,詳定所言:「考工記:『鎭圭尺有二寸,天子守之。』『大圭長三尺, 後魏以降,以白玉爲之,長尺有二寸,西魏以來皆然。方而不折,

志

奉祀之時,旣接神再拜,則奠鎭圭爲摯,大圭爲笏。」 之義。』不知大圭,天子之笏也,通用於郊廟公。 |郊祀錄曰:『大圭,質也,事天地之禮質,故執而搢之。 親祀 天地神祇, 皆搢大圭, 執鎭圭。 請自今皇帝親祠郊廟,晉大圭,執鎭圭。 鎭圭,文也,宗廟之禮亦文,故無 有事宗廟, 則執鎭圭而 棄執 王涇

赴景靈宮及太廟、 主 ,尚衣奉御,又以鎭圭授殿中監以進。 又言三開元及開寶通禮,皇帝升輅,不言執圭。 青城, 皆乘輅執圭, 殊不應禮。 於是始搢大圭,執鎭圭。 請自今乘輅不執圭, 祀日,質明,至中壝門外,殿中監進大 今皇帝乘玉輅, 還內御 大辇亦如 執鎭主,

以薦 無 五采文,前後垂之。 ĺ 玉 必 詳定所又言大圭中必之制,請製薦玉繅藉,以木爲榦,廣袤如玉,以韋衣之。 一,明矣。 一之繅陳于地,執圭,則以約圭之繅備 俟明 党服大圭,宜依鎮圭所約之組 又製約圭繅藉長尺,上玄下絳,爲 失墜,因 ,令可繫之。 垂 之爲 地五 采五 飾。 就 況大圭搢之紳帶之間,不可 因以爲 飾 每 奠圭 韋上 則 畫

欲 放 西魏 政和二年,宦者譚旗獻玄圭。 哲宗元祐 唐玉笏之制,方而 元年,禮部言:「元豐新禮,皇帝 不折,上下皆博三寸,長尺二寸,其厚以鎭 其制,兩旁刻十二山,若古山尊,上銳下方。 祀天, 搢大圭, 其制圓首前詘 圭爲約。」從之。 一,於禮未合。今 上有雷雨之

虎蜼五 帶,紅羅勒帛。玉具劍,金塗銀鈒花,玉鏢首。白羅韈,朱履,金塗銀釦。從祀則服之。 花金條紗衣,紅紗裏,皂標、襈。紅紗裳,紅紗蔽膝,並紅紗裏。白花羅中單,皂標、襈,白羅方 游冠:十八梁,青羅表,金塗銀銀花飾,犀簪導,紅絲組爲纓,博山,政和加附蟬。 撰、裾。 革帶,塗金銀鈎鰈,瑜玉雙佩。 四采織成大綬,結二玉環,金塗銀鈒花飾。 青羅袜 塗金銀鈒花飾,犀簪導,紅絲組,前後白珠九旒,二纊貫水晶珠。青羅衣,繡山、龍、雉、火、 玄圭,永爲定制。」中興仍舊制,大祭祀則執大圭以爲笏,上太上皇、皇太后册寶亦如之。 冕法其幽,而未有以體其道,天玄而地黃,今大圭內赤外黑,于以體之。 冬祀 四方也。 鎭圭,緣飾以四鎭之山,其中有好,爲受組之地,其長尺有二寸,周人倣古爲之,而王執以鎭 文,下無瑑飾,外黑內赤,中一小好,可容指,其長尺有二寸。 皇太子之服。一日袞冕,二日遠游冠、朱明衣,三日常服。袞冕:青羅表、緋羅紅綾裏、 三年,又詔曰:「先王以類而求祀,圜丘以象形,蒼玉以象色,多日以至取其時,大裘而 章,紅羅裳,繡藻、粉米、黼、黻四章。 徽宗乃以是歲多御大慶殿受圭焉。 紅羅磁膝,繡山、火二章。白紗中單,青標、 韶付廷議。 議官以爲周 可搢 朱明服:紅 大圭,執 三執

志第

百四四

奥服三

三五三三

則服之。 心 曲 . 領 常服:皂紗折上巾,紫公服,通犀金玉帶。 羅韈,黑舄,革帶,劍,佩,綬。 餘同袞服。 袜帶,勒帛。 執桓圭。 受册、謁廟、朝會

章。 充耳,餘並 長二尺六寸,色同大綬,而首半之,間施二玉環。 祀及謁廟、加元服、 領,青標、襈、裾。 色如其綬,靑纊充耳,玄衣纁裳,凡九章,每章一行,重以爲等,皆織爲之。 朱組 太宗至道元年,太常禮院言:「南郊,皇太子充亞獻,合著祭祀服。 ,雙大綬四采,赤白標撰(fù),純朱質,長一丈八尺,三百二十首,廣九寸。 同國初之制 革帶,金鉤鰈。大帶,素帶不朱裏,亦紕以朱綠,紐約用組。 納妃則服之。」詔依上製造。 加元服、從祀、納妃、釋奠文宣王服之。 政和議禮局更上皇太子服制, 朱韈赤舄,舄加金飾, 中興並同 準制度,袞冕以組爲 餘同舊制。 **黻隨裳色,二** 白紗中單 袞冕惟 小雙綬, 侍從祭 一,黻

旒冕,眞玉佩,綬,緋羅履韈。」詔文思院製造。 額花冠、貂蟬籠巾、金塗銀立筆、眞玉佩、綬、金塗銀革帶、烏皮履。 其皇子之服,紹興三十二年十月,禮官言:「皇子鄧、慶、恭三王,遇行事服朝服,則 若服祭服, 則金塗銀八 七梁

后妃之服。 日韓衣、二日朱衣、三日禮衣、四日鞠衣。 妃之緣用翟爲章(10),三等。

志第一百四 輿服三 校勘記

單,黼領,羅穀標撰,蔽膝隨裳色,以緅爲領緣,以搖翟爲章,二等。大帶隨衣色,不朱裏,紕 兩 爲之,蔽膝、大帶、革舄隨衣色,餘同褘衣,唯無翟文,親蠶服之。 妃首飾花九株,小花同,幷 組 大帶隨衣色,朱裏,紕其外,上以朱錦,下以綠錦,紐約用青組,革帶以青衣之,白玉雙佩, 博養,冠飾以九翬、四鳳。 ,雙大綬,小綬三,間施玉環三,青韈、舄,舄加金飾。 输翟,青羅繡爲搖翟之形,編次於衣,青質,五色九等。 受册、朝謁景靈宮服之。鞠衣,黃羅 素紗中 黑

其外。餘倣皇后冠服之制,受册服之。

素紗 朱雙大綬,章采尺寸與皇太子同。受册、朝會服之。 隨 衣 色,餘與褕 !衣色,不朱裏,紕其外,上以朱錦,下以綠錦,紐約用青組。 革帶以青衣之,白玉雙佩,純 1中單,黼領,羅穀標襈,皆以朱色。 蔽膝隨裳色,以緅爲領緣,以搖翟爲章,二等。 大帶 皇太子妃首飾花九株,小花同,丼兩博鬢。褕翟,青織爲搖翟之形,青質,五色九等。 翟同,唯無翟,從蠶服之。 鞠衣,黃羅爲之,蔽膝、大帶、革帶隨

龍鳳 服,后妃大袖,生色領 后 皇后服之,紹興九年所定也。花釵冠,小大花十八株,應皇太子冠梁之數,施兩博鬢,去 ,皇太子 中興,仍舊制。 妃服之,乾道七年所定也。 其龍鳳花釵冠,大小花二十四株,應乘輿冠梁之數,博鬢,冠飾同皇太 ,長裙,霞帔,玉墜子; 其服,后惟備褘衣、禮衣,妃備褕翟,凡三等。 背子、生色領皆用絳羅,蓋 與臣下不異。 其常

制局定之。其儀闕焉。 帶,革帶,青韈、舄,佩,綬。受册、從蠶服之。七年,臣僚言:「今文臣九品,殊以三品之服, 至於命婦,已釐八等之號,而服制未有名稱。 領,朱標、撰,通用羅穀,蔽膝隨裳色,以緻爲領緣,加文繡重雉,爲章二等。二品以下準此。大 七株,翟七等,第四品,花釵六株,翟六等,第五品,花釵五株,翟五等。 及裳。第一品,花釵九株,寶鈿準花數,翟九等;第二品,花釵八株,翟八等;第三品,花釵 命婦服。 政和議禮局上:花釵冠,皆施兩博鬢,寶鈿飾。翟衣,青羅繡爲翟,編次於衣 詔有司視其夫之品秩, 而定其服飾。」 詔送禮 並素紗中單,黼

校勘記

- 1)親郊 原作「視郊」,據長編卷三三五改。
- 朱裏 延 紐 按周禮夏官司馬第四,此上有「皆玄冕」三字,疑脫
- \subseteq 花墜子 原作 「花墮子」,據太常因革禮卷二四、通考卷一一三王禮考改。
- 江右 長編卷二〇六、玉海卷八二、通考卷一一三王禮考都作「江 左
- (宝) 唐典 長編卷二〇六載李育奏疏作「唐興」,和下文顯慶初獻議廢大裘的文義相協,「典」字當是

「興」字形近之訛。

(**含**) 以金飾版側 侧」 原作「則」, 據聶崇義三禮圖卷二〇冕服、 長編卷二〇六、 通考卷一一三

王禮考改。

(十) 退朝上戴此冠 按通考卷一一三王禮考作「退朝閒燕止戴此冠」,疑「上」當作「止」。

S 通用於郊廟 「用」字原脫,據通考卷一一五王禮考、玉海卷八七補。

(元) 赤白標撰 按此與上文「雙大綬四采」不協,太常因革禮卷二五、宋會要輿服四之一都作「赤白

縹紺」,疑是。

(9) 飾花一十二株,小花如大花之數,並兩博變。 妃之緣用翟爲章 按本段係敍后妃之服, 大體與五禮新儀卷一二皇后冠服條同。該條首敍「首 冠飾以九龍四鳳。 韓之衣,深青織成,翟文赤質,

無「妃之緣」三字;其下文則與此處下文基本相同。疑此處有脫誤。 五. 色十二等。 青紗中單,黼領,羅縠標撰,蔽膝隨裳色,以級爲領緣」,下接「用翟爲章」句,句上



宋史卷一百五十二

志第一百五

輿服四

諸臣服上

環,緋白羅大帶 繡藻、粉米、黼、黻四章,緋磁膝繡山、火二章,白花羅中單, 玉裝劍、佩, 革帶, 暈錦綬, 二玉 旒、六旒冕。 蜼、藻、粉米三章〔〕,裳畫黼、 小白綾中單, 諸臣祭服。 九旒冕:塗金銀花額,犀、玳瑁簪導,青羅衣綉山、龍、雉、火、虎蜼五章,緋羅裳 師子錦綬, ,緋羅韈、履,親王、中書門下奉祀則服之。 唐制,有衮冕九旒,鸄冕八旒,毳冕七旒,稀冕六旒,玄冕五旒。 二銀環, 黻二章,銀裝佩、劍,革帶,餘同九旒冕,九卿奉祀則服之。 餘同上, 三公奉祀則服之。 其冕無額花者,玄衣纁裳,悉畫, 七旒冕: 犀角簪導,衣畫虎 宋初、省八

三五三九

志第

FI

Ŧī

興服

갣

青 下 五. 旒 `衣纁裳,無劍、佩、綬,餘同五旒冕,太祝、奉禮服之。 無 劍 冕 ·青羅· 佩、綬; 衣裳 紫檀衣:朱裳,羅爲之,阜大綾綬,銅裝劍、 無章,銅裝佩、劍,革帶,餘同七旒冕,四 佩,御 品、五 史、博士服之。 品為獻官則服 之, 平冕無旒 六品以

制。」詔 先公:亦以饗射。 帝 旒冕服,全無等降; 以爲制度。今大祠 Ъ. 而可 其每歲常祀,遣官行事,攝公則服一品九旒冕,攝卿則服三品七旒冕, 自從品制爲服,不以 下、當有祭服。 祀 · · 阜綾綬,銅裝劍、佩,四品以下爲獻官則服之。今小祠獻官,旣不攝公、卿,則盡屬四品 之大小爲差。 祀 慶曆三年,太常博士余靖言:「周禮司服之職,掌王之吉服,大裘而冕無旒,以祀昊天上 五帝亦如之。 玄冕五旒,其服 下禮官議, 請除公、卿祭服仍舊從本品外,小祠所遣獻官,並依令文祭服行事。 至于小祠獻官, 舊以公服行事, 毳冕 奏曰:「聖朝之制,唯皇帝親祠郊廟及朝會大禮服衮冕外,餘冕皆不設。 小祠 衮冕十有二旒,其服十有二章,以享先王。 中祠所遣獻官並用上公九旒、 七旒 無章,以祭小祀。 則公服行事, 乖戾舊典。 ,其服五章,以祀四 此皆天子親行祠事所服 「望、山川。 則有 宜詳潤禮,因所祭鬼神,以爲獻官冕服之 九章冕服,以爲初獻, 違典禮。 絺冕六旒,其服三章,以祭社稷 鷩冕八旒, 案衣服令, 五旒冕, 衣裳 冕服悉 因所 其餘公卿亦皆 其服 祀大小神鬼 七章,以享 岩非時 以 無

告祭、用香幣禮器行事之處,亦皆準此。」詔施行焉。

禮 章。 叉 旒 者冠 無經據。 衣裳亦無章。 皇祐 况 案題禮六冕之制,凡有旒者,衣裳皆有章,惟大裘 進賢 國家 几 爲 竊詳監祭、監禮旣非祠官 年 南郊大禮,太常卿 稱。」詔不允。 同知太常禮院邵必言:「伏見監祭使、 今監祭、監禮所服冕五 上服 朝服 「, 則 ,前導皇帝 御史、博士尔,而服用五 旒,侯伯之冕 ,明非祠官也。 也,而 監禮各冠五旒冕, 冕無旒,衣裳無章。 衣無章,深所 等,蓋非所宜 今後監祭者請 衣裳無章, 不稱; 一命大夫之冕無 , 而 冠獬 色以紫檀, Ħ. 仃 色以紫 豸、監 旒 無

請 官秩 以 至 ĪĪĪĪ 冕、 及 無 親 事 五旒冕,今旣 上下 神 JE. 伽 元豐元 洏司 郊、 而侍祠之官止 日 玉 此 ٠, 御殿,服通 廟、景靈宮,除導駕、贊引、扶侍、宿衞之官,其侍祠及分獻者 故分獻四品官皆 年,詳定禮文所言:「國家服章,視唐尤爲不備。 因 循 無冕名 不講之失也(三)。 天冠、絳紗 以 而 朝 沒有司. 服 服 ,豈禮之稱哉。 心袍,則 几 仍不制 旒 冕, 且古者朝、祭異服,所以 百官皆服 博士、御史則 七旒 冕, 至於景 朝服 乃有 、乃禮 靈宮分獻官 几 旒 之稱。 旒 冕, 別 而 於令文, 其非禮 太紫檀 事 一、皆服 神與事 至 親 一大祝 尤甚。 祠 祀儀有 「並服 朝服,尤爲 君之禮。 郊、廟,皇帝嚴 ※祭服。 奉禮 又服之者不 九旒 失禮。 今皇帝 則 冕、 服平 如所考 裘 七 以 冕 伏 冬 冕 旒

志

第

服衮 制度 星、司寒、馬祭,蓋皆羣小祀之比,當服玄冕。」從之。 冕,朝夕日月、風師、 臣 司 攝事 寒、中霤、馬祭皆服毳冕,皆非是。 · 冕,其蜡祭、先蠶、五龍亦如之; ,修製五冕及爵弁服,各正冕弁之名。 自 「當從王所祭之服。 雨師、司命、司中則以玄冕。 伏請依周禮, 凡祀 祭司命、戶、竈、門、厲、行皆服鷩冕,壽星、靈星、司中、 今天子六服,自鷩冕而下,既不親祠,廢而不用, 又國朝祀儀,祭社稷、朝日、夕月、風師、 四望、山川則以毳冕,祭社稷、五 若七祀、蜡祭百神、先蠶、五龍、靈星、壽 祀則以稀 雨師皆 則諸

導駕、 年, 事 一、禮 呂升 哲宗 押宿及主管事務,幷他處行事官仍服朝服。」從之。 |儀使、太常卿、太常博士、閤門使、樞密院官進接圭, 卿 元站 始有行事 元年,太常寺言:「舊制,大禮行事、執事官並服祭服,餘服朝服。 及陪祠官並服祭服之議。 今欲令行事、執事 殿 中監止供奉皇帝, 官並服祭服, 其陪位官止 其贊引、 至元豐七

降祭服。 局 造樣 徽宗大觀元年,議禮局 頒 詔 頒 運 制 度 司 , 於州郡 轉運 1,然未 製以 ·言:「太社、太學獻官祝禮,皆以法服奉祠,至郡邑則用 明使 州 〉製造。 縣 焉 後 政和間 始詔:州縣冠服,形制詭異 常服,乞 令禮制

二年, 議禮局檢討官愈稟言「玄以象道,纁以象事,故凡冕皆玄衣纁裳,今太常寺祭

下

轉

司

給

以銀、銅二環,飾之以玉。宗彝,宗廟之彝也,乃爲虎蜼之狀,而不作虎彝、蜼彝。 服,則衣色青矣。前三幅以象陽,後四幅以象陰,故裳制不相連屬,今之裳則爲六幅而不殊 利以養人也,乃分爲二章,而以五色圓花爲藉。其餘不合古者甚多。 畫 一太常寺及古者祭服樣二本以進。 冕玄表而朱裏,今乃青羅爲覆,以金銀飾之。 至於損益裁成,斷自聖學。」詔令議禮局詳議 佩用綬以貫玉,今既有玉佩矣,又有錦綬 乞下禮局,博考古制 粉米,散

以 絹 則 銅,尤無經據,宜依 夏后氏山、商火、周龍章。』载者乃黻 爲裏, 、火者,衣之章也。 繡 應典禮。 而 几 又祭服有革帶,今不用皮革 章數皆偶,陰陽之義也。今衣用深靑,非是。 年 無復上下廣狹及會、紕、純、紃之制,又有山、火、龍章。 ,議禮局官宇文粹中議改衣服制度曰:「凡冕皆玄衣纁裳,衣則繪而章數皆奇,裳 古者蔽前而已,芾存此象,以章爲之。 古制除去。 周旣績於上衣,不應又績於芾。 至佩玉、中單、赤舄之制,則全取元豐中詳定官所議行之。」 ,而通裹以 冕之黻,非赤芾之芾也。 (緋羅 今磁膝自一品以下,並以緋羅爲表緣,緋 一、又以銅爲飾。 欲乞視冕之等,衣色用玄,裳 請改芾 且芾在下體,與裳同用,而山、 制,去山、龍、火章, 案明堂位:『有虞氏服韍, 其綬或錦 或阜 -, 環 以 色用 或銀 破 諸 或 儒

古者,冕以木版爲中,廣八寸,長尺六寸,後方前圓,後仰前低,染三十升之布,玄

志

服衮冕,臣竊以爲非宜。 之義;每旒之長各八寸,非旒數長短爲差之義;又獻官冕服,雜以諸侯之制,而一品 者七寸,各以旒數長短爲差。今羣臣之冕,用藥玉、青珠、五色茸線,非藻玉三采、二采 「繅」。以一玉爲一成,結之使不相丼,謂之「就」。就間相去一寸,則九玉者九寸,七玉 者, 冕之名雖有五, 而繅就、旒玉則視其命數以爲等差。 合綵絲爲繩, 用以貫玉, 謂之 尺之制〔三〕,以青羅爲覆,以金塗銀稜爲飾,非古玄表朱裏之制,乞下有司改正。 與萬物相見。後世以繒易布,故純儉。今羣臣冕版長一尺二寸,闊六寸二分,非古廣 後方者不變之體,前圓者無方之用;仰而玄者,升而辨於物,俛而朱者,降而

祭之服,長短之度、采色之別,皆乞依古制施行。 朝,其服當鷩冕。蓋出封則遠君而伸,在朝則近君而屈。今之攝事及侍祠皆在朝之 臣也,在朝之臣乃與古之出封者同命數,非先王之意。乞下有司制鷩冕八旒、毳冕六 至選人,盡服玄冕無旒。臣竊謂依此參定,乃合禮制。古者,三公一命衮,則三公在 史以上服絺冕,朝官以上服玄冕,選人以上爵弁。詔許之,而不用爵弁。供奉官以下 、稀冕四旒、玄冕三旒,其次二旒,又其次無旒。 元豐中,禮官建言,請資政殿大學士以上侍祠服驚冕,觀察使以上服毳冕,監察御 依元豐韶旨,參酌等降,爲侍祠及攝

都、四 守,雖曰猶古之侯、伯,其實皆王臣也。 二旒 ,子、男自毳冕而 · 終獻 一輔爲 案周禮, 無旒;節鎭、防、團、軍 一等,初獻鷩冕八旒;經略、安撫、鈴轄爲一等,初獻毳冕六旒,亞獻並玄冕 諸侯爵有五等,而服則三,所謂「公之服自衮冕而下,侯、伯自驚冕而 下」是也。 古者,諸侯有君之道,故其服以五、七、九爲節。今之郡 事爲一等,初獻稀冕四旒,亞、終獻並玄冕無旒。 欲乞只用羣臣之服,自鷩冕而下,分爲三等:三

笄,並非古制,乞下有司改正。」從之。 又曰:「今之紘 組 一,仍綴兩繒帶而結於頤,冕旁仍垂青纊而不以瑱,以犀爲簪而不以玉笲、象

衣服之制,則各從其冕之等。

綬以 爵、 綬, 旣 白 郡王充初獻服之。奏告官並依本品服, 羅 叉 奉幣俘宗室, 銀環, 中單 天下 上羣臣祭服之制:正一品,九旒冕,金塗銀 政和 ·樂暈。 ·,大帶,革帶,玉佩,錦綬,青絲網 議禮局言:「大觀中,所上羣臣祭服制度,已依所奏修定,乞付有司依圖畫製造。 金塗銀 親祠 每歲大祠捧俎官、大祠中祠初獻官服之。二品,七旒冕,角簪,青衣無降 佩, 大禮使、亞獻、終獻、太宰、少宰、左丞,每歲大祠宰臣、 餘如 正 一品服。 已下准此。 親祠 玉環,朱韤、履。革帶以金塗銀,玉 更部、戶部、禮部、兵部、工部尙 稜,有額花,犀簪,青衣 從一品,九旒冕,無額花,白綾中單 、畫降龍、朱裳、蔽膝, 書,太廟進 佩以金塗銀裝, 親王、執 一,紅錦 政官、 一受幣

志

第

品服。 費盤 **絁衣,餘如三品服,監察御史服之。** 令、親祠擡鼎官、進摶黍官、太廟供亞終獻金斝、供七祀獻官、執爵官服之。 五旒冕,紫檀 龍 禮官、小祠獻官,朔祭太常卿服之。三品,五旒冕,阜綾綬,銅環,金塗銅革帶,佩, 福宗室,七祀、配享功臣分獻官,每歲大祀,謂用宮架者〔邑〕,大司樂、大祠 。, 餘 \ 薦香燈、安奉神主、奉毛血槃、蕭蒿篚、肝膋豆宗室,每歲祭祠大樂令、大中祠分獻官 如從 無旒冕,素青衣,朱裳,蔽膝,無佩綬,餘如三品服。奉禮協律郎、郊社令、太祝太官 親祠舉册官、大樂令、光祿丞、奉俎饌箋豆簠簋官、分獻官分獻壇壝從祀〔8〕,太 品服。 親祠吏部侍郎四、殿中監、大司樂、光祿卿、讀册官,太廟薦俎、贊進飮 中祠亞終獻 餘 、廟奉 如二

旒 節鎭、防、團、軍事初獻四旒冕、亞、終獻並無旒冕。 州郡祭服:三都初獻,八旒冕;經略、安撫、鈴轄初獻,六旒冕; 亞獻並二旒冕,終獻無

絺冕,四旒;四日玄冕,無旒。其義以公、卿、大夫、士皆北面爲臣,又近尊者而屈,故其節以 八、以六、以四,從陰數也。 中興之後,省九旒、七旒、五旒冕,定爲四等:一曰鷩冕,八旒;二曰毳冕,六旒;三曰 先是,紹興四年五月,國子監丞王普奏言

臣嘗攷諸經傳,具得冕服之制。 蓋王之三公八命,驚冕八旒,衣裳七章,其章各

裳、韍視其命數,自三而下。其繅至笲、衡、紘、紞、瑱、纊、帶、佩、芾、舄、中衣,皆有等 各四。 孤卿六命,毳冕六旒,衣裳五章,其章各六。 大夫四命, 稀冕四旒,衣裳三章,其章 上士三命,玄冕三旒;中士再命,玄冕二旒;下士一命,玄冕無旒; 衣皆無章

璜、琚、瑀、衝牙而已,乃加以雙滴,而重設二衡。綬以貫佩玉而已,乃別爲錦綬,而間 以雙環。 狀,而不爲虎蜼彝。粉米,米而粉之者也,乃分爲二章,而以五色圓花爲藉。 皆纁,裳前三而後四幅,此衣裳之制也;今則衣色以青,裳色以緋,且以六幅而不殊 此冕之制也;今則方圓俛仰,幾於無辨,且以青爲表,而飾以金銀矣。其衣皆玄,其裳 山以章也,今則以嶞。 近世冕服制度,沿襲失眞,多不如古。 以至帶無紐約,芾無肩頸,舄無絢繶,中衣無連裳。 火以圜也,今則以銳。宗彝,宗廟虎蜼之彝也,乃畫虎蜼之 夫後方而前圓,後昂而前**倪**,玄表而朱裏, 佩有衡

兹改作,是正訛繆,一從周制,以合先聖之言。 臣伏讀國朝會要郊廟奉祀禮文,祖宗以來,屢嘗講究,第以舊服無有存者。欲乞因

尋禮部契勘,奏言:

衣服之制,或因時王而爲之損益,事雖變古,要皆一時制作,不無因革。 或考之先

冕,以至光祿丞亦服焉,貴賤幾無差等。此皆一時制作,不無因革。 與無旒玄冕,凡三等而已。衮服非三公所服,去之可也,乃倂絺冕去之,自尚書服毳 公服驚,以至士服玄冕,凡五等。唐制自一品服衮冕九旒,至五品服玄冕無旒,亦五 而 國家承唐之舊,初有五旒之名,其後去三公衮冕及稀冕,但存七旒鷩冕、五旒 有繆戾者,雖行之已久,不應承誤襲非,憚於改正。案周官,自上公服衮,王之三

是得 幾稍 宗彝、粉米、佩綬、帶紐、芾屨之屬,皆宜改正施行。 玄而 合周制。 山 不至者也。 今合增驚冕爲八旒,增毳冕爲六旒,復置絺冕爲四旒,丼及無旒玄冕,共四等,庶 [之勢而不知其性。火圜而神者也,今象其銳,是得火之形而不得其神也。 若冕之方圓低昂至於無辨,則制造之差也。 以緋爲裳,非不用纁也,爲纁而太過者也。山止而靜者也,今象其墮, 以青爲表,非不用玄也,爲

是時,諸臣 奏請 討論雖詳,然終以承襲之久,未能盡革也。

金 衣 塗銀裝。 以青黑羅,三章,華蟲、火、虎蜼彝,裳以 ,中單,佩以 鷩冕: 八旒 韈、舄並如舊制。 、珉,貫以藥珠,綬以絳錦、銀環。 ,每旒八玉,三采,朱、白、蒼,角笄,青纊,以三色紞垂之,紘以紫羅,屬於武。 宰相、亞終獻、大禮使服之;前期,景靈宮、太廟亞終獻,明) 纁表 **韍上紕下純,繪二章,山、火。** 一羅裏,繒七幅,繡四章,藻、粉、黼、黻。大 革帶,緋羅

堂滌濯、進玉爵酒官亦如之。

以金塗銅帶, 韍繪以山。 革帶以金塗銅。 社壇九宮壇分祭初獻、亞獻亦如之。 酒、徹俎祝腥、贊引、亞終獻,禮儀使、亞終獻爵并盥洗官四員,並如之;前二日奏告初獻 太廟進爵酒幣官、奉幣官、受爵酒幣官、薦俎官,明堂受玉爵、受玉幣、奉徹篡豆、進飮福 毳冕:六玉,三采,衣三章,繪虎蜼彝、藻、粉米;裳二章,繡黼、黻。 餘如鷩冕。六部侍郎以上服之; 佩藥珠、衡、璜等, 前期, 景靈宮

並如之;社壇九宮壇分祭終獻官、監察御史、兵工部、光祿卿丞亦如之。 官、明堂太府卿、光祿卿、沃水舉册官、讀册官、押樂太常卿、東朵殿三員、西朵殿二員、東廊 二十八員、西廊二十五員、南廊二十七員、戟門祭獻官,前二日奏告亞獻終獻官、監察御史, 毳冕。 光祿卿、監察御史、讀册官、舉册官、分獻官以上服之;前期,景靈宮、太廟奏奉神主 締冕:四玉,二采,朱、綠。 衣一章,繪粉米;裳二章,繡黼、黻。 綬以阜綾,銅環。 餘如

事官、武臣奉俎官,軷門祭奉禮郎、太祝令、太官令,祉壇九宮壇分祭太社、太祝、太官令、 明堂光祿丞、奉禮郎、良醞令、太祝摶黍官、宮架協律郎、登歌協律郎、奉御官、內侍供祠執 郎、協律郎、進摶黍官、太社令、良醞令、太官令、奉俎饌等官、供祠執事官內侍以下服之; 玄冕:無旒,無佩綬,衣純黑,無章,裳刺黼而已,敬無刺繡,餘如絺冕。 光祿丞、奉禮

志第

百五

興服四

奉禮郎,並如之。

紫檀冕:四旒,服紫檀衣,博士、御史服之。

晃,四旒,經略、安撫、鈴轄亞獻服之,節鎭、防、團、軍事初獻亦如之; 玄冕,無旒,節鎭、防、 外州 軍祭服:驚冕,八旒,三都初獻服之; 電晃,六旒,經略、安撫、鈴轄初獻服之; 稀

團、軍事亞終獻服之。

紫、緋、綠,各從本服色,白綾中單,白綾袴,白羅方心曲領,本品官導駕,則騎而服之。 品侍祠朝會則服之。六品以下無中單,無劍、佩、綬。 環,餘同五梁冠。諸司三品、御史臺四品、兩省五品侍祠朝會則服之。御史大夫、中丞則冠 帶,白羅方心曲領,玉劍、佩,銀革帶,暈錦綬,二玉環,白綾韈,阜皮履。一品、二品侍祠 有獬豸角,衣有中單。 會則服之,中書門下則冠加籠巾貂蟬。三梁冠:犀角簪導,無中單,銀劍、佩,師子錦綬,銀 金銀花額,犀、玳瑁簪導,立筆。 緋羅袍,白花羅中單,緋羅裙,緋羅蔽膝,並阜縹襈,白羅 朝服:一日進賢冠,二日貂蟬冠,三日獬豸冠,皆朱衣朱裳。 兩梁冠:犀角簪導,銅劍、佩,練鵲錦綬,銅環,餘同三梁冠。四品、五 御史則冠有獬豸角,衣有中單。 宋初之制,進賢五梁冠: 袴褶 朝

榜褶之制,建隆四年,范質與禮官議三榜褶制度,先儒無說,惟開元雜禮有五品以上用

制也。 成而 蟬,侍左者左珥,侍右者右珥。又開元禮導駕官並朱衣,冠履依本品。 紫褶白袴,玉梁珠寶鈿帶,樺,騎馬服之。 細綾及羅,六品以下用小綾之制。 皮鞾。今請造袴褶如令文之制,其起梁帶形制,檢尋未是,望以革帶代之。」奏可。是歲,造 令文三品以上紫褶,五品以上緋褶,七品以上綠褶,九品以上碧褶,並白大口袴,起梁帶,烏 [未用。乾德六年,郊禋始服,而冠未造,乃取朝服進賢冠、帶、韈、履參用焉 附蟬之數,蓋一品九,二品八,三品七,四品六,五品五。又侍中、中書令、散騎 注:褶衣,複衣也。又案令文,武弁,金飾平巾幘,簪尊, 金飾,即附蟬也。 詳此,即是二品、三品所配弁之 朱衣,今朝服也。故 加貂

高、官高品卑者,難以裁定,願敕禮院詳其等第。」詔下禮院參酌舊制以聞。奏曰: 康定二年,少府監言:「每大禮,法物庫定百官品位給朝服(+)。今兩班內,有官卑品

副使、同知樞密院事、宣徽南北院使、僉書樞密院事並在東宮三司之上。以上品位職 京尹兼中書令、侍中、同中書門下平章事爲使相,樞密使、知樞密院事、參知政事、樞密 準閤門儀制,以中書令、侍中、同中書門下平章事爲宰臣,親王、樞密使、留守、節度使、 品:中書令,侍中,左右僕射,太子少師、少傅、少保,諸州府牧,左右金吾衞上將軍。又 官品令,一品:尚書令,太師,太傅,太保,太尉,司徒,司空,太子太師、太傅、太保;二 準衣服令,五梁冠,一品、二品侍祠大朝會則服之,中書門下則加籠巾貂蟬。

事 宜 潍 前 法給 朝 服。 幸臣、 使相則加籠巾貂蟬,其散官勳爵不 緊品 位, 止 從正

之服。

王傅; 使,次太府卿; 觀察留後,次六尙書、侍郎; 侍讀、侍講學士, 侍郎;東宮三品、四品,賓客,詹事 府、將作、司天監,諸衞將軍,神武、龍武將軍,下都督,三京府尹,五大都督府長史,親 常、宗正 豸。 士,資政殿大學士,三司使,翰林學士承旨,翰林學士,資政殿學士 下、中書侍鄓,諫議大夫,給事中,中書舍人;尙書省三品、四品,六尙書,左右丞,諸行 位職事,宜準前法給朝服 準官品令,諸司三品,諸衞上將軍,六軍統軍,諸衞大將軍 三梁冠,諸司三品、御史臺四品、兩省五品侍祠大朝會則服之。 御史臺三品、四品, 御史大夫、中丞; 卿,秘書監,光祿、衞尉、太僕、大理、鴻臚、司農、太府卿, 客省使, 次將作監; 龍圖閣學士,樞密直學士,龍圖、天章閣直學士,次中書侍郎; 知制誥,龍圖、天章閣待制,觀察使,次中書舍人,內客省 ,,左右庶子,少詹事,左右踰德。 引進使,防禦、團練、三司副使,次左右庶子。 兩省三品、四品、五品,左右散騎常侍,門 ,神武、龍武大將軍 國 一,端明殿學士, 節度使,文明殿 子祭酒 御史中丞則冠 ,殿中、少 以上 翰林 節 度 學 獬

兩梁冠, 四品、五品侍祠大朝會則服之,六品則去劍、佩、綬,御史則冠獬豸。 志第一百五 奥服四

馆品令, 給事 使,次諸行員外郎。 諸司 則 及品高官卑者,宜自諸司五品、國子博士至內給事,並依六品以下例去劍、佩、綬,御史 自尚書省五品以上及諸州刺史已上,準前法給朝服。其諸司五品已上,實有官高品卑 州刺史,次太子僕;謂正任不帶使職者。東西上閣門使,次司天少監;客省、引進、閣門副 史,左右司諫,左右正言,監察御史,太常博士,通事舍人。四方館使,次七寺少卿 五尙 洛陽、宋城縣令,太子中舍、洗馬,內常侍,太常、宗正、祕書、殿中丞,著作郞,殿中省 郎將,諸王府長史、司馬,大都督府左右司馬,內侍;尚書省五品,左右司諸 府、將作、司天少監,三京府少尹,太子率更令、家令、僕、諸衞率府率、副 冠獬豸,衣有中單。 [奉御,大理正,諸王友,諸軍衞郎將,諸王府諮議參軍,司天五官正,太史令,內 `五品,國子博士,經筵博士,太子中允、左右贊善大夫,都水使者,開封祥符、 · ; 諸升朝官六品以下起居郎,起居舍人,侍御史,尚書省諸行員外郎,殿中侍御 諸司四品,太常、宗正 已上品位職事,據令文,但言四品、五品,亦不分班敍上下。 今請 其諸司使、副使以下至閤門祗侯,如有攝事合請朝服者,並同 一少卿,秘書少監,光祿等七寺少卿,國子司業, 率, 行 諸軍衛中 殿中、少 郞 河南 中

韶從所請。

六品

元豐二年,詳定朝會儀注所言:

御 錦爲之。 以 人臣之冠,則自五梁而下,與漢、唐少異矣。 而 劍、佩、綬。 四 , 史臺四品、兩省五品亦三梁, 而綬有暈錦、黃獅子、方勝、練鵲四等之殊。 伸 ,從陰偶之數。 ,則以九、以七、以五,從陽奇之數; 古者制禮上物,不過十二,天之數也。 一品、二品冠五梁,中書門下加籠巾貂蟬。 本朝衣服令,通天冠二十四梁,為乘輿服,以應冕旒前後之數。若 王朝公卿大夫,近於尊者而屈,則以八、以六、 自上而下,降殺以兩。畿外諸侯,遠於尊者 至於綬,則乘輿及皇太子以織成,諸臣用 諸司三品三梁,四品、五品二梁, 六品則去

諸司 定,庶名實相副,輕重有準,仍乞分官爲七等,冠綬亦如之。 是 散 口口口 因 者 (差遣又不可用也。 襲舊文, ,太常博士品卑於諸寺丞,太子中舍品高於起居郎,內常侍纔比內殿崇班,而 有一 郎中之上,是品不可 **隋、唐冠服皆以品爲定,蓋其時官與品輕重相準故也。今之令式,尚或用品,雖** 官而 然以官言之,頗爲舛謬。 兼領 數局者 以此言之, 用 也。 ,有徒以官奉朝請者,有分局莅 若以差遣, 用品及差遣定冠綬之制 概舉一二,則太子中允、贊善大夫與御史中丞同 則有官卑而任要劇者,有官品高 職特出於一 則未爲允當。 時隨事立名者, 伏請以官爲 而處之冗 在 尙

志第一百五 興服四

黄獅子錦綬,爲第六等,皇城以下諸司使至諸衞率府率服之。 金 等,皆二梁冠,方勝練鵲錦綬。高品以下服色,依古者韠、韍、舄、履並從裳色。 本等,寄資者如本官,入內、內侍省內東西頭供奉官、殿頭三班使臣、陪位京官爲第七 府、將作監服之。四梁冠,簇四鵰錦綬,爲第五等, 知 官秘書郞至諸寺、監主簿,旣預朝會,亦宜朝服從事。 入內省、內侍省內東西頭供奉官、殿頭前班、東西頭供奉官、左右侍禁、左右班殿直,京 天章、寶文閣直學士服之。 |附蟬,宰相、親王、使相、三師、三公服之。 七梁冠,雜花暈錦綬,爲第二等, 密院至太子太保服之。六梁冠,方勝宜男錦綬,爲第三等, 貂 蟬籠巾 七梁冠,天下樂暈錦綬,爲第一等。 五梁冠,翠毛錦綬,為第四等, 蟬,舊以玳瑁爲蝴蝶狀,今請改爲黃 客省使至諸行郎中服之。三梁冠, 今參酌自內常侍以上,冠服各從 左右散騎常侍至殿中、少 。內臣自內常侍以上及 左右僕 射 至龍 樞密使

別。 行執法之事,則宜冠法冠,改服青荷蓮錦綬,其梁數與佩華本品。 史臺自中丞而下至監察御史,大理卿、少卿、丞,審刑院、刑部主判官,旣正定厥官:真 史、廷尉正監平也,或謂之獬豸冠。」南齊志亦曰:「法冠,廷尉等諸執法者冠之。」今御 惟法官綬用青地荷蓮錦,以別諸臣。後漢志:「法冠一曰柱後,執法者服之,侍御 今制,朝服用絳衣,而錦有十九等。其七等綬,謂宜純用紅錦,以文采高下爲差

從之。

服 等。軍都指 班 殿門外。 揮使、都虞候服第六等, 又詔多正朝會,諸軍所服衣冠,廂都軍都指揮使、都虞候、領團練使、刺 其朝會 執執 事 高 品以下,並服介幘,絳服,大帶,革帶 指 揮使、副指 揮使服第七等, 並 ,韈、履,方心 班於庭。 副 都 曲 史服 頭 以 第五 上常

執政官 王,開 制 服; 盤鵰錦綬,餘同五梁冠服; 佩 裳.白羅 奉、中散 騎常侍,特進,金紫、銀青光祿大夫,光祿大夫,太尉,節度使,左右金吾衞、左右 天下 九寺 五梁冠,翠毛錦綬,餘同六梁冠服; 大學士,學士,直學士,東宮三少,御史大夫、中丞,六曹尙書、侍郎 政 府 和 ,東宮三師服之。 儀 中 大夫,上將軍 卿,大司樂,秘書監,殿中少監,國子祭酒,宣奉、正奉、通奉、通議、太中、中大 樂暈錦綬,青絲網間施三玉環,白韈,黑履 議禮局更上羣臣朝服之制:七梁冠 單 同 三司 並阜標、襈、蔽膝 服之。 ,節度觀察留後 六梁冠, 白紗中 七梁冠,無貂蟬籠巾 九寺少卿,大晟典樂,祕書少監,國子、辟廱司業,少府、將作、軍 隨裳色,方心 ,觀察使,通侍 ·單,銀革帶,佩,方勝宜男錦綬 太子賓客、詹事 , 曲領, ,銀裝玉佩,雜花暈錦綬,餘同三公以下服 金塗銀稜,貂蟬籠 ; 大夫,樞密 緋白 三公,左輔,右弼,三少,太宰,少宰,親 T,給事: 羅大帶,金塗銀革帶 都承旨服之。 中,中書舍 巾 ,犀簪導 ,殿中監,大司 。 銀環, 人,諫議 , 銀 四 餘同七梁冠 金塗銀裝玉 衛上將軍 立筆, 梁冠 大夫,待 う簇四 大夫,中 成、散 朱 服 衣

志第一百五 興服四 校勘記

諫, 正 六 曹 器 綬。 京 郎,閤門通事舍人,敦武 府 司直 書、侍郎,大理卿、少卿,侍御史,刑部郎中,大理寺正、丞、司直、評事 正 中亮、中衞 人(己)親王 三梁冠,金塗 監 朝 率, 職事官、閤門祗侯、看 , 都 詔悉 評事 請 武功、武德、武顯、武節、武略、武經、武義、武翼 言 司 、朝散、朝奉、承議 水 ,尚書六曹員 通行。 郞 使者 ,著作郎 府翊善、侍讀 中,朝 拱 銅 、衞、左 ., 起 革帶,佩 六年,韶導駕官朝服結佩。 議、奉)居舍· ,秘書郞,著作佐郞,太常、宗學、國子、辟廱博士,太史局令、正、丞,五 武、右武 外 直 人, 侍 班 郎,修武郎服之。 黄 、侍講,九寺、 郎 、奉議、 |祗侯,率府副率,升輦輅立侍內臣 朝 獅 , 外符寶郎, 大夫, 子 請 御 錦綬,鍮 史, 通直 朝散 駙馬都 太子左右庶子、少詹 秘書、殿 、朝奉大夫,防 郎,中亮、 。二梁冠,角簪,方勝練鵲錦綬,餘同三梁冠 少府、 石 環 尉 七年,詔夏祭百官朝、祭服用紗 , 中監 將作、 餘 帶 中衞、拱衞、左武、右武 同 遙 一,辟廱 郡武 四梁冠 禦、團練使,刺 大夫郎, 軍器少監 事 功 丞 子、渝德 服 大夫以下,樞 服之。 ,大晟樂令 醫職翰林醫正以上, 殿中侍 ,尙書左右司 太子 御史大夫、中丞,刑 史,大將 並冠獬豸冠,服青荷蓮 ,侍讀、 ,兩赤縣令,大 郎 御 密 ,諸衞將 史,監察 軍 副 侍講 ·, 正 都 鄓 承 中、 軍 御 服 內符 中書舍 史,司 理正 服之。 中侍 員 部尚 衞 在 實 猝

也。 中)]in 畢 興,仍舊制。 駕 回 ,若服通天、絳紗袍、乘大輦,則百官從駕服朝服,或服履袍; 乘平輦,則百官 行事 、執事官則服祭服,導引、陪祠官則服 朝服,從紹興三年太常寺

從駕服常服,自隆興二年洪适請始也。

皆簪焉。 **豸角**,碧粉塗之,梁數從本品。立筆,古人臣簪筆之遺象。其制削竹爲幹,裹以緋羅, 貂尾。三公、親王侍祠大朝會,則加于進賢冠而服之。獬豸冠卽進賢冠,其梁上刻木爲獬 藤漆之,形正方,如平巾幘。 第四等五梁,第五等四梁,第六等三梁,第七等二梁,並如舊制,服同。 羅爲纓結之:第一等七梁,加貂蟬籠巾、貂鼠尾、立筆;第二等無貂蟬籠巾;第三等六梁, 絲爲毫,拓以銀縷葉,插於冠後。舊令,文官七品以上服朝服者,簪白筆,武官則否,今文武 進賢冠以漆布爲之,上縷紙爲額花,金塗銀銅飾,後有納言。 飾以銀,前有銀花,上綴玳瑁蟬,左右爲三小蟬,衡玉鼻,左插 以梁數爲差,凡七等,以 貂蟬冠一名籠巾,織 以黄

校勘記

- 衣畫虎雌藻粉米三章 文也稱「毳冕七旒,其服五章。」宋會要興服四之二六謂其「宗彝、藻、粉米三章在衣,黼、 在裳」。汪海卷八二:「毳冕之章五」,「衣繪虎蜼、藻、粉米,裳繡黼、黻。」據補。 「藻」字原脫。按虎蜼,一名宗彝,加粉米僅二章,與「三章」之數不合。下 黻二章
- 此因循不講之失也 「講」原作「謹」,據上下文義和朱倉要興服四之二一、通考卷一一三汪

記

禮考改。

非古廣尺之制 「尺」,通考卷一一三汪禮考作「長」。按上文有關冕版的記述,此處似以作「長」

爲是。

の回り 吏部侍郎 「郎」原作「中」,據五禮新儀卷一二「羣臣祭服」條、宋會要輿服五之一二改。

(H) 謂用宮架者 按此語同上二書同卷均作小字注文。

(云)分獻壇壝從祀 按此語同上二書同卷均作小字注文。

(+) 法物庫定百官品位給朝服 「物」原作「服」,據本書卷一六四職官志、宋會要輿服四之一一、

太常因革禮卷二六改。

(云)中書舍人 「書」原作「舍」,據五禮新儀卷一二改。通考卷一一三王禮考作「中舍人」,是其簡

稱。

宋史卷一百五十三

志第一百六

輿服五

諸臣服下 士庶人服

服朱,七品以上服綠,九品以上服青。 公服。 凡朝服謂之具服,公服從省,今謂之常服。 其制,曲領大袖,下施橫欄,束以革帶,幞頭,烏皮鞾。 宋因唐制,三品以上服紫,五品以上

自王公至一命之士,通服之。

刺 逕 史州, ,提點刑獄 太宗太平興國 衣綠者借緋,衣緋者借紫; 同 知刺 二年,詔朝官出知節鎭及轉運使、副,衣緋、綠者並借紫。 史州。 雅熙初 ,郊祀慶成,始許升朝官服緋、綠二十年者,敍賜緋、紫。 其爲通判、 知軍監,止借緋。 其後 江准發運使同轉 知 防禦、團練

志第一百六 興服五

亦 加 眞宗 例 景 德三年,詔 極 京朝官 內諸司使以 亦 聽敍,及 東封 下出入內庭,不得服皂衣, 西 祀 赦 書, 京朝官並以十五 違者論 一年爲 其罪 限。 內職 後 每帝 亦許 登 服 極

袍。

布 軸 仁宗景 運 言:「欲望 使 朝 辭 站 自今贈官至正 上 元 殿 年 ', 詔 日二, 軍 ·使曾任通 與賜章 息 者,其 服 判者借緋 ; 畫像許服 諸 路轉運使候及 ,曾任 緋 知州 至 卿 + 監 者借紫。 牟 許 服紫。 卽 與 慶曆 從 、賜章服 元年 嘉 , 龍 祐 圖 閣直 年 學士

之。 帶 111 笏以 例 ",六曹: 行 而 木。 服 元 神 宗 色未 豐 侍 武 熈 元 息 易, 臣 寧元 年 、給 去 興品 內侍皆 事 年 青 中 不用 中 依 未及而 服紫, 書 直 門下奏:「六品以 學 階官至 已易者 土 不 例 ·佩 四品服紫, , 魚。 朝 或以年 謝 假版 日 Ŀ 不 官及 格 至六 犯 以 贓 行、 或以 伎 品。 濫 術若 守、 服 或私 特 緋 試 恩。 公人之人 罪 皆 並 徒 :象笏、 賜 Ŧi. 重 服 年 者 入品 佩 了, 不 佩 詔 魚 魚 得 六 者 ; 曹尚 因本品改 韶 九品以 並 職 書依 聽 除 服 他 上 章服 翰 綠 官 則 林 日 服 官 學 一從 上 應

並 繶 隨 純 服 徽 綦 色用之, 宗 ,古者舄履 重 和 元 以做古隨裳色之意。」詔以明 年,詔 各隨裳之色, 禮 制 局 自 冠 有 服 赤鳥、白鳥、 討論 以 聞 年 其 ĪE. 黑 旦改 鳥 見 服 用 今履 鞾, 先改 禮制局 欲 用 用 黑革 履。 又言:履隨其 寫 禮 之 制 其 局 絢 奏:「履 服 繶 色。 有 純 約、 武

臣 義 服 郎 、宣教郎以下至將校、伎術官去繶、純, 色__ 等,當議差別。」詔文武官大夫以 E 並稱履。 具 回 飾, 朝請 當時 郎、武 議者以鞾不當用之中國 功郎以下 去繶 並稱 實廢 履; 釋 從

之漸云

緋,莅 二年 緋; 服 制 爲 , 或 九月,以 非 1/1 三十二年六月, 事 知 官 與"仍元豐之制,四品以上紫, 至 出 州 至本品,不以假 今日 奉 監 皇太后 使 以 者 司 者 前 是 孝宗 ,許借紫; 及二十年 也。 回 變,詔 人。 又有 卽 位 承 若官 以 歷任 任: 務 詔 5年勞而 鄭 滿 承 1卑而 無過者,許 以 還 務 六品以上緋,九品以上綠。 郎 F 朝,仍服本品,此借 賜者, 職 服 以 高 緋、綠 上 則特許 服 磨勘改 有品 緋、綠及 花、花 未 /授章 者有三:自 事 及 至 而 十五 服,此 今日 者 借者。 台也。 年者 以前 又有 賜者 庶官遷六部 服 升 並許 十七七 緋、 朝官 茁 也。 紫者 於恩賜者焉 年 改 服綠, 或爲 (轉服 者 侍 必佩魚,謂之章 郎,自 並 通 大夫以 色。 判者 改 轉 然計年 紹 庶 服 興十 許 官 F 色。 借 服 爲

之法 緋 自 侍 出 升 御 身 綠 朝 史 L 及 亦不 自 官 張 + 以 震 賜 五. 輕許。 [奏:「今! 上 出 年 服 身 , 便 綠 日 無 與改 日 詚 大 出 之弊,在於 理 夫以 身 轉。 入自 內 上 比 並 之常 服 年 除 人有 緋 二十出官 豁 赦 丁 莅 僥 憂 不惟年限已減 倖。 事 车 及 服 ·、 月、 能 綠 + 革 日 日 年, 其 起 不 俗, 理 理 方得 一,服 外, 然 而 又官品 後 歷 改 緋 天下 賜。 任 X 亦 無 相 今 可 自 過 治。 絕, 年二 者 赦 方 日 풆 且. 一 許 承 已爲 改 務 服 轉 郎 緋 異恩矣。 服 以 先 日 色, 上言 是 起 理 殿 常 一,有 服 中 赦

三五六三

志

補官 初年 竊聞 帝從其言 省 日為 賜 緋 部欲 始 ,故有是命 年纔及冠者今遂賜紫。 自 若始於出官之日,頗爲折衷,蓋比之莅事所減已多,而 補官日便理歲月, 即是嬰孩授命,年纔十五者今遂服 朱、紫紛紛,不亦濫乎?況靖康、 比之初補粗 湖; 而 建炎恩赦,亦不 貴近之子, 爲 有 節。 曾以

非常制焉 又 有出於特賜者,旌直臣則賜之,勸循吏則賜之, 內品· 未至而賜服及借者,並於銜內帶賜及借。 廣孝治則賜之,優老臣則賜之, 此皆

其初以 帝服 脚,以鐵爲之。 幞頭。 則 藤 脚 織草 上 曲 名折上巾,起自後周,然止以軟帛垂脚,隋始以桐木爲之,唐始以羅代 巾子爲裏,紗爲表,而 人臣下 亚 五. 代漸 變平 途以 直。 漆。 國 後惟以漆爲 朝之制 君臣 堅, 去其藤裏,前爲 通 服平脚, 乘 興 (或服 一折, 平施兩 上曲 繒。 惟

銅、 鐵、角、石、墨玉之類,民庶及郡縣吏、伎術等人,皆得服之。 鐵、 古惟 角、 用革, 石、 墨玉之類,各有等差。 自曹魏 而 下, 始有 金、 銀、銅之飾。 玉 一帶 不許施 於公 宋制 服。 尤詳,有玉、有 犀非品 官 金、 通犀非特旨皆 有銀、 有犀,

五兩. 至四兩,有九等;行虎七兩;建面自十五兩至十二兩,有二等。束帶則有金荔支、師蠻、戲童、海捷、犀牛、 二等;荔支自二十兩至十兩,有三等;師蠻自二十兩至十八兩,有二等;海捷自十五兩至十兩,有三等;雙鹿自二十兩 牛、寶瓶、荔支、師蠻、海捷、雙鹿、行虎、窪面。天王、八仙二十五兩;犀牛、寶瓶自二十五兩至十五兩,有 等;犀牛二十兩;鳳子、寶相花十五兩。 胡荽、鳳子、寶相花〔三〕,荔支自二十五兩至十五兩,有三等;師蠻、戲童二十五兩;海捷自二十兩至十兩,有二 其制有金毬路、荔支、師蠻、海捷、寶藏,方團二十五兩;荔支自二十五兩至七兩,有四等;師蠻二十 海捷十五兩;寶藏三十兩。惟毬路方團胯,餘悉方胯。 金塗犀牛、雙鹿、野馬、胡荽。犀牛、野馬十五兩;雙鹿自二十兩〔四〕, 荔支或爲御仙花,束帶亦同。 金塗天王、八仙、犀

有三等;胡荽自十五兩至十兩,有三等。

犀有上等、次等,以牯牸爲別。出黔南者,在南海之下。

外餘 吏、工商、庶人服鐵角帶, 恩賜者不用此制。 率以金銀放效,甚紊彝制。 僭服?望非恩賜者,官至三品乃得服之。」景德三年, 塗 上服玉帶,四品以上服金帶, **一銀排** 太宗太平興國七年正月,翰林學士承旨李昉等奏曰「奉詔詳定車服制度」請從三品以 人不得服用。 方。 雖升朝着綠者, 大中祥符五年,詔白:「方團金帶,優寵輔臣, 自今除恩賜外,悉禁之。」端拱中,詔作瑞草地毬路文方團胯帶, 公服上不得繫銀帶, 以下升朝官、雖未升朝已賜紫緋、內職諸軍將校, 荔支帶本是內出以賜將相, 餘官服黑銀方團胯及犀角帶。 韶通犀、金、玉帶, 今文武庶官及伎術之流, 除官品合服及思賜 在於庶僚, 並服 貢 士及胥 紅鞓金 豈合

志

副以金魚,賜中書、樞密院文臣。

帶以爲榮異,欲望正謝日,準例特賜。」詔 慶曆八年, 彰信軍節度使兼侍中李用和言:「伏見張耆授兼侍中日, 如耆例 特賜笏頭金

相、執 事者, 此始 先借 年, 工別 觀 八 文殿 至 年 詔:「北使經過處,守臣曾借朝議 內 朝議 不該 ,岐王顥、嘉王頵言:「蒙賜方團玉帶,著爲朝儀,乞寶藏于家,不敢服用。」神宗不許,命 琢 神宗熙寧六年, 政官、開 著爲 御 《學士至寶文閣直學士、節度使、御史大夫、中丞、六曹尙書、侍郎、 玉帶以賜之。 宗旦、宗諤皆以使相遇郊恩告謝,特賜毬文方團金帶、佩魚,自是宗室節度帶同平章 史大夫、 繋者,在 大夫者, 例。 府儀同三司、節度使嘗任宰相者、觀文殿大學士已上,金毬文方團帶, 宣徽使張方平、郭逵〔至、王拱辰皆嘗特賜。元豐五年,詔:「三師、三公、宰 卽 六曹尚書、翰林 外 借 許 熙河路奏捷, 顥等固辭,不聽;請加佩金魚以別嫌,詔以玉魚賜之。 繋。 中散 大夫,並許繫金帶,不佩魚。」哲宗元祐 學士以上及資政殿學 宰臣王安石率羣臣賀紫宸殿,神宗解所服白玉帶賜之。 大夫者,令權 服紫, 士特班翰林學士上者, 不繫金帶。 五. 其押賜御筵官仍互借, 年,詔:臣僚曾賜金帶 散騎常侍御仙花 親王佩 仍 佩 玉魚自 佩魚。

徽宗崇寧二年,韶:六尚局奉御,今後許服金帶。

四年,中書省檢會哲宗元符儀制令

志第一百六 興服五

常侍 府之類 政殿 宰相 鞓 旣 職 職 「諸帶 事 犀 事 不 帶 學 官 緣官職 並 卽 官經賜金帶者 ,三師、三公、宰相、執政官、 、既非 土特旨 不佩 御 御 皆 仙花 仙 19,自無 可 花 用。 職 班 '佩魚。 事 權侍. 在 時 官,又非在外,皆不許繫,似非元立法之意。 詔 ,雖後任不該賜,亦許服。」看詳:若 ,翰林學士上者同,權尙書不同。 不許繫外; 申明行下。 郎不同; 觀文殿學士至寶文閣直學士、御史大夫、中丞、六曹尙書、侍 內御史大夫、六曹尚書、 因任 大觀二年,詔中書舍人、諫議大夫、待制、殿中少監許 使相 職事官賜 、節度使、 金帶,後任不該者亦許服, 觀文殿大學士 其官職 稱 觀文殿學士至翰林學士 因 未至 任六曹侍 蓋立文該舉未 而 毬文,佩 特賜者,不拘 郞 經賜帶,後 魚。 卽 在 、基 節度使非 外 此 一仍佩 與在 其特賜者 除 令。 郞 知 魚 緊紅 因任 曾任 京 開 散 資 非 封

毬文, 開 帶,仍佩 人、左右諫議 五. 封尹、給事 更 , 中興仍之,其等亦有玉、有金、有銀、有金塗銀、有犀、有通犀、有角。 御 佩 仙花者排方。 魚 魚 ; 大夫、 權 中 觀文殿學士至華文閣直學士、御史大夫、中丞、六曹尙書、侍郎、散騎常侍 並御 侍郎以上罷任不帶職者,亦許服之。 龍圖 仙花 凡金帶:三公、左右丞相、三少、使相、執政官、觀文殿大學士、節度使 天章寶文顯謨徽猷敷文煥章華文閣待制、 ,內御史大夫、六曹尙書、觀文殿學士至翰林學士 權侍郎服紅鞓排方黑犀 其制,毬文者四方 仍 佩 魚; 中書舍

刻官姓名,出入合之。 魚袋。 其制自唐始, 蓋以爲符契也。 因盛以袋,故曰魚袋。 其始日魚符,左一,右一。 宋因之,其制以金銀飾爲魚形,公服則繫於帶 左者進內, 右者隨

而

垂於後,以明貴賤,非復如唐之符契也。

者,不得佩魚。 金;服緋者,飾以銀。 太宗雍熙元年,南郊後,內出以賜近臣,由是內外升朝文武官皆佩魚。 亦佩。 親王武官、內職將校皆不佩。眞宗大中祥符六年,詔伎術官未升朝賜緋、紫 庭賜紫,則給金塗銀者;賜緋,亦有特給者。 京官、幕職州縣官賜緋 凡服紫者,飾以

省尚藥奉御賜紫徐安仁,特許佩魚。 接司天監五官正例求佩魚,特許之。 聽佩魚。 仁宗曰:「先朝不許伎術人輒佩魚,以別士類,不令混淆,宜卻其請。」景祐三年,詔殿 仁宗天聖二年,翰林待詔、太子中舍同正王文度因勒碑賜紫章服,以舊佩銀魚,請佩金 舊制,自選人入爲堂後官,轉至五房提點,始得佩魚。 至和元年,詔:中書提點五房公事,自今雖無出身,亦 提點五房呂惟和非選人入,

自今宜加佩魚。」遂著爲令。三年,詔:自今中書堂後官,並帶賜緋魚袋,餘依舊例。 <u>神宗元豐二年,清宗孟除翰林學士,神宗曰:「學士職清地近,非它官比,而官儀未寵,</u> 志第一百六 與服五

政和 無章,殆與 元年,尚書兵部侍郎王詔奏:「今監司、守、倅等,並許借服色而不許佩魚, 吏無別。 乞今後應借緋、紫臣僚,並許隨服色佩 魚,仍各許入銜, 候回 即是有服而 日依舊服

色。」從之。

中興,並仍舊制。

用象,九品以上用木。武臣、內職並用象,千牛衣綠亦用象,廷賜緋、綠者給之。 唐制五品以上用象, 上圓下方;六品以下用竹、木,上挫下方。 宋文散五品以上 中興

之,做古隨裳色之意。 用素衲氊,高八寸。諸文武官通服之,惟以四飾爲別。 朝請、武功郎以下去繶,從義、宣敎郎以下至將校、伎術官丼去純。底用麻再重,革一重。裏 用鞾,以黑茸為之,大抵參用履制,惟加靿焉。 韓。 宋初沿舊制,朝履用鞾。 政和更定禮制, 其飾亦有約、繶、純、綦,大夫以上具四飾, 改鞾用履。 服綠者飾以綠,服緋、 中興仍之。 乾道七年, 紫者飾亦如 復改

亦如之。 簪戴。 大羅花以紅、黃、銀紅三色,欒枝以雜色羅,大絹花以紅、銀紅二色。 幞頭簪花,謂之簪戴。 中興,郊祀、明堂禮畢回鑾,臣僚及扈從並簪花, 羅花以賜百 恭謝日

新進

士聞

喜宴,並

如之。

官, 欒枝 卿監 以 上有之; 絹花以賜將校以下。 太上兩宮上壽畢, 及聖節、 及錫宴、 及 賜

俸 重戴 紫裏,兩紫絲組 御史在臺及出使,並 一月。」從之。 ,餘官或戴或否。 重戴。 唐士人多尚之,蓋古大裁帽之遺制,本野夫嚴叟之服。 爲纓,垂而結之頷下。 又詔 重戴,事已久廢。 兩省及尙書省五品以上皆重戴,樞密三司使、副 後新進士亦戴,至釋褐 所謂 其御 重戴者 則 旷 ,蓋折上巾 文加以 以皂羅爲之,方而 帽 則 焉。 不。 宋初,御史臺皆 垂簷

使, 虞侯以上,皇親大將軍以上,天下樂暈錦,三司使、學士、中丞、內客省使、駙 皆給焉。 年,太祖 兩制、知貢舉官、新進士上三人,許服之。 皇親將軍、諸司使、廂主以上,簇四盤鵰細錦; 時服。 謂侍臣曰:「百官不賜,甚無謂也。」乃徧賜之。 是歲十月,近臣、軍校增給錦 宋初因五代舊制,每歲諸臣皆賜時服,然止賜將相、 襯袍,中書門下、樞密、宣徽院、節度 史出臺爲省職及在京釐務者,請依舊儀,違者罰 三司副使、宮觀判官, 太宗淳化二年,御史臺言:「舊儀,三院 歲遇端午、十月一日,文武羣 學士、禁軍 黄師子人錦 使及 馬、 大校。 中興後,御史、 侍 留後、觀察 衞 建隆三 臣 北 將 軍. 校 防 都

志第一百六 興服五

上 有翠毛、宜男、雲鴈細錦,師子、練鵲、寶照大錦,寶照中錦,凡七等。 團 一練使、 知檢院鼓院、 刺史、 皇親諸司副使, 同三司 副使、六統軍、金吾大將軍 翠毛細錦; 權中丞、知開封府、 ¬, 紅 錦。 諸 班 及諸軍將校,亦賜窄錦袍 銀臺司、審刑院及待制以

通事 肚。 錦袍。 修、校勘,止給公服。 給,如時服。 正寺、刑法官者,皆二事; 大將軍、少卿監、郎中以上,樞密諸房副承旨以上,諸司使,皇親承制、崇班 舍人、承制、崇班、入內押班、內侍副都 將軍 應給錦袍者,皆五 主 一副率、 京師禁廂軍校、衞 知雜御史至大理正、入內都知、內侍 端午,亦給。 事 ; 士、內諸司胥史、工巧人,並給服 無勒帛,內職汗衫以綾,文臣以絹。 公服、錦寬袍,綾汗衫、袴,勒帛,丞郎、給舍、大卿監以上不給錦袍者,加以黃綾繡抱 應給錦袍者,汗衫以黃穀,別加繡 知 押班、內常侍、六尙 有差 閤門祗候、內供奉官至殿直, 都 知、皇親殿直以上,皆三事 奉御以下,京官充館閣 抱肚、小扇。 皆 誕聖節所 京官 事. 無袴。 宗 編 無

諸司 錦 ; 服, 錦。 刺史以 開寶中,皆賜窄錦袍。 藩鎭觀察使以上,天下樂量錦; 朝官、京官、內職出爲外任 ,雲鴈錦。 上及知廣州、翠毛錦, 駙馬,錦 如丞 一郎、增至四 皆三件。 太平興國以後,文官知制誥、武官上將軍、內職諸司使以上,皆賜 尚書及步軍都處候以上及知益州、 丼州 通判、監押、巡檢以上者, 事。 待制以上、横班諸司使、翠毛錦; 益州鈴轄,錦從本官,增綾袴。 大藩府監務者,亦或給之。 知代州, 朝官供奉官以上,皆賜紫地皂花 ,次量錦, 御仙花錦; 皆五事。 諸司 學士、丞郎、簇四盤鶥 使 每歲十月時 領郡,宜男錦;

欹 正。 年, 始詔 京官殿直以下,皆賜紫大綾。 河北、河東、陝西三路轉運使、 在外禁軍將校,亦賜窄錦袍,次賜紫綾色絹。 副, 並給方勝練鵲錦。 校獵從官兼賜紫羅 錦 、旋欄 景德元

暖褲

花鴛鴦 雍 熙四年,令節度使給皂地金線盤雲鳳鹿胎旋襴,侍衞步軍都虞候以上給皂地金線盤

帶, 帶,淳化後,宰相、參知政事、文臣任樞密副 宰相、樞密使、參知政事、樞密副使、宣徽使初拜、加恩中謝日, 中使押賜,再入謝于別殿。中書舍人或告謝日已改賜章服,則罷中使押賜。 士、御史中丞初拜中謝 後改賜金帶。 親王、宰相、使相生日,並賜衣五事,錦綵百匹,金花銀器百兩,馬二匹,金塗銀鞍勒 中書舍人,賜襲衣、犀帶。 日,賜衣五事,荔支金帶一,塗金銀鞍勒馬一。 使,改賜方團胯毬路金帶,加以金魚。 。宰相以下對御擡賜;樞密直學士、中書舍人謝訖 塗金銀鞍勒馬一。

三司使、學 並賜衣五事 文明學士以下,初賜金裝犀 金帶一,舊荔支

省 徽、三司使、四廂 各 Ŧī. 加器幣。 品以上,御史臺、尚書省四品以上,各賜襲衣、犀帶、魚袋。 郊 禮畢,親王、宰相至龍圖閣直學士、禁軍將校,各賜襲衣、金帶,親王、中書門下、樞 文武行事官,各賜金帛。 部指庫 使以上,加鞍勒馬 牧伯在外者,遇大禮,不賜。 其後宮觀副便、天書扶侍使,並同學士。 大中祥符元年,詔節度、觀察、防禦、團練使,刺史, 其爲五使,則皆賜 同中謝日。 狙 熙元年,兩 金帶, 密、宣

窄衣, 候 都監、 誻 舍、待制、大卿監及統軍 事 勒馬 署赴本任、 司爲鈐轄者, 入貢辭日,賜紫羅窄衫,金塗銀帶。 ',金束帶 副使 一,散 、巡檢、砦主、軍使及任使繁要者,僕射賜窄衣三事, 使 起二月給紫羅 相 :減絹一十匹; 、節度使自鎭來朝入 馬 知州,賜窄衣三事, 赴本任,賜窄衣三事,塗金銀腰帶; 賜窄衣、金束帶。文武官內職出 節度使減散馬。 衫; 中郎將、京官內殿承制 起十月給紫欹正綿襖。 上將軍、諸司使, (見日)賜衣五事,金帶,鞍馬; 金束帶,鞍勒馬。 爲都部署者, 減絹二十 別 爲 賜帶甲鞍勒馬 至借 防禦團練使、刺史爲部署、鈴轄, 爲 知州軍 給公服者, 知州 远; 職、內常侍、減 絹五 少卿監至五 通 都監,賜窄衣三事,絹三十匹。 單夾亦然。 朝辭日,賜窄衣六事,金束帶, 判、發運、轉運使副、提點 + 匹; 觀察使爲都部署、副都 太二事,又減 諸道衙 官正、 尙書、 內指 大將 丞郎、 揮使、 絹 軍 賜窄衣三 學士、諫 至 十匹。 副 刑 都虞 諸 部

近年以 庶 人車服之制。 來,頗成 踰 僭。 太宗太平興國 宜令翰林學士承旨李昉詳定以聞。」昉奏:「今後富商大賈乘馬 七年,詔曰:「士庶之間,車服之制,至于喪葬

志第

許服外,餘人並禁。 至道元年,復許庶人服紫。 朝官及諸司副使、禁軍指揮使、廂軍都虞候之家子弟,不拘此限。 寸五分。婦人假髻並宜禁斷,仍不得作高髻及高冠。 諸色公人丼庶人、商賈、伎術、不係官伶人,只許服皂、白衣,鐵、角帶,不得服紫。 或用四人、八人,請禁斷,聽乘車;兜子,舁不得過二人。」並從之。 端拱二年,詔縣鎭 漆素鞍者勿禁。 舊制,庶人服白,今請流外官及貢舉人、庶人通許服皂。 近年品官綠袍及舉子白欄下皆服紫色,亦請禁之。 其銷金、泥金、眞珠裝綴衣服,除命婦 幞頭 工商、庶人家乘檐子, 其私第便服, (巾子,自今高不過二 文武升 許紫皂 湯務

者重論。」從之。 僧求丐金銀、珠玉,錯末和泥以爲塔像,有高袤丈者。毁碎珠寶,寖以成俗,望嚴行禁絕,違 價,就文思院換給。」從之。二年,詔申禁鎔金以飾器服。又太常博士知温州李邈言:「兩浙 以爲首飾。冶工所用器,悉送官。諸州寺觀有以金箔飾尊像者,據申三司,聽自齎金銀工 自今金銀箔線,貼金、銷金、泥金、蹙金線裝貼什器土木玩用之物,並請禁斷,非命婦不得 之寶,所得至難,儻縱銷釋,實爲虛費。今約天下所用,歲不下十萬兩,俾上幣棄於下民。 真宗咸平四年,禁民間造銀鞍瓦、金線、盤蹙金線。 大中祥符元年,三司言:「竊惟山澤

七年,禁民間服銷金及鈸遮那纈。八年,詔:「內庭自中宮以下,並不得銷金、貼金、間

者,更不毀壞,自餘悉禁。 奏,方給公憑,詣三司收買。其明金裝假果、花板、樂身之類,應金爲裝彩物,降詔 服,並不得以金爲飾。 供養物, 金、戭金、圏 應寺觀裝功德用金箔,須具殿位眞像顯合增修創造數,經官司陳狀勘會, 金、 解金、 剔金、陷金、明金、泥金、楞金、背影金、盤金、織金、 其外庭臣庶家,悉皆禁斷。 違者,犯人及工匠皆坐。」是年,又禁民間服皂班纈衣 臣民舊有者, 限一月許回易。 金線燃絲, 爲眞 計 前已有 裝著 實聞 像 前

得將白色、褐色毛段丼淡褐色匹帛製造衣服, 披毛褐以禦風塵者,不在禁限。」七年,詔士庶、僧道無得以朱漆飾床榻。 Ш 仁宗天聖三年,詔:「在京士庶不得衣黑褐地白花衣服丼藍、黃、紫地撮暈花樣,婦女不 令開封府限十日斷絕,婦女出入乘騎 九年,禁京城造朱 在路

毋得用。 非三品以上官及宗室、戚里之家,毋得用金稜器,其用銀者毋得塗金。 觀毋得彩繪棟宇及朱黝漆梁柱窗牖、雕鏤柱礎。 又屋宇非邸店、樓閣臨街市之處, ,詔:市肆造作縷金爲婦人首 景祐元年, 詔禁錦背、 純金器若經賜者,聽用之。凡命婦許以金爲首飾,及爲小兒鈴銀、釵篸、釧纏、珥環 繡背、 遍地密花透背采段, 其稀花團窠、斜窠雜花不相連者非。 毋得爲四鋪作鬧鬭八;非品官毋得起門屋;非宮室、寺 飾等物者禁。三年,「臣庶之家,毋得採捕鹿胎製造冠子。 凡器用母得表裏朱漆、金漆,下母得襯朱。 玳瑁酒食器,非宮禁

志

朱漆及五彩裝繪,若用黝而間以五彩者聽。民間毋得乘檐子,及以銀骨朵、水罐引喝隨行。 裙,
步得用純錦徧繡。 服,及項珠 仍毋 得爲 纓絡、耳墜、頭寫、抹子之類。凡帳幔、繳壁、承塵、柱衣、額道、項帕、覆旌 牙 魚、 宗室戚里茶檐、食合,毋得以緋紅蓋覆。 飛魚、 奇巧飛動若龍形者。 非命婦之家, 毋得以眞珠裝綴 豪貴之族所乘坐車,毋得用 首節

遂禁 蒙之服,於是禁天下衣黑紫服者。 冠 (争倣之,至謂之內樣。 高 止之。七年(+),初,皇親與內臣所衣紫,皆再入爲黝色。後士庶寖相效,言者以爲奇 .毋得踰四寸,廣毋得踰尺,梳長毋得踰四寸,仍禁以角爲之。 先是,宮中尙自角冠梳, 慶曆八年,詔禁士庶傚契丹服及乘騎鞍轡、婦人衣銅綠兔褐之類。皇祐元年,詔婦人 冠名曰垂肩等(云),至有長三尺者;梳長亦踰尺。議者以爲服妖,

引及 四人异之,甚者飾以椶蓋,徹去簾蔽,翼其左右,旁午於通衢,甚爲僭擬,乞行止絕。」從之。 前 神宗熙寧九年,禁朝服紫色近黑者,民庶止令乘犢車,聽以黑飾,間五彩爲飾,不許 列儀物。 哲宗紹聖二年,侍御史翟思言:「京城士人與豪右大姓,出入率以轎自載

造纈帛。 羽 ,用於不急,傷生害性,非先王惠養萬物之意。 徽宗大觀元年,郭天信乞中外並罷翡翠裝飾,帝曰:「先王之政,仁及草木禽獸,今取其 蓋自元豐初, 置爲行軍之號, 又爲衞士之衣, 宜令有司立法禁之。」政和二年,詔後苑 以辨姦詐,遂禁止民間打造。

開封府申嚴其禁,客旅不許興販纈板。

以 **御筆論。釣鐜,今亦謂之韈袴,婦人之服也。** 自明,革澆偷以歸忠厚,豈曰小補之哉。」是歲,又詔敢爲契丹服若氈笠、釣墪之類者,以違 侈,未合古制。臣恐禮官所議,止正大典,未遑及此。伏願明詔有司,嚴立法度,酌古便今, 犯分,禁亦不可以緩。」於是詔,非品官不得乘暖轎。先是,權發遣提舉淮南東路學事丁瓘 言:「衣服之制,尤不可緩。 今閭閻之卑,倡優之賤,男子服帶犀玉,婦人塗飾金珠,尙多僭 習, 以至於此。 奇巧相勝,不獨貴近,比比紛紛,日益滋甚。臣嘗考之,申令法禁雖具,其罰尚輕,有司 義起禮。 竊見近日有赴內禁乘以至皇城門者,奉祀乘至宮廟者,坦然無所畏避。 臣妄以爲僭禮 七年,臣僚上言:「輦轂之下,奔競侈靡,有未革者。 俾閭閻之卑,不得與尊者同榮;倡優之賤,不得與貴者並麗。此法一正,名分 如民庶之家不得乘轎,今京城內暖轎,非命官至富民、娼優、下賤,遂以爲 居室服用以壯麗相誇,珠璣金玉以 玩

婚 几 則 帽 中 具盛服。 ·興,士大夫之服,大抵因東都之舊,而其後稍變焉。 一曰深衣,二曰紫衫,三曰凉衫, 一、五日襴衫。 有官者幞頭、帶、鞾、笏,進士則幞頭、襴衫、帶,處士則幞頭、皂衫、帶,無官 淳熙中, 朱熹又定祭祀、冠婚之服,特頒行之。凡士大夫家祭祀、冠

第

自

六

興

服五

婦人則假髻、大衣、長裙。女子在室者冠子、背子。 者通用帽子、衫、带; 又不能具,則或深衣,或涼衫。 衆妾則假紒、背子。 有官者亦通用帽子以下,但不爲盛服。

黑履。士大夫家冠昏、祭祀、宴居、交際服之。 下屬於裳。裳交解十二幅,上屬於衣,其長及踝。 幞頭、公服、革帶、納鞾。其品官嫡庶子初加,折上巾、公服;再加,二梁冠、朝服;三加,平 冕服,若以巾帽、折上巾爲三加者,聽之。 深衣用白細布,度用指尺,衣全四幅,其長 冠禮,三加冠服,初加,緇布冠、深衣、大帶、納履; 再加,帽子、皂衫、革帶、繋鞵; 圓袂方領,曲裾黑緣。大帶、緇冠、幅 **~**過脇,

便服矣。 然迄不行。 紫衫。 本軍校服。中興,士大夫服之,以便戎事。 二十六年,再申嚴禁,毋得以戎服臨民,自是紫衫遂廢。 士大夫皆服凉衫,以爲 紹興九年, 詔公卿、長吏服用冠帶,

宜有便衣, 仍存紫衫, 未害大體。」於是禁服白衫, 除乘馬道塗許服外, 餘不得服。 若便服, 紫衫之設以從戎,故爲之禁,而人情趨簡便,靡而至此。文武並用,本不偏廢,朝章之外, 許用紫衫。 衫,甚非美觀,而以交際、居官、臨民,純素可憎,有似凶服。 陛下方奉兩宮,所宜革之。 且 涼衫。 自後,凉衫祗用爲凶服矣。 其制如紫衫,亦曰白衫。|乾道初,禮部侍郎|王曮奏:「竊見近日士大夫皆服凉

變爲紫衫,再變爲凉衫,自是服帽衫少矣。惟士大夫家冠昏、祭祀猶服焉。 帽衫。 帽以烏紗、衫以皂羅爲之, 角帶, 繫鞵。 東都時, 士大夫交際常服之。 若國子生,常 南渡後,

欄衫。 以白細布爲之,圓領大袖,下施橫欄爲裳,腰間有辟積。 進士及國子生、州縣生 服之。

服之。 務從簡樸。 請宣示中外,仍敕有司嚴戢奢僭。」寧宗嘉泰初,以風俗侈靡,詔官民營建室屋,一遵制度, 萬,革弊當自宮禁始。」因問風俗,龔茂良奏:「由貴近之家,放傚宮禁,以致流傳民間。 已戒 珥者,必言內樣。彼若知上崇尙淳朴,必觀感而化矣。臣又聞中宮服澣濯之衣,數年不易。 金及採捕金翠罪賞格。」淳熙二年,孝宗宣示中宮緯衣曰:「珠玉就用禁中舊物,所費不及五 《中外,及下令不許入宮門,今無一人犯者。 尚恐士民之家未能盡革,宜申嚴禁,仍定銷 紹興五年,高宗謂輔臣曰:「金翠爲婦人服飾,不惟靡貨害物,而侈靡之習,實關風化。 又以宮中金翠、燔之通衢、貴近之家、犯者必罰。 粥 簪

校勘記

二三品轉運使 志 第 百 六 宋會要興服四之三〇作「三路轉運使」,疑是。 校 勘 記 下文與此相對的名稱作「諸路轉運

使」,可 證

(三) 今赦日承務郎以上 「日」,宋會要興服四之二九作「自」。 按上文「常赦自升朝官以上服綠」,此

處疑以作「自」爲是。

寶相花 「相」字原股,據本條註文和岳珂愧郯錄卷一二補

雙鹿自二十兩 按本段註文敍例,凡有等別的, 都具列其最高和最低數, 本條只有最高數而紙

最低數,當有脱文。

至 郭逵 原作「郭達」,據逐海卷八六、愧郯錄卷一二改。

3 冠名曰 垂肩等 按宋會要興服四之七作「冠名曰垂肩等肩」。長編卷一六七作「冠名曰等肩」。

(十) 七年 承上文當指皇祐七年。 但皇祐無七年, 宋會要興服四之七、長編卷一 九七都緊於嘉祐

七年,此處失書「嘉祐」紀元。

宋史卷一百五十四

志第一百七

興服六

寶 印 符券 宮室制度 臣庶室屋制度

傳此二寶,又製「大宋受命之寶」。至太宗,又別製「承天受命之寶」。是後,諸帝嗣服,皆自爲 寶,以「皇帝恭膺天命之寶」爲文。凡上尊號,有司製玉寶,則以所上尊號爲文。 周廣順中,始造二寶:其一日「皇帝承天受命之寶」,一日「皇帝神寶」。 太祖受禪, 秦制,天子有六璽,又有傳國璽,歷代因之。唐改爲寶,其制有八。五代亂雜,或

玉環; 寶用玉,篆文,廣四寸九分,厚一寸二分。 塡以金盤龍鈕,係以暈錦大綬,赤小綬,連 玉檢高 志 第 自 七寸,廣二寸四分,厚四分,玉斗方二寸四分,厚一寸二分:皆飾以紅錦,金 -6 興 服 六 三五八一

裝, 並飾 黎、碧石〔三、珊瑚、金精石、瑪瑙。 裹以 以 金。 紅縣(二) 又有香爐、寶子、香匙、灰匙、 , 加紅羅泥金夾帊,納於小蓝。 又 蓝二重, 火箸、 皆裝以 盡以金裝, 燭臺、燭刀, 金,覆以紅羅繡吧, 內設 皆以金爲之, 金林, 暈錦褥, 載以 是所謂 腰輿及 飾以雜 **終**寶法 物

回, 石各鑄其 樞 別 密院宣 有三印:一曰「天下合同之印」,中書奏覆狀、流內銓歷任三代狀用之; 二曰「御前之 命 雍熙三年,並改爲寶,別鑄以金,舊六印皆毀之。 及諸 司 奏狀內用之; 三日「書詔之印」,翰林韶 救用之。 皆鑄 以 金,又以 鍮

也。

度, 用 之寶」, 造。」從之。 依舊制, 按 御前之寶 玉牒、玉册,用 今請用 真宗即位 命擇 別造玉 金鑄, 以以 天禧 日 迎 ,作皇帝受命寶,文曰「皇帝恭膺天命之寶」。 大中祥符 理 寶一枚,方寸二分,文同受命寶。 導赴會靈觀 元年十二月, 未 大小同御前之寶,以『天下同文之寶』爲文。 皇帝受命寶印之,納玉匱 順 ,故改用昭受乾符之寶 奉安。 召輔 臣於滋 其寶並 三幅殿, 於石 金柙 感,以天下同文之印封之。 玉鈕,製作精妙。 觀新 其封石感, 刻「五嶽聖帝玉寶」及「皇帝昭 用天下同文之印, 所有緣實法物, 真宗以奏章上帝,承前皆 元年五 今封禪 月, 亦請 舊 詳定所言: 史元 泰 依 受乾符 111 式 無 製 制

乾興元年,仁宗卽位,作受命寶,文同眞宗。 天聖元年, 韶以宮城火, 重製受命寶及尊

定式。 序曰:「一神寶,二受命寶,多至祀南郊,大駕儀仗,請以鎭國神寶先受命寶爲前導。 號 册 而 。 以 爲 陳執中書之。 寶。 於 至和 醮 (希代之珍,不欲爲服玩,因作是寶,命宰臣龐籍篆文。 慶 胴 唇八年十一月, 二年,初,太宗以玉寶二鈕賜太祖之子德芳,其文曰「皇帝信寶」, 表章用之。 皇祐五年七月,詔作「鎭 後經大內火, 詔刻「皇帝欽崇國祀之寶」。先是, 寶焚, 《國神寶」。先是,奉宸庫有良玉,廣尺,厚半之。 乃用 御前之寶。 天禧中, 寶成,太常禮院引唐六典次 至是,下學士院定其文,命 眞宗刻昭受乾符之 至是,德芳孫 '」 自是為

屯衞

大將

軍從式上之。

典故 歐 陳 器 生 示 陽 於陵 有 衣 不當 脩 及, 及 所 冠 嘉 傳付。 篆 寢。 器 祐 命 函 文 用 八 兩 作。 八 謂 年,仁宗崩,英宗立,翰林學士范鎭言:「伏聞大行皇帝受命寶及緣寶法物,與平 ,皆欲舉而 制、禮官詳議。翰林學士王珪等奏曰:「受命寶者, 字。 若 今宜從省約 古者藏先王 衣 冠器玩,則請 至 一哲宗 葬之,恐非所以稱先帝恭儉之意。 以稱 立. 衣 一,亦作焉 服 先帝 陳於陵寇及神御殿, 於 前 其 恭儉之實。」 寢, 文並 至於平 口 帝 生器玩, 不 歲時! 用其議 其受命寶,伏乞陛 則前 展視,以慰思慕。」詔 **獨**昔傳國 世 乃別造受命寶, 旣 不皆納 凾 也 於方中, 下自寶用之,且 命參 宜 檢討官考索 爲 知政 亦 天 子 虚 傳

紹 聖三年 一,咸陽 縣民段義得 古玉印, 自言於河南鄉劉銀村修舍,掘地得之, 有光照室。

志

四年,上之,韶禮部、御史臺以下參驗。 元符元年三月,翰林學士承旨蔡京及講議官十三員

奏

貫組小竅,其面無文,與璽大小相合。篆文工作,皆非近世所爲。 鈕間有小竅,用以貫組。又得玉螭首一,白如膏,亦温潤,其背亦螭鈕五盤,鈕間亦有 按所獻玉璽,色綠如藍,温潤而澤,其文曰「受命于天,旣壽永昌」。其背螭鈕

今得璽於咸陽,其玉乃藍田之色,其篆與李斯小篆體合。 之法,於今所傳古書,莫可比擬,非漢以後所作明矣。 璽也;「有德者昌」,唐璽也;「惟德允昌」,石晉璽也;則「旣壽永昌」者,秦璽可知。 臣等以歷代正史考之,璽之文曰「皇帝壽昌」者,晉璽也;曰「受命於天」者,後魏 飾以龍鳳鳥魚,乃蟲書鳥跡

烏可忽哉?漢、晉以來,得寶鼎瑞物,猶告廟改元,肆眚上壽,况傳國之器乎?其緣寶 法物禮儀,乞下所屬施行。 今陛下嗣守祖宗大寶,而神璽自出,其文曰「受命于天, 旣壽永昌」, 則天之所畀,

地、宗廟、社稷。 前一日,帝齋于內殿。 翌日,御大慶殿,降坐受寶,羣臣上壽稱賀。 先期: 尊號寶册儀,有司豫製緣寶法物,丼寶進入。俟降出,權於寶堂安奉。前三日,差官奏告天 詔禮部、太常寺按故事詳定以聞。禮官言:五月朔,故事當大朝會,宜就行受寶之禮。依上

文詔 [龍圖、天章閣齌治平元年耀州所獻受命寶玉檢,赴都堂參議。 韶以五月朔受傳國寶,

命章惇書玉檢,以「天授傳國受命之寶」爲文。

子、皇帝六鍾,是爲八寶。 文而黜其壅不用,自作受命寶,其方四寸有奇,琢以白玉,篆以蟲魚。 鎭國寶。 無極」。徽宗因次其文,做李斯蟲魚篆作寶文。 其方四寸有奇,螭鈕,方盤,上圓下方,名爲 璽,無檢,螭又不闕〔三,疑其一 徽宗崇寧五年,有以玉印獻者。印方寸,以龜爲鈕,工作精巧;文曰「承天福 |大觀元年,又得玉工,用元豐中玉琢天子、皇帝六璽,疊篆。初,紹聖間, 角缺者,乃檢也。 有檢傳,攷驗甚詳,傳于世。 鎭國、受命二寶,合天 帝於是取其 得漢傳國 延萬億永

製,而尙循秦舊,六璽之用,度越百年之久,或未大備。自天申命,地不愛寶,獲全玉於異 旣備,宜重典司之職。可令尚書省置官,如古之制。」又詔曰:「永惟受命之符,當有一代之 域(邑), 詔曰:「自昔皆有尚符璽官。今雖隸門下後省,遇親祠,則臨時具員,訖事復罷。八寶 得妙工於編氓,八寶旣成,敻無前比,殆天所授,非人能爲。可以來年元日,御

則符寶郎奉寶以從,大朝會,則奉寶以進。今鎭國寶、受命寶非常用之器,欲臨幸則從 請置符寶郎四員,隸門下省,二員以中人充,掌寶於禁中。 按唐八寶, 車駕臨幸, 大慶殿恭受八寶。」尚書省言:

志

第

六寶,朝會則陳八寶,皆夕納。 內符寶郎奉寶出以授外符寶郎, 外符寶郎從寶行於禁

衞之內,朝則分進于御坐之前。

降 行寶,封册則用之;天子信寶,舉大兵則用之。應合用寶,外符寶郎具奏,請內符寶郎 一御札則用之,皇帝信寶,賜鄰國書及物則用之;天子之寶,答外國書則用之;天子 鎭國寶、受命寶不常用,唯封禪則用之。皇帝之寶,答鄰棫書則用之,皇帝行寶,

稷。八年正月一日,御大慶殿,受定命寶,百僚稱賀。其後京城之難,諸寶俱失之,惟大宋 篆以蟲魚,縱廣之制,其寸亦九,號日定命寶。來年元日祗受。」又詔差官奏告天地、宗廟、社 域,受定命之符於神霄,乃以『範圍天地,幽贊神明,保合太和,萬壽無疆』爲文。卜云其吉, 右。又詔:「鎭國、受命寶與天子、皇帝之寶,其數有八,蓋非乾元用九之數。 比得寶玉於異 幽贊神明,保合太和,萬壽無疆」。篆以魚蟲,制作之工,幾於秦璽。其寶九寸,檢亦如之,號 從之。二年,韶受命寶之上,加「鎭國」二字。 於定命寶,乃我所自制也。」於是,應行導排設,定命與受命、天子寶在左,鎭國與皇帝寶在 曰「定命寶」。合前八寶爲九,詔以九寶爲稱,以定命寶爲首。 且曰:「八寶者,國之神器,至 政和七年,從于闐得大玉踰二尺,色如截肪。 御 前請寶,印訖,付外符寶郞承受。 徽宗又制一寶,赤螭鈕,文曰「範圍天地,

帝之寶;七日皇帝信寶;八日皇帝行寶。藏之御府,大朝會則陳之;上册寶尊號、册后太 以「受命于天旣壽永昌」 某寶。皆裹以朱縷,加緋羅泥金帕,納於小盡。 子、大禮設鹵簿,亦如之。 六年,又作八寶:一日護國神寶(m),以「承天福延萬億永無極」九字爲文;二日受命寶, 寶」,降付中書門下省用之;三曰「書詔之寶」,發號施令用之。 金鏁,覆以緋羅繡帕,載以腰輿、行馬。 曰「大宋受命中興之寶」。 又得舊寶二,歷世寶之,凡上太上皇尊號、册后太子皆用焉。十 建炎初, 始作金寶三一一日「皇帝欽崇國祀之寶」,祭祀詞表用之,二口「天下合同之 爲文;三日天子之寶;四日天子信寶;五日天子行寶;六日皇 寶之制,用玉尺度,鈕鼻,大小綬,玉環。檢制,舊制如牌,上刻日 盡三重,皆飾以金,內設金牀、金寶斗,龍鑰 紹興元年,又作玉寶一,文

蹲龍鈕,通高四寸一分,寶四面鈎碾行龍 六年,再加十四字尊號,以寶材元係螭龍鈕,止堪改作蹲龍,其鈕高二寸四分五釐,厚一寸 一分五釐,竅徑一寸。理宗寶慶三年,加上寧宗皇帝徽號,寶而廣四寸二分,厚一寸二分, 孝宗卽位,議上太上皇帝尊號日光堯壽聖太上皇帝,寶用皇祐中法、黍尺量度。乾道

太妃寶」爲文。中興之後,后寶用金,方二寸四分,高下隨宜,鼻紐以龜。斗、檢以銀,塗以 太后玉寶,以「太皇太后之寶」爲文;皇太后金寶,以「皇太后寶」爲文;皇太妃金寶,以「皇 寶盡三重,鈒百花,塗金盤鳳。興案、行馬、帕褥亦如之。 后妃之寶。 。今太皇太后權同處分軍國事,宜依章獻明肅皇后故事。二年,又詔:太皇 。 哲宗元祐元年,詔:天聖中,章獻明肅皇后用玉寶(云),方四寸九分,厚一

錦拓裏,外以金塗銀百花鳳葉子五明裝,鑰以金鏁,載以黝漆腰輿、行馬。 鈒花塗金。中興,寶,龜鈕;金塗銀檢,上勒「皇太子寶」四字,金塗銀寶斗。黝漆蒸三重,並 設金牀。又盡二重,皆覆以紅羅銷金帊。 盝及腰輿、行馬皆銀裝金塗。他法物皆銀爲之, 金斗。金檢長五寸,闊二寸,厚二分。 裹以紅綿,加紅羅泥金帊,納於小盝。 盝以金裝,內 皇太子寶。至道元年,製皇太子受册金寶。方二寸,厚五寸,係以朱組大綬,連玉環

匣長廣取容別,塗以朱漆,金鏤百花凸起行龍,金鏁、帉聳。 覆以紅羅繡盤龍蹙金帊, 水以 前 !後標首四枚,二枚畫神,二枚刻龍鏤金,若奉護之狀。 藉以錦褥,覆以緋羅泥金夾帊。 卅 册 制。 用珉玉,簡長一尺二寸,闊一寸二分,簡數從字之多少。聯以金繩,首尾結帶。

金裝長竿床,金龍首,金魚鉤,又以紅絲爲絛縈匣。 册案塗朱漆,以銷金紅羅覆之。

后册,用珉,或以象。縷文以鳳,尺寸制度並同帝册。

粉錔。 鳳。 首四枚,長隨簡,博四寸,其二刻神,其二刻龍 覆以緋羅泥金帕,絡以紅絲結絛,襯以錦褥,載以黝漆腰興、行馬。 皇太子 册, 襯以紅羅泥金夾帕,藉以錦褥,盛以黝漆匣,錦拓裏,以金塗銀葉段五明裝,隱起百花 用珉簡六十枚,乾道中,用七十五枚,每枚高尺二寸,博一寸二分。 ,爲奉護狀。 貫以金絲, 首尾結爲金花 前後標 飾以

亡金國寶。 理宗端平元年,命孟珙等以兵從大元兵夾攻金人於蔡州,滅之。 其年 μĹ 月

丙戌,大理寺言:

事 諡寶也。 「太祖應乾興運昭德定功睿神莊孝仁明大聖武元皇帝尊諡寶」, ,件大小一十八;又玉靶鐵剉一,銷金玉事件二,皮茄袋一,玉事件三。 ,並玉塗金結頭一,塗金小結攀一,連珠環玉束帶一,垂頭裹拓, 京湖制置司以所獲亡金寶物來上,令金臣參知政事張天綱辨識。 其法物有銷金盤龍紅紵絲袍一;透碾雲龍玉帶一 , 內方八胯結頭一 乃金人上其祖阿骨打 上有金龍,帶上 其玉寶一,文目 揚尾

天綱稱:上項帶,國言謂之「冤鶻」,皆其故主完顏守緒常服之物也。 碾玉巾環

制旨 雄皮 故事,令上書者不得言「聖」,故避「聖」字不敢當,因改作「制旨 龍 册 一本, 飾 角弓一 舊作 聖旨,近侍局平日掌此,以承受內降指 金龍環刀一、紅紵絲靠枕一、 , 佩玉大環一 揮 手: 皆非 辰四 臣庶 月 故 服 主授東漢 用 之

古論栲栳、小女瓊瓊一一審實,件列以聞 司 以守緒函骨及俘囚故寶、法物等,庭引天綱并護尉都尉完顏好海及天綱妻完顏氏鳥 外有臣下虎頭金牌三,銀牌八十四,塗金印三,及諸官署銅印三百一十二顆。

有旨 殿前司,候朝旨」云。 :「完顏守緒遺骸丼故寶、法物等,藏大理寺獄庫。天綱、好海、完顏氏烏古論、瓊瓊拘諸

塗金。 度、觀察使牌塗以金,刻文云「牌出印入,印出牌入」。其奉使出入,或本局無印者,皆給奉使 使、州、府、軍、監、縣印,皆有銅牌,長七寸五分,諸王廣一寸九分,餘廣一寸八分。 書門下印方二寸一分,樞密、宣徽、三司、尚書省諸司印方二寸。 ED 制 節度使印方一寸九分,塗金。餘印並方一寸八分,惟觀察使塗金。 |兩漢以後,人臣有金印、銀印、銅印。|唐制,諸司皆用銅印,宋因之。 惟尚書省印不塗金, 諸王、節度、觀 諸王 諸 三、節 一及中 餘皆

即 景德 初 。 別 鑄 网 京奉使印。 又 有· 朱記,以給京城及外處職 司及諸軍將校等, 其制

寸七分,廣一寸六分。 士庶及寺觀亦有私記。

曲 及得蜀 纏 一続,以模 乾德三年,太祖 中鑄印官祝 印章」者也。 温柔,自言其祖思言,唐禮部鑄印官,世習繆篆, 詔 重鑄 思言隨僖宗入蜀,子孫遂爲蜀人。 中書門下、樞密院、三司 使印。 先是,舊印五代所鑄 自是,臺、省、寺、監及開封府、 即漢書藝文志所謂「屈 篆 刻 非

尹印,悉令温柔重改鑄

焉

國 王 Ш 囙 前後都鬼王之印」爲文。景德四年,鑄交阯郡王印,製安南旌節,付廣南轉運司就賜 太宗雍熙元年,詔新除漢南 宜以「南陽國王之印」爲文。 國王 錢俶印, 真宗 咸平三年,賜山前後百 宜以「漢南 國」爲文。 蠻王諾驅印,以「大 几 年,詔錢俶新 授 渡 南 河

是歲 用 察判官、支使、推官書狀,用觀察印;符刺屬縣,則本使判書,用州印。故命帥必日某軍節度 废州有三印:節度印隨本使,使缺則納有司;觀察印,則州長吏用之;州印,晝則付錄事掌 著納 七月,帝覽河西節度使、知許州石普奏狀,用許州觀察使印,以問宰臣王旦。 大中祥符五年,詔諸寺觀及士庶之家所用私記,今後並方一寸,彫木爲文,不得私鑄 于長吏。節度使在本鎭,兵仗則節度判官、掌書記、推官書狀,用節度印; 田 賦 則觀

志

第

某州 涖. 其州 省 事. [시 觀 石普 察等使、某州刺 獨 書奏章,當用 史。 言 河 西節 軍 ·,則專制其兵族; 度使 EIJ 言管內,則總察其風俗; 言 刺 史, 則

釐改馬 院名 之時,令本院官 穴 定之。 如文盛奏。後又命知制誥邵必、殿中丞蘇唐卿詳定天下印文,必、 印 成 旁曆(も),盜請官物。欲乞鑄 ,計十二字; 仁宗景祐三年, 用時逐月分對,年終轉逮十二月,自寅至丑 封押,選差 次一匝 少府監言:「得篆文官王文盛狀」。「在京三司糧料院,頻有人偽造 篆 寅 人行使其印。 即 造圓 十二辰,亦十二字; 印三面,每 遇改年號,即令別鑄。」」 面闊二寸五分, 一,終始使用。 中心篆正字,上 於外 唐卿皆通篆籀,然亦無所 所有 韶三司定奪 連印鈕,鑄 轉 匝先篆 뎲 IE 字, 以 成 年號及 聞 (轉關 次月 \equiv 印記, 轉 糧 以 司 料

專 政 年 月,詔自今臣僚所授印 掌貢舉 官家明 周 蒯 西 宗 經 ·,其印日「禮部貢舉之印」(<),以廢貢院,事歸禮部,別鑄「禮部貢舉之印」。是歲 天國主印」爲文 熈 略司言, 寧五 一年,詔 知 南 內外官及谿 一,并以 ,亡歿並賜隨葬,不即隨葬因 丹州莫世忍貢銀、香、獅子、馬。 南丹州 洞官合賜牌印, 刺史印賜之,仍詔 並令少府監鑄造, 送禮部給付。 m 經略司毀其舊印。 行用者,論 **遂賜以印,以「西南諸道武** 如 律 六年,舊制 元豐三 盛 貢 軍 院

中

興仍舊制,惟三省、樞密院用銀印,六部以下用銅印,諸路監司、

州縣亦如之。

取 然州縣沿 嚴 僞 年 冠 納 記 惟 司 也 占 製州 爲 戒 ,兵部侍郎陳彌作言:「六部印藏於官,以牌出入,而胥 于 長 年 敕。 文符 號以 貳給 叉下 有 ,不得改鑄焉 紹 南 興 縣官 渡之後,有司印記多亡失,彼遺此 司 1、盜印以支錢糧者,有僞作奏鈔、盜拆御實而改 + 循 別新舊,然敗偽猶未能 無記者,止令本道給以木朱記,文大方寸。 焉,屬則從其長。 紹 四 合川 熙元年 後以 ,或以縣佐 年 ,臣僚)朝命出州縣者,亦如之。 印記,舊印 為」時 一,禮部 更鑄 又言:「印信 而 用東 侍郎|李巘言:「文書有印,以示信防姦,給毁悉經省部, 者 非所當 若倉庫關沙財用, 不南將印 成都 革。 用者 事 府錢引 重 ,以缘曹而用 乾道二年, 凡 儿 ,毁之。」 得,各自收用。 新進士置團司, ,每界以銅朱 有官司 司 存, 禮部請 盯 司 或給之。 或銜 記, '寇舊章,名旣不正,弊亦難 郡縣假借印記者,悉毀而 秧 記給之。 史用於戶外,或借用 年深篆文不 尚方重鑄給之,加「行在」二字,或 一命出境者,以奉使印給之,復命 亦假奉使印,結局還之。 、者,皆慢藏有以 監司、州縣長官日印 行 在 明,合改鑄者,非 都 茶場 詢 之。」詔三省申 於他廳。 會子 防。 具有 更鑄。 庫 此常 僚屬 請令有 條制。 每每 進 近 有 呈. 制 則 界 24 日

志第一百七 奥服六

子

庫

檢察印

|爲文;

庫

印

五鈕,

各以「會子庫印造會子印」爲文,合同印

給

+

五.

國

用

即

 \equiv

鈕

,各以

「三省戶

房國

用

司

會子

印」爲文;

檢察

印

五鈕

, 各

以一提

領

會

三五九三

十二

鈕

內一

貫

文

一鈕,各以「會子庫一貫文合同印」爲文;五百文、二百文準此

鑄,不備載 界外諸蠻乞印,以「宜州管下覊繁某州之印」爲文,凡六十顆給之。 寸,給牌,皆以 蕃國效順者,給以銅印。 銅鑄,金塗。 西蕃隴右郡王趙懷恩乞印,以「隴右郡王之印」爲文給之。 安南國王氏立李天祚乞印,以「安南國王之印」六字爲文,方二 其後文武百司節次所 宜州

庫記。 門之記。 隆興元年,鑄都督府僉廳記,又鑄寄椿庫記。 領所覆印會子記二鈕。 朱記,同舊制。 三十年,鑄馬軍司統制、統領官朱記。三十二年,鑄鄧、恭、 凡內外官有請於朝,則鑄給焉。 紹興二年,始鑄親賢宅、益王府銅朱記。二十七年,改鑄建康戶部大軍 乾道二年,鑄成都錢引務朱記。 用木者,易之以銅。 。二年,鑄戶部大軍 淳熙十六年,鑄建康権貨務中門大 庫勘合庫子記二鈕,湖廣總 慶王直講、贊讀朱記。

走馬 太宗太平興國三年, 李飛雄詐乘驛謀亂, 符券。 銀牌」,凡五字。 唐有銀牌,發驛遣使,則門下省給之。 首爲竅, 貫以韋帶。 伏誅。 其後罷之。 詔罷樞密院券,乘驛者復制銀牌,闊二寸 其制,闊一寸半,長五寸,面刻隸字曰「敕 宋初,令樞密院給券,謂之「頭子」。

半,長六寸。易以八分書,上銀二飛鳳,下銀二麒麟,兩邊年月,貫以紅絲絛。 端拱中,以使

臣護邊兵多遺失,又罷銀牌,復給樞密院券。

傳信牌及兵符事,詔令兩制與端明殿學士李淑詳定奏聞 康定元年五月,翰林學士承旨丁度、翰林學士王堯臣、知制誥葉清臣等請製軍中

牒、傳信牌上,兩處參驗使用。 傳達號令、關報會合及發兵三百人以下卽用。 將,每發兵三百人或全指揮以上卽用。 軍 中符信, 切要杜絕姦詐(10), 深合機宜。今請下有司造銅兵符,給諸路總管主 又別造傳信朱漆木牌,給應軍中往來之處,每 又檢到符彦卿軍律有字驗,亦乞令於移

牒爲 形狀 照 ,精巧鑄造。 、銅兵符:漢制,銅鑄,上刻虎形。今聞皇城司見有木魚契,乞令有司 (三) 用木契 陝西五路,每路依漢制各給一至二十,計二十面,更換給用,仍以公

用印 之,字云 如 已曉 印 二、傳信木牌:先朝舊制,合用堅木朱漆爲之,長六寸,闊三寸,腹背刻字而 會施 號上,以皮繫往來軍吏之項。 某路傳信牌。 行訖 1,復書牌上遣迴。今乞下有司造牌,每路各給一面爲樣,餘令本司依此 却置池 槽,牙縫相合。 臨陣傳言,應有取索,並以此牌爲言(ii),寫其上。 又鑿二竅,置筆墨,上帖紙,書所 傳達事 中分

志

第

製造 一,分給諸處,更換使用。 城砦分屯軍馬,事須往來關會之處,亦 如數給 與。

滥 字爲號; 常公狀文移內,以此字私爲契約,有所施行,依此參驗。 了路。 之語。每用文牒之上,別行寫此字驗,訖, 人。事簡 回 故每分屯軍馬之時, 三、字驗:凡軍行計會,不免文牒,或主司遺失懼罪,單使被擒, 如不許,即空之。 易記 今檢得只有三十七條,內亦有不急之事,今減作二十八字。 此惟主將自 興主將密定字號,各掌一通, 知, 印其上發往。 他人皆不得測。 如所請報,到,許,即 不令左右人知其義 不得字有重疊,及用 符彥卿元用四 軍 所貴軍中戎旅之 1/1 + 所謀, 依 理。 條 號 兇 以 惡 自 卻 但 然泄 几 寫 嫌 於尋 印

詔 並從之。 嘉弘 几 年,三司使張方平編驛券則例,凡七十四條,賜名嘉祐驛令。

匙川 卻依 命樞 本庫 密院 上調 依 神宗熙 一漏刻發鑰匙,付外仗驗請 今後諸門輪差人員, 元豐元年,詳定禮文所言:「舊南郊式, 約 約。 舊制 寧五 其開門朝牌六面,亦隨銅契依舊發放。 年, ,更造銅契,中刻 詔西作坊鑄造諸銅符三 依時 人鐵牌給付,候開門 轉銅契入, 魚形 ,以門名識之,分左 赴庫勘同。 十四四 車駕出入宣德門、 副, 云 令三司給左契付諸門,右契付大內鑰 時神宗以京城門禁不嚴,素無符契, 卻執鐵牌納鑰匙,請 其鐵 一右給納,以戒不虞,而啓閉之法密 牌只請人自 太廟靈星門、朱雀門 執, 出 在外仗止宿 銅契。 至晚

不 蚁 南 以 強門,皆勘箭。 於開 所 不信加之尊者; **運動體。** 咸平中, 熙寧中,因參知政事王珪議,已罷勘箭,而勘契之式尙存。 且 雷動 初載於儀注, 天行,無容疑貳,必使誰何而後過門,不應典禮。 蓋當時禮官之失。 請自今車駕出入, 春秋之義,不 罷勘契。」從 考詳事始,

高 宗建炎三年,改鑄虎符,樞密院主之。 其制以銅爲之,長六寸,闊三寸, 刻篆而中分

之,以左契給諸路,右契藏之。

之。

或 正 月所 黃絹以方, 圓 一,各隨 符制 定 也 其制 以 一千道 後 繒 更宮門號以緋紅絹方,皇城門以緋紅絹圓,遂久用之。 聚紙版,謂之「號」, 入宮門黃絹以圓,八千道; 皇城司掌之。 入皇城門黃絹以長, 敕入禁衞號,黃綾八角,三千道; 三千道。 後復盡以 紹興 入殿

年

省 百 也 ,歲校遲 77 又有 久之, 稽 + 凡 里 赦 当 微牌, 軍 迎最 及 期急速則用之。 緩 軍 復 甚 其制 機要切則用之,由 者 如 故 有金字牌、 以 入議賞 紹熙末, 罰 淳熙末,趙汝愚 青字牌、 **遂置擺鋪焉** 其後尚 內侍省發遣 書省 紅字牌。 在 小踵 焉 樞 筦,乃作黑漆 一行之,仍命逐州通判 乾道 金字牌者, 日行四百 末, 樞密院置雌 紅字牌, 具出入界日 奏委諸路 里, 郵置之最 黄青字牌, 提 時狀 學官 日 速 申 遞 催

擁含為 各二 架,脩六丈,廣八丈四 則 隨 作天章等六閣。 日 和 時 大 御 二殿雌 十間,南廊 內,又日南 焉 所 宮室。 其制 別殿 御 大慶殿 尤 則易其名。 汴宋之制,侈而不可 日 取 毕, 大 九間。 內,本杭州 舊名,謂 陛階 寢殿 殿,其脩 ,行册禮 尺。 日 紫宸殿,遇朔受朝則 其中爲殿門,三間六架, 級 之延 福 廣僅 則 小小 寧殿 殿南簷屋三間,脩一 冶 御 和 也 如常 焉 如 ·殿,便坐視 以訓。 ; 大郡之設 淳熙 紹興 人所居而已。 講武殿, 初,孝宗始作射 初, 中 廳。 事 創 興,服御惟務簡省,宮殿尤朴。 御焉 閱 爲之。 則御之。 武 丈五 淳熙 脩三丈,廣四丈六尺。 則 御焉。 文德殿,降赦 尺, 再修, 休兵後,始作崇政、 殿, 他如紫宸、文德、 廣亦 其實 止循 謂之選德殿 如 垂拱、 其舊。 之。 則御焉 兩朵 崇政 殿後擁含七間 每殿 集英、 垂 殿 八年 二酸,權 集英殿, 拱 皇帝之居日殿,總 各二 爲 大慶 秋, 屋 殿。 間 五. 更其號 臨軒策 又改後殿 間 講武 久之,又 東 卽 西 性,惟 廊 m

大內 北望僊 重 華宮 太上 橋 則 即德壽宮也,孝宗遜位御之。 有德壽宮、 ,故又謂之北 重 內,紹興三十二年所造 華 ·宮、壽康宮, 壽康宮即 奉聖母 則 寧福殿也。 宮成 有 慈 了,詔以 寧宮、慈福宮、壽慈 德壽宮爲 初,丞相趙汝愚議以 高宗 宮 爲 德 壽 秘書省 Ŀ 宮 皇 御 在

爲泰寧宮,已而不果行,以慈懿皇后外第爲之。 上皇不欲遷,因以舊寧福殿爲壽康宮

遜位御之。

清華 盤松。 西湖 半丈紅台、 水注之,其上疊石爲山,象飛來峯。 閣、欏木堂 大內苑中, 梅坡、 清曠 松菊 、隱岫、澄碧、 亭殿亦無增, 三徑、清妍、 瀉碧. 西則冷泉 倚桂、隱秀、碧琳堂之類,此南內也。 其名稱可見者,僅有復古殿、損齋、 清新、 芙蓉岡, 文杏館、 有樓 日聚遠,禁籞周回,四分之。 靜樂、 南則 載忻、 浣溪, 欣欣、 北則絳華 射廳、 北內苑· 觀堂、芙蓉閣、 臨賦 旱船 中, 東則香遠 則有大池,引 俯翠、 燦錦 翠寒堂 至樂 清深

麗正 臣 [日:「今後東宮不須創建,股宮中宮殿,多所不 門內。 皇太子宮曰東宮。 紹興三十二年始置,孝宗居之,莊文太子立,復居之。 其未出閣,但聽讀于資善堂,堂在宮門內。 ·御,可移修之。」自是皆不 光宗爲 已受册,則居 別 太子, 建。 東宮,宮在 孝宗謂

淳熙二年,始創射堂一,爲游藝之所,圃中有榮觀玉淵清賞等堂、鳳山樓, 皆宴息之地

也。

有二殿,外有六門:前 幕殿,即周官大、小次也。 日 [泰禮, 後日拱極,東日祥曦,西日景曜,東偏日承和 東都時,郊壇大次謂 之青城, 祀前一 日宿齋詣焉 西偏 其制 E 迎禧。 中

志 第

章屋,蓋倣清廟茅屋之制也。 制,架木 大、小次之外,又有望祭殿,遇雨則行事於中。東都時爲瓦屋五間,周圍重廊。 大殿日端誠 前 以葦爲障,上下四旁周以幄帝,以象宮室,謂之幕殿。 ,便殿日 一熈成。 中興後,以事天尙質,屢韶郊壇不得建齋宮,惟設幕屋而已。 及行事,又於壇所設 中興後,惟設 小次。 其

後在 家。 也。 郡 日 外藩 然 衙 臣 庶室屋制度。 亦 在 在 鎭 內者爲 亦 外 僭 稱 日 衙 尊者避,在外者遠君無 衙 而 ',遂爲 宰相以下治事之所曰省、曰臺、曰部、 在內之公卿、大夫、士不 臣下 ·通稱。 今帝居雖 嫌歟 ·稱者,按唐制,天子所居日 ? 私 不 居、執政、親王曰府, 日 衙,而 日寺、日監、日院,在外監 在內省 部、寺監之名 衙,故 餘官日宅, 臣下不 , 則 庶民 仍 ·得稱。 司、州 唐舊

諸 道府公門得施戟,若私門則 爵位穹顯經恩賜者, 許之。 在內官 不設,亦避 君 也。

爲 宅舍 飾 一仍不得 凡 許作 公字、 栜施 j 四鋪飛簷。 頭 瓦 父祖 獸 ,門設 庶人舍屋,許五架,門一間兩廈而 舍宅有者 と性框。 ,子孫許 諸 州 正 一牙門及 仍之。 城門,並施 凡民 庶家,不得施重棋、藻井及 鴟尾,不得施 拒 鵲 Ti. 六品 色文采 以上

[] 裹以紅緜 「緜」,宋會要輿服六之八、玉海卷八四都作「錦」。下文「皇太子寶」條「裹以紅綿」

句同。

 Ξ 碧石 朱會娶興服六之八、通考卷一一五汪禮考都作「碧鈿石」。

= 螭又不娲 「螭」原作「幅」,據長編紀事本末卷一二八、通考卷一一五汪禮考改。

獲全玉於異域 「全」原作「金」,據長編紀事本末卷一二八、通考卷一一五王禮考改。

至 護國 神寶 按上文北宋八寶中作「鎮國寶」,、玉海卷八四、通考卷一一五汪禮考都作 | 鎭國 神

寶」。

(台) 玉寶 原作「五寶」,據長編卷三九三、玉海卷八四改。

(七) 印成旁曆 長編卷一一九、通考卷一一五王禮考作「以摹券曆」。

禮部貢舉之印 長編卷三三六作「禮部貢舉院之印」,當是。

へた 安南國王 原作「南安國王」,據本書卷四八八交趾傳和宋會要蕃夷四之四九、五一改。下文「安

南國王」同。

6 切要杜絕姦詐 「切要」原作「竊要」,據文義和玉海卷八五改。

志

第

百七

校

勘記

三六〇一

[11] 有司 原作「省司」,據文義和汪海卷八五改。

(1三) 並以此牌爲言 | 玉海卷八五作「並以牌爲信」。

(三) 半丈紅 吳自收夢粱錄卷八、周密武林舊事卷四都作「牛綻紅」。

宋史卷一百五十五

志第一百八

選舉一科目上

路。」於是議論紛紜,莫之一也。 捷進之弊。」議考課者每日:「拘吏文,則上下督察,浸成澆風;通譽望,則權貴請託,徒開利 入仕則有資舉之科,服官則有銓選之格,任事則有考課之法。然歷代之議貢舉者每日:「取 士以文藝,不若以德行。就文藝而參酌之,賦論之浮華,不若經義之實學。」議銓選者每日: 太宰以三歲計吏治,詳於潤宜。兩漢而下,選舉之制不同,歸于得賢而已。考其大要,不過 「以年勞取人,可以絕超躐,而不無賢愚同滯之歎,以薦舉取人,可以拔俊傑,而不無巧佞 自敷奏以言,明試以功,三載考績,三考黜陟幽明,始于舜典。 司徒以鄉三物興賢能,

|宋初承||唐制,貢舉雖廣,而莫重于進士、制科,其次則三學選補。 志 第 百 八 選 畢 銓法雖多, 而莫重于 三六〇三

舊 常、沿革迭見,而三百餘年元臣碩輔,鴻博之儒,淸彊之吏,皆自此出,得人爲最盛焉。今輯 |史所錄,臚爲六門:一曰科目;二曰學校試;三曰銓法;四曰補廕; ,以及遺逸奏薦、貴戚公卿任子親屬與遠州流外諸選,委曲瑣細 削改官、 煩簡適中,櫽括歸類,作選舉志。 磨勘 轉秩。 考課雕密, 而莫重于官給曆紙,驗考批書。 , 咸有 其他教官、武舉、童子等 品式 五曰保任,六日考 其間變更不

|熙寧以來,其法浸備,學校之設遍天下,而海內文治彬彬矣。今以科目、學校之制,各著于 神宗始韶科,而分經義、詩賦以取士,其後遵行,未之有改。自仁宗命郡縣建學,而 宋之科目,有進士,有諸科,有武舉。常選之外,又有制科,有童子舉,而進士得人爲

條 秋 策五 取 解 凡五經,帖書八十帖,對墨義五十條。 初 一。多集禮部,春考試。合格及第者,列名放榜于尚書省。 道 禮部貢舉,設進士、九經、五經、開元禮、三史、三禮、三傳、學究、明經、明法等科,皆 l,帖論語十帖,對春秋或禮記墨義十條。 凡九經,帖書一百二十帖, 凡三禮, 對墨義九十條。 凡進士,試詩、賦、論各一 。凡三傳,一百一十條。 對墨

得貢。貢不應法及校試不以實者,監官、試官停任。受賂,則論以枉法,長官奏裁。 條 否,監官、試官署名其下。進士文卷,諸科義卷、帖由,並隨解牒上之禮部。 官考校,而判官監之。試紙,長官印署面給之。試中格者,第其甲乙,具所試經義,朱書通、 六爲合格,仍抽卷問律,本科 凡 (開元禮,凡三史,各對三百條。凡學究, ,周易、尚書各二十五條。 凡明法,對律令四十條, 兼經並同經詩之制。 則否。 諸州判官試進士,錄事參軍試諸科,不通經義,則別選 毛詩對墨義五十條, 論語十條, 各間經引試,通 爾雅、孝經共十 有篤廢疾者不

馴之 連坐不得舉。故事,知舉官將赴貢院,臺閣近臣得薦所知之負藝者,號曰「公薦」。 太祖盧 與狀愈同而定焉。凡就試,唯詞賦者許持切韻、玉篇,其挾書爲姦,及口相受授者,發覺卽 舉數、場常、鄕貫,不得增損移易,以仲冬收納, 人 、因緣挾私,禁之。 麻以上親,及諸不孝、不悌、隱匿工商異類、僧道歸俗之徒。家狀丼試卷之首,署年及 凡命士應舉,謂之鎮廳試。所屬先以名聞,得旨而後解。旣集,什伍相保,不許有大逆 凡語州長贞舉送,必先稽其版籍,察其行為,鄉里所推,每十人相保,內有缺行 月終而畢。將臨試期,知舉官先引問聯保, ' ', 則

重 **乾德元年,詔曰:「舊制,** 自 店以來,所謂 明經,不過帖書、墨義,觀其記誦而已,故賤其科,而「不通」者其罰特 九經一舉不第而止,非所以啓迪仕進之路也;自今依諸科許

志第

開寶三年,詔禮部閱貢士及十五舉嘗終場者,得一百六人,賜本科出身。特奏名恩例,蓋自 是,別命儒臣于中書覆試,合格乃賜第。時川蜀、荆湖內附,試數道所貢士,縣次往還續食。 「瀔不能訓子,安得登第?」乃詔:「食祿之家,有登第者,禮部具姓名以聞,令覆試之。」自 九一不」並殿一舉。殿舉之數,朱書于試卷,送中書門下。三年三,陶殿子邴擢上第,帝曰: 「文理紕繆」者殿五舉,諸科初場十「不」殿五舉,第二、第三場十「不」殿三舉,第一至第三場 再試。」是年二,諸州所薦士數益多,乃約周顯德之制,定諸州貢舉條法及殿罰之式:進士

等,乃定王嗣宗第一,王式第四。 官、得進士二十六人,五經四人,開元禮七人,三禮三十八人,三傳二十六人,三史三人,學 帝嘗語近臣曰:「昔者,科名多爲勢家所取,殷親臨試,盡革其弊矣。」八年,親試進士王式 究十八人,明法五人,皆賜及第,又賜錢二十萬以張宴會。|昉等尋皆坐責。殿試遂爲常制。 見,擇其一百九十五人,幷準以下,乃御殿給紙筆,別試詩賦。命殿中侍御史李瑩等爲考 林學士字昉知貢舉,取宋準以下十一人,而進士武濟川、三傳劉睿材質最陋,對問失次,上 黜之。濟川,防鄉人也。會有訴助用情取舍,帝乃籍終揚下第人姓名,得三百六十人,皆召 五. 年,禮部奏合格進士、諸科凡二十八人,上親召對講武殿,而未及引試也。明年,翰 自是御試與省試名次,始有升降之別。時江南未平,進士

年九月,廷試舉人。故事,惟春放榜,至是秋試,非常例也。 賜之行。甲、乙第進士及九經,皆授將作監丞、大理評事,通判諸州,其餘亦優等授官。 賜及第。又閱貢籍,得十舉以上至十五舉進士、諸科一百八十餘人,並賜出 命李昉、扈蒙第其優劣爲三等,得呂蒙正以下一百九人。 北漢,罷之。自是,間一年或二年乃貢舉。 不中格,亦憐其老,特賜同三傳出身。凡五百餘 二,亦可爲致治之具矣。」太平興國二年, 太宗卽位, 思振淹滯,謂侍臣曰:「朕欲博求俊彦於科場中,非敢望拔十得五, 御殿覆試, 人,皆賜袍笏,錫宴開寶寺, 內出 賦題, 越二日,覆試諸科,得二百 是多,諸州舉人並集,會將親征 賦韻平側相間 帝自 ·身 ; ,依次而 九經七人 爲詩二章 止得 用。 並

,僅成數十首,率無可觀。 有趙昌國者,求應百篇舉,謂 五年,覆試進士。 有顏明遠、劉昌言、張觀、樂史四人,以見任官舉進土,特授近藩掌 帝以是科久廢,特賜及第,以勸來者 一日作詩百篇。 帝出雜題二十, ,

令各賦五篇,

篇八句, 日 書

始分三甲。 八年,進士、諸科始試 自是錫宴就瓊林苑。 律義十道,進士免帖經。 上因謂近臣曰:「朕親選多士,殆忘飢渴,召見臨問, 明年, 惟諸科試律, 進 士復帖經。 觀 進

志

度推官 技 m 凡廷試,帝親閱卷累日 用之,庶 是年及端拱 使 田野無遺逸,而朝廷多君子爾。」雍熙二年,廷試初唱名及第,第一 初,禮部試已,帝慮有遺才,取不中格者再試之,於是由再試得官者數 ,宰相屢請宜歸有司,始詔歲命官知 等為節

下,而中書省同貢院關黃覆奏之,俟正敕下,關報南曹、都省、御史臺,然後貢院寫春關散 集,列敍名氏、鄕貫、三代之類書之,謂之小錄。 閣下告名。聞喜宴分爲兩日,宴進士,請丞郎、大兩省;宴諸科,請省郎、小兩省。 綴行期 而上;俟制下,先害姓名散報之,翌日,放榜唱名。旣謝恩,詣國學謁先聖先師, 人監門,都堂簾外置案,設銀香爐,唱名給印試紙。及試中格,錄進士之文奏御,諸科惟籍名 儀 意司 籍而入選謂之春關。 舊制 供帳。 ,旣鏁院,給左藏錢十萬資費用。 知貢舉宋白等定貢院故事: 登科之人, 例納朱膠綾紙之直, 赴吏部南曹試判三道, 謂之關試 先期三日,進士具都榜引試,借御史臺驅使官一 端拱元年,詔改支尚書祠部,仍倍其數、罷御 **醵錢爲游宴之資,謂之酺。皆團司主之。制** 進士過

作箴賜陳堯叟,至是,幷賜焉。 舉,受詔卽赴貢院,仍糊名考校,遂爲例。 更勵精文采,無墜前功也。」詔刻禮記儒行篇賜之。 諸道貢士凡萬七千餘人。先是,有擊登聞鼓訴校試不公者。蘇易簡知貢 先是,嘗件學究過書、周易爲一科,始更定本經日試義十道, 旣廷試,帝諭多士曰:「爾等各負志業,效官之外, 每科進士第一人,天子寵之以詩,後嘗

過書、周易各義五道,仍雜問疏義六道,經註四道。 明法舊試六場,更定試七場:第一、第二尚書、周易各義五道,仍雜問疏義六道,經註四道。 明法舊試六場,更定試七場:第一、第二 六、經註四。凡三禮、三傳、通禮每十道義分經註六道、疏義四道,以六通爲合格 律,第三場試令,第四、第五場試小經,第六場試令,第七場試律,仍於試律日雜問

一士,與舉送官爲姻戚,則兩司更互考試,始命遣官別試。 自淳化末,停貢舉五年;眞宗卽位,復試,而高句麗始貢一人。先是,國子監、開封府所

第,願試武藝及量才錄用者,又五百餘人,悉賜裝錢慰遣之,命禮部敍爲一舉。 較藝之詳, 推恩之廣,近代所未有也。 其名以奏,徑許附試,故曰特奏名。又賜河北進士、諸科三百五十人及第、同出身。旣下 士貢于鄉而屢絀于禮部,或廷試所不錄者,積前後舉數,參其年而差等之,遇親策士則別籍 咸平三年,親試陳堯咨等八百四十人,特奏名者九百餘人,有晉天福中嘗預貢者。

格,悉賜同出身。迺詔有司,凡賜同出身者並令守選,循用常調,以示甄別。又定令:凡試 卷,封印院糊名送知舉官考定高下,復令封之送覆考所,考畢然後參校得失,不合格者,須 至覆場方落。 舊制,及第卽命以官。上初復廷試,賜出身者亦免選,於是策名之士尤衆,雖藝不及 諭館閣、臺省官,有請屬舉人者密以聞,隱匿不告者論罪。 仍詔諸王、公主、

志第

近臣,毋得以下第親族賓客求賜科名。

州以 解試額多而 上本道使者類試。已保任而有缺行,則州縣皆坐罪;若省試而文理紕繆,坐元考官。 應選者,嚴其法。 景德四年,命有司詳定考校進士程式,送禮部貢院,頒之諸州。 中者少,則不必足額。 每秋賦,自縣令佐察行義保任之,上于州;州 長貳復審察得實,然後 士不還鄉里而竊戶他 諸州

第,上二等日及第,三等日出身,四等、五等日同出身。 姓名、差次, 丼試卷以聞。 其考第之制凡五等: 學識優長、 詞理精絕爲第一;才思該通、文 字號第之;付封彌官謄寫校勘,用御書院印,付考官定等畢,復封彌送覆考官再定等。編 序,揭示闞外,翌旦拜闞下,乃入就席。 理周率(5)爲第二,文理俱通爲第三,文理中平爲第四; 官閥其同異,未同者再考之;如復不同,即以相附近者爲定。始取鄉貫狀字號合之,即第其 尋又定親試進士條制。凡策士, 卽殿兩廡張帝, 列几席, 標姓名其上。先一日表其次 試卷,內臣收之,付編排官,去其卷首鄉貫狀,別以 餘如貢院舊制 ,文理疎淺爲第五。 然後臨軒唱

縣官得代日殿一選,京朝官降監場務,嘗監當則與遠地;有三人,則監試、考試官亦從違制 制。諸科三場內有十「不」、進士詞理紕繆者各一人以上,監試、考試官從違制失論,幕職、 五年(至),詔士曾預南省試者,犯公罪聽贖罰。 ' 令禮部取前後詔令經久可行者,編爲條 州

八年,始置謄錄院,令封印官封試卷付之,集書更錄本,監以內侍二人。詔:「進士第一人, 五十人以上有一人十「不」,即罰銅與冤殿選監當,進士詞理紕繆亦如之。後又詔:「試鏁廳 ,州長更先校試合格,始聽取解;至禮部不及格,停其官,而考試及舉送者,皆重眞罪。」 幕職 、州縣官衝替,京朝官遠地監當;有五人,則監試以下皆停見任;舉送守倅,諸科 著爲令。」

令金吾司給七人導從,聽引兩節。

誦 付: 厥學,無習僥倖焉。」時晏硃言:「唐明經並試策問,參其所習,以取材識短長。 旣已臨軒較得失,而憂其屢不中科,則衰邁而無所成,退不能返其里閭,而進不得預于祿 循不學,乃詔曰:「學獨殖也,不學將落,遜志務時敏,厥修乃來。 朕慮天下之士或有遺也, 選,而仁宗亦嚮用之,登上第者不數年,輒赫然顯貴矣。其貢禮部而數詘者,得特奏名,或因 ,非取士之意,請終場試策一篇。」詔近臣議之,咸謂諸科非所習,議遂寢。 輒停官 故常數之外,特爲之甄采。而狃于寬恩,遂隳素業,苟簡成風,甚可恥也。 天聖初,宋興六十有二載,天下乂安。時取才唯進士、諸科爲最廣,名卿鉅公,皆繇此 ,至是始韶冤罪。 舊制,鎭廳試 今諸科專記 自今宜篤進

景祐 志 詔曰:「鄉學之士益蕃, 而取人路狹, 使孤寒棲遲, 或老而不得進, 殷甚憫之。 百 八 選 躯

親戚 於是諸路始有別頭試。 舉、諸科 其令南省就試進士、諸 仕本州,或爲發解官,及侍親遠宦,距本州二千里,令轉運司類試 五舉 及嘗預先朝御試,雖試文不合格 科, 其年,詔開封府、國子監及別頭試,封彌 十取其二。凡年五十,進士五舉、諸科六舉; ,毋輒 黜,皆以名聞。」自 **謄錄** 如禮 ,以十率之,取三人。 此 **嘗經殿試,進士三** 率以 部 爲當。

赴舉。 考諸試篇,則公卷可罷。」自是不復有公卷。 前 ·親書家狀,如公卷及後所試書體不同,並駁放;其假手文字,辨之得實,卽斥去, 賈昌朝言:「自唐以來,禮部采名譽,觀素學,故預投公卷;今有封彌、謄錄法,一切 ,貢士踵唐制,猶用公卷,然多假他人文字,或傭人書之。 景德中, 嘗限學人於試紙 永不得

禮部試以帖經、口義,次試策五篇,問經義者三,問時務者二。厥後變易,遂以詩賦爲第一 贊各一篇,以代詩、賦。」大和三年,試帖經,略問大義,取精通者,次試論、議各一篇。八年, 者試文賦,又通而後試策,五條皆通,中第。|建中二年,趙贊請試以時務策五篇, 筬、論、表 年,劉思立爲考功員外郎,以進士試策滅裂,請帖經以觀其學,試雜文以觀其才。 (,論第二場,策第三場,帖經第四場。今陛下欲求理道而不以雕琢爲貴,得取士之實矣。 寶元中,李淑侍經筵,上訪以進士詩、賦、策、論先後,俾以故事對。 至永隆二年,進士試雜文二篇,通文律者,始試策。|天實十一年,進士試一經,能 淑對曰:[唐訓露 自此沿以

先策,次論, 次賦及詩, 次帖經、墨義, 而敕有司倂試四場, 通較工拙, 毋以一場得失爲去 然考官以所試分考,不能通加評校,而每場輒退落,士之中否,殆繫于幸不幸。 願約 舊制

留。」詔有司議,稍施行焉。

者多言其輕上恩,隳故事,復如舊。 哉?使禮部次高下以奏,而引諸殿廷,唱名賜第,則與殿試無以異矣。」遂詔罷殿試。而議 了,或有未至。且歷代取士,悉委有司,未聞天子親試也。至<u>唐武后始有</u>峻試, 既而 知制誥富弼言曰:「國家沿隋、唐設進士科,自咸平、景德以來,爲法尤密,而得人 何足 坂

得 罷 州者,令相保任,有匿服、犯刑、虧行、冒名等禁。三場:先策,次論,次詩赋,通考爲去取,而 學者修飭矣。」乃詔州縣立學,士須在學三百日,乃聽預秋賦,舊嘗充賦者百日而止。試于 日 人材。參考衆說,擇其便于今者,莫若使士皆土著,而敎之于學校,然後州縣察其履行,則 |教不本于學校,士不察于鄕里,則不能覈名實。 有司束以聲病,學者專於記誦,則不足盡 |帖經、墨義,士通經術願對大義者,試十道。||仲淹旣去,而執政意皆異。 人嘗多矣。 時范仲淹參知政事,意欲復古勸學,數言興學校,本行實。 言初令不便者甚衆,以爲詩賦聲病易考,而策論汗漫難知,祖宗以來,莫之有改,且 天子 下其議,有司請如舊法。 乃詔曰:「科舉舊條, 韶近臣議,於是宋祁等奏: 皆先朝所定也,官一切如 是冬, 詔罷入學

志

第

故,前所更定令悉罷。」

華發 賢斂才備治具之意邪? 今賦 日 失其舊 或 于外 會張 八百字,論 一,各出 ,然則以文取士, 方平 知貢 新意,相勝爲 或千餘字,策或置所問 舉,言:「文章之變與政 其增 所以 習 奇。 新體 吅 朝廷惡其然 誻 一,澶漫 外而 .而妄肆: 質其 通。 不合程式, ,屢下詔書戒飭 八中之蘊· 今設科選才 胸臆 · 漫 悉已考落,請 也。 陳 言而 他 , 專取辭藝, 而 事 不 퉫 學者樂于 度, 申 易 前詔 浮 則 上惟道義 薄 何 ,重虧 放逸、 揭 觀 m 宗之。」 罕能 積于: 雅俗 邇來文格 贵 自還。 中 取

長民 等〔六〕, 不及 奏日 近 詔 治 百 限 言者以爲 初 唐自貞 ·禮部 人。 事 几 Щ 哉 ? 百 諸 國初取 人, 科 奏名,以四 觀訖 前 難於遽更,而 既不問經義, 以懲其弊。 詔 諸 士,大抵唐制,逮 開元,文章最盛,較藝者歲千餘人, 科終場問 百名為 圖安于 且進 又無策試, 本經 限, 士、明經先經義 弊也。 又諸科雜 大義 興國中,貢舉之路寖廣, 止以誦數精 十道, 惟陛 間 下申敕 九經、五經科止 大義,僥倖之人, 而後試策, 三試皆通 粗爲 有司, 而所收無 中否, 固守是法,毋 無有定數。 則 問 幾。 悉以爲不 其專 義 而 咸亨、上元 爲 不 固 責 不 T 比 輕 便。 記 年 達 第, 易 官 誦 于 大略 知 增 理 吏 皆以 制 猥 其 興進 計 安足以 數, 王 故 珪

歐陽脩 嘉 祐 年 知貢舉,尤以爲患,痛裁抑之,仍嚴禁挾書者。 ,親試 舉人,凡與殿試 者始 **免黜** 落。 時進士 益 旣而試榜出, 相 習爲 奇僻,鈎章 時所推譽, 棘 句 皆不在 寖 渾

名置 選。 于法 澆薄之士,候

脩晨朝,

羣聚

詆斥之,

街司

邏卒不能 ,然自是文體亦少變。 待試京師者恆六七千人,一不幸有故不應詔 止, 至爲祭文投其家, 卒不能求其主 往往 元流淪

數年,以此毁行干進者,不可勝數。

半。 檢 以 此 Ŧi 爲 ·祭,僞濫自不能容,使寒苦藝學之人得進。」於是下詔:「間歲貢 間 ,今率四五 一歲之法,則無滯才之歎。 合格 增設 王洙侍邇英閣講問禮,至「三年大比,大考州里,以贊鄉大夫廢興。」上曰:「古者選 ,兼以論語、孝經,策時務三條,出身與進 則經,試法:凡明兩經或三經、五經,各問大義 蔵 一下詔,故士有抑而 薦舉數旣減半,主司易以詳較,得士必精。且人少則 不得進者,孰若裁其數而屢舉也。」下有司議,咸請 土 等。 一十條,兩經通 而 靇 說 書舉。」 、舉,進士、諸科悉 八,三經通六,五經通 有司 解舊額之 土如 易於

知縣 第二、第三, 高 可 第之人, 曠 除 時 而 大理 代還 以 冗 也。 科 評 嘗不 舉 除 遷兩 事 ·旣數,而高第之人驟顯,欲稍裁 故 爫 、簽書 ·次而 立 使 使 幕 間 職官。 用。 職 歲之期,以 兩 官 使 若循 幕 鏁廳 代還,改次等京官。 職 舊比, 官; 人視此 勵其勤; 代還 終至 升 若夫高才異行,施於有 濫 約貢舉之數,以精 官, 通 抑。 判 甚 制科 ; 邃詔 無謂 再任 入第 曰:「臊惟 也。 潚 試試 五 其選。 自今制科入第三等, 等, 館 政而 與進士 職。制 國之取士,與士之待舉,不 著為定式, 功 狀較然者 科 第四、第 入第 中敕 等, 五 ,當以異 與 人有司 , 除 興 進 F 試 進 , 而 恩 銜

志

第

Ħ

八

選

舉

公卿者 取未行間歲之前四之三爲率,明經、諸科毋過進士之數。 擢焉 。」仁宗之朝十有三舉,進士四千五百七十人,其甲第之三人凡三十有九,其後不至于 ,五人而已。 英宗卽位,議者以間歲貢士法不便。 迺詔禮部三歲一貢舉,天下解額,

試之格,令兩制、兩省、待制以上、御史、三司、三館雜議以聞。」議者多謂變法便。直史館 于文辭,與古所謂『三物賓興,九年大成』,亦已盭矣。今下郡國招徠雋賢,其敎育之方,課 取士俱本于學,請興建學校以復古。 曰:「化民戍俗,必自庠序,進賢興能,抑繇貢舉。而四方執經藝者專于誦數,趨鄕舉者狃 神宗篤意經學,深憫貢舉之弊,且以西北人材多不在選,遂議更法。 其明經、諸科欲行廢罷,取明經人數增進士額。」迺詔 王安石謂:「古之

政,則公卿、侍從,常患無人,况學校貢舉乎?雖復古之制,臣以爲不足矣。 政,則胥吏(キ)、皂隸,未嘗無人,雖用今之法,臣以爲有餘;使無知人之明,無責實之 得人之道,在於知人,知人之法,在於責實。使君相有知人之明,朝廷有責實之

慶曆間嘗立學矣,天下以爲太平可待,至于今惟空名僅存。今陛下必欲求德行道藝之 時有可否,物有興廢,使三代聖人復生于今,其選舉亦必有道,何必由學乎?且 志第一百八 選舉一

上, 責九年大成之業,則將變今之禮, 易今之俗。 士,置學立 鄉舉德行而略文章,或曰專取策論而罷詩賦,或欲舉唐故事,采譽望而罷封 師 ,以又時簡不帥敎者,屛之遠方,徒爲紛紛,其與慶曆之際何異? 至於貢 又當發民力以治宮室,斂民財以養游

彌;

或欲

變經生帖、墨而考大義,此數者皆非也。

可勝數,何負於天下,而必欲廢之。 加 過 教天下相率而爲僞也。 益;自政事言之,則詩賦、論策均爲無用。然自祖宗以來莫之廢者,以爲設法取士,不 馬、惡衣、非食,凡可以中上意者無所不至。自文章言之,則策論爲有用,詩賦爲無 如 孫復、石介。 此也。近世文章華麗,無如楊億。使憶尙在,則忠淸鯁亮之士也。通經學古,無 夫欲興德行,在於君人者修身以格物,審好惡以表俗,若欲設科立名以取之,則是 使復、介尚在,則迂闊誕謾之士也。 矧自唐至今,以詩赋爲名臣者,不 ' 上以孝取人,則勇者割股,怯者廬墓。 上以廉取人,則弊車、羸

時,正當講求天下正理,乃閉門學作詩賦,及其入官,世事皆所不習,此科法敗壞人材,致不 術 此 不一,異論紛然,不能一道德故也。 帝 科嘗多得人,自緣仕進別無他路,其間不容無賢;若謂科法已善,則未也。今以少壯 讀賦疏曰:「吾固疑此,得賦議,釋然矣。」他日問王安石,對曰:「今人材乏少,且其學 一道德則修學校,欲修學校,則貢舉法不可不變。若

如古。」

諸科而爲進士者,乃得所增之額以試。 向改業也 科解名十之三,增進士額,京東西、陝西、河北、河東五路之創試進士者,及府、監、他路之舍 書撰大義式頒行。 法,能詩賦、帖經、墨義,士各占治易、詩、書、周禮、禮記一經,兼論語、孟子。 大經,次兼經,大義凡十道,後改論語、孟子義各三道。次論一首,次策三道,禮部試卽增二道。 朝廷興建學校,然後講求三代所以教育選舉之法,施於天下,則庶幾可以復古矣。」於是改 爲於壯 旣 뻾 今欲追復古制,則患於無漸。 中書門下又言:「古之取士,皆本學校,道德一於上,習俗成於下,其人才皆足以有 試義者須通經、有文采乃爲中格,不但如明經墨義粗解章句而 皆別爲一號攷取,蓋欲優其業,使不至外侵,則常慕 宜先除去聲病偶對之文, 使學者得專意經術, 每試 四場,初 以俟 取諸

百人。 以爲榮。」乃詔悉試。帝嘗言:「近世士大夫,多不習法。」吳充曰:「漢陳寵以法律授徒,常數 豈所宜緩。昔試刑法者,世皆指爲俗吏,今朝廷推恩旣厚,而應者尙少,若高科不試,則人不 任子,亦試律令始出官。又詔進士自第三人以下試法。或言:「高科任簽判及職官,於習法 又立新科明法,試律令、 律學在六學之一,後來縉紳,多恥此學。舊明法科徒誦其文,罕通其意,近補官必聚 刑統大義、斷按,所以待諸科之不能業進士者。未幾,選人、

而試之,有以見恤刑之意。」

若門客毋試於其州,類其名上之轉運司,與鏁廳者同試,率七人特立一額。 焉。 舊額十之一,以待不能改業者。 恩銀 帝謂執政曰:「對策亦何足以實盡人材,然愈於以詩賦取人爾。」舊制 百兩,至是罷之(公)。 熙寧三年,親試進士,始專以策,定著限以千字。 仍賜錢三千,爲期集費。 諸州舉送、發解、考試、監試官,凡親 舊特奏名人試論一道,至是亦制策 , 進士入謝 後復令存諸科 近,進謝 戚

當復增數百人。此曹垂老無他望,布在州縣,惟務黷貨以爲歸計。前後恩科命官,幾千人 子、開封解試、武舉第一人,經明行修進士及該特奏而預正奏者,定著于令,遞升一甲。 矣,何有一人能自奮厲,有聞于時?而殘民敗官者,不可勝數。 是法在有司,恩不歸於人主,甚無謂也。今特奏者約已及四百五十人,又許例外遞減一舉,則 升甲,本為南省第一人,唱名近下,方特升之,皆出一時聖斷。今禮部十人以上,別試、 部已奏名,至御試而黜者甚多。 不過謂宜廣恩澤,不知吏部以有限之官待無窮之吏,戶部以有限之財祿無用之人, **元祐初,知貢舉蘇軾、孔文仲言「每一試,進士、諸科及特奏名約八九百人。** 。嘉祐始盡賜出身,近雜犯亦莬黜落,皆非祖宗本意。進士 以此知其無益有損。 舊制; 而所 議者 或 則

志 第

之,毋得取過全額之半,是後著爲令。 命,仍韶考官量取一二十人,誠有學問,卽許出官。 使積弊增重不已。」遂詔定特奏名攷取數,進士入四等以上、諸科入三等以上,通在試者計 至州縣,舉罹 其害。 乃卽位之初,有此過舉,謂之恩澤,非臣所識也。 其餘皆補文學、長 史之類,不理選 願 斷自 聖意 止用 限,免

律冥合;何必置明法一科,習爲刻薄,非所以長育人材、敦厚風俗也。」 經術又當先於詞采。神宗專用經義、論策取士,此乃復先王令典,百王不易之法。但王安石 科目次序。」詔近臣集議。左僕射司馬光曰:「取士之道,當先德行,後文學;就文學言之, 明法最爲下科,然必責之兼經,古者先德後刑之意也。欲加試論語大義,仍裁半額,注官依 不當以一家私學,令天下學官講解。至於律令,皆當官所須,使爲士者果能知道義,自與法 ·通用先儒傳注及已說。又言:「新科明法中者,東部卽注司法,敍名在及第進士之上。 舊 時方改更先朝之政,禮部請置春秋博士,專爲一經。尚書省請復詩賦,與經義兼行

穀梁、儀禮爲中經,左氏春秋得兼公羊、穀梁、書,周禮得兼儀禮或易,禮記、詩並兼書,願習 史、時務策二道。 內聽習一經。 四年,乃立經義、詩賦兩科,罷試律義。凡詩賦進士,於易、詩、書、周禮、禮記、春秋左傳 初試本經義二道,語、透義各一道,次試賦及律詩各一首,次論一首,末試子、 凡專經進士,須習兩經,以詩、禮記、周禮、左氏春秋爲大經,書、易、公羊、

取舍,兼詩賦者以詩賦 者十無二三,諸路奏以分額各取非均,其後遂通定去留,經義毋過通額三分之一。 道,次論 二大經者聽,不得偏占兩中經。 策, 如詩 赋 科。 爲去留,其名次高下, 並以四 場通定高下,而取解額中分之,各占其半。 初試本經義三道,論語義一道,次試本經義三道,孟子義 則於策論參之。 自復詩賦,士多鄉習, 專經者用經義定 m 專經

概以科場年上其名。 不試于州郡,惟試禮部。 升 鄉、居家者,立身行已,不敢不謹,惟懼玷缺外聞。 文學之意。 **月察,立賞告訐,而士行自美矣。」遂立科,許各舉一人。凡試進士者,及中第唱** 甲。 光又請:「立經明行修科,歲委升朝文臣各舉所知,以勉勵天下,使敦士行,以示 後分路別立額六十一人,州縣保任上之監司,監司考察以聞,無其 若所舉人違犯名教及贓私罪,必坐舉主,毋有所赦, 不中,許用特奏名格赴廷試,後以爲常。 所謂不言之教,不肅而成,不待學官 則自不敢妄舉。 既而詔須特命舉乃舉,毋 人則否。 1名日 丽 預薦 上之居 不專取 用 日 者 以 訓

試 添知舉官爲四員,罷差參詳官,而置點檢官二十人,分屬四知舉,使協力通攷; 六年,詔復通禮科。 初,開寶中,改鄉貞開元禮爲通禮, 熙寧嘗罷, 至是始復。 諸州點 凡 部場

八年,中書請御試復用祖宗法,試詩賦、論、策三題。且言三士子多已改習詩賦,太學

檢官專校襍犯,亦預考試。

志

第

百

選

舉

其禁。 試,優取二禮,兩經許占全額之半,而以其半及他經。 帝念宣仁保佑之功,不許改。 題,專經人且令試策。 初,神宗念字學廢缺,詔儒臣探討,而王安石乃進其說, 生員總二千一百餘人, 四年,詔禮部,凡內外試題悉集以 自後概試三題。」帝旣親政,羣臣多言元祐所更學校、科 而不兼詩賦者纔八十二人。」於是詔:「來年御試,習詩賦人復試三 紹聖初,議者益多,乃詔進士罷詩賦,專習經義,廷對 〈爲籍, 遇試,頒付考官,以防複 旣 而 學者習焉。 復立春秋博士,崇寧又罷之。 元站禁勿用。 Щ 能春秋科, 舉制 仍 度非是, 至是,除 儿

以民, 乃得 亦應天之一也。」遂詔更行科舉一次。 意使 土 所 自 更 此 定。 遠 應 徽宗設辟雍於國郊,以待士之升貢者。 ,士,其民 歳試 專學校。 格 土 侍御 ·', 其 卽 上舍,悉差知舉, 聞之。」時 貧且 之秀者,今失職 史毛注言: 養士既有 崇寧三年,遂詔:「天下 老者 州 甚病之,故詔 縣悉行三舍法,得觅試入學者, 如禮 如 此,疑 部試。 及此 額,而 ·取士,悉由 臣僚言:「場屋之文,專尙偶麗,題雖無兩意, 天亦譴 一,而 五年,詔:「大比歲更參用 科 舉又 未 臨幸,加恩博士弟子有差。 怒。 遽 龍, **慶科舉**: 學校升貢,其州 願 以 則 解 不 也。 多當官子 額 ·隸學籍者, 之歸 大觀 升貢 郡發解及試 科 几 弟,而 - 學取 年 遂致 者一 五 然州郡獨以科舉取 在學 上 月, 二分,不 失 心禮部: 職。 積歲 星 次,其亟 變, 法 月, 絕科 /之視聽 凡 必欲釐 並 累試 事. 以 多 此

而爲二,以就對偶;其超詣理趣者,反指以爲澹泊。 請擇考官而戒飭之,取其有理致而黜

其強爲對偶者,庶幾稍救文弊。」

課試,遇科舉仍自發解。六年,禮部試進士萬五千人,詔特增百人額,正奏名賜第者八百餘 賜,以上書獻頌而得者,又不勝紀。 或邊臣之子以功來奏,其得之雖有當否,大較猶可取也。 玷選舉,而祖宗之良法蕩然矣。凡士不繇科舉若三舍而賜進士第及出身者,其所從得不 梁師成者,於大觀三年嘗中甲科。 一。凡遺逸、文學、吏能言事或奏對稱旨,或試法而經律入優,或材武、或童子而皆能文, 因上書獻頌直令赴試者殆百人。有儲宏等隸大閹梁師成爲使臣或小史,皆賜之第。 宣和三年,詔罷天下三舍法,開封府及諸路並以科舉取士;惟太學仍存三舍,以甄序 自設科以來,南宮試者,無踰此年之盛。然雜流閹宦,俱 崇寧、大觀之後,達官貴胄旣多得

校勘記

承上文指乾德元年,宋會要選舉一四之一三、長編卷五都繫此事於乾德二年。

年三月。 承上文當即乾德三年。長編卷九繫此事於開實元年三月,宋會要選舉三之二則 按乾德六年十一月改元開實,乾德六年與開實元年爲同一年。 此「三年」, 繫於乾德 疑是「六

志第一百八 校勘記

年之訛

- 帝自爲詩二章賜之 「二」原作「一」,據宋會要選舉七之二、通考卷三〇選舉考改。
- (四) 文理周率 長編卷七六作「文理周密」。
- 二五 五年 大中祥符五年。 承上文指景德五年, 但景德無五年, 此「五年」疑是大中祥符五年,志文失書紀元。 宋會要選舉三之一〇、通考卷三〇選舉考都繫在
- (公) 且進 ·森丽經義奏狀:「然當時士選之盛者,惟明經、進士而已。 蓋明經先問義而後策試,三試而皆通 三試皆通爲中第,其大略與進士等。」疑此處有誤。 者爲得第,其大略與進士等。」長編卷一八一:「取士惟進士、明經諸科,明經先經義而後論策, 士明經先經義而後試策三試皆通爲中第大略與進士等 文義欠明。 按王珪華陽集卷七諸
- (七) 胥吏 原作「胥史」,據蘇東坡奏議集卷一議學校貳舉狀、通考卷三一改。
- 進士入謝進謝恩銀百兩至是罷之 「入」下的「謝」字原脫,據長編卷二四四、通考卷三一選舉考 义「百兩」,長編作「三百兩」。 承上文此處所稱「至是」當是指熙寧三年;上述兩書都繫此事於熙寧六年,疑志文失書紀

宋史卷一百五十六

志第一百九

選舉一一科目下 舉遺逸附

殿試 詩賦 又詔 道轉運司、開封 置 者,河北、 於留守司,命御史一人董之。 司] ::「下第進士,年四十以上六舉經御試、八舉經省試,五十以上 策如之。 各一首,習經義者本經義三道,語、孟義各 州、軍引試(1),使副或判官一人董之。 高宗建炎初,駐蹕揚州,時方用武,念士人不能至行在,下詔:「諸道提刑司選官卽 河東 、陝西特各 自紹聖後,舉人不習詩賦 府悉以名聞,許直赴廷試。」 減 舉 國子監人願就本路 ٠; 元符以前到省,兩舉者不限年,一 至是始復,遂除政和命命官私 河東路 二道; 試者 附 第二場並 京西 聽。」二年,定詩賦、經義取士,第 轉運 論 司。 四 道 ; 舉年五十五已上者:諸 學經 國子監、開 第三場並策三道。 御 相傳習詩賦之禁。 試、五舉經省試 封府人就 轉運 一場

志

浦

下。 出 JE 左 几 奏 身。 迪 及 、第五 名 第、 帝 功 日 登 郎 不 進 赴 仕 左儒 土 14 取 者 郎 特 方 出 奏名第 士當務至公, 、京府 一百三人, 身、 士集行 林 息 同 助教、上下 學究 一人附第二 第 在 一,帝親策于集英殿,第爲 以龍 出 甲第 豈容以己意 身、 飛 州 六名以下並左文林郎 特恩, 甲,賜 文 同 學、 出 身 即家 進 升 諸 降 士 州 第一 賜第。 及 助 自 第 教 人爲 [今勿先] 五等,賜 入五 ,第二、第三人 故 左 事 一等者, 進 宣 第二 , 卷 敎 正 廷 鄭, 奏名李易以下 一甲並 試 亦 上 賜同 與 第二、第三人 + 左 調調 名, 從 官。 進 事 上 內侍先以 郞 川 出 应 身, 第三 ||夾 百 餘 Ħ. 河北 卷 賜 甲 義 以 同 郎 下: 學究 第 東 並

今韶 部 舉 計 ·, 侍 遂 道 \equiv 鄓 韶 類 年 賜下 試 給 , 諸 詔 調 事 道 州 類 中 委 文學, 過 試 同 憲 省 知 進 臣 几 頁 並 土 年 舉, 蘞 一釋褐 赴 弊 復 卿 御 滋 監 試 川 焉 <u>/</u>E 不 ||陝||武 郎 才 文 左 官 省 司 否貿亂 1參詳 加 諫 故 令漕 唐 煇 館 言言 臣 士論 職 據元 學官 舊制 囂 學送 然, 點 省 檢 狀 湛 ^^, 御 不 試 申 稱 省 用 史 六 , 更 監 給 利制 曹尚 視 敕 設 賜 科 書 故 同 之意 能 翰 進 至 士 林 公厭 出 請 學. 1: 身。 並 還 知 其

學 於 是 旣 智 JU 紹 Ш 厠 諸 宣 元 生解 撫 年 處 散 當 置 ,行在職 祀 使 明 張 浚 事 始 復 以 詔 及釐務官 便 諸 宜 道 令 類 ∭ 隨行有服親及門客, 試 擇 恢 躯 憲 漕 或 帥 置 守 司 中 州 往往 文學之人總其事 試 之。 鄉 貢隔 會侯 絕,請 狐 慶 , 使 Ϋ́. 應 精 舉 兵 選 法 興, 考 太

國 ,令於寓戶州軍附試,別號取放。 子監進士爲名。」令轉運司附試。 又詔:「京畿、 京東 西、 河北、 陝西、 淮南士人轉徙東南

義登科 據 仍 禮部, 時 申部注籍。 者類不通史, 諸道買籍多燬於兵,乃詔 以稽 考焉。 侍御 將從其議。 史曾統請 應該恩冤解舉人,值兵燬失公據者,召京官二員委保,所在州 轉運司令舉人具元符以後得解、升貢、戶貫、三代、治經,置 取士止用 左僕射呂頤浩曰:「經義、 詞賦,未須兼經,高宗亦以古今治亂多載于史,經 詞賦均以言取人, 宜 如舊。」遂 軍 給

請舉兩 爲 一豈以 所畏避, 例 呂頤浩言景夏 二年,廷試,手詔諭考官,當崇直言,抑諛佞。 殿名妨 到省已上乃得試。 宜. 擢 人進取邪? 首 選。 詞勝 。」九成以類試、廷策俱第 九成 」令寘本等。 帝嘗封蜀國 ,請更寘第 公, 又命應及 ___<u>^</u> 是 __<u>,</u> 帝曰:「士人 年, 第人各進 命特進一官。 蜀州舉人以帝登極恩, 得張九成以下二百五 八初進 一秩。 一,便須 時進 舊制 土 別其忠佞,九成 ,潛藩州 一卷有犯 徑赴類省試 十九人, 御名者,帝曰: 郡 舉人,必曾 凌景夏第 所對, 無

尙。 事 五 關 年, 教化 初試 有 進 益 土于 治 體者, ,南省, 毋以切直爲嫌。 戒飭有 司:「商搉去取,毋以稀繪章句爲 言無根柢、肆爲蔓衍者, 二, 不 在採錄。」「舉人程 當以淵 源 學 問

志

第

百

t

選

躯

考官以有官人黃中第一,帝訪諸沈應求,應求以沈遘與馮京故事對,乃更擢應辰爲魁,遂爲 文,許通用古今諸儒之說,及出己意,文理優長爲合格。」三月,御試奏名,汪應辰第一。

請自今初、覆考皆未當,始許奏稟別置等第。」諫議大夫趙霈請用崇寧令,凡隔二等、累及五 嘉祐中廢。至是,知制誥孫近奏:「若遵舊制,則高下升黜,盡出詳定官,初、覆考爲虚設。 具取放分數、推恩等第頒示之。 人許行奏禀,從之。是年,川、陝進士止試宣撫司,特奏名則置院差官,試時務策一道,禮部 舊制,御試初考旣分等第,印封送覆考定之,詳定所或從初,或從覆,不許別自立等。

冒者連坐。 飛賕而移試他道者,議者病之。六年,詔牒試應避者,令本司長官、州守倅、縣令委保,詭 曰「避親」;館于見任門下,曰「門客」。是三等許牒試,否則不預。間有背本宗而竄他譜, 舊法,隨侍見任守倅等官,在本貫二千里外,曰「滿里子弟」;試官內外有服親及婚姻家,

[賦、經義考官。八年,以平江府四經巡幸,其得解舉人援臨安、建康駐蹕例,各免文解一 時聞徽宗崩,未及大祥,禮部言:故事,因諒闇罷殿試,則省試第一人爲榜首,補兩使職 七年,命行在職事、釐務官丼宗子應舉、取應及有官人,並於行在赴國子監試,始命各差 志第一百九 選舉二

於辦 官。 制。 比, 令禮 給 帝特命爲左承事 年 叉 部 ·, 逐 僡 別 初 號 詔 任待 諸 取 放。 州 依 阙 郎, 川、陜 條發解,十二年正 自此 分類 年, 率以爲常。 試額自 若使進 此 一一、一一 月省試 九年, 始 人同時 是歲,以 ,三月御試,後皆準此 以陝西舉人久蹈 差注, 科 試、明堂同在 俱為不便, 北境 , 理宜 增展 嗣 歲 優異, 省司 年 則 非 财 計 合舊 辺 艱 JII

方 保, 特 五. 首 IF 太用程說 相,甚至 自 恩分 年 經 師 赴 今鄉 , 詩賦 出 += 鄕 凡特奏名賜 八年,以浙 N₃ 題 指 中 貢,前 飮 年, 。」並從之。 各一 日 興盛 酒 頤 唱名 並從之。 寫 ,然後送試 或 首次之, 一事門」 于 歲, 子司 漕舉 東南, 同學究出 十七 州 、業高閱言:「取士當先經術。 初立同文館試,凡居行在去本貫及千里已上者,許附試于國子 一,侍御 人有勢家行路、假手濫 二十一年,御試得正奏名四百人,特奏名五百三十一人,中興以來 軍 子史論 年,申禁程文全用本朝人文集或歌 科舉之文稍 屬 .身者,舊京府助教今改將仕郎。 縣長吏籍定合應舉人, 史汪 及期投狀射保者勿受。」自 一道、 勃 請 用 戒飭 時務策一 頤 說 攸 名者 司 諫官陳公輔上 道又次之, ,凡專門 請參合三 諭 以 次年 有 神宗朝程顥 曲 司 頭及 說, 春縣上之州 立 場,以本經、 庶幾如古試法。 一疏詆 是歲,始定依汴京舊制,正 賞 必 格 一佛書全句者,皆不考(三)。 加 頤 聽 黜 學, 程願以 落 人捕告。 , 乞加 州下 語、 中丞 道學倡 猛義各 禁絕; 之學 又 + (春秋 曹筠 九 于洛 監 秦檜入 覈 年,詔: 義當於 道爲 實引 奏及 選 几

得人始盛。

令覆試。 學之禁稍 相 甲,後降塤第三。 廷試第一, 執論 俾立講說以表學校, 及令考官優加誘 二 十 匹 二十二年,以土習周禮、禮記,較他經十無一二, 不 解矣。 仍奪||損出身,改||冠等七人階官並帶「右」字, 一,趙鼎主程頤,秦檜主王安石。 層陽引降第 年,始定試 二十五 二名。 期並用中秋 年,膾死,帝懲其弊,遂命賁院遵故事,凡合格舉人有權要親族, 是歲,檜孫塤舉進 河。四 川則用 進。 至是, 詔自今毋拘一家之說, 務求至當之論 舊諸州 季春 士; 省試、廷對皆首選, ,而仲秋 餘悉 恐其學寖廢,遂命州郡招延明於江禮 皆以八月選 駁放。 類省 日 程、王之學, 試舉人, 有趁數州 初, 烟黨曹冠等皆居高 秦檜 專國 數年 以來 其子 取 並 解 熺

經學廢矣。」二十七年, **一禮文義** É 經 優長 赋 分科,聲律 一,許侵用諸經 詔 日盛,帝嘗曰:「向爲士不讀史,遂用詩賦。 復 分數。 行 兼 經, 時 號爲四 如十三年之制。 科 內第 一場大小經義各減 今則不 讀經,不出 道 如治

列 十九年,孫道夫在經筵, 至是, 舊蜀 逐渝 1: 赴 延試 都省寬展試期以待之。 不及者 極論四川類試請託之弊,請盡令赴禮部。 皆賜 同進 及唱 土 出 名 身。 閻安中第二, 帝念其中有 俊秀 梁介第三, 能 取 帝曰:「後舉但當遣御 高 皆蜀 第者, 士 也 不 宜 帝 例置下 大悅。

那 ? 定制。近合科以來,通經者苦賦體雕刻,習賦者病經旨淵微,心有弗精,智難兼濟。又其甚 建 老 人恩數如舊,第二、第三人皆附第一甲,九名以上附第二甲焉。 部類試圖士第一等人,並賜進士出身,自是無有不赴御試者。惟遇不親策,則類省試第一 遠歸鄉試不及者,特就運司附試一次,仍別行考校,取旨立額。」 史監之。」道夫持益堅,事下國子監,祭酒楊椿曰:「蜀去行在萬里;可使士子涉三峽、冒重湖 議 生宿 ·試,則以累舉過省中數立爲定額而分之。 ,論旣併場,策問太寡,議論器識,無以盡人。 士守傳注, 史學盡廢,此後進往往得志, 而 ,四川類省試始從朝廷差官。 一者以爲兩科旣分,解額未定,宜以國學及諸州解額三分爲率,二取經義,一取詩賦。 欲革其弊,一監試得人足矣。」遂詔監司,守倅賓客力可行者赴省,餘不在遣中。 三十一年,禮部侍郎金安節言:「熙寧、元豐以來,經義詩賦,廢興離合,隨時更革,初無 初,類試第一人恩數優厚,視殿試第三人,賜進士及第;後以何耕對策忤[秦檢,乃改禮 儒 初, 多困也。 詔川、廣進士之在行都者,令附試兩浙轉運司。 請復立兩科,永爲成憲。」從之。於是士始有定嚮,而得專所習矣。 韶下其議,然竟不果行。 隆興元年, 御試第一人承事 是年韶三四川等處進士,路 既而

第

百九

選舉

教。二年,御試,始推登極恩,第一名宣義郎,第二名與第一名恩例,第三名承事郎 名賜同學究出身,第二名至本等末補將仕郎,第二等至第四等賜下州文學,第五等諸州助 郎、簽書諸州節度判官,第二第三人文林郎、兩使職官,第四第五人從事郎、初等職官,第六 賜進士及第並文林郎,第二甲賜進士及第並從事郎,第三、第四甲進士出身,第五甲同進士 《至第四甲並迪功郎、諸州司戶簿尉,第五甲守選。 乾道元年,詔四川特奏名第一等第一 特奏名第一名賜進士出身,第二、第三名賜同進士出身。 第一甲

並不許牒試。六年,詔諸道試官皆隔一郡選差,後又令歷三郡合符乃聽入院,防私弊也 帝欲令文士能射御,武臣知詩書,命討論殿最之法。淳熙二年御試,唱第後二日、御 四年,裁定牒試法: 文武臣添差官除親子孫外並罷,其行在職事官除監察御史以上,餘

旨;第五 中等,減二年磨勘;一箭中帖及一箭上垛為下等,一任回不依次注官;上四甲能全中者取 中焉。天子甚悅。凡三箭中帖爲上等,正奏第一人轉一官,與通判,餘循一資,二箭中爲 其日,進士具襴笏入殿起居(三),易戎服,各給箭六,弓不限斗力,射者莫不振厲自獻,多命 引按文士詹殿以下一百三十九人射藝。翌日,又引文士第五甲及特奏名一百五十二人。 一甲射入上等注黃甲,餘升名次而已。特奏名五等人射藝合格與文學,不中者亦

賜帛。

百九 選舉二

今三名取一,寘第四等以前,餘並入第五等,其末等納敕者止許一次,潛藩及五路舊升甲者 五年,以階、成、西和、鳳州正奏名比附特奏名五路人例,特升一甲。 四年,罷同文館試。又命省試簾外官同姓異姓親若門客,亦依簾內官避親法,牒送別 六年,詔特奏名自

今但升名。其後又許納敕三次,爲定制焉。

非盛世而恥談之,然其進取之得失,守禦之當否,籌策之疎密,區處兵民之方,形勢成敗之 月,太常博士倪思言:「舉人輕視史學,今之論史者獨取漢、唐混一之事,三國、六朝、五代爲 與攝助教。凡試藝于省闈及國子監、兩浙轉運司者,皆禁燭,其他郡國,率達旦乃出。十 闇,日昃已燭出矣。凡賜燭,正奏名降一甲,第五甲降充本甲末名,特奏名降一等,第五等 策爲重,毋止以初場定去留。」從之。 跡,俾加討究,有補國家。請諭春官:凡課試命題,雜出諸史,無所拘忌;考覈之際,稍以論 十一年,進士廷試不許見燭,其納卷最後者降黜之。舊制,廷試至暮許賜燭,然殿深易

林學士洪邁言:「貢舉令:賦限三百六十字,論限五百字。今經義、論、策一道有至三千言,賦 篇幾六百言,寸晷之下,唯務貪多,累牘連篇,何由精妙?宜俾各遵體格,以返渾淳。」 時朱熹嘗欲罷詩賦,而分諸經、子、史、時務之年。其私議曰:「古者大學之教,以格物 十四年,御試正奏名王容第一。時帝策士,不盡由有司,是舉答本第三,親擢爲榜首。翰

之禮 北史為 者。 題 法,試策各二道。又使治經者各守家法,答義者必通賈經文,條舉衆說而斷以已意,有司 其一而不及其餘。 致 則分諸子爲 養秋及三傳爲一科,而酉年試之。 知爲 必依章句,如是則士無不通之經、史,而皆可用於世矣。」其議雖未上,而 凡易、詩、 而 已非正經,而 先 一學者一旦豈能盡通?若合所當讀之書而分之以年,使之各以三年而共通其三 科,新舊唐書、五代史爲 ,而其考校之法,又以九年知類通達、強立不反爲大成。今樂經亡而 四科,而分年以附焉。 書爲 又廢其一。 一科, 若諸子之學同出於聖人, 而子年、 經之爲教已不能備,而治經者類皆捨其所難而就其易, 一科。 午年試之; 諸史則左傳、 義各二道,諸經皆兼大學、論語、中庸、孟子義 時務則 諸史則該古今興亡治亂得失之變,皆不 周禮、儀禮及二戴記爲一科, 而卯年試之; 律歷、地理爲一科(目),以次分年如經、子之 國語、史記、兩漢爲一科,三國、晉書、南 禮經闕 一道。 一四之 僅窺 可闕 論

射 ,不合格 光宗 初,以省試春淺,天尙寒,遂展至二月朔卜日, 者罷 賜帛 舊命官鎖廳及避親舉人同試。 三年,始令分場,以革假人試藝者,於 殿試于四月上旬。 郑昌 熙元 仍按

是四蜀皆然

省 弟 改 學及州軍學,各以月試合格前三名程文,上御史臺考察,太學以月,諸路以季。 相授,致天下士子不務實學。 崖 大學之書,以文其非。 寧宗慶元二年,韓侂胄襲秦檜餘論,指道學爲僞學,臺臣附和之,上章論列。 坐學官、提學司之罪。」是舉,語涉道學者,皆不預選。 奏請 毁除語錄。 旣 而 有葉適進卷、陳傅良待遇集,士人傳誦其文,每用輒效。 知貢舉吏部尚書葉翥上言:「士狃於偽學,專習語錄詭誕之說、 遂命有司:六經出題,各於本經摘出兩段文意相類者,合爲 四年,以經義多用套類,父子兄 其有 劉德秀在 舊習不 請令太

韶:「自 因 陳。 命自今詩 父兄得以 嘉 今礙格 一日假 泰 元年, 賦 竊窺,冒禁傳寫,而有司 一冊春秋太過,諸處解榜,多寘首選。 純正者寘之前列,春秋 、不礙格人試于 起居舍人章良能陳主司三弊: 漕 司 者 唯卓異者寘高等,餘當雜定,策題則必明白指問 乃取本朝故事, ,分院異題,永爲定制 一日沮抑詞賦太甚,旣暗削分數,又多置下 三日 藏匿 國史、實錄等書禁民私 本末,發爲策問 一藏,惟 寒 土 無 公卿 繇 虚 几 子弟 知。

題,以杜挾

册

儲偽之計

命 1]]: 諸 以 道漕 片言隻字取 開 禧 司 元 年 州府、 ,詔:「禮部考試, 人。 軍監,凡發解舉人,合格試卷姓名,類申禮部。 編排旣定,從知舉審定高下,永爲通考之法。 以三場俱優爲上,二場優次之,一 」二年,以舉人姦弊滋多, 候省試中 場優又次之,俱劣爲下。 牒發御史臺,

志

第

口 .禮部長貳參對字畫,關御藥院內侍照應,廷試字畫不同者,別榜駁放

經文。 者必寘于罰。 請,命朝官有親屬赴廷對者,免差充考校。 皆牒送。 制 望令革去舊習,使士子考注疏而辨異同,明綱領而識體要。」從之。 秋貢 惟臨軒親試,謂之天子門生,雖父兄爲考官,亦不避。 十五年,秘書郎 春試,皆置別頭場,以待舉人之避親者。 何淡至言:「有司出題,強裂句讀,專務斷章,離絕旨意,破碎 十二年,命國子牒試,禁假託宗枝、遷就服屬,犯 自總麻以上親及大功以上婚姻之 嘉定元年,始因議臣有

換卷 置 嚴; 逾甚 士子 核。 試院監 中 則 ¬, 曰 ,時謂之繆種流傳。 眩惑,莫知 其撰號法,上一字許同,下二字各異,以杜訛易之弊。 至 數弊 理宗朝,姦弊愈滋。 俟舉· 易號 大門、中門官, 八自淸。 人盡出 -, 曰 適從,才者或反見遺。 卷子出 士人暮夜納卷,易於散失。 院, 然後 乃一 外,日謄錄滅裂。 復容情任意,不 有司命題苟簡,或執偏見臆說,互相背馳,或發策用事訛舛,故 院襟喉切要,乞差有 路封, 分類抄上, 所取之士旣不精,數年之後,復俾之主文,是非顕 學之流,往往中第。 迨寶慶二年,左諫議大夫朱端常奏防戢之策,謂: 即付謄錄所。 宜令封彌官躬親封 風力者。 入試日, 謄錄人選擇書手充,不許代名 明旦, 而舉人之弊凡五:日 鐍 申逐場名 卷匱, 一切不許 土 傳遞。 數于御史臺檢 人親書 | 傳義 幕 門 唇投 禁旣 倒

許發解,然後禮部徧牒諸路及四川州軍。 悉從之,且命精擇考官,毋仍舊習。舊制,凡卽位一降科詔,及大比之歲,二月一日一降詔, 風 具姓名字樣,申院覆寫檢賞。 . 聞彈奏,重寘典憲。及出官錢,立賞格,許告捉懷挾、傳題、傳稿、全身代名入試之人。」 帝 傳義置窠之人,委臨安府嚴捕。其考官容情任意者,許臺諫 至是,以四川鎖院改用二月二十一日, 與降詔日

: 逼, 遂改用正月十五日奏裁降詔。

限 一員; 弊,以致覺察,則考官、監試一例黜退。初,省試奉敕差知貢舉一員,同知二員,內差臺諫官 禮部戒飭,前申號三日,監試會聚考官,將合取卷參驗互考,稍涉雷同,卽與黜落。 或仍前 與全篇,一家分傳謄寫;一則老儒賣文場屋,一人傳十,十人傳百,考官不暇參稽。於是命 不給,即展期 將鈴制士人,遂於三知舉外,別差同知一員,以諫官爲之,專董試事,不復干預考校,參詳 亦不差察官。於是約束峻切,氣燄薰灼。 至是,復舊制,三知舉內差一臺諫,十參詳內差一御史,仍戒飭試官,精加考校,如 |紹定元年,有言舉人程文雷同,或一字不差。其弊有二:一則考官受賂,或授暗記,或 參詳官若干員,內差監察御史一員。俾會聚考校,微寓彈壓糾察之意。 韓侂胄用事 嘉泰間,更名監試,其失愈甚,製造簿曆,嚴立程

一年,臣僚言考官之弊:詞賦命題不明,致士子上請煩亂;經義不分房別考,致士子多 志 第 百 九 選

用先儒說者取之,穿鑿撰說者黜落。」 年,臣僚請:「學校、場屋,並禁斷章截句,破壞義理,及春秋經越年牽合。其程文,本古注、 會有言:「獨士嗜利,多引商貨押船,致留滯關津。」自是,定以四月上旬廷試,更不移展。三 悖經旨。 遂飭考官明示詞賦題意,各房分經考校。 凡廷試,唯蜀士到杭最遲,每展日以待。

仍舊朝命四員,餘從制司分選 者彈劾治罪。初,四川類試,其事雖隸制司,而監試、考官共十員,唯大院別院監試、主文各 學,則廣致能賦者。主文必兼經賦,乃可充其職。監試或倅貳不勝任,必別擇人。 司量展揭封之期,庶考校詳悉,不致失士。於是命徧諭國子監及諸郡,恪意推行約束,違戾 員從朝命,餘聽制司選差。自安丙差四員之外,權委成都帥守臨期從近取具。是歲,始 四年,臣僚甚言科場之弊,乞戒飭漕臣嚴選考官。地多經學,則博選通經者;地多賦 仍令有

命諸郡關防,於投卷之初,責鄉鄰覈實,嚴治虛僞之罪、縱容之罰,其弊稍息。 章不精,考官困於披閱。幸皆中選,乃以兄弟承之,或轉售同族,姦詐百端,眞僞莫辨。乃 引試,中有一日之暇,甚至次日午方出。於是經義可作二三道,詩賦可成五六篇。舉人文 本名納卷,或別爲名,或易以字,一人而納二三卷。不禁挾書,又許見燭,閩、浙諸郡又間 時場屋上子日盛,卷軸如山。 有司不能徧覩, 迫於日限, 去取不能皆當。 蓋士人旣以

窘 命 '官鎖 īĪĪ 厂廳及 朝 1: 之被差爲大院考官者, 避親舉人,自紹熙分場各試, 恐多妨其親, 寒士憚之。 亦不 緣避親人七人取一,其額太窄,咸 願 差。 寒 上 於 鄕 舉千百

上 漕舉 中 以 遂罷 以 凡 官 府 安 -,得預 **I**礙格 一、共增 鄉 洮 可 水 皮 免者 里, 之。 不怨其親 詐 待 人各處收試, 其實· 秋 解 無 補 · , 並 薦 憤懣憂沮 額 復 或 有妨嫌 ,以數千里之遠,辛勤赴省;而 坐牒官、保官 一百七 祚 戚, 子 競。 生到 朝 十名。 福狽旅 者收試,每 上 五十人取放一人。 於是臨安、紹 |省者,與避親人同試於別 印 亦 邸 未幾,又命止 憚於被 者,彼此交怨,相視 百 人終場 興、温、台、 差。」從之。 合牒親 一許牒満 取一人,於各路州 省闡差官 福、婺、慶元、 院,亦將 旣 子 里親 爲讎 孫別項隔截收試, 加 以諸 子孫及門客,召見任 乃當 不下 至是, 路 處、池 軍 轉 數百 相 解額 運 避。 言 司 l 者謂 窄者量 牒試, 遂 人數旣多,其 不及五十人亦取一人。 有隱 ... 除 頭均添 多營求僞冒 官二員委保,與有 興化及 身匿 大院收試 名不 類自 庶 几 取一之 認親 1: Ш 外,以 之弊 寬 子各 諸 寒 戚 州

,權放三名。 初 舊制 唐、鄧 光 二州嘗陷于金, 州 至 解 是,已五 額 七名,渡江 六 十年 金滅, 後爲 ·, 舉 復得 人十倍 極 邊 其 一、士子 地, 子前 命仍舊 。逐命 稀 少 , 類試于襄陽,但別 權 復還舊 赴 試 額 鄰 州 浮熙間 號考校,以優 本州自 置 新 科 14

端平元 年 ,以牒試已罷 ,解額旣增,命增額州郡措置關防, 每人止 納一卷, 及開貢院添

令別試 差考官。 遂命將 院 兩 時 項 分 混 項 有言 異 同 !收試考校,均作六十取一; 處收試,已爲 門客及 隨侍親子 煩碎 孫五十人取 兼 兩 項 京學見行食職事生員二百二十四名, 士 一人習賦 一,臨安府學三年類申人漕試 |習書之外,習他經者差少,難於取放 七十取 別 項發號 又

考校,不限經

賦

,取放

名。

校。 沓至,知舉倉卒不及,遂致遺才, 廂等人,謹 仍舊差臺諫爲監試。 檢、三參詳、三知舉,庶得詳 干,則各差試官若干,不至偏 試卷不遵舊式, 侍 御 史李鳴復等條列建言 切巡邏,有犯,則鐫黜官員。 務從簡 懷 (挾之禁不嚴, 審。 便, 重 一。」並從之。 ,謂:「臺諫充知舉、參詳, 試官互考經賦,未必精熟,欲乞前期約度試卷,經、賦 點檢、 欲乞試院隨房置 皆爲 考校不精,多緣點檢官不時供卷,及開院日 參詳穿聯爲 具文, 欲乞懸賞募人告捉,精選強敏巡按官及 層程 _**,** 督,點檢官書所 欲乞必如舊制, 三場試 既留心考校,不能檢柅姦弊, 供 、卷數 一
逐 卷分送 日 迫 押 試試 欲乞 唇考 凡岩 = 卷 八

增放。 各書 於 歸 本 绵 嘉 貫 就 熙 又罷諸路轉運司及諸州軍府所取待補國子生,自明年並許赴國子監混試。以士子數 ()不問 試 元年 者 - ,罷諸牒試,應郞 , 其所從來,而定其名 並混 同 試 于轉 運 官以上監司、守倅之門客及姑姨同宗之子弟,與游 司, 「寓試」, 各從所寓縣給據, , 以 四 十名爲 徑赴 額 司 就試 納卷, 一如鄉 如满五 十人,则 舉之法。 臨 士之不 時 家狀 取 便

湖制置司於江陵別立貢院,取德安府、 各路士人就試焉。 多、命於禮部及臨安轉運司兩試院外,紹興、安吉各置一院,從朝廷差官前詣,同日引試,分 同在京,不許見燭。 荆門軍、歸峽復三州及隨、郢、均、房等京西七郡士 是年,已失京西諸州軍,士多徙寓江陵、鄂州,命京

(`)別差官混試,用十二郡元額混取以優之。

之人, 限主保官、舉人一月自首, 舉人駁放, 主保官免罪; 出限不首者, 仍照前條罪之。 凡 不許謄錄人干預,以革其弊。 爾、不許混亂;却別差一吏將號置曆,發過謄錄所書寫。其簿、曆,封彌官收掌,不經吏手, 類試卷,封彌作弊不一。至是,命前期於兩浙轉運司、臨安府選見役吏胥共三十人,差近上 許投納試卷。 試人躬赴監。 受價以鬻。 名部轄入院,十名專管詩賦,餘分管諸經。各隨所管號,於引試之夕,分尋試卷,各置簿封 牒試旣體,又復冒求國子,士大夫爲子弟計者,輒牒外方他族,利爲場屋相資,或**公**然 命徧諭百官司知雜司等:如已準朝廷辨驗,批書印紙,批下國子監收試,即報 冒牒官降官罷任,或一時失於參照,誤牒他族,許自陳悔牒一次。 冒牒中選 一姓結爲一保,每保不過十人,責立罪罰,當官書押,遞相委保,各給告示,方

「國子牒試之弊,冒濫滋甚。在朝之士,有強認疎遠之親爲近屬者,有各私親故換易而互 一年,省試下第及遊學人,並就臨安府給據,赴兩浙轉運司混試待補太學生。臣僚言:

殿學 牒者: 者,有 取 並 明,先期取本官知委狀,仍立賞格,許人指實陳首。 體 取一,較之他處雖甚優,而 文藝素乏、執格法以求牒轉售同姓以謀利者。 有爲 保官亦與連坐。 權勢所軋 、人情所牽應命而泛及者,有自揆子弟非才、 專令御史臺覺察,都省勘會。 取無定額 , 士有疑心, 就試者少。 冒牒之官,按劾鐫秩; 今後令牒官各從本職長官具朝典狀 類申門客、滿里子孫仍前漕試, 宜令額寬而試者衆,塗一 牒同姓之雋茂利其假 受牒之人, 駁放 而 手

雖 員 郡 多不增 附 州 別 淳祐 鎭 郡 淳 胄 項 胄試 嵗 江 站 ·舉同避親人並就別院引試,使大院無卷冗之患,小院無額窄之弊。」從之。 考校、照各州元額 了; 如 元年,又復赴別院,是使不應避親之人抑而就此,使天下士子無故析而爲二,殊失 府秋試,淮西 有兵 元年,臣僚言:「既復諸路漕試,合國子試、兩項科舉及冤舉人,不下千數。 無親 不及五千人,止 一個 Ħ 士子 避者亦 州郡 不得以時赴鄉試, 許試,或謂 取 附建 放。 依 完 康試,蘄黃光三州、安慶府附江州試。三試所各增差試官二 額。 是歲, 時相徇於勢要子弟故 別院之試,大率士子 兩浙轉運 且漕司分差試官,路梗不可徑達。三年,命淮 司寓試終 也;端 場 與試官實 満 Лī. 平 千人,特命增放 初, 撥歸大 有 親嫌者, 院 紹定間,以 二名,後 時 准 宜復 寒雋 東 州 便 撥 南

別試之初意。至是,依端平釐正之,復歸大院。

治罪。 其籍 土士子同工,請授兩准、荆襄例別考。」朝廷從其請。 。」於是令自本貫保明給據,類其姓名先申禮部,各州揭以示衆,犯者許告捉,依鬻舉法 九年,以臣僚言: 「士子又有免解偽冒入試者,或父兄沒而 十二年,廣南西路言:「所部二十五郡,科選於春官者僅一二,蓋山林質樸,不能與中 自是,廣南分東、西兩路 竊代其名,或同族物故而

則 部 如 司 省、殿中選,將元曆發下御史臺考察,以憑注闕給告。 不收試。候出官日赴吏部繳納,換給印紙。 ,又批赴省之年,長貳印署。 加稽驗。 給帖赴省,別給一曆,如命官印紙之法,批書發解之年及本名年貫、保官姓名, 寶祐 二年,監察御史陳大方言:「士風日薄,文場多弊。乞將發解士人初請舉者,從所 目前 [偽冒之人,可不却而自遁。] 遂自明年始行之。 赴監試者同。 如將來冤解、冤省,到殿批書亦如之。 應合冤解、冤省人,亦從先發解處照此 士子得曆,可爲據證;有司因曆, 執赴 如無曆 給曆。 禮

躯, 證 橋 實,並 門者,不逃於本齋之職事。遂命今後本州審察,必責同舉之聯保,監學簾引,必責長論之 鄉 加 貢、監補、省試皆有覆試,然銓擇猶未精,其問 稽 |使結罪,方與放行。 驗。 凡覆試,令宰執出題,不許都司干預,仍日輪臺練一員,簾外監試。 中書覆試,凡涉)再引,非繫雜犯,並先箚 .濫名充貢者,不可欺同舉之人,冒選 報各處漕司,每遇 四年、命 詔

志

第

H

ナム

選舉

廷 補 罪狀,申尙書省、御史臺及禮部,所屬各置簿籍,存留照應。 遇屬子孫登科、發解、入學、奏 在 限員,於內牒能應舉人就試,以革冑牒冒濫之弊。 .朝之臣,除宰執、侍從、臺諫外,自卿監、郎官以下至釐務官,各具三代宗支圖三本,結立 事 故,並具申入鑿。 後由外任登朝,亦於供職日後,具圖籍記如上法。 遇胄試之年、照朝

官、二令大功以上親增作十五人,六院、四轄、省部門、史館校勘、檢閱大功以上親增作十 以上親增作二十七人,卿監、郎官、祕書省官、四總領小功以上親增作二十人,寺監丞簿、學 人,臨安府通判牒大功以上親增作八人,餘應牒親子孫者,一仍舊制。 景定二年,胄子牒試員:宰執牒總廠以上親增作四十人,侍從、臺諫、給事中、舍人小功

郡 檢試卷官兼考雷同,又監試兼專一詳定雷同試卷,不預考校。遂罷簾外點檢雷同官,國子 子數多,增參詳官二員,點檢試卷官六員。又以臣僚條上科場之弊,以大院別院參詳官、點 間 以鄉貢終場人衆而元額少,自咸淳九年爲始,視終場人多寡,每二百人取放一名。 日者,不惟止可以惠不能文之人,適足以害能文之士,遂一遵舊制,連試三日。時諸州 度宗初,以雷同假手之弊,多由於州郡試院繼燭達旦,或至次日辰、已猶未出院,其所以 以

監解試雷同官亦罷

榜 五月五 之前 引皆未當,旣不可謂之亮陰,又不可不赴廷對,乃饭召試館職之制而 以 之臣及考校官。 自 釽 文不繆、說理優通、覺非假手卽取,非才不通就與駁放。 中年長者一人,狀元拜之,復擇最少者一人拜狀元。所以侈寵靈,重年好,明長 擇 隆暑爲請,復命立 等人,不許縱容士子拋離座案,過越廊分,爲傳義假手之地。 時成都已歸附我朝,殿試擬 " 點差有出 同 制 新 先是,州郡鄉貢未有覆試。會言者謂冒濫之弊,惟在鄉貢,遂命漕臣及帥守於解試揭曉 舉 升之彦,分職有差。 進 日,以蜀士至者絕少,展至末旬。 無常科,所以待天下之才傑,天子每親策之。 士舊有期集,渡江後置局於禮部貢院,特旨賜餐錢,唱第之三日赴焉。 .身倅貳或幕官專充覆試。 十年,省試,命大院、別院監試官於坐圖未定之先,親監分布坐次,嚴禁書 |秋後擇日。七月八日,度宗崩,竟不畢試。 朝謝後拜黃甲,其儀設褥于堂上,東西相向,皆再拜。 盡一日命題考校,解名多者,斟酌分日。 又因覆試特奏名至部猶少,展作六月七日。 近臣 然宋之得才,多由 如將來省覆不通,罪及元覆試漕守 嗣君卽位,下禮部討論, 行之。 進士,而以是科應 上三人得 少也。 拜已,擇 但能

援

行

詔 者 少。 志 惟 第 召試 百 館 九 職 及後來博學宏詞,而得忠鯁文學之士。 選 舉 或起之山林, 或取之朝著

及對策,詞理疏闊,不應所問,賜酒饌宴勞而遣之。 乾德初,以郡縣亡應令者,慮有司舉賢之道或未至也,廼詔許士子詣闕自薦。 舉直言極諫一人,堪爲師法一人,召陶穀等發策,帝親御殿臨視之,給硯席坐于殿之西隅。 **教化凡三科,不限前資、見任職官,黃衣、草澤,悉許應韶,對策三千言,詞理俱優則中選。** 之州縣,多至大用焉。 太祖始置賢良方正能直言極諫、經學優深可爲師法、詳閉 四年,有司僅 吏理達於

皆號呼乞趸,乃悉罷去。 講武殿,率不如詔。猶自陳素習武事,復試以騎射,輒願隕失次。帝紿曰:「是宜隸兵籍。」 學士李昉等於禮部試其業,一無可采。 送闕下,如無人塞詔,亦以實聞。 開寶八年,詔諸州察民有孝弟力田、奇才異行或文武材幹、年二十至五十可任使者,具 詔劾本部濫舉之罪。 九年,諸道舉孝弟力田及有才武者凡七百四十人,詔翰林 而濮州以孝悌薦名者三百七十人,帝駭其多, 召 對

邊、洞明韜略運籌決勝、軍謀宏遠材任邊寄等科,詔中書門下試察其才,具名聞奏,將臨軒 親策之。 查道等七人,皆入第四等。景德二年,增置博通墳典達於教化、才識兼茂明於體用、武足安 官、草澤中,各舉賢良方正一人,不得以見任轉運使及館閣職事人應詔。 咸平四年, 韶學士、兩省御史臺五品、尚書省諸司四品以上(云),於內外京朝幕府州縣 自是應令者寖廣,而得中高等亦少。 是年,策祕書丞

因兵荒災變,所以詢訪闕政。今國家受瑞登封,無闕政也,安取此。」 迺罷其科,惟吏部設宏 制誥,或三篇,或一篇,中格則授以館職。 百五十字。 太宗以來,凡特旨召試者,於中書學士舍人院,或特遣官專試,所試詩、賦、論、頌、策、 東封及祀汾陰時,獻文者多試業得官,蓋特恩也 景德後,惟將命爲知制誥者,乃試制誥三道。]。時言者以爲:「兩漢舉賢良,

詞、拔萃、平判等科如舊制

然後天子親策之。 科, 茂材異等科, 以待布衣之被舉者。 其法先上藝業于有司, 有司較之, 然後試祕閣, 中格, 以待京、朝之被舉及起應選者。 也,其復置此科。」於是增其名,曰:賢良方正能直言極諫科,博通墳典明於敎化科,才識兼 茂明於體用科,詳明東理可使從政科,識洞韜略運籌帷幄科,軍謀宏遠材任邊寄科,凡六, 仁宗初,詔曰:「朕開數路以詳延天下之士,而制舉獨久不設,意者吾豪傑或以故見遺 又置書判拔萃科,以待選人。又置高蹈丘園科,沉淪草澤

不 · 十年 也; 進 賢」,何也? 治平三年,命宰執舉館職各五人。先是,英宗謂中書曰:「水潦爲災,言事者云『咎在不 有 至 臣 |輔相者,今第一人兩任方得試,而第二人以下不復試,是高科路塞矣。 .薦舉,一路也; 」歐陽脩曰:「近年進賢路狹,往時入館有三路,今塞其二矣。進士高科,一 因差遣例除, 一路也。 往年進士五人以上皆得試,第一人及第 往時大

志

第

Ħ

ル

選舉

以 蔡延慶等十人,餘須後時。」神宗以進士試策,與制科無異,遂詔罷之。試館職則罷詩、賦,更 臣 凡二十人,皆令召試,宰臣以人多難之。帝曰:「旣委公等舉之,苟賢,豈惠多也。 病之人。 薦 舉卽 此臣 诏 試,今只令上簿候缺人乃試,是薦舉路塞矣。 所謂 薦舉路狹也。」帝納之,故有是命。 韓琦、曾公亮、趙槩等舉蔡延慶以下 惟有因差遣例除者 半是年勞老 先召試

更張,弊源尚在(10)。願傲故事, 制,又謂『朝廷特除,不在此限』。則是人材高下,資歷深淺,但非奏舉,皆可直除「云」, 實素著,治狀顯白,或累持使節,或移鎭大藩,欲示優恩,方令貼職。今旣過聽臣言,追復舊 並 其果可長育,然後召試,非試毋得輒命,庶名器重而賢能進。」三年,乃詔:「大臣奏舉館職, 貴之薦。 儲之英傑之地以飭其名節,觀以古今之書而開益其聰明,稍優其廩,不責以吏事,所以滋 長徳器,養成名卿賢相也。 六首,御試策一道,召試、除官、推恩略如舊制(云)。右正言劉安世建言:「祖宗之待館職也, 如舊召試、除授,惟朝廷特除,不用此令。」安世復奏曰:「祖宗時入館,鮮不由試。惟其望 元祐二年(t),復制科。凡廷試前一年,舉奏官具所舉者策、論五十首奏上,而次年試論 未嘗較試,遂獲貼職,多開倖門,恐非祖宗德意。望明詔執政,詳求文學行誼,審 近歲其選寖輕,或緣世賞,或以軍功,或酬聚斂之能,或徇 **資序及轉運使,方可以特命除授,** 庶塞僥倖,以重館職 名爲

之選。」

親屬 銘、誠論、序記用古體或駢儷,惟詔誥、赦敕不以爲題。 用不 人。」政和 年詔:「宏詞科格法未詳,不足以致文學之士,改立 守官則 人,中程則上之三省覆試之,分上、中二等, 「今進士純 可闕 毋得試。 受代乃請,率以春試上舍生附試,不自立院也。 聖初,哲宗謂:「制科試策,對時政得失,進士策亦可言。」因詔罷制科。旣而三省言: 增爲 了,且無以棄收文學博異之士。」遂改置宏詞科,歲許進士及第者詣禮部請試,如 用 經術 五. 宣和罷試上舍,乃隨進士試于 人。 如詔誥、章表、箴銘、賦頌、赦敕、檄書、露布、誠諭,其文皆朝廷官守日 不試檄書,增制誥,以歷代史事借擬爲之,中格則授館 推恩有差; 一禮部 詞學兼茂科, 歲附貢 凡試二日四題,試者雖多,取毋過 試章表、露布、檄書用駢儷體,頌、箴 詞 藝超異者,奏取旨命官。 士院試,取 職。 宰臣 少毋過三 大 執政 觀 DU 見 五

不試 夫以 文中子內出題,學士兩省官考校,御史監之,四通以上爲合格。 仍分五等,入四等以上者 參考之,分爲三等,次優以上,召赴祕閣,試論六首,於九經、十七史、七書、國語、荀揚管子 "; 们J 上、御史中丞、學士、待制各舉一人。 紹 興 IF. 元年,初復館 字或試 或否。 職試,凡預召者,學士院試時務策一道,天子親覽焉。 二年,韶舉賢良方正能直言極 凡應詔者,先具所著策、論 諫科, 一遒舊制,自尙 五. 十篇 繳進,兩省侍從 書兩 然是時校書多 省諫議 大

布衣 擢 劉度 親策之。 七 年 五 等爲下,視廷試第四人, 賜進士出身; ,以太陽有異,令中外侍從各舉能直言極諫一人。 即除鈴樞 第三等爲上,恩數視廷試第一人,第四等爲中,視廷試第三人,皆賜制 密院編修官,而度不果召。 自是詔書數下,未有 不入等者與簿尉差遣,已仕者則進官 是多,呂祉舉選人胡銓 應 一,汪 與升 科出

守臣 不必 名賢 薦揚之路 廣 出焉 解 孝宗 送 ,振起多士 乾道二年 天下之士,屛處山林,滯跡遐遠,侍從之臣,豈能盡知。」遂如國初之制,止 請參稽前 ,苗昌言奏:「國初嘗立三科,眞宗增至六科,仁宗時並許 積年委靡之氣。」 遂詔 制,間歲 下韶,權於正文出題,不得用僻書註疏 禮 部 集館 職、學官雜議,皆曰:「註 ,追復天聖 疏 布衣應詔 誠 一十科 印 令監 略 ,於是 科 開 司、 廣

時考官 卷多不 政,未聞責以記誦之學,使才行學證如是、懂之倫、雖註疏未能盡記,於治道何損。」帝以爲 九經、語、孟 詔 🖽 : 「自今有合召試者, 七 [命題 年日日 知 題 多暗 丙註 目 , 韶舉制科以六論, 增至五 所 僻, 出 疏或子史正文, 有僅及二通者。」帝命 失求言之意,臣僚請 舉官 即以名聞。」明年 以見尊經之意。 |通爲合格,始命官、糊名、謄錄 賜東帛罷之,舉官皆放罪 遵天聖、元祐 春, 從之。 李巘 故 初, 言:「賢良之舉" 事 制科取 以經題爲第 士必以三年, 舊試 如故事。 六 本求讜 題 篇, 試院言:「文 然後 言以 明 神闕 雑出

然,乃復罷註疏。

土出 改秩,無出身人賜進士及第,並免召試,除館職。 之秀者皆得試。 爲三場、每場體製一古一今。遇科場年,應命官除歸明、流外、入貲及犯贓人外, 多至卿相、翰苑者。 [身,下等減二年磨勘,無出身人賜同進士出身台]:並許召試館職。 南渡以來所得之 高宗立博學宏詞科,凡十二題、制誥、詔表、露布、檄、箴銘、記贊、頌序內雜出六題,分 先投所業三卷,學士院考之,拔其尤者召試,定爲三等。上等轉一官,選人 中等減三年磨勘,與堂除,無出身人賜進 ,公卿子弟

資。 少。 必拘額 場,引試 稱 詞學科。」從之。 他時 今欲除博學宏詞科從舊三歲一試外,更降等立科。 理宗嘉熙三年,臣僚奏:「詞科實代王言,久不取人,日就廢弛。 須有出身人就禮部投狀,獻所業, 中選者與堂除教授, 北門、西掖、南宮舍人之任,則擇文墨超卓者用之。 淳祐初,罷。 已係教官資序及京官不願 景定二年,復嘉熙之制 如試敎官例。 就教授者 止試文辭,不貴記問。 每 歳附 其科目, · 銓聞引試,惟 京官減磨勘, 蓋試之太嚴,故習之者 則去『宏博』二字, 命題 取合格 選 止分兩 人循一 止 不

授試 試,餘召試 官,不以涖職,隨廢。 召試學官六十人,而所取 格 學審其可者使兼之。 人,以重其選。」從之。 ;r ; 法,即舍人院召 初 制 科及進士 内 兩 外學官多朝 經大義各 甲第、禮部 試 元祐 或用 大義 廷特注,後稍令國子監取其舊試藝等格優者用之。 一道,合格 四人,皆知名之士,故學者厭 元豐武法,更革無常。 自是或如舊法, 中,罷試法,已而 五. 奏名在上三人、府監廣文館第 道。 則授敎官。 元豐七年,令諸州 論薦 中書選注。 元符中,增試 益衆,乃詔 無敎官, 服。 又嘗員外添置八行應格人爲大藩教 人、 近試率三人取一,今欲十 須命舉乃得 經 則 長東選在任官 從太學上舍得第, 政和二年,臣僚言:「元豐 奏。 熙寧 紹 上其 聖 八年,始立 初,三省 名,而 皆不待 人始取 立 監 教

部附試,自嘉泰元年始。 坂二經,各出 兩 自 朝 場試之。 廷 高宗 選差。 初年,復教官試。 初任爲諸州教官, 兩題,毋拘義式,以貫穿該贍爲合格。 已而又復之,凡有出 紹 由 興 是爲 一,議者謂:「欲爲人師 身者許應,先具經義、 兩學之選。 + 其後, 五. 年, , 1111 詩、賦各三首赴禮部,乃下省闈,分 從國子監丞文浩所言,於六經 四川制置司遇類省試年,亦做禮 自獻以 求進,非禮 也。」乃罷試 中 IIII

尋復 真宗景 召殊試賦、論,帝嘉其敏赡,授秘書正字。 凡 德二年 童子十五歲以下, ,撫州晏殊、大名府姜蓋始以 能通經作詩賦,州升諸 童子召試 後或罷或復。 朝 詩 而天子親試之。 赋, 賜 自仁宗卽位,至大觀末,賜出 殊進士出 其命官、 身, 蓋同學究出 **死舉無常格**。 身。

身者僅二十人。

須 道 不 朝童子以文稱者,楊億、宋綬、晏殊、李淑,後皆爲賢宰相、名侍從。 王克勤始以程文求試。 子、集,或誦御製詩文,或誦兵書、習步射,其命官、 命嵗取三人,期以季 過記 卓絕能文者, 語孟義各一道、或賦一道、詩一首爲上等,與推思;誦書外能通 止能 建 誦,宜稍艱其選。」八年,始分爲三等:凡全誦六經、孝經、語、孟及能文,如六經義三 炎二年, 用舊制 誦六經、語、孟爲下等, 許諸 春集闕下。 郡薦舉。 內殿引見,孝宗嘉其警敏,補從事 親試童子,召見朱虎臣,授官賜金帶以寵之。後至者或誦經、史、 先試于國子監,而中書覆試之,爲永制焉。 発文解 一次。 覆試不合格者,與賜帛。 **免舉,皆臨期取旨,無常格**。 , 郎, 令祕閣讀書。 今郡國舉貢,問其所能 一經,爲中等,免文解兩 寧宗嘉定十 理宗後罷 會禮部言:「本 淳熙中, 此 应

薦言。 劉蒙以下二十二人試舍人院,賜官有差,亦足以見幽隱必達,治世之盛也。 失實,而朝廷亦厭薄之。 較著者也。 科 若治平之黃君俞,熙寧之王安國,元豐則程頤,元帖則陳師道,元符則徐積,皆卓然 目 . 旣設,猶慮不能盡致天下之才,或韜晦而不屑就也,往往命州郡搜羅 熙寧三年,諸路搜訪行義爲鄕里推重者,凡二十有九人。至, 則館之太學,而 其後,應詔者多 ,而公卿得以

度以後 國 之資,講明一代正學,以尤袤、楊萬里之薦召之,固以疾辭,竟以僞學貶死, 振清節,厲頹俗。 節,張志行之高尙,劉勉之、胡憲之力學,則賜出身,俾教授本郡,或賜處士號以寵之。 高宗垂意遺逸,首召布衣譙定,而尹焞以處士入講筵。其後束帛之聘,若王忠民之忠 勢日迫,賢者肥遯,迄無聞焉。 如徐庭筠之不出,蘇雲卿之晦跡,世尤稱焉。 寧宗慶元間,蔡元定以 衆咸惜之。 所以 高明

校勘記

諸道 提 刑 司 邀官即轉運置司州軍引 試 轉 運」二字原舛置「提刑」下,據繫年要錄卷一一、通考

卷三二選舉考改。

中禁程文全用本朝 人文集或歌頌及佛書全句者皆不考 「皆不考」三字行。 按通考卷三二選舉

考記此事說::「太學博士王之望言!! 舉人程文或純用本朝人文集數百言,或歌頌及佛書全句,舊 式皆不考,建炎 初悉從刪 去,故犯者多。」詔申嚴行下。」繫年要錄卷一五六所載略同,三字當係

從「舊武皆不考」句誤

- 進士具欄笏入殿起 居 襴 原作一欄一據朝野雜記甲集卷一三新進士延射條改正。
- _, फ्र्य 時務則律歷地理爲一科 則」字原脫,據通考卷三二選舉考、朱文公文集卷六九學校貢聚私議

- 五 何淡 於此 四一、通考卷三二選舉考都作「何淡」,「淡」與「澹」通而訛。今改 ?時反爲祕書郞;本書卷三九四何澹傳未載此事, 原作「何澹」,按何澹是另一人,於慶元二年除參知政事, 也未說他做過祕書郎。 見本書卷二一三字輔表, 宋會要選果六之 不得
- (子) 學士兩省御史臺五品尚書省諸司四品以上 宋會要選舉一〇之七乙正。 「御史臺」、「五品」原倒置, 據本書卷六眞宗紀
- (中) 元祐二年 「二年」原作「元年」,據本書卷一七哲宗紀、宋會要選舉一一之一五和二〇改。
- **3** 凡廷試前一年舉奏官具所舉者策論五十首奏上而次年試論六首御試策一道召試除官推恩略如 舊制 「凡」至「首」十八字原舛置「舊制」下,據宋會要選舉一一之一五移正。
- これ 但非奏舉皆可直除 志 第 百 九 校 勘 「非」字原脫,據長編卷四一二、劉安世盡言集卷一論館職乞依舊召試再奏 記

補。

 $\frac{1}{100}$ 弊源尚在 「尙」原作「而」,據同上書同卷改。

七年 承上文當指乾道七年。但據宋會要選舉一一之三三、朝野雜記印集卷一三,制舉六論以

五通爲合格係淳熙四年事,此處疑有誤。

 \equiv 初制科取士必以三年十一年詔 十一年,而乾道實只九年,中興聖政卷六一繫此事於淳熙十一年,和本書卷三五孝宗紀合,據以 「十一年」三字原舛置「初」上。承上文,此處「十一年」當指乾道

移正。

= 同進士出身 「同」字原脫,據宋會要選舉一二之一一、朝野雜記甲集卷一三補。

宋史卷一百五十七

志第一百一十

選舉二一學校試 律學等試附

預。 凡公試,初場經義,次場論策。試上舍,如省試法。凡內舍,行藝與所試之業俱優,爲上舍 人,內舍生三百人,上舍生百人。 始入學,驗所隸州公據,試補外舍,齋長、諭月書其行藝于 太學生,以八品以下子弟若庶人之俊異者爲之。及三舍法行,則太學始定置外舍生二千 上等,取旨授官;一優一平爲中等,以俟殿試;俱平若一優一否爲下等,以俟省試。 行謂率教不戾規矩,藝謂治經程文。季終考于學論,次學錄,次正,次博士,後考于長 歲終會其高下,書於籍,以俟覆試,參驗而序進之。凡私試,孟月經義,仲月論,季月策。 凡學皆隸國子監。國子生,以京朝七品以上子孫爲之,初無定員,後以二百人爲額。

元祐間,置廣文館生二千四百人,以待四方游上試京師者。律學生無定員,他雜學廢

第一

Fi

選舉

辟 無常。 雅升之太學,而 崇寧建辟雍於郊,以處貢士,而三舍考選法乃遍天下。 學校之制益詳。 凡國子以奏蔭恩廣,故學校不預考選,其得入官賜出身 於是由州郡貢之辟 雍 由

·, 多由

「銓試。

舊數七十人,奉詔 初,國子監因周舊制,頗增學舍,以應蔭子孫隸學受業。 ·分習近經,然繫籍者或久不至,而在京進士、諸科 開寶八年,國子監上言:「生徒 ,常赴講席肄業,請 以補

任,監官驗之,亦聽附學充貢 景德間,許文武升朝官嫡親附國學取解,而遠鄉久寓京師,其文藝可稱,有本鄉命官保

監生之闕。」詔從之。

者之才。 患。 有 **斆學養成之法**,使與不肖並進, 年, 剖 務先聲病章句以拘牽之,則吾豪雋奇偉之士,何以奮焉。 夫遇人以 仁宗時,士之服儒術者不可勝數。 韶曰:「儒者通天、地、人之理,明古今治鼠之原, 有司其務嚴訓導、精察舉,以稱股意。)薄者,不可責其厚也。 則夫懿德 今股建學興 即位初, 版做行, 一 賜兗州 學者其進德修業,無失其時。 何以見焉?此 、善, 以尊子 可謂 學田,已而 大夫之行 博矣。 士有純明朴茂之美(1),而 取士之甚敝, 而學者自以爲 命藩輔皆得立學。 然學者不得騁其 ; 更制革敞, 其令州岩縣 以 說 虚學 無 m

皆立學,本道使者選部屬官爲教授,員不足,取於鄉里宿學有道業者。」由是州郡奉詔興學,

而士有所勸矣。

之法。 故或疾告、歸寧、皆給假,違程及期月不來參者,去其籍。 實,京朝官保任,始預秋試,每十人與解三人〇〇〇 H 學、律學三館學生,多致千餘。 限 天章閣侍講王洙言〔三〕「國子監每科場詔下,許品官子役然試藝〔三,給牒充廣文、太 居常聽講者,一二十人爾。」迺限在學滿五 就試試已,則生徒散歸,講官倚席,但爲游寓之所,殊無肄習 百日 凡入學授業,月旦即親書到 ,舊已嘗充貢者止百 後諫官余婦極言非便, Ħ, 曆。 本授官會其 遂罷聽讀 如 遇 私

聞 而 意後給牒,不中式者仍聽讀,若三試不中,則出之。 初 立四門學,自八品至庶人子弟充學生,歲一試補。 未幾,學廢。 差學官鎖宿、彌封校其藝,疏名上

服。 私試 間 數年,進天章閣侍講,猶兼學正。 二十餘年,世方尙詞賦,湖學獨立經義治 一罷,掌儀率諸生會于首善,雅樂歌詩,乙夜乃散。 有司請下|湖學,取其法以教太學。 時 太學之法寬簡,而上之人必求天下賢士,使專敎導規矩之事。 其初人未信服, 事齋, 謗議蜂起,瑗強力不倦,卒以有立。 以敦實學。 士或不遠數千里來就師之,皆中心悅 皇祐末, 召瑗爲國子監 安定胡瑗設教蘇、湖 直 每公

優者爲上舍,冤發解及禮部試而特賜之第。 神宗 尤垂意儒學,自京師至郡縣,既皆有學。 **遂顓以此取** 歲時月各有試,程其藝能,以差次升舍。 士。

異者, 授。帝嘗謂王安石曰:「今談經者人人殊,何以一道德? 八年,頒王安石書、詩、周禮義于學官,是名三經新義 講官受學, 舍,初不限員,後定額七百人;外舍升內舍, 直講爲十員,率二員共講一經,令中書遴選,或主判官奏舉。 以 錫 慶院 太學 主判、 及朝集院西廡建講書堂四,諸生齋舍、掌事者直廬始僅足用。 生員,慶曆嘗置內舍生二百人。 月考試其業,優等上之中書。 直講復薦之中書,奏除官。 其正、錄、學諭,以上舍生爲之,經各二員 始命諸州置學官, 熙寧初,又增百人,尋韶通額爲九百 員二百;內舍升上舍,員百。 卿所著經,其以頒行,使學者歸 率給田十頃贍士。 生員釐爲三等:始入學爲外 自主判官外, 各執一 人。 初置 經, 四年,盡 學行· 小 增置 從所

平二等(丟,升上舍:皆參攷所書行藝廼升。上舍分三等。學正增爲五人,學錄增爲十人, 舉法;而上舍試則學官不預考校。公試,外舍生入第一、第二等,升內舍; 人,上舍生百人。月一私試,歲一公試,補內舍生;間歲一舍試,補上舍生,彌 元豐二年,頒學令:太學置八十齋,齋各五楹,容三十人。外舍生二千人,內舍生三百 內舍生試 封、謄錄

學錄參以學生爲之。歲賜緡錢至二萬五千,又取郡縣田租、屋課、息錢之類,增爲學費。初, 額歸太學,其國子生解額,以太學分數取之,毋過四十人。 以國子名監 ,而實未嘗教養國子。 詔許清要官親戚 入監聽讀,額二百人,仍盡以開封府解

館生。 是,開封解額稍優,四方士子多冒畿縣戶,又隸太學不及一 罷廣文館,其額悉復還之開封府、國子監。 貢舉年試補館生,中者執牒詣國子監驗試,凡試者十人取一,開封考取亦如之。 部按舊制,凡試國子監者,先補中廣文館生,乃投牒求試。 哲宗時,初置在京小學,曰「就傅」、「初筮」,凡兩齋。 惟開封府元解百人許自試,其嘗取諸科二百、國子額四十者,皆以爲本館解額。 年不該解試者,亦往往冒戶。 元祐七年,遂依做其法,立廣文 復取太學額百人還開封府。 紹聖元年, 遇

冤解試者二十人而止。 詔:「太學生悉用元豐制推恩,上等卽注官者,歲毋過二人; 免禮部試者,每舉五人而 實,故入上舍而中上等者,得不經禮部試,特命以官。 莫善於此。 元祐新令,罷推恩之制。 宜復元豐法,以廣樂育之德。」又請三學補外舍生,依元豐令一歲四試。 仍計數對除省試發解額,其元祐法勿用。 紹聖初,監察御史郭知章言:「先帝立三舍法,以歲月稽其行 。責備而持久,故其得也難,誘掖激勸 諸三舍升補等法,悉推行 於是 止 ;

舊制。」

舍、外舍先自元豐補入者觅再試,餘非再試而中者皆降舍。察京上所修內外學制,始頒諸 在籍生亦重試。」乃詔在籍生再試,許取三分,創求補者半之;惟上舍生及是年充貢員內 三年,三省言:「元祐試補太學生不嚴,苟務多取,後試者無闕可撥,宜遵元豐初制, 雖

州。 補 學官自考,不謄錄,仍添試論一場。 而 上、內舍生,選有出 上舍一人,內舍二人,歲貢之。其上舍附太學外舍,試中補內舍生,三試不升舍, 以其半及他經。 其內含冤試, 元符元年,詔許命官補國子生,毋過四十人。凡太學試,令優取二禮,許占全額之半, 至則 復置春秋博士。 身官 __ 補爲外舍生。 人,同教授考選,須彌封、謄錄。 二年,初令諸州行三舍法,考選、升補,悉如太學。 諸路選監司一員提舉學校, 三年,太學試補外舍改用四季, 守熕董쒂其事。 遺還其 遇補試

州學,州學生每三年貢太學。 上舍,入下等補內舍,餘居外舍。 崇寧元年,宰臣請:「天下州縣並置學,州置教授二員,縣亦置小學。 至則附試,別立號。 諸州軍解額,各以三分之一充貢士。 考分三等:入上等補上舍,入中等補 開封府留五十五額 縣學生選考升諸 下等

志第一百一十 選舉三

復其身,內舍冤戶役,上舍仍冤借借如官戶法。 諸路增養縣學弟子員,大縣五十人,中縣四十人,小縣三十人。凡州縣學生曾經公、私試者 用國子生額解試。州給常平或係省田宅充養士費,縣用地利所出及非係省錢。」三年,始定 解土人之不入學者,餘盡均給諸州,以爲貢額。外官子弟親戚,許入學一年,給牒至太學,

仍增博士爲十員,正、錄爲五員,學生充學諭者十人,直學二人。」三含生皆繇升貢,遂罷國 學見制。國子祭酒總治學事,外學官屬,司業、丞各一人,稍減太學博士、正、錄員歸外學, 經試補入上舍、內舍,始得進處太學。太學外舍,亦令出居外學。其敕、令、格、式,悉用太 人,外舍三千人。外學爲四講堂、百齋,齋列五楹,一齋可容三十人。 士初貢至,皆入外學, 專處上舍、內舍生,而外學則處外舍生。今貢士盛集,欲增太學上舍至二百人,內舍六百 外學以受之,俟其行藝中率,然後升諸太學。凡此聖意,悉與古合。今上其所當行者:太學 學,周成均蓋在邦中,而黨庠、遂序則在國外。臣親承聖詔,天下皆興學貢士,卽國南郊建 補試 命將作少監李誠,即城南門外相地營建外學,是爲辟雍。蔡京又奏:「古者國內外皆有

任子 不係州土,隨所寓入學,仍別齋居處,別號試考。曾升補三舍生,後從獻助得官,其入 又置諸王宮大、小學教授,立考選法,凡奉祠及仕而解官或需次者,悉許入內、外學。

學視任子法 郡 發解及試禮部並罷。 凡任子,不問文武,須隸學滿一年,始得求試。 自是,歲試上舍,悉差知舉,如禮部試。 迺詔取士悉由學校升貢,其州

五年,著令:

其六爲· 博士。 選 充外舍。 取其四,以差升舍。其歲升中選者,得補外舍生。開封屬縣附辟雍別試,中者入辟雍 祥符生員,即辟雍別爲齋,敎養、升進如縣學法。願入鄰縣學者聽。 兩經 已嘗降而 凡縣學生隸學已及三月,不犯上二等罰,聽次年試補州學外舍,是名「歲升」。 《中格;中格已,以其名第自上而下參考察之籍;旣在籍,又中選,卽六人之中 每歲正月,州以公試上舍及歲升員,一院鎖宿,分爲三試。其公試,上舍率十取 隸學三年,經兩試不預升貢,卽除其籍,法涉太嚴。今令三年內三經公試不預 補內舍、貢上舍不及格,且曾犯三等以上罰,若外舍,卽除籍罷歸縣,內舍降外 私試不入等,若曾犯罰,亦除籍,再赴歲升試 惟赤縣校試,主以 開封

遣 食,皆以學錢給之。 免試入學。 限 凡 歲 州 終悉集闕下。 學上舍生升舍,以其秋卽貢入辟雅, 州守貳若教授詢審無謬,卽保任入貢,具實以聞,不實者坐罪有差。 如 有孝弟、睦姻、任恤、忠和,若行能尤異爲鄕 自川、廣、福建 入貢 (者,給借職券,過二千里給大將 長吏集闔郡官及提學官,具宴設以禮敦 里所 推,縣上之州, 劵, 續其路

志第一百一十 選舉三

學又及半年,不犯上二等罰,乃得注官。 內舍生。凡上等上舍生暨特舉孝弟行能之士,不待廷試推恩者,許卽引見釋裼。 歲試。每春季,太學、辟雍生悉公試,同院混取,總五百七十四人(云), 仍先以試文卷進人,得可乃引賜。若上舍已該釋褐恩,而貢入在廷試前一年者,須在 上等,即推恩釋褐;一百四十人爲中等,遇親策士許入試;一百八十七人爲下等,補 太學試上舍生,本慮與科舉相丼,試以間歲。 今既罷科舉,又諸州歲貢士,其改用 以四十七人爲

本州歲升試,是名「退送」。即內舍已降舍,而又一試不與,或兩犯上四等罰者,亦如外 舍法退送。 凡貢士入辟雍外舍,三經試不與升補,兩經試不入等,仍犯上三等罰者,削籍再赴 太學外舍生已預考察者,許再經一試,以中否爲留遣,餘升降、退送悉如辟

試,下等補內舍,不隸學,需再試。已仕在官而願試者,悉準此制 考。中選入上等者,升差遣兩等,賜上舍出身;文行優者,奏聞而殊擢之。中等俟殿 應試者,隨內外附貢士公試,皆別考,率以七人取一人。即預貢者,與辟雍春試貢士通 凡有官人不入學而願試貢士者,不以文、武、雜出身,悉許之,惟贓私罪廢入則否。

凡在外官同居小功以上親,及其親姊妹女之夫,皆得爲隨行親,免試入所任鄰州

郡學。 額,自用七人取一。 其有官人願學於本州者,亦冤試,升補悉如諸生法,混試同考,惟升舍不侵諸生 若中者多,卽以溢額名次理爲考察。 若所親移替, 願改籍他州學

者聽。

定而 察悉準在學人數,每內舍十人取五,外舍十人取六,自上而下分爲三等籍,以俟上舍考 差,仍推其法達之諸州。 官以中試之等參驗于籍,通定升絀高下,兩上爲上,一上一中及兩中爲中,一上一下及 今欲令辟雍、太學試上舍中程者,皆參用察考,以差升補。 州 中下、兩下爲下至。 解額,三分之,以爲三歲貢額,並令有司均定以聞。太學舊制,止分立優、平二等,自 參用之。 太學上、內舍旣由辟雍升入,又已罷科舉,則國子監解額無所用,盡均撥諸府、諸 貢士則以本州升貢等第,太學內舍則以校定等第。 若兩格名次等第適皆齊同,卽以試等壓考察之格,餘率以是爲 凡內外私試,始改用仲月,倂試三場,試論日仍添 其考察試格,悉分上、中、下 每上舍試考已定,知舉及學 律義。 凡考

隸籍者至千餘人,爲 是歲,貢 士至辟雍 不 如令者,凡三十有八人,皆罷歸,而提學官皆罰金。 一路最,縣丞徐秉哲特遷一 官。 建州浦城縣學生,

初立八行科, 韶曰:「學以善風俗, 明人倫, 而人材所自出也。 今法制未立, 殆無以厲 志第

於是兩科相望幾數十年,迺無一人卓然能自著見者,而八行又有甚敝。蓋後世欲追古制, 時固已咎其無所甄別。及八行科立,則三舍皆不試而補,往往設爲形迹,求與名格相應。 有牽合瑣細者。自元酤創經明行修科,主德行而略辭藝,間取禮部試黜之士,附寘恩科,當 名之。縣上其名於州,州稽於學,毋得補弟子員。然品目旣立,有司必求其迹以應令,遂 褐,優命之官;不能全備者,爲州學上等上舍,餘有差。」八刑則反八行而麗於罪,各以其罪 縣,縣延入學,審考無僞,上其名於州。州第其等,孝、悌、忠、和爲上,睦、婣爲中,任、恤爲 於朋友爲任,仁於州里爲恤, 之學校,兼行懲勸,庶幾於古。 而不知風俗敎化之所從出,其難固如此夫。 苟備八行,不俟中歲(云),即奏貢入太學,免試補爲上舍。司成以下審考不誣,申省釋 成周以六行賓興萬民, 知君臣之義爲忠,達義利之分爲和。凡有八行實狀,鄉上之 否則威之以不孝、不弟之刑。 近因稽周法: 立八行、八刑, 頒 士有善父母爲孝,善兄弟爲悌,善內親爲睦,善外親爲婣,信

詔三王畿立學,若不優誘使進,何以首善?其常解五十勿闕。」 開封始建府學,立貢士額凡五十,而士子不及三百,盡額而取,則涉太優,欲稍裁之。

升貢。 大觀元年,詔願兼他經者,量立升進之法。大抵用本經決去取,而兼經所中等第特爲 每歲附公試院而別異其號,每十五人取一人,分上、中、下等,別榜示之,唱名目,甄

赴 別 炭 奏聞,與升 (升試而不能升州學者,皆除其籍 甲, 皆優於專經者。 異時內外學官闕, 皆得在選。 諸路賓興會試辟雅,獨常州中選者多,州守若教授 縣學生三不赴歲升試及三

俱

遷一官

皆 注 雜修御試貢士敕令格式,又取舊制 額 補 一、初試 賜上 ıþ 少,則野有遺士,應諸路學校及百人以上者,三分增一。」七年,試高麗進士權適等四人, 內舍。 出論 政 一舍及第,遣歸其國。時宰臣留意學校,因事究敝,有司考閱防閑益密。 和四年,小學生近一千人,分十齋以處之,自八歲至十二歲,率以誦經書字多少差次 補入縣學生,並簾試以別偽冒。 題,范致虚 若能文,從博士試本經、小經義各一道,稍通補內舍,優補上舍。又詔:「學校教養 亦乞用聖濟經 出題 凡關學政者 徽宗崇尚老氏之學,知兗州王純乞於御注道 ,分敕、令、格、式,成書以上。 用給事 先是,禮部上 中毛 友

成 凡元 學三舍法 爲憲。」七· 豐舊 宣 和 年 竹惟 元 制 年 所 太學用之課試。 · 帝親 有 詔 者皆如 三 政和中嘗命學校分治黃、老、莊、列之書, 取貢 故,其辟雍官屬及宗學幷諸路 士卷考定,能深通內經者,升之以爲第一。三年,詔:「罷天下州縣 開 封 府及諸路, 並 以 科 舉 提舉學事 取 士。 實失專經之旨,其內經等書並 太學官 官 屬 並 龍,內 吏及州 外學悉 縣嘗置學官, 適元豐

稲

治。一

第一百一十 選舉三

志

若遵用祖宗成憲。王安石解經,有不背聖人旨意,亦許采用。至於老、莊之書及字說,並應 始散。」詔罷時祭酒。而諫議大夫馮澥、崔鵬等復更相辨論,會國事危,而貢舉不及行矣。 詆王氏以爲邪說,此又非也。諸生習用王學,聞時之言,羣起而祗詈之,時引避不出,齋生 指蘇軾爲邪學,而加禁甚切;今已強其禁,許采其長,實爲通論。而祭酒楊時矯枉太過,復 中丞陳過庭言:「五經義微,諸家異見,以所是者爲正,所否者爲邪,此一偏之大失也。頃者 徒,得以輕費妄用,極侈靡以奉上,幾危社稷。乞奪安石配饗,使邪說不能爲學者惑。」御史 禁止。」詔禮部詳議。諫議大夫兼祭酒楊時言:「王安石著爲邪說,以塗學者耳目,使蔡京之 古今治亂,悉所不曉。詩賦設科,所得名臣,不可勝紀,專試經義亦已五紀。救之之術,莫 論 紛紛。欽宗卽位,臣僚言:「科舉取士,要當質以史學,詢以時政。今之策問,虛無不根, 崇寧以來, 士子各徇其黨, 習經義則詆元祐之非, 尚詞賦則誚新經之失, 互相排斥, 羣

員,博士三員,正、錄各一員,養士七百人:上舍生三十員,內舍生百員,外舍生五百七十員。 書請建學,而廷臣皆以兵興餽運爲辭。十三年,兵事稍寧,始建太學,置祭酒、司業各一 建炎初,即行在置國子監,立博士二員,以隨幸之士三十六人爲監止。紹興八年,葉綝

詔三年一試,增至千員,中選者皆給綾紙贊詞以寵之。 飮 凡 酒 諸 者,聽充弟子員。每歲春秋兩試之,旋命一歲一補,於是多士雲集,至分場試之。 道住本州學滿一年,三試中選,不犯第三等以上罰,或不住學而曾兩預釋奠及齒于鄉 每科場四取其一。 俄又

者,皆直赴廷對。二十七年,立定制:春季放補,遇省試年改用孟夏。 、外舍有月校,而公試入等曰內舍;自內舍有月校, m 舍試入等日上舍; 凡升上舍

試,科舉則混試 號考校。如太學生遇有期親任清要官,更爲國子生,不預校定、升補及差職事,惟得赴公、私 舊,太學遇覃恩無冤解法,孝宗始創行之。 在朝淸要官,許牒期親子弟作待補國子,別

除學官。至是,始令先注職官,代還,注職事官,恩例視進士第二人。舊校定歲額五六分爲 內舍生校定,分優、平二等。優等再赴舍試,又入優,則謂之兩優釋褐,中選者即命以京秩, 不盡者,令百取六人赴太學,謂之「待補生」,其住本學及游學之類,一切禁止。一一豐舊制 之士,有本貫在學公據,皆得就補。帝始加限節,命諸路州軍以解試終場人數爲準,其薦貢 淳熙中,命諸生暇日習射,以斗力爲等差,比類公、私試,別理分數。 自中興以來,四方

優選者,增爲十分矣。

志第一百一十 選舉三

議 辱升沉,不由學校;德行道藝,取决糊名;工雕篆之文,無進修之志;視庠序如傳舍,目師 物彬彬。 十四年,詔自今待補 分,以八分爲優等。 司 取 如路 像上。」思議遂寢。四年,詔國子監試中、上等小學生,比類諸州待補中選之額,放補一次。 可否。 光宗初,公試始令附省場別院。 寧宗慶元、嘉定中,始兩行混補。於是增外舍生爲千四百員,內舍校定,不係上舍試年 考終場之數,定所貢之員;期以次年,試于太學。其諸州敎養、課試、升貢之法,下有 人;季考月書,盡成文具。今請重敎官之選,假守貳之權; 做舍法以育材,因大比以 於是吏部尚書趙汝愚等合奏曰:「國家恢儒右文,京師、郡縣皆有學,慶曆以後,文 中興以來,建太學于行都,行貢舉於諸郡,然奔競之風勝,而忠信之俗微。亦惟榮 百人取三人。 又以國子生員多僞濫,命行在職事官期親、釐務官子孫乃得試補。嘉定 舊法,自外舍升內舍,雖有校試,必公試合格,乃許升補。 紹熙三年、禮部侍郎倪思請復混補法、命兩省、臺諫雜

命中 ·選之人,召升朝保官二員批書印紙,仍命州郡守倅結罪保明,比照字跡無僞,方許簾引 理宗 復百取六人之制。 紹定二年,以待補生自外方來參齋者,間有鬻帖偽冒之弊。 풆

一私試皆學官自考,而公試則降敕差官。

至是,歲終許取外舍生校最優者一人升內舍。

方士子道路往來之費及都城壅倂之患。 三年,復試於京師。 試,併就兩學於大院排日引試,有親嫌人依避房法。 迫,費用不敷。」乃增給用度,仍添差考官五員。 寶祐元年,復命分路取放補試員數,以免遠 度,則用國子監供給學官事例。 注籍 學官考文,有親故交通之私, 犯者治疑,罰及保官。 五年,以省試下第及待補生之羣試于有司者, 未幾,監察御史何處久又言:「宜遵舊制,以武學、宗學補 命今後兩學補試,並從廟堂臨時選差,即令入院 且士子試卷頗多,考官頗少,期日旣 有請託賄求之 凡用

學法,今後及八分者方許歲校三名,如八分者止有一人,而援次優、三優之例者,亦須止少 並特與冤解赴省一次。九年,外舍生晏泰亨以七分三氂乞理爲第三優,朝命 幸學之前者,方許陳乞恩例。七年正月,以壽和聖福皇太后兩上尊號,推恩三學,在齋生員 其在籍諸生,地遠不及趁赴起居者,三學申請乞倂行泛免一次,命特從之。凡諸生升舍在 免省試者與升甲,起居學生與泛免一次,內該曾經兩幸人與補上州文學,如願在學者聽。 三、二氂,方可陳乞特放,庶不盡廢學法,當亦不過一人而止。 度宗咸淳二年正月,幸太學,謁先聖,禮成,推恩三學:前廊與冤省試,內舍、上舍及已 不許,遂申嚴

年,用 官,使 習 示 公試、三私試,略如 辱, 道,每道敍列刑名五 皆得入學,各處 律學,中公試 律學。 兼之, 或 餘 子司業朱服 用太學規矩, 或 月奉視所授官。 初置博士,掌授法律。 第 一齋。 一,比 補試法。 言, 而 事 私 命官 或 命官聽出宿。 舉人須得命官二人保任,先入學聽讀 試 心七事 在學, 第二 凡朝廷有 後以 等。 教授 習律令,則試 如公試律義、斷案俱優, 熙寧六年,始即國子監設學,置教授四員。 新頒條令,刑部 一員兼管幹本學規矩, 尋又置學正 大義五道,中格 一員, 即送學。 有明法 準吏部試法授官; 仍從· 而 其犯 乃得給食。 應格 後試補。 太學例給 降舍殿試 而守選者, 習斷 各以 晚食。 者 太學生能 按, 「薄罰 所 凡命官、舉 特 習,月 則試按 元 趸 豐六 試 金以 兼 注

依 學 規 政 和 間,詔 仍犯 不改,書其印 博士、 學正 依 曆或補牒,參選 大理寺官除授,不許用無出 則 理爲 闕 失。 身人及以恩例陳請。 生徒犯罰者,

其合格 刑 儿 分半 法 入第二等,命 建 以 炎 分數,以 上入第三等上,四分以 三年,復明 五 與改秩, + 法新 五 通 分 科 中書駁之。 進 作 十分,以所通定分數, 上預薦者 上入第三等中。 趙鼎謂:「古者以刑弼教,所宜崇獎。」高宗曰:「刑名 聽試 紹 以 興 曾經試法人爲考官。 以分數定等級: 元 年, 復刑 法 科。 五分以 凡問 五. 年,以李洪 上入第二等下。 題, 號爲假案, 管中

志

其額歸進士,惟刑法科如舊。 官,反易於有官 理全通爲合格,及雖全通而斷案不及分數者勿取。 之學久廢,不有以優之,則其學絕矣。」卒如前詔。 試法。 。乃命所試斷案、刑名, 二十五年,四川類省始附試 全通 及粗通以十分爲率,斷 後議者謂得解人取 仍自後舉兼經。 刑 法 十五年,罷明法科,以 應,更不 及五分、刑統義文 **棄經**,白 1身得

奏,詔 以 埸 法 今所試止於斷案、律義,斷案稍通、律義雖不成文,亦得中選,故法官罕能知書。 命學究棄習律令, 刑統 上爲 . 者兼習經義,參攷優劣。」帝曰:「古之儒者,以儒術決獄,若用俗吏,必流於刻。」乃從其 淳熙 自今第一、第二、第三場試斷案,每場各三道,第四場大經義一道,小經義二道, 合格,經義定去留,律義定高下 律義五道。明年,命斷案三場,每場止試一道,每道刑名十件,與經義通取,四十分 七年,祕書郎李巘言:「漢世儀、律、令同藏于理官,而決疑獄者必傅以古義。 而廢明法科;後復明法,而以三小經附。 蓋欲使經生明法,法吏通經。 宜令習大 本朝

揚引 比 且 考試 附 之精微,識比折出入之錯綜,酌情法於數字之內,決是非於片言之間。 試,後始增經義 類多文士,輕視法家,惟以 慶元三年,以議 一場,而 臣言罷經義,五年又復。 止試五場,律義又居其一,斷案 經義定去留,其 嘉定二年,臣僚上言:「試法設科,本以六 法科 止三場而已,殊 欲明憲章 習 比 失設科之初意。 法令, 车 案題字多,

志第一百一十 選舉三

刑 律,遂命 時 案,一場律義爲定。 丞 專 點定。 名 尚困人, 評 倫 數人,由是請託之風盛,換易之弊興,其弊三也。 類 復用經義 门,以 如是, 讞議得人矣。」從之。 一日之內, 防預備,以斷案定去留,經義爲高下,仍禁雜流 一場,以份書、語、孟題各一篇及刑統大義,通 問題稍減字數,而求精於法律者爲試官,各供五六題,納監試 僅能謄寫題目,豈暇深究法意, 六年, 以議者言法科 其弊二也。 今請罷去經義,仍分六場,以五 止試刑統, 入貲人收試。 爲五場。 刑法考官不過曾中法科 是盡 所出 廢 八年,罷 理 經題,不必 義 或主 而 几 專 川 文 事 場 拘 臨 法 斷 類

徑除 省 選 試 差 評 、中書覆試之法,質以疑獄,觀 大 初 事 ,凡試法科者,皆取撰成見義挾入試場。 理丞、正 ; 文法粗 歷 一任中外有聲望者, 通者爲 次,與檢法 其識筆 不許 ; 不 止用新科評 明允, 通 者 駮 理宗淳祐三年,令刑部措置關防,其考試 始與差除。時所立等第, 放 事 未 經作縣之人。 逮其試中, 文法俱通 者爲上, 又當做 則

試

刑法

科

己贓 參注,命本部 少, 特命 、失入 度宗咸淳 考試 死罪 命 考覈元試, 元 并停替 題, 年 務在 申嚴選試之法, 外,餘犯 果有所批分數,不須舉狀,與注外郡刑法獄官差使一次, 一簡嚴, 毋用 輕罪 者 長語。 凡引 與放 試 有 行 刑 過而 收試。 法官, 願 試者, 或已經三試終場之人,已歷三考,赴 命題 照見行條法, 如紹興式。 八年, 除 私 罪 以試法 應徒、 庶可激厲 或入 科 部

名,授提刑司檢法官,寬以勸之也。 格法,試法科者,批及八分,方在取放之數。 咸淳末,有僅及二分以上者,亦特取一

如是。 中上舍第且 授。 宗院,院皆置大、小學教授, 四 禮部別異其卷而校之,十取其五,舉者雖多,解毋過五十人。廷試 者奏裁。 十年,始立宗子武法。凡祖宗祖免親已受命者, 日 十、嘗累舉不中, 疏其名以聞而錄用之。 其官于外而 誦二十字。其已授環衞官、有學藝得召試遷轉者每有之,然非有司常試,乃特恩也。熙寧 後 崇寧初,疏屬年二十五,以經義、律義試禮部合格,分二等附進士牓,與三班奉職,文優 杒 又許 其依貢士法,俟殿試補入上、中等者,唱名日取裁。」後又定上等賜上舍及第,中等賜 5,宗學廢置無常。凡諸王屬尊者,立小學于其宮。其子孫,自八歲至十四歲皆入學, 其不 有行 見在任者,於本任附貢 ·能試及試而黜者,讀律於禮部,推恩與三班借 者,方始 爲之。 立考選法,如熙寧格出官,所涖 四年,韶:「宗子之升上舍, 一式試。 大觀三年, 附鎖廳試; 宗子 不願附各路鎖試,許謁告試國 釋褐者十二人。 不經殿試, 遗命之官 長漬 職, 自袒免以外,得試于國子監。 或監司 勿著爲令。 亦不與進士同考。 有二人任之, 宗學官, 及兩京皆置敦 熙寧 · 須宗子 子監。 年及 乃注 法不

H 身,授官有差。 凡隸學,有篤疾若親老無兼侍者,大宗正察其實,罷歸。 宣和二年,

量試出官之法。

者皆 廳,七取其三;無官應舉,七取其四 主 生 員 宮觀、嶽 (額百 並 南宮、北宅子孫,若親賢宅近屬,則別選館職教授。 紹 興二年,帝初策士及宗子于集英殿。 或 · 人·· 大學生五十人,小學生四十人,職事各五人。置諸王宮大、小學教授一員。 廟試 子 監 **一**轉運 請 解 不願者,依崇寧通用貢 司者,取放之額同進上。 ;無官袒 五年,初復南省試。十四年,始建宗學于臨安, (舉法,所以 十五年,命諸路宗室願赴行在試者,依 優國 初, 行在宗室試國子監者,有官鎖 族也。 丽 。在學 风熙寧 外任

官 息 [11] 墨 並 上合格。 餘 於後 應舉得 於是 孝宗登極,凡宗子不以服 四十人 舉 第 出 苒 入 推 身 試 仕 承節 恩。 名承節 一者驟 占 几 習經 補 郎,七人 踰 月, 御射 修 千人。 郎,餘並 人本 職 郎 承信 ·經義二道,習賦 殿引 隆興元年,詔量試不中、年四 濮、秀二王下子孫中進上舉者,更特轉 承信郎。 屬遠近、人數 郎 見取應省試 凡宗 曾經下省人,免量試,推恩。 室鎖 (多寡, 其曾獲文解 人詩賦各一首,試論 第 廳 人, 得 出 身者,京 賜同 十以上補 進 官 士 兩 出 進 人論一 次者,並直赴廷試,略通 身, 四川 承 秩,選人比類循 秩。 信 第二、第三 首,仍限二十 郎,展三年 則 附試于安 人補保 出官, 無制 Ħ. 資 一歳以 餘 文 **M** 義 置

志第一百一十 選舉三

舉,照鎖廳例七取其二;省試則三舉所放人數如取應例,立爲定額。」從之。 選舉宗子之法。 兩官,自今止依元資改授,餘准舊制。十二年(5),右正言胡衞請:「自今宗室監試,無官應 驅;而入仕寖繁,未知裁抑,非所以示至公也。」於是禮部請鎖廳登第者,舊於元官上 同姓,不與寒畯等也。 五年,命宗室職事隨侍子弟許赴國子監補。 保義至秉義,鎖試則與京秩,在末科則升甲,取應不過量試注官,所 然囊時向學者少, 比年雋異者多,或冠多士,或登詞科, 幾與寒士齊 六年,臣僚上言:「神宗朝,始立 以寵異 一轉行

中選者與正補宗學生,近屬子孫年十五以下者,許試小學生。復置諸王宮大、小學教授一 宗學解試依太學例取放,每舉附國子監發解所,異題別考。 ·,以宮學倂歸宗庠,教授改爲博士、宗諭。十四年,命前隸宮學近屬,令附宗學公、私試, 寧宗嘉定四年,詔鎖廳應舉,省試第一名,殿試唱名授官日,於應得恩例外,更遷一秩。

試,仍於試卷家狀內具保官職位、姓名,以防欺詐。淳祐二年,建內小學,置教授二員,選宗 見萬行在就試者,各召知識官委保正身,國子監取其宗子出身、訓名、生長左驗:以憑保收 出 身,仍換修職郎。端平元年,命宗子鎖廳應舉解試,凡在外州軍,或寄居,或見任隨侍,及 理宗寶慶二年,以鎖廳宗子第一名若搢學深春秋,秀出譜籍,與補保義郎,特賜同進士 寶祐元年五月,特、正奏名進士宗子必晄等二人特授保義郎,若瑰等二十九人承

節 郎, 敕略曰:「必晄等取應及選,咸補右階,蓋欲誘之進學,而教以入仕也。 其毋以是自

畫焉。」

卷者。 子應舉,初生則用乳名給據,旣長則用訓名。 通者 ,照例升等;文理不通及未經覆試者則否; 度宗咸淳元年,以鎖廳應舉宗子兩請`舉人遇卽位赦恩,並赴類試。 至是,命漕司並索乳名、訓名各項公據,方許收試,以杜姦弊。 其赴諸路漕司之試,有一人前後用兩據、印一 第五等人特與免銓出官。 其曾經覆試文理 九年,凡無官宗

未 世忠義之節足以 蔭、草澤人召京官保任,人材弓馬應格 郭 ,既而 固 及格者 同判 武 輔 崇 舉、武選。」咸平時,令兩制、館閣詳定入官資序故事(10),而未及行。 中輟。 , 逾 年 熙寧五年, 賜食本錢萬緡。 再試 天聖八年,親試武舉十二人,先閱其騎射而試之,以策爲去留,弓馬爲高下。 訓者 講 樞 凡試 密 釋之。 請 中,三班使臣與三路巡檢、砦主,未有官人與經略司 建建武 生員以百人爲額 願試 (學於武成王廟,以尙書兵部郞中韓縝 陣隊者 聽 入學, :量給兵伍 選文武官知兵者爲教授。 習諸家兵法。 在學三年,具藝業考試等第 教授纂次歷代用兵 判 使臣 學, 仁宗時, 嘗置武 未參 教隊 內藏 成 、差使, 庫副 班 、敗、前 推 與門 恩, 使

志

第

百

+

選

舉

=

三年無過 則升至 大使臣,有兩省、待制或本路鈴轄以上三人保舉堪將領者 ,並兼諸衞將

軍,外任回,歸環衞班。

舉 者,上樞密院審察試用,雖不應格而曉術數、知陣法、智略可用,或累試策優等,悉取旨補 之策略,雖弓力不及,學業卓然:並爲優等,補上舍生,毋過三十人。 試馬射以六斗,步射以 九斗,策一道,孫、吳、六韜義十道,五通補內舍生。馬步射、馬戰應格:對策精通、士行 者不過二百人。春秋各一試,步射以一石三斗,馬射以八斗,矢五發中的;或習武伎,副 科 武藝、策略累居下等,復降外舍。 場前一年一武臣路分都監、文官轉運判官以上各奏舉一人,聽免試入學。 生員及應 ;可稱

等以 斑 又次三班差使、减磨勘年,武藝末等者三班差使。 右 誦 班 燅 者 書 川試 一、欲以 上 奉 不曉理廢之,而武舉復試墨義,則亦學究之流,無補 先是,樞密院修武舉武法,不能答策者,答兵書墨義。王安石奏曰:「三路義勇藝入三 一,皆有旨錄 職 ,又次借職 于殿前 備禦侮之用 口 用 ,及殿試,則 ,末等三班差使、 ,陛下又欲推府界保甲法於三路,則武 ,則記誦 叉試 何所施? 騎 減磨勘 射及策于庭。 」於是悉從中書所定。 年。 策 八年,韶武舉與文舉進士:同時鎖試於貢 入平等 策、武藝俱優爲右 於事。 力之人已多。近以學究一科,從 前 武藝優者除奉職,次優借職 凡武 先王收勇力之士,皆屬 學,始試義、策於秘閣 班殿直,武 藝次優爲 於車

院 ,以防進士之被黜而改習者,遂罷祕閣試。又以六戰本非全書,止以孫、吳書爲題

穀 等二通爲中格。 皆 夗 Π 射 Ξî. - -「著爲 文書 ·短使、滅一任監當,三事以上觅短使、升半年名次,兩事升半年,一事升一季;第二等,步 發一 上武藝五種,孫、吳義十通七,時務邊防策五道文理優長,律令義十通七,中五 ,中五事 八斗,矢十發二中,馬射六斗,馬上武藝三種,孫、吳義十通五,策三道成文理,律令義十通 元豐元年,立大小使臣試弓馬藝業出官法:第一等,步射一石,矢十發三中,馬射七斗, 中,馬 格。 五 通三,中五 · 免短使、升半年,三事升半年,兩事升一季,一事與出官,第三等,步射六斗,矢 四年,罷試律義。七年,止試孫、吳書大義 射五 元祐四年,詔解試、省試增策一道。 斗,馬上武藝兩種,孫、吳義十通三,策三道成文理,律令義十通三,計 事 升半年,三事升一季,兩事 與出官。 一場,第一等取四通、 其步射並發兩矢,馬射發三矢, 次二等三通、三 事以上日 算錢

補 含 긔 再上垛及 上等法 ,不得文士 崇 一等間 威 ,諸州置武 一上垛,視此爲差,理爲分數。 同 頁 (釋褐: 一場。 學。 馬射三上垛,九斗為 中等仍隸學俟殿試。 立考選升貢法,做儒學制,其武藝絕倫、文又優特者,用文士上 馬射一中帖當兩上垛,一中的當兩中帖。 五分,八斗爲四分,七斗爲三分。 凡試 出官使臣,仍赴殿 前司 早試。 九斗、八斗、七 諸 州 、武士試

志

第

取武 以弓馬程文兩上一上、兩中一中、兩下一下相參以爲第。 选增展,

遂至百人入流,

比文額太優。 入中等,五十人入下等,皆補充武學內舍,人材不足聽闞之,餘不入等者,處之外舍。 、舉、武士上舍出身者 制 "; 武 舉三年一試,命官不過三十餘人,後增額,以每貢者三人卽取一以升上舍, 四年三一,詔自今貢試上舍者,取十人入上等,四 凡州教諭,須州都監乃得棄,吏部 大抵 十人

試武 試補 州 縣武學旣罷,有願隸京城武學者,請用元豐法 外舍生,赴次年公試。 學外舍,通取一 政和三年,以隸學者衆,凡經三歲校試而不得一與者,除其籍。 百人,偕上含生發解。 其春選升補 推恩,依大觀 今既罷科舉,請依 補試。 法 舊制, 元豐法奏舉,歲終集闕 不入學而從保舉以試 宣和二年,尚書省言 者, 附 犯

康 元年,詔諸路有習武藝、知兵書者,州長貳以禮遣送詣闕,毋限數,將親策而 用之。

承節 官。 五道 ,兵機策二首。 十二年,御試,正奏名,策入優等承節郎,平等承信郎、進義校尉,特奏名,平等進義校 郎,平等承 建炎三年,詔武舉人先經兵部驗視弓馬于殿前司,仍權就准南轉運 信郎 ,其武藝不合格者,與進義校尉。 紹興 五 年,帝御集英殿策武舉進士, 川、陝宣撫司類省試 21. 23. 日 閱試騎射, 司 策入優等與保義 武藝合格人並補 別場附試七書義

弓一石, 若公、私試步騎射不中, 即不許試程文, 其射格自一石五斗以下至九斗, 凡五等。 各展 磨勘有差。 十六年,始建武學。 兵部上武士弓馬及選試去留格,凡初補入學,步射

額百 試 試 凡 遺 補。 九 舍者,以就 了。」韶 七書義 補 年,修立 卜爲 凡內 外舍,先類聚五人以上附私試,先試步射一石弓,不合格不得試程文,中格者依文士例 人。置博士一員,以文臣有出身或武舉高選人爲之;學諭 二十六年,帝見武學頹弊,因諭輔臣曰:「文武一道也,今太學就緒,而武學幾廢,恐有 二十七年, 含補 兵部 中等,一中一下或兩下、一上一否爲 一 道。 武人三取其一,以十分爲率,上等一分,中等二分,下等七分,仍以三年與發解 武舉入官資格CIII; :討論典故,參立新制。 凡武學生習七書兵法、步騎射,分上、內、外三舍,學生 上舍,以上舍試合格入等與行藝相參,兩上者爲上等,一上一中或 御試 其內含生私試,程文三在優等,弓馬 第一 名趙 應熊武藝絕倫,又省試第 命武 舉人自今依府監年數免 下等,仍不 兩在次優,公試入等,具名 ---; 犯第三等罰、士行可稱 特與保義郎、 一員,以武舉補官人爲之。 閤 門 祗 候。 奏補。試上 者, 兩 具 中及 μĺ

初 補 右 孝宗 衞 隆 長 興元 史, 歷 年 振 御試,得正奏名三十七人。 遠、 横塞、天德軍使。 國初,試中武藝人並赴陝西任使。 殿中侍御史胡沂言:「唐郭子儀以武舉 又武舉中選 足等,

志

第

Ħ

+

選

舉三

者,或除京東 事,是所 取非所用,所用 捉賊,或三路沿邊,試其效用,或經略司教押軍隊、準備差使,今率授以權 非所學 也。 請取近歲中選人數,量其材品、考任,授以軍職,使之習

練邊事, 諳曉軍

旅,實選用之初意也。」

推恩,武舉進士比文科正奏名例,第一名升一秩爲成忠郎,第二、第三名依第一名恩例 曰:「武舉人以文墨進,雜於卒伍非便也。」帝曰:「累經任者,可以將佐處之。」是歲,以登極 乾道二年,中書舍人蔣芾亦以爲言,請以武舉登第者悉處之軍中。 帝以問洪适,适對

罰,或有校定而參考在中下等,候再試參考入中等,聽升補外舍生,赴公試。舊,除射親許 優等;自今許比上舍法,不以馬、步、射親口,並通試五等。 試五等弓外(回,步射、馬射止許試第三等以下弓(m),程文雖優而參考弓馬分數難以對入 五年,兵部請外舍有校定人,參考榜上等者,候滿一年,私試四入等及不犯三等以上

省。是歲廷試,始依文科給黃牒,榜首賜武舉及第,餘並賜武舉出身。其年,頒武舉之法。令 四川帥臣、憲、漕、知州軍監及寄居侍從以上各舉武士一員,興元府、利閬金洋階成西和 膀。」從之。初命武學生該遇登極覃恩,曾升補內舍或在學及五年曾經公、私試中人,並令赴 并策義參考。

今比試自依舊法,其解、省兩場,請依文士例,考定字號,先具奏聞,拆號 吏部言:「武舉比試、發解、省試三場,依條以策義考定等第,具字號,會封彌所,以武藝 放

<u>愿州各三員,拔其尤者送四川安撫司,解試、類省,並如</u> 文科

監押,代還,轉保義郎:皆做進士甲科恩例 第二、第三人保義郎,諸路帥司準備將領,代還,轉忠翊郎; 年,以武科授官與文土不類,詔自今第一人補秉義郎,堂除諸司計議官,序位在機宜之上, 中上等者,據闕 淳熙元年,議者請:「武學外舍生有校定公試合格,令試五等弓馬,與程文五等相參,入 升補, 餘俟再試入等升補。」從之。 帝御幄殿,引見正 第四、第五人承節郎,諸路兵馬 奏名,呈試 武藝。二

額, 者,殿試第一人與同正將,第二、第三名同副將,五名以上、省試第一名、六名以下 差,解惰者按劾 從軍,以七年爲限,則久在軍中,語練軍政,他目可備委任。」八年,命特奏名補官,展減 將呈; 收補 四年,以文科狀元代還,例除館職, 九年,議者以爲從軍之人,率多養望,不屑軍旅。 從軍 武臣親屬;其文臣親屬,願附補者亦聽。 以後,立軍功及人材出衆者,特旨擢用。 亦召武舉榜首爲閤門舍人。 七年,初立武舉絕倫并從軍法一凡願從軍 帝曰:「武舉本求將帥之材,今前名皆 韶自今職事勤恪者,從主帥保奏升 五年,始立 武學國子 並 同準備 磨勘

光宗紹熙元年,武臣試換文資,南渡以前許從官三人薦舉,紹興令敦武郎以下聽召保

志

袖,專做舉子。夫科以武名,不得雄健喜功之士,徒啓其僥倖名爵之心。」於是詔罷鎖廳換試。 秉義或忠翊皆換京秩,恩數與第一人等。後以林穎秀言:「武士舍棄弓矢,更習程文,褒衣大 官二人,以經義、詩賦求試,其後太學諸生久不第者,多去從武舉,已乃鎖廳應進士第。凡以 寧宗卽位,復其制。慶元五年,命兩淮、京西、湖北諸郡倣兵部及四川法,於本道安撫

'試武士,合格者,赴行在解試,別立字號,分項考校,撥十名爲解額,五名省額

職上與帶「同」字,以示優厚勸獎。 名。是歲,武舉正奏名王時發已係從軍之人,充殿前司左軍統領,既登第,換授,特命就本 廷別遣官覆試。淳祐九年,以北兵屢至,命極邊、次邊一體收試,仍量增解額五名、省額二 理宗紹定元年,命武舉進士避親及所舉之人止避本廳,令無妨嫌官引試,若合格, 則朝

度宗|| 處字大年,命禮部貢院於武舉進士平等每百人內,取放待補十人,絕倫每百人內,

取待補十三人。

照髀及假設疑數爲算問,仍瑜海島、孫子、五曹、張丘建夏侯陽 Gz 算法丼曆算、三式、天文 算學。 崇寧三年始建學,生員以二百一十人爲額,許命官及庶人爲之。其業以九章、

恩,以通 本 科。 登仕 本科 I、 將 仕 外,人占一小經, 「郎爲 次。 大觀 願占大經者聽。 几 年 以 第學生歸之太 公私 武 三舍法略如太學。 史局,併書學生入翰林書藝局 上舍三等推

學生入翰 林圖 .畫局,醫學生入太醫

統元 大衍 取,時局 曆 }曆 紹 興 生多闕 一歲 經 初 取其通 命太 試。 故 也。 (史局試 紹 習者。 熙号二年, 嘉定 補 四 五. 年, 年,以紀元曆試 倂募草澤人。 命局 命今歲春銓太 生必 (俟試 淳 熙元年春, 史局 九 中,方許 年,以 試 \統元曆: . 轉補 應三 聚局生子弟試曆算崇天、 一全通 試。 十四四 粗 通, 年,用崇天 合格者並特收 宣明、

從舊 臺 科, 多爲 ゾ 轉 之於令, 資 郎 上, 理宗 切 者 制 有 年 應試 自 試 諸局官 **4**III 申 習書等 淳站 嚴 不 天文、三式 補直 陳 屬 試 十二年 法。 於祕 應試曆算、天文、三式 長 則以占事 殊 者, 從 書 乖 ٠, 兩 諸 秘書省言: ; 初 科 意 IE 而 每 有驗爲上。 局 名 官官 自 學 科 项 等 今有違令補差,及不經祕書公試補中者, 生 「舊典以 有 Ĺ 人。 各 試問 官,每歲 諸 置 局 脚 }景 諸 太史局 生補 色, 流 同 附 新 知算 試 及 遇有 書 隸 二年以上者, l 者, 造官 秘省 通等則以 差遣 諸 闕 今引試局 判 有 改補 局 精 試 闕 熟爲 並 翰 功 而 許 合差, 林天文官 生不經 過 上,精 之類 就 試。 中 誻 燥 心心書, ·書執奏改正,仍 等 並 秤 闕 漏 年 則 申 有 非 試 以 祕 官 試 也。 書 習 曆 五 年 他 諸 算 今 書

而

靈

稽

志

第

爲法。考書之等,以方圓肥瘦適中,鋒藏畫勁,氣清韻古,老而不俗爲上;方而有圓筆,圓 經者聽。 器年數,悉同算學。 畫不得其意,而均齊可觀爲下。其三舍補試升降略同算學法,惟推恩降一等。 而有方意,瘦而不枯,肥而不濁,各得一體者爲中;方而不能圓,肥而不能瘦,模倣古人筆 書學生,習篆、隸、草三體,明說文、字說、爾雅、博雅、方言,兼通論語、孟子義,願占大 篆以古文、大小二篆爲法,隸以二王、歐、處、顏、柳眞行爲法,草以章草、張芝九體 自初置及件

流授官,止自三班借職以下三等。 做前人而物之情態形色俱若自然,筆韻高簡爲工。三舍試補、升降以及推恩如前法。 雜流,別其齋以居之。士流兼習一大經或一小經,雜流則誦小經或讀律。考畫之等,以不 畫學之業,日佛道,日人物,日山水,日鳥獸,日花竹,日屋木,以說文、爾雅、方言、釋名 說文則令書篆字,著音訓,餘書皆設問答,以所解義觀其能通畫意與否。仍分士流

志第一百一十 選舉三 校勘記

同醫 百台 爲 子監,置博士、正、錄各四員, 日 道 方脈 小經, 鍼、瘍科則 師 旨 學,初 科、鍼 鍼、傷試小經大義三道, 運氣大義二道; 三場假 以下職,餘各以等補官,爲本學博士、正、錄及 齋各置長、諭一 科、瘍科。 隸太常寺, 去脈經而 人。 神宗時始置提舉判局官及教授一人,學生三百人。設三科以教之, 凡方脈以 其考試:第一場問三經大義 增三部鍼灸經。 分科教導, [素問、難經、脈經為大經,以巢氏病源、龍樹論、千金翼方 糾行規矩。 常以春試,三學生願與者聽。 外州醫學教授。 立上舍四十人,內舍六十, 五道,次場方脈試脈證、運氣 令治病法三道。 中格高等, 崇寧間,改隸國 爲倘藥 大義各 外含二

省試三場,以第一場定去留,墨義、大義等題做此。 其二通者赴次年省試,經義三場一十二道,以五通爲合格,五 合格。 補,八通翰林醫學,六通祗侯,其特補、薦補 發,太常寺掌行其事。淳熙十五年,命內外白身醫士,經禮部先附銓闈,試脈義 紹 乾道 興中,復置醫學,以醫師主之。 三年,罷局而存御醫諸科,後更不置局而 翰林局醫生抖奏試人,並試經義一十二道,取 並停。 紹熙二年,復置太醫局,銓試依舊格。 存留醫學科, · 取 其 一補醫 令每舉附省闊別 生,俟再赴省試升 一場三道,取 六通 試 所 共 解

以聞。 從道教,踰月而道徒換籍,殆與儒生相半。 賜褐服,藝能高出其徒者,得推恩。道徒術業精退,州守貳有考課殿最罪法。 察敎習。 內經、道德經爲大經,莊子、列子爲小經。 齋 一篇,特換志士,俟殿試。 醮科儀祝讀。 補道職,舊無試,元豐三年始差官考試,以道德經、靈寶度人經、南華眞經等命題,仍試 其業儒而能慕從道教者聽。 內經、道德經置博士,聖濟經棄講。 政和間,卽州、縣學別置齋授道徒。蔡攸上諸州選試道職法,其業以黃帝 由是長倅以下受賞有差,其誘勸之重如此。 每路於見任官內,選有學術者二人爲幹官,分詣諸州檢 有宋瑀者,願改道徒內舍,獻神霄玉清萬壽宮雅 提學司訪求精通道經者,不問已命、未仕,皆審驗 道徒升貢,悉如文士。初入官,補志士道職 宣和二年,學罷。 陳州學生慕

校勘記

- 士有 純 明朴茂之美 「有」原作「以」,據宋會要選舉三之二九、宋大詔令集卷一 五七建學詔
- 天章閣侍講王洙言 慶曆二年,當移置上段「慶曆四年」之前 本句 以下一段敍述, 據宋會要崇儒一之二九、通考卷四二學校考都繫在

- (三) 許品官子役然試藝 文意不明。同上書同卷載此文都作:「許品官子弟投保官家狀量試藝業」」
- 疑「役然」二字乃「投狀」二字之訛。
- (四) 每十人與解三人 「三人」二字原脫,據同上書同卷篇補。
- (五)內舍生試入優平二等 「內舍生」三字原脫,據宋會要職官二八之九、長編卷三〇一補。
- **全** 總五百七十四人 疑當作「總三百七十四人」。 按下文所列"上等四十七人,中等一百四十人,
- 下等一百八十七人,共三百七十四人。
- (4) 一上一下及一中下兩下爲下 原刊「一中下」、「兩下」間有二十三字空格,殿、局本都無空格。
- (元) 不俟中歲 通考卷四六學校考作「不俟終歲」, 朱會要選舉一二之三四作「不以時隨奏貢入太

學。

- (元)十二年 承上文當指乾道十二年,乾道無十二年,疑有誤。
- 00 入官資序故事 「序」字原脫,據宋會要選舉一七之五、通考卷三四選舉考補。
- 中五 一 事 以 上 「事」字原脫,據下文「三事」、「兩事」例和 長編卷二九五 補
- = 四年 承上文當指崇寧四年,宋會要選舉一七之二〇、一七之二一繫此事於大觀四年, 志文當

失書「大觀」紀元。

二十九年修立武舉入官資格 志 第 百 + 校 勘 記 「二十九年」原置「資格」下,據宋會要選舉一七之二八、玉海卷

一六移正。

除射親許試五等弓外 「射親」原置「除」字上,據宋會要崇儒三之三八乙正。

至 止 許試第三等以下弓 「下」原作「上」。按宋會要崇儒三之三八:「博士劉敦義言,武學外舍生赴

公試, 元降指揮除射親許試五等弓外,步射、馬射止許試第三等以下弓。」「其已上兩等弓力,即

無法試設。」「上」當作「下」據改。

<u>수</u> 不以馬步射親 射的簡稱。宋繪要作「不以馬步射親」,「爲」字誤,據改。 「馬」原作「爲」。按當時弓馬試分射親、馬射、步射三門,此處「馬步」即馬射、步

呈 五名以上省試第一名六名以下並同準備將 「準備將」,原作「準補將」。按宋會要選舉一八之

·····準備差遣。」朝野雜記甲集卷一三「五名以上及省試魁同準備將。」「補」應作「備」,據改。 三:「第四、第五名並省試第一名堪充兵將官,……同準備將;…… 第六名以下堪充兵將官,

문 夏侯陽 「陽」字原脫,據本書卷二〇七藝文志、通考卷四二學校考補

두 紹熈 原作「紹興」,按上文已敍至紹興十四年,此處不當又作「紹興二年」, 宋會要職官一八之

九七作「紹熙」,據改。

外舍二百「二百」原作「二十」。按宋代學制,外舍生員人數最多,次內舍,上舍最少。此處外 舍數目不應反少於上舍,宋會要崇儒三之一一作「二百」,據改。

宋史卷一百五十八

志第一百一十一

選舉四鈴法上

右選 後,典選之職分爲四:文選曰審官東院,曰流內銓,武選曰審官西院,曰三班院。 而後,銓注之法,悉歸選部:以審官東院爲尙書左選, 之,京朝官則審官院主之;武臣刺史、副率以上內職,樞密院主之,使臣則三班院 以 ,非樞 下 ,三班院爲侍郎右選, 吏部銓惟注擬州縣官、幕職,兩京諸司六品以下官皆無選;文臣 太祖設官分職,多襲五代之制,稍損益之。 ,非中書省敕授者,歸尙書左選; 密院宣 授者,歸尙書右選; 於是吏部 有四選之法。 自初仕至州縣幕職官,歸侍郎 武臣升朝 凡入仕,有貢舉、奏廕、攝署、流外、從軍 文臣寄祿官自 官自皇城使、 流內銓爲侍 職事 朝議 郎左選,審 左 官自 大夫、 選 少卿、監以上中書 金吾階衞仗司(1) 自借差、監當 職事 官西院爲 官自 主之。 元豐定制 大理 尚書 其 五

志

第

百

團 供 甲以 奉官、軍使, 尚書省, 歸侍郎右選。 若中散大夫、閤門使以上, 凡應注擬、升移、敍復、廕補、封贈、酬賞, 則列選敍之狀上中 書省、 樞密院 隨所分隸校勘合格, 得畫旨, 給

告身。

理、戶 令、 度、 功賞, 迺得升改。 節度掌書記,觀察支使, 錄事 觀察推官,即後來文林郎。 凡 曹、司戶、法曹、 選 參軍 · 人階官爲七等:其一日三京府判宫,留守判官,節度、觀察判官, 即 後來從政郎。 司法參 防禦、 其六日試: 其 軍,主 几 日 團 I防禦、 一簿,縣尉。 練 銜縣令、 判官,即後來儒林郎。 團練、 知 即後來迪功郎。 軍事 錄 事 推官 ,即後 軍、監 其三日 來修職郎。 七階選人須三任六考, 判 軍 官,即後來從事 其七 事 判官 日三京軍 即後來承直郎。 京 府、 鄎 巡判官 留守、 用奏薦及 其 五 日 節 縣 司

判、 縣 佐 子 郞 中 司、 知錄 **允**; 凡改官,留守、 主簿、縣尉七考,進士授大理寺丞,餘人衞尉寺丞。 闷 事 使 舊亦授殿 多軍 推 官、 中丞。 防禦、 軍 兩 事 府、 支使,掌書記, 判官、令、錄事 團 国練、軍 兩使判官,進士授太常丞,舊亦授正言、監察或太常博士,後多不 事 推 官,軍 防禦、 參 軍, 、監 團練 進士授著作佐 判官, 判官,進士 進士授大理寺丞, 郎, 自節、察判官至簿、尉,考不及格 一授太子中允, 餘人大理 餘 寺丞 或秘書郎。 人 衞 尉 初 除。 餘 寺 祡 丞 職 人 餘 、著作 官 惟 知

者遞降等。

志第一百一十一 選舉四

隮 爲 監 勘。 押、 儿 非 凡進納人,六考,有職官或縣令舉者四員,移注;四任十考,有改官者五人舉之,與 巡檢、 一登科 及特旨者,年二十五方注官。 知縣。凡流外人,三任七考,有舉者六員,移縣令、通判;有班行舉者三員,與 。凡三班院,二十以上聽差使,初任皆監當 一、次任

蒞之; 鍅 投狀申奏,亦依四時取解參選; 凡州縣老疾不任事者, 許判官、錄事參軍糺舉以聞, 判官、 及送闕,違期亦有罰;諸歸司官奏年滿,俟敕下,準格取本司文解赴集,流外銓則據其人自 四時具員闕報吏部,踰期及漏誤,判官罰七十直,錄事參軍以下殿一選;在京百司發選 五 事參軍則州長吏糺之。 等日期離本處;若違限及不如式,本判官罰五十直,錄事參軍、本曹官各殿一選;諸州 初 由是內外所授官,多非本職,惟以差遣爲資歷。 定四時參選之制:凡本屬發選解,並以四孟月十五日前達省,自千里至五千里外,爲 藩郡監牧,每遣朝臣攝守,往往專恣。 太祖始削外權,命文臣往 解

惕 外三千戸以 應夢 有 建隆四年, 知 詩據諸 永濟,屯田員外郎于繼徽知臨清,常參官宰縣自 上爲望,二千戶以上爲緊,一千戶以上爲上,五百戶以上爲中,不滿五百戶爲中 道所 詔選朝士分治劇邑,以重其事。大理正冥嶼知館陶,監察御史王祐知魏, 具板圖之數,升降天下縣,以四千戶以上爲望,三千戶以上爲緊,二 1此始。 舊制,畿內縣赤、次赤;畿

出 千戶 選 門州 以 上 縣官 爲 Ŀ, ,於南曹投狀 千戶以上爲中,不滿千戶爲中下。自是,注擬以 ,準格敕考校無礙 ,與除官 其敍復者,刑部檢勘送銓。」 爲資敍。 又詔:「周 廣順 中應

先是,選格未備。 乾德二年,命陶穀等議.

送 官、 軍 几 刨 預 校 並 並 名 降考 官 授宣 , 每 考 授 事 軍 中 ', 隨 朝 或 推 凡拔萃、制舉及進士、九經判中者,並 周 事 一德郎 轉 書 散 官、 有 判 等 ; 門下 運 大 年,校成 (官,並授承奉郎,試大理 鼅 軍 、夫、試 試 憲 者 事 若校成 銜 大 仍依 不 判官者, =-赴集; 大 理 理 評 官階, 、殊考, 考。 凡 事 司 觀察判官以上,緋 其 兼 直 並授將仕 其常考, **濫察御** 、奏授職 則 分爲四等。 兼監察御 南 曹 事。書: 評 郞 史。 具 依令錄 、功績, 史。 事 • 試 已 周二年得資,即入留守、兩府、節度、 校 校書郎。 十五. 至 叉周 入 周 例, 考第,並 調 ,初等職官, 一年,入同 网 行 年 書「中」、「上」; 使 三年得資, -]酬獎; 判官以 乃賜紫。 周三年得資, 潍 新格參選 類 判下者依常選。 或考滿未代, 上、次任 職 即入掌書記、防禦團 每 事、諸 任以 公事 即入留守兩 入同 府 周三年為 闕 少尹 更 遺、 類職 初入防禦團 曾經 周 事者 限, 觀察判官 又 府節度 年 練判官 周 殿罰者, 與 (成第 月不 加 檢 推 練

多而 自 是 無闕 鈴 法 漸 失、其材可副升擢 有 倫 矣。 帝又慮 者 鈴曹惟 送中 書引 用 資 歷,而 驗以聞 才 傑或 時 仕者愈衆,頗委 (湛滯 乃詔 吏部 積 取 示 赴 ·可遣。 集選人歷任 課績

旬 開 有 寶 初,令選人應格者, 五. E ,門下省七 日,自 到京卽赴集, 一磨勘、注擬 及點檢 不必限四時; 謝 詞,總 及成甲次(三),又給限: 毋踰 月。 若別論課績, 或負過 南 曹八日

銓

司

名

須

考

驗

),行造.

如法;

及資考未合注擬者,不

在

此

限。

守 尉 貝 官 兼 冒 宜 知 、主簿 戶 以 縣 兼 戶 不 年 戶 事 錄 凡三員; 潚 ; 事 口 詔 戶不 多軍 爲率,差減 二萬,置錄 曰:「吏多難以求其治,祿薄 滿二百,止 ; 戶 戶不滿五千, 不滿 事 其員,舊奉月增 一參軍 千,置令、 置主 ·、 司 簿, 止置 法參軍 尉,縣合棄主 **兼令、尉。**」 司 給五 戶, 未 各一員,司 可 干。 兼司 責 諸道減員亦做此制。 (其廉, 簿 西川 法及錄 事 法 與其冗 管內諸州,凡二萬戶,依舊設曹官三 兼 戶 司 事 不 卢; 參 满四百, 員 軍。 不 重 滿萬戶,止 一費,不若省官益奉。 縣千戶 11: 西川官考滿得代,更不 置 以 主簿、尉, 上, 置司 依舊置令、 法、 以主簿 司戶 州 縣 ,

令、 聞 注。 者 錄、簿、 嶺 叉謂 移 表 為 初 尉 嶺 諸 平,上以其民久困苛政,思惠養之。 南 道攝官 初,州 諸 州 通 1或著 縣 判, 有 吏能 闕 得攜 員, 悉令罷去, 族 差前 之官。 賌 官承攝 以廣 良可惜也。 。令吏部銓自 南偽署官送學士 帝以 其 有 紊常制,令 司 [襄、荆以 按其歷任, 一院 試 所 書 南州縣,選見任 在即 判 三攝無曠敗 上闕 稍 優 員, 則 授 年未五 /j 者以名 ii] 除

後選部闕官,卽特韶冤解,非時赴集,謂之「放選」,習以爲常,而取解季集之制漸廢。 參校詳議, 取悠久可用者, 為書上之, 頒爲永式, 而銓綜之職益有敍矣。 迺命參知 益,下交、廣,闢土旣遠,更多闕,是以歲常放選。 ,從流內銓之請,復四時選,而引對者每季一時引對之。 政事盧多遜等,以見行長定、循資格及泛降制書,乃正違異,削去重複,補其關漏, 選人南曹投狀,判成送銓,依次注擬。 時國家取荆、衡, 是冬,

通 是(至) 爲下。 (是,選人試判三道,其二全通而文翰俱優爲上,一道全通而文翰稍堪爲中,三道俱不 ,增爲四等,三道全次、文翰無取者爲中下,用舊判下格; 判 、上者職事官加一階,州縣官超一資,判中依資,判下入同類,惟黃衣人降一資。 全不通而文翰又紕繆爲

器 京朝官有員數,除授皆云替某官,或云塡見闕。 官 令 材, 中書舍 2 太平 ,其未常參者日未常參官 以 中書所 入郭 興國六年,詔京朝官除兩省、御史臺,自少卿、監以下,奉使從政於外受代而歸者, 贄、 下闕員擬定, 膳部 郎 中兼侍御 引對以 宋目常參者日 史知 遣, 雑事 謂之差遣院。 滕中正、 朝官,秘書郎而 京官皆屬吏部,每任滿三十月,罷任,則歲 戶部郎中雷德驤同考校勞績,論量 蓋前 代朝官, 下未常參者曰京官。 自 品以下皆日 常參

志第一百一十一 選舉四

不復由 滿 校其考第,取解赴集(も)。 ",有司 「吏部。 住給 奉料,而見釐務者牒有司復文云,所釐務罷則已。 至是,與朝官悉差遣院主之。凡吏部黃衣選人,始許改爲白衣選人。 太祖以來,凡權知諸州,若通判,若監臨物務官,無定員。 但不常參,注授皆出 月限旣

除 擬,其職 任 「應 1者,奏判、司、簿、尉對易其官 拜者聽朝旨。 臨 太宗選用庶僚,皆得引對,觀其敷納可采者超擢之。 軒所選官吏,並送中書門下,考其履歷,審取進止。 事官中書除授。 又詔:「獄官關繫尤重,新及第 然而 ! 歷任功過,須經南曹考驗,遂令幕府官罷任! 人爲司理參軍,固未精習,令長吏祭視,不勝 復慮 」舊制 ,州縣官南曹判成,流內銓注 因緣矯飾,徼幸冒進, 迺詔: ,並歸銓曹, 其 特

也。 選 郡 輕 勸 外 」然不 更勿超資。」工部 今江、 任 」乃令經停殿者守常選。 淳化四年,選人以南郊赦免選,悉集京 学 允其 浙 於臺閣選賢 州 郡 , 方切擇人, 郎 (良分典大州,共康庶績。] 中張 知白 又詔:「司理、司法參軍 臣雖不肖, 上言:「唐李嶠嘗云:『安人之方, 師。 願繼前脩。」帝曰:「知白請重親民之官, | 鳳閣: 帝曰:「並放選,則負罪者幸矣,無罪者何以 侍郎章嗣立 在任有犯, 遇赦 須擇 因 而 請 及書 郡守。 行, 1 遂以本官出領 - 考者, 朝 廷重內官, 良 止 门嘉 興免

淳化以 前 紋未 ,及是始定遷秩之制:凡制舉、進士、九經出身者,校書郎、正字、寺

右 部 上 太 轉 作 監 太 常常 1或著 平 轉 È 佐 屯 左 薄、助 小 圓 由 田 郎 歷 卿 返 ,或特 都 員 作 曹 給 中有之,後罕除者。 外 官 郎 秘 敎 或 事 郎 膊 書少監 遷 並 優遷者爲 職方, 超 4 ,優者爲禮部、工 太子中允、秘 轉 曹 轉工 大 一,皆 由 理 部 優者爲 評 繁特旨 太常丞; 此二官轉右 禮部 事 ', 評 吏部、 書 左右 侍 部、 事轉本寺丞,任太祝、奉禮 郎 郎 由 ; 洞 可 兵部 [太子· ·諫議大 由 郎中 部、 至兵部、 大 中允、秘書郎 主客 理 -,惟待 司封、 夫 寺 或秘書監 丞 吏部 制以上當爲少 由 轉殿中丞, 司 屯田 轉左 勳 轉太常丞,三丞、著作皆遷太常 一、光祿 右丞, 轉都官,優者爲戶部、刑部、 其轉 郎者轉諸寺監丞, 由著作佐郎 蝉; 郎)卿者即 由 中亦 左右 諫 議 如之。 丞 爲之。 轉給 轉 一轉尚 秘 左右 事 書監、丞, 書。 由前 諸 中 寺 口 監丞 自 行 度支、、 員 侍 浅 郎 博士, 外 郎 者 中 轉 郎 、 金 或 以 繭

庫 部 丞 者 理 部 轉 為 評 或 冼 由 事 諸 爲 虞 , 評 子 馬 科 郎 部 博 及 事 中亦. 轉 無 士 由 ,轉諸: 舊 出 比 慕 如之。 部 職 身者, 除 寺 優 爲 五經者,至 監 著作 者爲 丞 校書 至前行 諸 佐 春秋博士 倉 郎、 寺 郎 部 耆 監 郎中轉少卿、監,或一轉,或二三轉, ; 正 轉 丞 字、 則 由 太子 轉 轉國子博 比 寺温主 大 部 中 理 轉 沧。 寺 士,後罕除。 駕 簿、助教 丞 部 由 大 中 優者爲 理寺 允 並 由 華太祝 國 **贊善、中舍** 丞 考 子 轉 功 博 中 士 奉禮 舍, 或 轉 洗洗 即爲諸寺大卿、監,自大 優者 由 虞 郎 部 水 馬 部 員 爲 太祝 皆 蛼 外 左 1轉殿 右 郎 一 奉禮 門 中丞 優 者 一 郎 殿 FF 資 爲 轉 竱 膳 中 淺 大

卿、監特恩獎擢,或入給諫焉。

諫 議。 員 JF. 外 議轉者遷工部侍郎,由給事轉者遷禮部侍郎,由丞、郎改者約本資焉。 言以上 由中書舍入轉禮部以上侍郎,入丞、郎卽越一資以上。 至左右司 郎 至 臺省官 起居轉兵部、吏部員外郎, 郎 '郎中爲知制誥若翰林學士者, 遷中書舍人, 中,皆敍遷兩資,中行郞中爲左右司郞中, ,則正言、監察比太常博士,殿中、司諫比後行員外郎,起居 侍御 : 史轉職方員 外郎 若非次醻勞, ,優者爲兵部、司 舊亦有自前行郎中除者,後兵、 內職、學士、待制亦如之。 有遷三資 封 付、侍 知 御 御史中丞由 或止一資 制 史比 吏部 誥 止 中行 遷諫 由

使、提點刑獄,皆得優遷,或以勤效特獎者亦如之。 密直學士、三司副使皆不帶御史臺官及兩省官,待制以上不帶少卿、監。 特恩或被舉方除。 其學官,司業視 一少卿,祭酒視大卿。其法官,大理正視中允、贊善。凡正言、監察以上, 其任館閣、三司、王府職事,開封府判官、推官,江淮發運、諸路轉運 兩制、龍圖閣、三館皆不帶御史臺官,樞

膊 亦 如之。 班 通事舍人, 轉承 其內職,自借職以上皆循資而遷,至東頭供奉官者轉閣門祗候,閣門祗候轉內殿崇班 ,制,承制轉諸司副使,自副使以上,或一資,或五資、七資,或直爲正使者, 至皇城使者 通事 ·舍人轉西上閤門副使,亦有加諸司副使兼通事者; 轉昭宣使,昭宣使轉宣慶使,宣慶使轉景福殿使。 西上閤門副使轉東 其閤門祗侯, 特恩 至止 使

志

第

又轉四方館使。 上,非特恩不授。 上,東上轉引進 。 引 客省使轉內客省使, ·進轉客省,客省轉西上閤門使; 內客省使轉宣徽使, 自此以上, 或出爲觀察使。 亦如副使之遷, 自內客省使以 惟 至 東 上者

爲 上將 武 軍 【班副率以上至上將軍,其遷 了,團練使、閻門使以上爲大將軍,刺史、諸司使至崇班爲將軍,閻門祗候、供奉官爲 歷軍衞如諸司使副焉。 由牧伯內職改授,則觀察使以上

班 , 有轉內侍、常侍者, 內常侍亦正 內侍省、入內內侍省, 自小黃門至內供奉官, 皆歷級而轉, 至內東頭供奉官轉內殿崇 一轉崇班

率,殿直以上爲副率。

縣簿 留守三府府、節度、觀察、防禦、團練軍事推官,軍、監判官,進士、制舉,三選; 畿簿、尉,五經、三禮、三傳、三史、通禮、明法,五選; 雄望州 兩 司,望縣令,九經,四選;輔州 畿 ?、尉,學究,七選;中州中下州司理、判、司,上縣簿、尉,八選;下州司理、判、司,中縣 令,掌書記,支使, 其銓選之制:兩府司錄,次赤令,留守、兩府、節度、觀察判官,少尹,一選;兩府判、司 防禦、團練判官,二選;諸府司、錄,次畿令,四赤簿、尉,軍事判官, 、大都督府司理、判、司,緊上州錄事參軍,緊上縣令,次赤兩 司理、判、司,下州、中下州錄 司理、判、司,中州 事參軍,中下縣、下縣令,緊望 諸府司理、判、 錄 事參軍, 中

簿、尉, 九選;中下縣下縣簿、尉, 十選。 太廟齋郎、室長通理九年,郊社齋郎、掌坐通理十

班禮(云)、三傳、三史、明法入上州判司、緊縣簿尉,學究有出身人入中州判司、上縣簿尉,太通禮(云)、三傳、三史、明法入上州判司、緊縣簿尉,學究有出身人入中州判司、上縣簿尉,太 司入流人入下州判司、下縣簿尉。 廟齋郎入中下州判司(10)、中縣簿尉,郊社齋郎、試銜無出身人入下州判司、中下縣簿尉,諸 凡入官,則進士入望州判司、次畿簿尉, 九經入緊州判司、望縣簿尉, 五經、三禮、

後議者以身、言、書、判爲無益 精加詳考。 詔 官、三班院、流內銓日引見毋得過兩人,詔弗許。 帝曰:「此豈 曰:「國家詳覈吏治,念其或淹常選, 仁宗初,吏員猶簡,吏部奏天下幕職、州縣官期滿無代者八百餘員,而川、廣尤多未代。 |人情之所樂耶?其亟代之。」帝御後殿視事,或至旰食。 其令翰林學士李諮與吏部流內銓以成資闕爲差擬。」於是咸得遷官,率以爲常。 一,迺罷 而以四事程其能。 自眞宗朝,試身、言、書、判者第推 股承統緒,循用舊典 中書請如天禧 爱命從臣, 舊制 恩、迺特

得被舉者須 凡 磨勘遷京官 志 第 有本部監 ,始增四考爲六考,舉者四人爲五人,曾犯過又加一考。 司、長東按察官,乃得磨勘;須到官一考,方許薦任。 舉吏各有等數, 凡選人年二十

賦, 或不赴試、亦無舉者,永不預選。京官年二十五以上,歲首赴試于國子監,考法如選人,中 五 以上, 一選以上經三試至選滿,京朝官保任者三人,補遠地判、司、簿、尉,無舉主者補司士參軍, 詞理可采、不違程式爲中格,

習經業者人專一經,

兼試律,

十而通五爲中格, 調官。 遇郊, 兩任無私罪而有部使、州守倅舉者五人,入親民;舉者三人,惟與下等釐物務 限半年赴銓試,命兩制三員鏁試于尚書省,糊名謄錄。 習辭業者試論、試詩 聽預

薄勞,求 奏罷舉縣令法。 勿奏舉。 人,必一人本部使,既居任,復有舉者, 又立舉任法以重令選,敕諸路察縣之不治者。 初,州郡多闕官,縣令選尤猥下,多爲淸流所鄙薄,每不得調。 | 截甲引 然銓格煩 未幾,有言親民之任輕,則有害於治,法不宜廢。 密,府史姦弊尤多,而磨勘者待次外州,或經三二歲乃得改官,往往因緣 有韶自是弗許。 始得遷,否則如常選,毋輒 然被舉者日益衆,有司 升補。 復令指劇縣奏舉,舉者二 乃韶吏部選幕職官爲知 常參官已授外任, 無闕以待之,中書

削舊條,務從簡便,因廢南曹而倂歸之于銓。 神宗欲更制度, 建議之臣以爲唐銓與今選殊異,雜用其制,則有留礙煩紊之弊。 初, 審官西院與東院對掌文武, 尋改從吏部 始刊

選,有及三年方遇恩放選者,或適歸選而遽遇恩,旣爲不均,且蔭補冤試注官,以不習事多 亦虛文。」 失職,試者又止試詩,豈足甄才?已受任而無勞績,舉薦及冤試恩法,須再試書判三道,然 補、銓試之外,有進士律義、武臣呈試及試刑法官等,而銓試所受爲特廣。 中書言:「選人守 除免選之恩,重出官之試,定賞罰之則,酌資廕之宜。凡設試以待命士而入之銓注者,自蔭 暨元豐罷奏舉闕,屬之銓曹,而堂選亦不領於中書,一時更制,必欲公天下而詒永久。於是 而 左、右選分焉。祖宗以來,中書有堂選,百司、郡縣有奏舉,雖小大殊科,然皆不隸于有司。

無出 朝,即展任監當三年,在任有二人薦之,冤展。選人應改官,必對便殿。 道,後增試經義。法官同益曹撰式考試(三),第爲三等,上等免選注官,優等升資如判超格, 司 任子年及二十,聽赴銓試。其試不中或不能試,選人滿三歲許注官,惟不得入縣令、司理、 法。 身者賜之出身。自是不復試判,仍去免選恩格,若歷任有舉者五人,自與免試注官。 熙寧四年,遂定銓試之制:凡守選者,歲以二月、八月試斷按二,或律令大義五,或議三 任子年及三十方許參注,若年及二十授官(m),已及三年,出官亦不用試。 至是,待次者多,有踰二年乃得引。 帝閔其留滯,詔每甲引四人以便之。 舊制,五日一引,不 若秩入京

帝因; 論 郡守,謂宰臣曰:「殷每思祖宗百戰得天下,今州郡付之庸人,常切痛心。

三七〇五

志

謂 M 責以選才,宜可得也。」 何 如 而 得選任之要?」文彥博請擇監司而按察之。 陳升之日:「取難治劇郡,擇審官近臣

並 爲 以示 年。 所節抑也。 時 垆 多領 從 無 轉,亦未 ,文臣磨勘,例展一年,至少卿、監止。 旌寵。 應官 朝 名。 遙郡,而尙得從磨勘,遷刺史、團練防禦使,每進一級,增奉錢五萬,廩粟雜給如之,實 請今自正任刺史以上,轉官未滿十年,若有顯效者自許特轉,其非次恩惟許改易州鎭 初置 廷賞 [審官西院,磨勘武臣,並如審官院格,而舊審官曰東院。御史中丞呂公著言:「英宗 止 請於皇城使上別置二使名, ·如少卿、監之有限止也。」詔兩制詳定。 功 而 有 又仁宗時,嘗著令,正任防禦、團練以上,非邊功不遷。今及十年嘗歷外任 |擢用,更不序遷。| 詔:「遙 過,則比文臣展年。」從之。 有功若特恩遷者,不以法。」 視前 (|郡刺史、 | 團練防禦使,並以十年磨勘, 武臣横行以上及使臣,猶循舊制,固未嘗如文臣有 知審官 行郎中, 量給奉祿。 西院李壽朋言:「皇城使占籍者三十餘員, ' 王珪等言:「文武兩選磨勘,已皆均用四 其遙郡刺史、團 至觀察留後 練防禦使, 一, 卽

閤 近 非 通事舍人、帶御器械、兩省都知押班、管幹御藥院使臣七資超轉法,皆除之。 諸 一 勳勞而 使 副 ,每磨勘皆用常制,雖軍 得 超臘,至嘗立 功 者乃 一功亦無 無 優遷,非制 別 異,而閻門內侍輩,轉皆 也 一使副 嘗有 軍 功 應 --轉, 資。 許特超 帝謂:「左右 後客省、

莣 第 占 + 選 鄵 四

勘 51 除 他官 如 進、四方館各置使二員,東、西上閣門共置使六員,客省、 諸 口 閣門、 使法。 四方館使七年無私 使有闕,改官及五期者,樞密院檢舉。 過, 未有關 印 遷者, 加 歷閤門職 遙郡 、引進、閤門副使共八員。 ; 特旨 事 有 1興正 犯 事 任 理 者, 重 者 引 當 進 副 使 几 遷 層 年 日

轉

围

練使

了,客省四年轉防禦使

:皆著爲定制

焉。

滯, 今之審官,茍得其 不能精擇,宜歸之有司。」帝 先是,御史乞罷堂選,曾公亮執不可。 人,安有 不能精擇百官者哉? 曰:「唐陸贄謂:『宰相當擇百官之長, 王安石曰:「中書總庶務,今通判亦該堂選,徒留 一元豐品 几 年,堂選、堂占悉罷 而百官之長擇百

他皆做 狀, 差。 凡 百 循格以 六十餘 於是悉罷 初, 此 有司 俟擬注。 員 屬 內外 悉從 職 卑者不 長 如選巡檢、捕盜官, 水監奏舉, 東舉官法。 在更銓, 往往 明年,令吏部始立定選格,其法:各隨 率命長東舉奏。 不諳 則必因武舉、武學,或緣舉薦,或從獻策得出身之人。 水事 干請 都 得之。」 水 監主簿李士良言:「沿河幹集使臣 迺詔東、 所任 西審官及三班院選 職事,以 入仕功

쒜 不 於階官為 轉 自 卿、 官 制 監 行,以舊 官 太 中大夫。 每至前 少卿、監爲 行 帝 郎 謂:「磨勘者,古考績之法,所與百執事共之,而禁近獨 中,即 朝議 超 大夫,諸卿、監爲中散 轉諫 議 大 夫。 前 行 郎 大夫,秘 中,於階官爲朝請 書監爲 中 大夫。 大夫; 超轉,非 故 諫議 事 , 大 兩

以次補之。 府儀 爲法:凡高一品以上者爲行,下一品者爲守,二品以下者爲試,品同者不用行、守、試 法 至太中大夫止; 也。」於是 同三司 至 選人磨勘用吏部法,遷京朝官則依新定之制。 一韶待制以下,並三年一遷,仍轉朝議、中散、中大夫三官。 通 議 承務郎以上四年遷一官, 至朝請大夫止。 大夫,無磨勘法; 太中大夫至承務郎,皆應磨勘。待制以上六年遷 除授職事官,並以寄稼官品 朝議大夫以七十員爲額, 自是遷敍平允。 有闕, 兩官, **F**

法,而選滿之日,兼行試法之科(晉,此亦今日之便也。」事報聞 注官。 先朝息官吏不習律令,欲誘之讀法,乃減任子出官年數,去守選之格,概令試法,通者隨得 而選人無復選限。 法,凡任子,年及二十五方許出官,進士、諸科,初命及已任而應守選者,非逢恩不得放選。 者七年乃成一任。當淸其源,宜加裁抑。」朝廷下其章議之。司諫[蘇轍 🖽 議曰:「祖宗舊 哲宗時, 自是天下爭誦律令,於事不爲無補。然人人習法,則試無不中,故蔭補者例減五年, 御史上官均言:「今仕籍,合文武二萬八千餘員, 吏部員今年已用後四年夏秋闕,官冗至此亦極矣。宜追復祖宗守選舊 吏部逆用兩任闕次, 而仕

注 凡格所應入,遞升一等以優之。被邊州軍,其城砦巡檢、都監、監押、砦主、防巡、諸路捕 三省言:「舊經堂除選人,惟嘗歷省府推官、臺諫、寺監長貳、郞官、監司外,悉付吏部鈴

盜 太 磨 中 勘 大 轉官 及三萬 大夫以 īm 上 網以上課息場務, 比之舊格 切用磨勘 或實轉兩 遷轉。 凡舊應舉官, 詔:「待制、太中大夫應磨勘者, 官至三四官者。 員闕,許仍奏舉。」時通議大夫以上,有以特恩、 右 正 言王覿謂非所以愛惜名器, 止於通議 大夫,餘官止中散 請官 至

中散

以

上勞績酬獎,合進官者,止許回

授子孫。

特命特遷,不拘此制。」

行 省、 且. 閣 内厄 初, 皇城 武 門使以上,等級相 昭宣使以上無磨勘法,惟 使 臣 得三資,止許 戰功得賞,凡一資, .一轉,減 比而 輕 則從所居官遞遷一級。 《年者許 押班 重絕遠。 以 上則取裁,餘理 回授親屬。」又小 因 樞密院言, 五. 於是以皇城使驟上遙刺, 使臣磨勘轉崇班者,歲毋過 乃韶「閤門、左藏庫副 年磨勘 使 得兩資, 或入橫

試 蚁 推 嚴 須 惟 隸 者尙 恩。 紹 餘 取 等 <u>II</u> 國 11-一人入優等,中書 令 學 初,改定鋒試格, 政 在 不 其外。 和 妤 一年無過罰,乃試銓,若在 取 間 試 著寫 注官 III 是蔭 朝 令。 延 補 取 吏 部部 奏裁,二人爲上等,五 凡攝 隸 隸 旣 國 m 侍 學者,優於累試得第之人矣。」於是 郞 子 臣 官初歸 彭汝礪乞稍責吏部甄別能否, 試 **修言:「進士** 格, 學試嘗 選 用之銓注 散官 中 再 人寫 銓 入等,即 權官歸司, ,及今五 格 中等。 者,每二 **趸**試; 年,而 崇寧以後,又復元豐 岩 百人, 新 其公、私 詔 得 凡京朝官才能 賜 上等優恩者二 在 得優 第, 一學嘗魁 に試嘗 皆觅試。 恩 不 居第 過五 試 事效荷 百 制 者 一,得比 每試 七人,又 而 四十人, 許 陰 者 如 舊 銓 補 百 [t]

錄,尚書暨郎官銓擇以聞。 歷、舉薦 應入高而才行 不副,許奏而降其等。 三省分三年考察之,高則引對,次卽試用,下者還之本選; 凡皆略許出 法而 加 升 黜,歲各毋過三人。 若資

經元 別奏定。 二百 旣 復 站 八十餘人。 初, 多所 元 選人改官,歲以百 、豐舊制,而辟舉一路尙 又令歷任通及三考,而資序已入幕職、令錄,方許舉之改官。 紛更,於是選集後先,路分遠近,資歷功過,悉無區 詔依元豐 人爲額。元祐變法,三人爲甲,月三引見,積累至紹聖初, 五 日而 一存,請盡復舊法,以息僥倖。 引 一甲,甲以三人,歲毋過一百四 」乃罷辟舉 別, 踰等超資,惟其所欲 十人, 俟待次不 吏部言:「元 一豐選 及百 待次者

開 不許遣· 簿、 作監管 尌 「堂選 檢法官 府 崇 曹掾 幹 人代注, 寧元年,韶吏部講求元豐本制, 公 平平 協律郎,豈可泛以格授?諸如此類,仍舊辟舉。」從之。 事 準務,諸路 黄河都 今皆罷從 大, 屬官,在京 元豐法。 內外權茶官, 所當損益 重課場務,京城內外廂官,戶 酌以時宜, 凡干刑獄及筦庫 者, 元祐 删成彝格, 其知邊 法, 選 近蠻夷州 繁劇,皆不可罷 人得升資以 使才能、 部 惟諸路毋得直牒差待闕 如威、 幹官,麴院,権貨務, 閥閲 上賞,及參選 茂、 舉。 兩當其實。 岩 瓊等, 御 史臺 射闕 吏部 及 主 將

得替官權攝

專用 崇寧二年,刑部尚書鄧 也。 郎,日通仕 通 至於選人,則幕職、令錄之屬爲階官, 初,未改官制,大率以職爲階官。 仕、 登仕、將仕三階奏補 郎,日登仕 郎,日將仕 洵武極言之,遂定選人七階:日承直郎,日儒 未出 息。 官人,承直 政和 如以吏部尚書爲階官, 間,改通仕爲從政, ΠĪ 以差遣爲職, .至修職須六考,迪功七考, 名實混淆甚矣。 登仕爲修職 而同 中書門下平章事則 林郎,日文林 有官保任 將 元豐未及革正 付: 爲 郎,日 迪 而 其職 一從事 職 而

居其一,乃得磨勘。

坐愆犯,則隨輕重加考及舉官有差。

繁,苟不裁之,將又倍蓰而未可計也。 濫,惟嚴守磨勘舊法。 考之吏部,政和六年, 例。」迺詔:「惟川、廣水土惡地、許減舉如制、餘悉用一也豐法。」旣而又言:「元豐進納官法,多 人特舉,有託事到闞不用滿任,有約法達礙許先次而改。凡皆棄法用例,法不能 熙寧郊禮 所裁抑。 時 邇者用兵東南,民入金穀皆得補文武官,理選如官戶,與士大夫徑、潤並流,復其戶不 權 文武 姦柄國 應入令錄及因賞得職官,止 奏補總六百一十一 , 僥倖並; 郊恩奏補約一千四百六十有 而今之磨勘,有局務減考第,有川遠減舉官,有用酬賞比類,有因大 進, 官員 員;元豐六年,選人磨勘改京朝官總一百三十有五員。 益 與監當,該磨勘者換授降等使臣,仍不免科率,法意深 濫, 請詔三省若吏部,舊有止法,自當如故, 銓法留礙。 畸,選人改官約三百七十有畸。 臣僚言:「吏員 (增多, 촒 因入流 餘皆 東而例 一世得用 欲節其 日衆。 日益

芯

绢

11

-|-

野學

PU

受科 輸 是得數 千器於一日 ,而失數萬斛於無窮也。 况大戶得復,則移其科於下戶,

重貧、州縣緩急、責辦何人?此又弊之大者。」不聽。

選 欽宗卽位,臣僚復以爲言,始令不注郡守、縣令,仍與在部人通理名次。 刨 初 在合選名次之上。而膏粱之習,往往貪恣, ,宗室無參選法,祖宗時,間選注一二,不爲常制。 出任 |州縣, 徽宗欲優宗室,多得出官,一 黷貨虐民, 議者頗陳其害。 日參

寓官之爵里、年甲、出身、歷仕功過、舉主、到罷月日,編而籍之。然自兵難以來,典籍散失, 也。 京官赴行在者,令吏部審量,非政和以後進書頌及直赴殿試之人,乃聽參選。在部知州軍、 又詔京畿、京東、河北、京西、河東士夫在部注授,雖銓未中而年及者,皆聽注官。 今,而桉牘參照明白,從郎官審覆,長貳予决,小不完者聽行,有狥私挾情,則令御史糾之。 **吏綠爲私,申明繁苛,承用蹖駁,保任滋衆,阻會無期,參選者苦之。 廼令凡文字有不應於** 通判、愈判及京朝官知縣、監當以三年爲任者,權改爲二年。以赴調者萃東南,選法留滯故 高宗建炎初,行都置吏部。 又詔州縣久無正官者,聽在選人申部,審度牓闕差注。 時四選散亡,名籍莫攷。 始下諸道州、府、軍、監,條具屬 二年,命

|紹與元年,起居郞||胡寅言:「今典章文物,廢墜無幾, 百司庶府不可闕者,莫如吏部。

姑置侍郎一員,郎官二員,胥東三十人,則所謂磨勘、封敍、奏薦常程之事,可按而舉矣。」

在者。 滅裂,關會淹延,審量疑似,給付邀求,保明退難。令長貳機柅之。又詔館職選人到任及一 年,通理四考,並自陳,改京官。 更以主之,御史臺常加糾察。」於是三省立八事,曰注擬藏闕,申請徼幸,去失問難 😩, 詔 注授牓闕,姦弊日滋,寒士因苦,甚可憫焉。 日三六宫之長,佐王理邦國者,其惟銓衡乎。 宜令三省議除其弊,嚴立賞禁,仍選能 **亂離以來**,士大夫流徙,有徒跣 而赴行 刷闕

以 武 臣 招堂除通判,內自察官省與以上、館職、書局編修官外,餘闕幷寺監丞、法寺官、六院等, 經 自 義 二年,呂頤浩言:「近世堂除,多侵部注,士人失職。 [準備將領、正副將以上,其部將、巡尉、指使以下,並歸部注。] 從之。 、詩賦、時議、斷案、律義爲五場,願試一場者聽,牓首循一資。 宜做祖宗故事,外自監司、郡守及 武臣呈試合格者並聽 又復文臣銓試,

沈 所 未 與求言:「今日 錄 元 攷其實,不若姑守資格。」 迺命吏部注授縣令,惟用合格之人。 三年,右僕射朱勝非等上吏部七司敕令格式。 豐、 元祐 : 矯枉太過,賢愚同滯。」帝曰:「果有豪傑之士,雖自布衣擢爲輔相 吏部法來上, 乃以省記舊法及續降指揮, 自渡江後,文籍散佚,會廣東轉運司以 詳定而 成 此 書。 先是, 可 也;荷 侍 御史

守, 序。」明年,侍御史周祕言:「今有無舉員考第,因近臣薦對,卽改官升擢,實長 之目,歲薦五員,中書難之。詔「前宰執所舉京削,不理職司」而 臣,自今惟賢德才能之人,餘並依格注擬。」廷臣或請以前宰執所舉改官, 民莫如縣令,今率限以資格,雖貪懦之人,一或應格,則大官大邑得以自擇。 條 五 上劇邑, 年,詔:「凡 遴選清平廉察之人爲之。」旣而又詔:「知縣依舊法,止用兩 注擬,並選擇非老疾及未嘗犯贓與非緣民事被罪之人。」時建議者云:「親 E 易以 介奔競。 任關 請詔 司馬光十科 升 監司、郡 望詔 通 判資 大

猶今之例。今吏部七司宜置例册,凡換給之期限,戰功之定處,去失之保任,書填之審實, 者不能盡告。 貳書之于册,永以爲例,每半歲上于尚書省,仍關御史臺。 奏薦之限隔,酬賞之用否,凡經申請,或堂白、或取旨者,每一事已,命郎官以次擬定,而長 守者法也。 事,不復可伸。 三十二年,吏部侍郎凌景夏言:「國家設銓選以聽羣吏之治,其掌於七司,著在令甲,所 今升降於胥吏之手,有所謂例焉。 案例而不獲,雖有強明健敏之才,不復致議;引例而不當,雖有至公盡理之 貨賄公行,姦弊滋甚。嘗觀漢之公府有辭訟比,尚書有決事比,比之爲言, 長貳有遷改,郎曹有替移,來者不可復知,去 如是,則巧吏無所施,而銓敍平

允矣。」

經銓中及呈試者,勿堂除;雖墨敕,亦許執奏。舊制,宗室文資與外官文臣參注窠闕,武資 銓試,三人取二。其三試終場不中人,聽不拘年限調官。」 士夫子弟之法,多立其額而優爲之制。」遂詔:「自今宗室曾經應舉得解者,許參選,餘並行 不中、年三十者,令寫家狀,讀律注官。陳師正言:「請令宗室恩任子弟出官日量行銓試,如 則不得與武臣參注,但注添差。至是,始聽注釐務闕。七年口,始命銓試不中、年四十,呈試 免試,雖宰執亦不許自陳回授。 有議減任子者,孝宗以祖宗法令難於遽改,令吏部嚴選試之法。自是,初官毋以恩例 。舊制,任子降等補文學及恩科人皆免,至是悉試焉。 。凡未

本 之姦絕,冒濫之門塞矣。」於是重修焉。旣而吏部尙書蔡洸以改官、奏薦、磨勘、差注等條法 分門編類 明,重行攷定,非大有牴牾者弗去,凡涉寬縱者悉刊正之。庶幾國家成法,簡易明白,財謝 在於用例破法,今之患在於因例立法。諺稱吏部爲『例部』。今七司法自晏敦復裁定,不 無弊,例實敗之。法者,公天下而爲之者也;例者,因人而立以壞天下之公者也。昔之 法常靳,例常寬,今法令繁多,官曹冗濫,蓋繇此也。望令哀集參附法及乾道續降申 略,然守之亦可以無弊。而徇情廢法,相師成風,蓋用例破法其害小,因例立法其害 淳熙元年,參知政事龔茂良言:「官人之道,在朝廷則當量人才,在銓部則宜守成法。法 ,名吏部條法總類。十一月,七司敕令格式申明成書。

遣」,以 也; 有課績者許作郡,初任通判以上許作監司,第二任通判以上許作職司,庶幾人法並用。」從 知 州 結銜 网 任 通 熈 三年,中書舍人程大昌言:「舊制,選人改秩後兩任關升通判,通判兩 有差,是參用資格 判資序隔一等而作州者,謂之『權知』,上而提刑、轉運亦然。 刨 理 提刑資序。 除授之際,則又有別以知縣資序隔兩等而 也。 今得材能、資格俱應選者爲上,其次,則擇第二任 作州者, 隔等而 授,是擇 任關升 謂之『 知縣以上 知州 權發 材能

試上三名、南省元外,並作邑;後又命大理評事已改官未歷縣人,並令親民一次,著爲令。 紹定元年,臣僚上言「銓曹之患,員多闕少,注擬甚難。自乾道、嘉定以來,嘗命選部, 寧宗慶元中,重定武臣關升格。先是,初改官人必作令,謂之「須入。」至是,復命除殿

籍,文臣選人、武臣小使臣校尉以下,不下二萬七千餘員,大率三四人共注一闕,宜其膠滯 壅積而不可行。乞命吏部錄參、司理、司法、令、丞、監當酒官,於元展限之上更展半年。」從 職官窠闕,各於元出闕年限之上,與展半年用闕。歷年寖久,入仕者多,即今吏部參注之

年日,監察御史陳塚建言,乞申戒飭銓法十弊:一曰添差數多,破法耗財;謂倅貳、 幕

志 第 百 + 選 舉 四 校 曲 記

彈劾,初未經赦者,經營差遣。 得干求換易。今旣授是官,復謀他職,辭卑居尊,棄彼就此。 未經任人不許奏辟,今或以初任或以闕次遠而改辟見次者。 資泛濫; 人必作知縣,今多規冤,苟圖京局,躐求悴貳,遂使不曾歷縣之人冒當郡寄。 三日攝局違法,蠹政害民,謂監司、 九日壞曠職守,役心外求;十日匿過居官,翫視國法。 二日抽差員衆,州縣廢職; 帥守徇私差權幕屬等職。 七日薦舉不公,多歸請託; 六日改任巧捷,紊亂官常; 几 曰「須入」不行、徼幸撓法; 五日奏辟不應, 奔競日甚 謂曾經罪犯,必俟赦宥。 八日借補繁多,官 調在法已授差遣人,不 ; 今則既遭 謂初 潤在 改 法 官

職、參議、機宜、總戎、鈴轉、監押之類。

謂監司、帥守慕屬多差見任州縣他官權

攝

獻策,曰勤王,曰守禦,曰捕盜,曰奉使,其名不一,皆閪帥假便宜承制之權以擅除擢。 實,寅緣竄名,許令到部,及諸司紛然奏辟,實礙銓法。 有民間願習射者,籍其姓名。守令月一試,取藝優者,如三路保甲法區用 士徑補京官者,有素身冒名卽爲郞、大夫者。乃詔:「從軍應賞者,第補右選,以淸流品。」又 舊制,軍功補授之人,自合從軍,非老疾當汰,無參部及就辟之法。比年諸路奏功不 建炎兵興,雜流補授者衆,有日上書 有進

時 ,授以齋郎,今之將仕郎是也。」知樞密院李回曰:「此猶愈科率於民。」乃許補承節郎、承 紹 興初,嘗以兵革經用不足,有司請募民入貲補官,帝難之。 參知政事張守日:「祖宗

仕 廣袤,募民力田 求遺書,亦命以官。 資考、磨勘、改轉、蔭補、封敍,並依奏補出身法, 郎,武臣 :郎、諸州文學至進義副尉六等,後又給通直郎、修武郎、秉義郎、承直至迪功郎。 承信 郎; 凡白身勸民墾田及七十五頃者與副尉,五伯頃補 餘親,上州文學或進武校尉, 凡歿於王事,無遺表致仕格法者,聽奏補本宗異姓親子孫弟姪,文臣 毋得注令錄及親民官。 所以 褒恤忠義也。 承信郎 又以兩准 和議之後,立格 , 荆襄, 其注擬、 其 將 購

郎, 推恩 自是, 孝宗卽位,命帥臣、監司、郡守、嘗任兩府及朝官等遣親屬 理爲選 進納軍 限。 ·功,不理選限,登仕 淳熙三年, 詔罷鬻爵, 郎、 諸州助教不許出官 除歉歲民願 入粟賑 饑、有裕於衆, 進貢,等第補授登仕郎、 止於贖罪及就轉運 聽補 司 官, 請 將仕 餘皆 解 而

校勘記

己。

- 金吾 司 宋會要選舉二三之一記此事作「金吾 階 衞 仗 司 按本書卷一六四職官志,有「左右 街仗司」,當是 金吾街 司 和「左右金吾仗司」, 無金吾階衛仗
- =或轉 運 憲衡 長編卷五作 或轉憲衡 按宋代通稱轉運使爲漕臣, 提點刑獄公事爲憲臣 疑

運 字 衎

- Ξ 甲次 原倒。據下文「求截甲引見」、「三人爲甲,月三引見」,此處當是指將選人編成甲次以待引
- 見而言,長編卷九作「甲次」,據改。
- 四四 負過名須考驗 同義,疑「名」是「咎」字之訛 「過名」,長編卷九作「過答」,宋會要選舉二四之九作「過尤」,「過答」與「過尤」
- (当) 至是 「至是」,承上文當指開寶六年,而長編卷一八、宋會要選舉二四之九都繫此事於太平興
- (云)前代朝官自一品以下皆曰常參官國二年,此處誤。

按宋會要職官五九之三、長編卷二二,「朝官」都作「常參

- [+] 每任滿三十月罷任則歲校其考第取解赴集 「考第」原作「考策」。 長編卷二二記此事說:「每任 官」、「常參官」都作「京官」。
- 三十月爲滿,歲校其考第,罷任取解赴集。」上文也有「書校考第」之語,作「考第」是,據改。
- 3 牒有司復文 「復文」,長編卷二二作「復支」,和上下文義較合,疑「文」乃「支」字之訛
- 〔元〕 通禮 原作「通理」,此是科目名稱,據上文和長編卷一四、通考卷三〇選舉考改。
- (10) 入中下州判司 「中」字原脫,據本書卷一六九職官志、考異卷七〇補。
- 法官同銓曹撰式考試 「法」字當爲「差」字之誤。 「法官」,宋會要選舉一三之一四、長編卷二二七都作「差官」,於義爲長,

=若年及二十授官「二十」,宋會要選舉一三之一五、長編卷二二七在敍述選人試法時都作「三 十」。長編卷三八六叉說:「彼貴遊子弟,……就令屢試不中,年及三十亦得出仕。」疑以作「三十」

 \cong 蘇轍 原作「蘇軾」,據長編卷三八六、樂城集卷三九乞復選人選限狀改。

爲是。

(回) 兼行試法之科 「法」原作「守」,據同上書同卷同篇改。

去失問難 待賄賂方肯保奏。」繁年要錄卷六九作「去失問難」,據改。又:承上文,此事繫於紹興元年,據同 「問」,原作「戴」。宋繪要職官八之一七:「三、去失之弊,謂見存于照猶問難不已,直

上書同卷,應爲紹興三年。

口芯 七年 據宋會要選舉二六之六,此處失書「乾道」紀元。

三 七年 事繫於淳祐七年,此處失書「淳祐」紀元。 承上文此年當爲紹定七年,但紹定無七年;據本書卷四三理宗紀、宋史全文卷三四,此

宋史卷一百五十九

志第一百一十二

選舉五鈴法下

遠州銓 補蔭 流外補

隨意就差,名曰「指射」,行之不廢。 廣 每 南東、西爲二路,福建一路,後增荆湖南一路,始立八路定差之制,許中州及土著在選者 一任近,即一任遠。 川峽、閩、廣、阻遠險惡,中州之人,多不願仕其地。 川峽、廣南及沿邊,不許挈家者爲遠,餘悉爲近。 初, 銓格稍限以法, 既分川峽爲四路, 凡州縣、幕職,

辭。 既而詔:「川峽、嶺南、福建注授,計程外給兩月期,違則本州不得放上,遣送闕下,除籍 太平興國初,選人孟巒擬賓州錄事參軍,詣匭訴冤,坐流海島。自是,得遠地者不敢 七 (3)一 「 一 十 二 堤 1,31 Ħ. 三七二二

嶺南闕官,往往差攝。 不 (詔:「嶺南攝官,各路惟許選二十員以承乏,餘悉罷歸。」 齒 「選人年六十, 或被 疾 ,則所至陳牒,長 勿注 至是,詔州長吏試可者選用之,罷秩, l遠地);非土人而願者聽。 更按驗,付以公據; 凡任廣、 廢痼 末損, 蜀、 奏送闕下,與出身。 則條狀以聞 福建州縣 。」雍熙四年,又 並給續食。」初, 淳化間

構亂,其黨田子宣攻陷城邑,而蛟捕得之,擢爲推官。 敢 而 有 有是詔 妄稱妻爲女奴,攜以之官,除名。」初,榮州司理判官鄭蛟,冒禁攜妻之任。 始 ,令嶺南幕職,許攜族行,受代不得寄留。 至道初,申詔:「劍南州縣官,不得以族行。 至是,知梓州張雍奏其事,上命戮蛟 會蜀賊李順

自 是,凡注惡地,令不須書。 咸平間,以新、恩、循、梅四州瘴地, 又詔:「規避遐遠,違期受代,勘鞫 選荆湖、福建人注之。 責罰,就移遠 吏部銓擬官,悉標其過犯。 地。

之。 惟不許官本貫州縣及鄰境,其參擬銓次悉如銓格。 赴 上之審官 選。」 凡 神宗 見任 於是七: 東院 更制,始詔:「川峽、福建、廣南,之官罷任,迎送勞苦,其令轉運 距 流 受代半年及已終更者, 許用本資序 路自常選知州而下口, 內銓, 審覆 如令, 卽 奏聞降敕。 轉運 司 置 指射。 員 岩占籍· 無願注者,上其闕審官,而在選者射之。 、闕籍, 有 本路, 司受而閱之, 具 八書應代 或游 時 注 日_, 此 司 定其應格當差者, 州, 立格就注,觅其 下所 皆從其便; 部郡

改,但申嚴提刑司互察之法。 太半,寮寀吏民皆其鄉里親信,難於徇公,易以合黨。 便。 武 人,量立分限,庶經久無弊。 府浮費邪?」何正臣又言:「蜀人之在仕籍者特衆,今自郡守而下皆得就差,一郡之官,土人 臣之屬 法應遠近迭 西院、 中州士不願適遠,四路人樂就家便,用新法卽兩得所欲;况可以省吏卒將迎、官 居 三班院者, ,而川人許連任本路,常獲家便 三, **兼聞差注未至盡公,願許提刑司索案牘究察之。」奏上,法不爲** 令樞密院放此具制。 後荆湖南亦許就注。 請收守令闕歸之朝廷,而他官兼用土 實太偏濫。」王安石曰:「分遠近,均 或言:「上人知州 非

也。 便。」旣而吏部亦請用常格差除,遂悉歸之銓。 名次,人亦不敢爭校;故有力者多得優便, 仕久知識旣多,土人(四)就射本路,不無親故請託,六也。 得祿,四也。上人得射奏名者,冤試就注家便,年高力憊,不復望進,往往營私廢職,五也 雖坐停罷,隨許射注(言),其待次者又許權攝, 祿無虛日; 而吏選無愆犯, 亦大率四年方再 諸路吏部待試,需次率及七年,方成一任;八路就注,若及七年,已更三任,二也。八路 元祐初, 御史上官均言:「定差不均之弊有七: 諸路赴選中試乃差, 八路隨意取射, 而孤寒滯卻,七也。請倂八路差盡歸吏部爲 八路監司地遠而專, 設漫滅功過

紹 聖復行舊制, 第 且許八路人廕補出官,即轉運司試中注闕。 重和間, 臣僚又言其弊:

退難有無、多寡,爲之課而賞罰之,庶可公注擬而絕吏財。」乃命立考課法 上部,必致退卻,參會重上,又半歲矣。 視成書判而已。 博 運以軍儲、吏祿 注闕之高下,視賄之厚薄。 、供饋、支移爲己責,而視差注爲末務,往往付之主案吏胥定擬,而簽廳 以是闕多而不調者衆。 無路,則定差之牘,脫漏言詞,隱落節目。 宜督典領之官,歲終取吏部 及其

月上 之朝廷, 紊。」遂命以小郡知州、監以下,仍付漕司差注,其選人改官詣司公參,理爲「到部」。 許調川陝官; 兩 任 IE. 旬 無過,則錫以眞命。至是,雖歸之吏部,踰年無願就者,復歸漕司。 官,故使舉人兩與薦選者,試刑法於漕司,以合格者注攝兩路,謂之「待次」。攝官更 建炎初,韶福建、二廣闕並歸吏部,惟四川仍舊制。 集注。」爲定法焉。 寒遠之士, 至是宗室多避難入蜀,乃聽於四路注擬。 困抑者衆。 八年,直學士院勾龍 顧參酌前 制 稍還漕銓之舊, 立爲定格, 使與堂除不 如淵上疏謂:「行都去蜀萬 六年(語),詔:「川陝轉運司 初,累朝以廣南地遠,利入不足以 自 里,而 神宗朝,宗室不 比歲窠闕 每 季孟 人稱 相 侵 歸

志第一百一十二 選舉五

簿; ,初等幕職官; 知令、錄; 則本服大功以上女夫, 知令、錄; 其非所生子若孫,各降一等; 孫及大功女之子,判、司、主簿或尉; 曾孫及大功女之孫、小功女之子, 並 元豐前,試大理評事。 緦麻, **想麻女之子,**試監簿。 小功,判、司、主簿或尉; 知令、錄。 元豐前試校書郎。 總麻 異服親亦如之。 、武監簿。 周功 有服 女之 女

簿 ; 評 右 司 才人以上小 官 一不用 班 事 子 殿 每 簿或尉 直 外孫 ,補殿中丞 祀 此 南 判 法。 ٠, 功親,並試監簿。凡大長公主、長公主、公主夫之期親,判、司、主簿或尉,餘試監 郊、 初 司、 等職官; 凡諸妃期親守監簿,餘判、司、主簿 其 誕 主簿、 一,孫,光祿寺丞; 願 聖節,太皇太后、皇太后並錄親屬四人,皇后二人。非遇推恩而特旨賜 補 右職,依換官法, 尉 女之子壻,試監簿。 卽 奉 職 、試監 壻, 簿即 太常寺太祝,外孫,試銜、 * 奉禮 借職 郎卽 宗室總脈以上女之夫,試銜、知 右侍禁, .或尉;異姓親試監簿。婉容以 幕職官卽 知縣。 左班殿直, 凡親王 縣 知令、 上有服親, 肾, 袒 一免,判、 錄卽 大理

郎、正字 試 親 銜。 補 凡 試 使相 文臣:三公、宰相 銜。 期親 、參 節度使、僕射、尚書、太子三少、御史大 ,寺、監主 知 (政事 、樞密院使、副 子,為諸寺 演; 餘親、試銜。 丞 使、宣徽使子 期 親, 三司使,翰林、資政殿侍講、 校書 ,爲太祝 郎; 夫、文明殿 餘親,本宗大功至緦麻服 奉禮 學 士、資政殿 郞 期 韹 親,校書、 圖閣學士,樞密直 大學 者。 以 士子,校書 IE 屬 遠近 餘 補

親, 親, 學. 試 試 太常、 銜 銜 ; 及 餘親, 齋 宗 郎 IE 齋 卿 兩省 • 郞 中 丞, 五. 諸 口口口 . 司 丞 郎, 大 韹 卿 圖 留後、觀 閣 監子 直 學士 ,寺監主 察使,內客省使子, 待 制 演; "、三司 期親 副 武武 使、 銜。 正 知 字; 雜 小 御 ,卿、監 史子 期親, 兼 ٠, 寺 寺 職 者子 監 監 主 主 試 簿 簿 銜 ; 期 餘

期

親,

齋

郞

方館 將 將 右 餘 餘 軍 侍 屬 軍 屬 一、內諸 八 内 ·禁 ; 使、 凡武 自 自左 諸 右 樞 期親, 臣 密都 班殿 班殿 司 司 使、樞 、宰相子 副 右班 使、樞密 承旨 直以下第官之。 直以下第官之。六統軍 密 一殿直; ,爲東頭 [院諸 閣門 分房副 房 使子,右 餘屬,三 副 供 承旨子 承旨子,為三 樞密使、 奉官,使相、 班 班奉 殿 <u>;</u> 直 諸 副 職以下第官之。 班 ÷ 衞 使、宣徽節 知樞 期親,三班奉 班: 奉 上 借 將 職 密院 ; 軍 期親, • 子,爲 度使子, 節度觀 職 客省使、 借 西 ; 職 察留後、觀察使、 西 頭 餘 ; 頭 供 屬, 餘屬, 奉官; 供 引進防禦使、 爲差使、 奉官 為 下 ; 期親,皆左 期 班殿侍。 殿 親, 內客省 侍 惠 右 練 侍禁; 諸 侍 i使子, 使、 衞 諸 70 大

郎 發 1 運 及 凡兼職 諸路 員 外 轉運,始許 在舘 郎任館閣職,武臣至諸司副使、 閣校理、檢討,王 奏及諸親。 一府記 提 點 室、 刑 獄 翊善、侍講,三 惟 諸衞將軍者, 許奏男。 司 其嘗以 止許廕子若孫一人,尚在謫籍者 主 判官, 贓 抵 開 罪 封 得 7府判官、 復故官。 推官 文臣 立

弗

預

太 祖 初定任子之法,臺省六品、諸司五品,登朝嘗歷兩任,然後得請。 始減歲補千牛、

齋郎員額;齋郎須年貌合格,誦書精熟,乃得奏。

尙 員 薦之恩始 書省 帝 改 太 元 乃詔 几 品以 躞 廣 :「膏粱之子,不十年坐致閨籍。」是年,悉授同學究出 恩,文班中書舍人、武班大將軍以上,並 授試銜等人特定七選集, 極,諸州進奏者授以試銜及三班 上,賜一子出 每誕 聖 一節,朝臣多請奏疏屬, 身,此聖節奏薦例也。 遂爲定令。 不報。 職, 初推恩授散試官者,不得赴選。 許蔭補; 凡誕聖節及三年大祀, 先是, 至道 三年, 任子 如遇 得攝太祝、奉禮, 始限 日身赴 轉品, 以翰林學士、兩 選 集。 許更蔭 皆聽奏一人。 一子, 未幾 太平 省 由 創 五 補正 [是奏 興國 品 而

太祖 業,及二年 求敍 郡 縣 者 奏戚 詔 遷 主 眞宗 者,至 以 樞 赐一 密 下 屬 東 審官院 諸親 院定其制, ,舊無 封 子 一殿直 祀 恩澤, ,外命婦 定 汾陰,進奉 止。」大中祥符 與 制 令翰林學士 判監官考試 凡妄名孫及從子 入內者,亦有恩慶。 有 求 人已官者 補 閣 二年,以門廢 以其業, 李維等定,自給諫、觀察使以上得請。 門祗候者 進 為 子 乃以 一秩,未官者令翰林 「真宗 水蔭 名 授 而 聞。 京 東 者 官,年二 以宣贊之職,非 封 內諸 恩,則 坐之。 司 提點 十 五 **試藝**,與試 使、 七 副 年, 以 刑 授 上 獄 可 帝 邊 求 以恩澤 、朝臣、使臣 銜、齋 幸 任 差 初, 南 官 使 京 者 者 授 轉運使辭日 郎、借 , 令 乃 陛 詔 一,皆得 詔 臣 辭 於 職。公主、 三「自今 · 僚 國 時 學受 許 奏一 逮 事 奏

許以他親 二 人。 及已食祿者。」特許西京分司官,郊禋奏廕一子。 惟川、廣、 福建者聽, 餘路 再任始得奏。 自是分務西洛者得以爲例 又詔:「承天節恩例所 蔭子孫,不

子孫須年過十五;若弟姪須過二十,必五服親乃許。 **廕期親。** 外郎,初遇郊蔭子若孫,再郊及期親,四遇郊聽蔭大功以下親。 罷 聖節奏蔭恩,學士以下,遇郊恩得奏大功以上親,再遇郊得奏小功以下親。 自是,任子之恩殺矣。 其皇親大將軍以上妻,再遇郊亦許之。武臣蔭例做此。 (慶曆中,裁損奏補入仕之路,凡選人遇郊赴銓試, 已嘗蔭而物故者,無子孫祿仕,聽再 其不赴試亦無舉者, 初得奏而年過六十無子孫, 凡蔭長子孫皆不限年,諸 郎中、帶職員 永不 ·預選。

縱不能 令已行,不從其議。 殿侍,此蓋 師 者衆。」乃令待制以上,自遷官後六歲,無故則復遷之,有過益展年,至諫議大夫止。 ,不問官職高下、親屬近遠,推恩至班行、幕職、權知州軍,或所遣非親,亦除齋郎及差使、 英宗卽位,郡縣致貢奉人,悉命以官。 [盡罷其人,若五服內親,等第受以一官,其無服屬量賜金帛,庶少救濫官之失。] 然詔 國初承 五代姑息藩鎭之弊,因循 時方患官冗,言者皆謂:「由三歲一磨勘,其進甚亟,易至高位,故獲蔭 不革。 知諫院司馬光建言:「監司、太守,遣親屬奉表京 **爵祿本待賢才,今此等受官,誠爲大濫。** 京朝官

上遷官,聽旨。

院檢詳官至員外郎,在職及二年,遇大禮許補親屬。 許奏小功以上親一人,位號別而資品同者,許比類奏薦。 奏子孫或期親合入官一人。成都、梓、利、夔路差遣一人,子孫循一資。中書檢正官、 罷者,陳乞轉官一人,指射差遣二人。餘執政官,並各一人。待制以上乞差遣遷學士者又 言:「臣僚陳請恩澤,宜有定制。」乃許見任二府歲乞差遣一人。宰臣、樞密使兼平章事 爲國夫人者,得遺表恩,後除之。妃嬪、公主以下,非有服親之壻不許奏。 借職一人。後親子惟注幕職,孫若庶子兩遇郊,方許奏一人,夫之親屬勿奏。 親屬一人;公主生日,許奏一人。 遇聖節與一奏。後定,諸妃每遇聖節丼郊,許奏有服親一人。 一人。三路、廣桂安撫使、知成都府、梓州差遣一人,親孫、子循一資。廣南轉運、提點 一人,後罷奏。舊,郡、縣主遇郊,許奏親生子右班殿直,若庶子及其夫之親兩遇郊,許奏 舊,諸妃遇聖節奏親屬一人,間一年許奏二人,郊禮許奏一人。 仁宗雖罷聖節恩,而猶行之妃、主。神宗旣裁損臣僚奏蔭,以宮掖外戚恩尤濫,故稍抑 後罷生日恩,所奏須有服親。 中書堂後官、提點五房官,雖未至員 舊,公主每遇聖節、郊禮,奏夫之 淑儀、充儀、婕妤、貴 皇親妻兩遇郊,許奏期親 嬪御每遇郊奏一人,兩 既而曾布等又 舊,臣僚之妻 人遇郊, 刑獄 樞密 因

志

第

自

子孫。 外, 叉功 臣繪像之家,如無食祿 |邕、|宣. 欽極邊 煙瘴知州, 則許 聽奏子孫一人。 特奏子孫一人入官。 凡因戰陣物故及歿於王 既定銓試法,任子 許 中選者 官 其

得隨

銓

擬

注,其入優等,往往特旨賜進士出

身

後每遇聖節、大禮、生辰,合得親屬恩澤,並四分減一,皇太后、皇太妃同之。」 乃詔曰:「官冗之患,實極于今,苟非裁入流之數,無以淸取士之原。吾以 數。先來所定,止與皇太后同等,豈可更損?」宣仁曰:「裁減恩澤,凡自 减 此 郊 得 異 職 爲間 入流,本家恩澤,宜減四分之一。」呂公著等曰:「陛下臨朝同聽斷, 姓親各 轉入朝官、循 事官卿、監以下應任子者,須官至朝奉郎,乃許奏。」三年,定宰臣、執政初遇郊,許奏本宗 許奏有官人。 元 隔之次; 祐 一人,次遇郊,奏數如初。 元年詔:「諸軍 入支掌。 已致仕而 舊制,應奏兩 致仕停放 應奏承務郎、殿直以 遇大禮應奏補者, 人止者,次郊,止許奏有官人。其後, 人,其遺表恩該及子而過五年自陳者,慮有冒濫,毋推恩。 願用其恩與有官人, 再奏而)上,許換升一任;不得升入 止。 則許轉官幷循資,或乞差遣, 宣仁太皇太后諭輔臣曰:「近 遇郊 本殿恩澤, 上 更合補蔭者,)眇身率先天下,今 m 、通判。 始, 則均一矣。」 自 餘官三 不當限 已裁 並 惟 遇

服親一人、自奉議郎、內殿承制以下、許與有服親一人恩例;惟中大夫、中散大夫、諸司 哲宗旣親政,詔復舊。凡乞致仕而 不 願轉官者,中大夫至朝奉郎及諸司使,許奏補 本宗

忘

第

百

+

選

興

Ŧī

使帶 私 在 京以 遙 至 徒, 得 郡者,蔭補外仍與有服親恩例, 旨日 或不肖難 亦許 乞有! 任從仕,許越奏其次。至是,始删去格令「長幼爲序」 服親恩例一人。 若致仕未受敷而身亡者, 在外以陳乞至門下省日 初,任子法以長幼爲序,若 應奏者有 四 廢疾, 或嘗犯

年、太妃十年,奏門客 門客,而 朝 子 與其親屬,而 或孫 ,選人循一資,無官者與借職,須期以下親,乃得奏。 五. 與奉職; 年,定親王女郡主蔭補法,遇大禮,許奏親屬一人,所生子仍與右 太妃 服行 未有法。 即用奏子孫恩迴授外服親之夫,及夫之有服親者, 不應法。」詔用皇后緦麻女之子爲比,補借職。 紹聖 名,與假承務郎,許參選。 初,韶皇太妃用興龍節奏親屬恩,迴授門客。 如年數未及,凡恩皆毋回授。 吏部言:「皇太妃遇大禮, 舊法,母后之家,十 有官人轉一官, 班 自是,太后每及八 殿 直; 以 兩遇 毋得升 年 應 一奏 奏恩

凡蔭 止法者,許回 補 元符後,命婦生皇子許依大禮奏有服親,三品以上三人。 宗室總麻親,許 異姓,惟執政得奏,如簽書樞密院事雖依執政法,而所蔭卽不理選限。 授未仕子孫,而貪冒者又請回授異姓,有司每沮止之,然亦多御筆許 視異姓蔭孫 後因 特 一轉官 補 礙

官不甚高、 許奏補內外白身有服 和 間 而 ,尚書省定回授格,謂無官可轉,或可轉而官高不欲轉,或事 功績 大爲一格,許奏本宗白身有服親;官不甚高、 親; 官有 止 法不可轉, 功績次著爲一格,許奏本宗白 功不 甚大爲一 ·大而 功效顯著爲 身袒 格,而分爲

與內外有官有 服親,一與有官有服本宗親,一與有官有服者之子孫。凡爲六等

以上嘗 奏補 餘從之。 及受敕,若無曾受廕人,自有遺表恩。又寺、監長貳至開封少尹,係用職事蔭補,不合限年。 未許蔭補;雖已經奏薦,再遇郊恩年仍未及者,亦寢其奏,庶抑其濫。 霑恩者多矣,此太吝也。 而不及受敕,乃格其恩, 下三五十年,而今閱三五年,有已至大夫者矣;諸翼將軍至武翼郎,須出官三十年, 宣和二年,殿中侍御史張汝舟言:「今法所該 今文武官奏補、未嘗限年,此太濫也。 求休致,而身謝在出敕前,欲並許奏廕,以補其不及。」尚書省文武官致仕氏力, 於是有 欲自今中大夫至帶職朝奉郎以上,雖遇郊恩,入官不及二十年,皆 身謝而未受敕者,其家或至匿哀須限;然不及親受而 至若中大夫以下及武功、武翼大夫,已求 補奏,與先朝同。 昔之官至大夫,歷官不 至於文武官及大夫 不與 致仕

官,不論途轍,一言合意,卽日持橐。 任子百倍。欽宗卽位,赦恩覃轉,惟許宗室;其文武臣止令回授有官有服親,且詔:「非法 不三五年, 可名,而直以與之。」孟昌齡、朱勔父子、童貫、梁師成、李邦彥等,凡所請求皆有定價,故 崇寧以來,類多泛賞,如曰「應奉有勞」、「獻頌可采」、「職事修舉」特授特轉者,皆無 選人有至正郎或員外,帶職小使臣至正、副使或入遙郡橫行者。而蔡京拔用從 又優堂吏,往往至中奉大夫,或換防禦、觀察使。 由

革其弊。」會思誠去國,議遂格(+)。 舊法,惟贓罪不許任子,新令倂及私罪徒,有司以爲拘 以 以 礙者多,遂罷新令。 又詔:「宰執、侍從致仕遺表,惟補總麻以上親,毋及異姓。」二十二年, 祖宗時不知其幾倍,而恩例未嘗少損。有一人而任子至十餘者,此而不革,實蠧政事,望議 年必六十,身不過得恩澤五六人。厥後私謁行,橫恩廣,有年未三十而官至大夫者,員數比 不與焉。將見寒士有三十年不得調者矣。祖宗時,仕至卿、監者,皆實以年勞、功績得之, 闕,大率十年不得一任。今親祠之歲,任子約四千人,是十年之後,增萬二千員,科舉取士 觀責降之人,聽依條補蔭。」七年,中書舍人趙思誠言:「孤寒之士,名在選部,皆待數年之 夫以上及見帶兩制職名,依舊不限年。 <u>(職官志。)建炎元年,詔:「宰執子弟以恩澤任待制以上者,並罷。」紹興四年詔:「文武太中大</u> 從官。 進。 武臣多出軍中,爵秩高而族姓少,凡有薦奏,同姓皆期功,異姓皆中表,閭巷之徒附會 高宗中興,重定補蔭法,內外臣僚子孫期親大功以下及異姓親隨, 命須經統轄長官結罪保明,詭冒者連坐之。帝於后妃補蔭,每加裁抑,詔后族不得 內無出身自授官後以及十五年,年及三十、不係宮 文武各有等秩,見

志

侍從、卿監之至中大夫,每初遇郊、則聽任一子;再經,則不許復請。遺表之恩,各減其一。 減年之類,亦去其半。 詔 ,未奏者許一名。 隆興元年,以張宋卿言蔭補冗濫,立爲定法。 凡員外轉正郎,正郎 卽位,思革冗官。 至府史之屬,武功之等,亦做此差降之。 初詔百官任子遇郊恩權免奏薦,年七十人,遇郊不許奏子。 轉 俄

視為減 被蔭 從六人,中散大夫至中大夫四人,帶職朝奉郎至朝議大夫三人,通減三分之一。」於是冗濫 郎、員外郎,分爲五等,每等降殺,以兩酌中定爲止數, 袒免親諸衞將軍、武功大夫至武翼郎以上,遇大禮奏補親屬, 夫,異姓給使減年之類,轉至合奏薦官,候致仕與奏一名,

嘗奏者不再奏。」四年, 詔:「宗室 文資祿其子,不可復正矣。 任執政官,遇郊聽補文資。」於是恩數視執政者亦得之。蓋戚里、宗王與夫攀附之臣,皆爭以 詔:「文臣帶職員外郞及武翼大夫以上,生前未嘗奏薦者,與致仕恩澤一名;卽已嘗奏薦而 乾道 人身亡,許再請。 半,然猶未大艾也。 二年詔: 「非泛補官,如宗室、戚里女夫捧香,異姓上書獻碩,隨奉使補官,陣亡女 應朝奉郎、武翼郎以上補授及三十年者, 自隆興著酬賞實歷對用轉官之法,遷官稍緩。 淳熙九年,始詔:「減任子員數。自宰相、執政、侍從、 武臣如之。 並依外官法,著爲令。」九年, 亦與一名。」又詔:「武臣 宰相十人,執政八人,侍 至是, 郊恩之奏 卿監、正 嘗

漸革。

推思。 寧宗慶元中,立補蔭新格,自使相以下有差,文臣中大夫、武臣防禦使以下,不許遺表 嘉泰初,以官冗恩濫,凡宗女夫授官者,依舊法終身止任一子,兩府使相不得以郊

恩奏門客,著爲令。

留,有至諸衞長吏、兩省主事者。 後遂考試百司人,歲以二十人爲額,毋得僥倖求優試。爲職掌者,皆限年,授外州司戶、勒 所對,以防其弊。 後以就試多懷挾傳授,乃鎖院、巡搜、糊名。凡試百司吏人,問律及疏,旣考合格,復令口誦 尙書同試律三道,中者補正名,理勞考。三館、祕閣楷書,皆本司試書札,中書覆試,補受。 凡流外補選,五省、御史臺、九寺、三監、金吾司、四方館職掌,每歲遣近臣與判銓曹,就 其自敍勞績,臣僚爲之陳請,特冤口誦,謂之「優試」。得優試者,率中選。

選。 司召補,至其首者出職 五院須父祖有官者,樞密院亦如之,惟本院試驗。 然中書制敕及五院員闕,多即遣官特試書箚, 學士、審官、審刑院,登聞檢鼓院,糾察刑獄司,皆選取諸司吏人,或以年限,或理本司 宣徽院、三司、各省、閤門、三班院,皆本 驗視材質。 制敕院須堂後官以下親屬,

補 一班借 凡 「職者, 職者。 樞密院、三司、皆補借職以上、餘或補州縣。 中書主事以下,三司勾覆官以上,各帶諸州上佐, 內廷諸司主吏、三司大將,亦有 樞密院主事以上, 皆帶

同正將軍;餘多帶遠地司戶、簿、尉。

官七年、孔目官六年出職;其職遷補者,許通計年考,有奉錢官者,更留三年。典書、楷書 官,遇恩一年,授後,五年出官;驅使官,補正四年授勒留官,遇恩二年,授後,八年出官。三 以前,諸司請自今勒留,並比七選集授官例,赴選日不以州縣地望爲資敍」。從之。後又定 館孔目官,書直庫表奏、守當官,四年授勒留官,遇恩二年,授後,守當官八年、書直庫表奏 補;至勾押官、押衙,及五年以上出官,補三班或簿、尉。學士院孔目官,補正三年授勒留 遇恩則一年,授後,七年出官。 宣徽院貼房至都勾押官,軍將至知客、押衙各六等,並以次 首,依舊制補三班;通引、堂門、直省、發敕驗使臣, 遇闕, 依名次補正名;三年授勒留官, 五選集,準格三館入流,歲數已少,無得以諸色優勞減選。閤門、客省、承受、驅使官轉次第, 命翰林學士承旨宋白,與兩制、 |依本司舊例,補正名四年授勒留官,遇恩則二年,授後,七年出授簿、尉; 其行首並如舊 審刑院本無職掌名額,於諸司選差正名,令不以有無勒留。 先是,勒留、出官及選限,皆無定制。 御史中丞同詳定之。 其隸近司, 有裁三二年即堂除外官者。 白等請令「中書沿堂五院行首、副行 審官五年、審刑三年,出官

客 省 承 受、行首歲滿補殿直、奉職; 御書院、 翰林待韶、 書藝祗候,十年以上無犯者聽出

職

者, 簿喬蔚等五人爲將作監丞,充中書堂後官,拔選人授京官爲堂吏,自此始 職事官,入謝外不赴朝參,見宰相禮同胥吏。 土之在令、錄、簿、尉選者充之;或不屑就,而所選不及數,乃如 引對,方得 太祖嘗親閱諸司流外人,勒之歸農者四百人。 注擬。 驅使散從官、伎術人,資考雖多,亦不注擬。」堂後官多爲姦 端拱 初,以河南府法曹參軍梁正 開寶間,詔:「流外選人經十考入令、錄 舊制。 雍熙時,以堂後官充 一辭、楚丘縣主 腻, 欲更用

校勘記

(1) 於是七路自常選知 西路 、福建 路 和 荆 湖 州 南路, 而下 此 七七 處 所記沒有 路 原作 荆 「八路」。按上文首先提 湖 南路, 實只 七 七路。 長編 到的 卷二一 八路是 $\widetilde{|\mathcal{H}|}$ 四作一七 峽 四路 路 廣南東 1,據 改。

常 獲 家 便 「家便」二字原倒,按下文「家便」一 詞 數 見,同上書同 卷也作「家便」,「家便」 當是當

時智用語。今乙正。

八 也 此 雕 坐停罷 處當 有 脫 隨 文。 許 射 按長編卷三八〇所載,有「又八路在任犯罪停替,或體量罷任,並 注 上文明言「定差不均之弊有七」 敍述中只有「二也」、「四 也 許 而 :再指射 無 \equiv

志第一百一十二 校勘記

差遣,而見在吏部待次之人,至有歷任無過尚須試法,候及一年方有注擬,此不均之弊三也」之 文,此處所云當卽此第三事的改寫。 此處下當脫「三也」二字,或尙脫有關「見在吏部待次之人

(晉) 土人 原作「士人」,據長編卷三八〇、通考卷三八選舉考改。

定差情況文字。

(至) 六年 承上文當指建炎六年,而建炎無六年;繫年要錄卷九九緊此事於紹興六年,是,此處失

書「紹興」紀元。

(《) 尚書省文武官致仕 職事蔭補,不合限年。餘悉從之」等語,疑「尚書省」前脫「詔」字。 據下文「餘從之」及通考卷三四選舉考「詔除寺、監長貳至開封少尹,係用

(4)議遂格 「格」原作「革」,據繫年要錄卷一一五、通考卷三四選舉考改。

宋史卷一百六十

志第一百一十三

選舉六保任考課

而 諫、館學,下暨錢穀、兵武之職,時亦以薦舉命之,蓋不膠於法矣。 目,往往特韶公卿、部刺史、牧守長官,卽所部所知,揚其才識而任其能否。上自侍從、臺 又責官以保任之。凡改秩遷資,必視舉任有無,以爲應否;至其職任優殊,則又隨事立 保任之制。 銓注有格, 概拘以法, 法可以制平而不可以擇才, 故予奪升黜, 品式具在,

通 則有官者優擢,非仕宦者授以官,或賞緡錢,不實,則反坐之。」自是,或特命陶穀等舉才堪 人,條析其實,毋以親爲避。」旣而舉者頗因緣爲姦,用知制誥高錫奏:「請許人訐告,得實, | 判者, 或詔翰林學士及常參官舉京官、幕職、州縣正員堪升朝者。 國初,保任未立限制。建隆三年始詔:「常參官及翰林學士,舉堪充幕職、令、錄者各一 藩鎭奏掌書記多越資

志

敍 各二人,防禦、團練使各舉 則認 胚 兩 任有文學方得奏。 一人,遣 又令諸道節度、觀察使,於部內官選才識 詣闕 庭, 觀其器業而 進用焉。 凡被舉擢 優茂、德 官, 於誥 行 敦篤者 命 署

主姓名

他

日

不如舉狀,則連坐之。

判 而明 司、簿、尉之淸廉明幹者 於推鞫者,舉之。 太宗尤嚴牧守之任,詔 雍熙二年,舉可 ,具名以 諸道使者察部內履行著聞、 聞 升朝者, ,驛召引對, 始令翰林學士、 授之知 政術尤異、 縣。 兩省、 又令閥 文學茂異者,州長 御 屬 史臺、 部 司 理 尚書省官 參 缸 吏 廉 愼

尙慮徼 果利 薦; 首 事 則 之吏,外分主計之司 其有 於民, 原 淳化三年(己),令宰相以下至御史中丞,各舉朝官一 功, 其 懷 聯 固當責實。 令歲: 材 丛 之 外任,未爲朝廷所知者,方得奏舉。 終以 罪 聞。 跳 凡 轉運使釐革 非 日 轉 殊異者不 輸,得 庶務,平 氽 得條 汝祭, 奏。」 反獄 總覽 又詔:三司、三館 始令內外官,凡所舉薦有變節踰矩者, 訟,漕運 郡 國 人爲 職 金穀,成績居最 任尤 轉運使,迺 職 重 事 物 官已升擢者, 情舒慘 詔 一及有建 曰:「國家詳 靡不 置 不在 ·由之。 求 論 自

析 其衡里及歷任殿最以聞,不得有隱。 太宗 聽 政 之眼, 句 取 兩 省、 网 制清望官名籍,擇其有德譽者, 如舉狀者有賞典,無驗者罪之。 悉令舉官。 又嘗謂字臣曰:「君 所舉之人, 須

志第一百一十三 選舉六

官贖貨 得人也? 之『羅端 高 西京作坊 胎 小人, 趣向不同。君子畏慎, 不欺暗室, 名節造次靡渝; 小人雖善談忠信, 而履行 慶、姜嶼、戚綸八人有治迹,並降壅書褒論。 一、罔畏刑 公」,則爲治 一」供奉官劉文質嘗入奏,祭舉兩浙部內官高輔之、李易直、艾仲孺 副 使。 罰 可知矣。 如薛智周以侍御史守婺,政以賄成,聚斂無已,其土產富 卿等職在掄材,今令朝臣舉官,已是逐末,更不擇舉主, 帝曰:「文質所舉,皆良吏也。」特遷文質爲 於羅,州民謂 |梅詢、 頗僻,在 高鼎、 何由

今官 | 掛等上言:「往制,常參官及節度、觀察、 自 品制 日 真宗 代,於閻門投下 咸 內 平間,祕書丞陳彭年請用唐故事舉官自代。 初, 度沿革不同,請令兩省、御史臺、尚書省六品以上,諸司 ,於四方館上表讓一人以自代。 屢 詔 舉官 一,方得 ,未立常 入謝。 制。 在 外者 大中祥符二年詔:「幕職、州 防禦、刺史、少尹、畿 ,授訖三月內,具表附驛以聞(o)。 其表付中書門下,每官闞 韶秘書直學士(三)馮拯、陳堯叟參詳之。 赤令丼七品以 縣官初任,未開 四品 以以 以上,授訖,具表讓 見舉多者量 `」 遂著爲令 上清望官,授 吏事 而授之。

任 六考,方得論 薦 。」三年,始 定制

行 所 宜 自 翰 任,令閤門、 林學士以下常參官,歲各舉外任京朝官、三班使臣、幕 御 史臺歲終會其數。 如無舉狀,即具奏致罰。 職 州 於多季以差出,亦須 縣官 一人,著其治

奏 舉 路 院 官 及 轉 後 以 顯 運 名 使 万 有 聞 入 副 踰 濫者 l、提點 論 如 一, 亦 諸 刑 不 司 須指述,不得顧 申考帳法 獄 使副、承制、 官 知州、通 、 崇班:)判奏舉部內官屬, 避。 曾任西北邊、川、廣鈴轄、親民 以次年二月二十五 則 不 限 人數, 日以前 具 到 (在任 者 京, 亦做 「勞績, 違 期 此 如 則 制 都 無 進 ĪΨ 諸

官治 委 經 功 任 歷 過 功 於宣 隣 及 過 迹 凡 朝 能 學主 司 近 敕 舉主姓 廷須 否 使 郡官治 內盡 一, 如 數 副 4,使臣 人才,及欲 舉在京掌事京朝官、使臣。 隣 名 列 迹善惡以聞。 舉 近 及薦舉數。 及所經州 主 卽 姓 樞密院 名。 理 州 或 置 縣 縣 轉運 弊政 任 訪 籍。 以留中書 聞 內 使副、提點 善惡 幹 劇 网 省、 集 務 亦許 凡被 尙 特 削 一 以 五 籍 書省、御 與 學者 刑 遷 內 同奏,先於閤門投進 獄 秩 視 月一 官、 ,中書歲置二籍, 荷 舉任及 史臺官凡 知州 日 不 進 集 深績 / 通 內。 事 , 出 判 数多而 本 明年, 使迴 赴 犯 方方 疏其名銜,下列 闕 雖 籍內 各具 得 須 資 不 採 歷 入 去 前 仍計 官 相 見 訪 當 所 任 亦移 者差 部 向 至 來 胚 及 內

開 人 慢僻 俱不 集 遠 地 事 內 坐 罪 外 不 羣 至 臣 一去官 所 舉 及三 亦仰 人 奏裁 有 成 當當 績 一, 仰 行 責 中 降。 書、樞 或得 密 失相 院 具 一多,亦 姓 名取 與折 冒 剄 獎。 如 倂

官, 皆舉幕職 天 聖 六 车 、州縣曉法令者爲之。 詔 審 刑 院 舉常 ※客官 在 自 京 請試律者須五考, 刑 法 司 者爲詳 議官 有舉者 大 ,乃聽試。 理寺 詳 斷 試律三道 刑 部 詳 覆 疏一 法

志第一百一十三 選舉六

路 諸邊要,亦嘗詔節度使至閤門使、知州軍、鈴轄、諸司使,舉殿直以上材勇堪邊任者,或令三 使舉經義通明者;或欲不次用人,嘗詔 道 司 使下 學,各因時所求而 知州 ·,又斷中小獄案二道,通者爲中格。」時舉官擢人,不常其制。國子監闕講官,則詔諸路轉運 、 通判、縣令,則詔近臣舉廉幹吏選任之,毋拘資格。 至天章閣待制舉奏之。 :薦焉 邊有警,則詔諸轉運使、提點刑獄舉所部官才堪將帥者;三 近臣舉常參官歷通判無臟罪而才任繁劇者 至于文行之士,錢穀之才,刑名 欲官

Ż 進, 儿 任 用 ,保其三任 人,得磨勘遷京官; 兩人,得爲縣令。 因 已至部使者,毋得 自 仍弗革 天聖後,進者頗多,始戒近臣,非受詔毋輒舉官。又下詔風厲,毋以薦舉爲阿私。 ·,其弊將深。」乃定令:被薦爲令,任內復有舉者始得遷,否則如常選,毋輒升 也。 朝 廷 爲令無 始詔增爲六考,舉者五人,須有本部使者。御史王端以爲:「法用舉 初 復薦,失舉而已擢用,聽。 無參伍 過譴,遷職 一考察之法,偶幸無過,輒信而 事官、知縣;又無過譴,遂得改京官。 自言不實,弗爲負。 遷之。是以碌碌之人,皆得自 初,選人四考,有舉者 乃是用舉者兩 其

司 副 使以 時 增 上; 設禁限,常參官已授外任,毋得奏舉。 及 在 京員 外郎嘗任 |知州、通判,諸司副使嘗任兵馬都監 京官見任知 州、通判,升朝官兵馬都 者 ,乃聽舉,流內銓復 監、諸

所部 薦之法,大抵初 史、觀察使以上,歲舉京官不得過二人,其常參官毋得復舉,自 iiiī 州 多少劇易之差,爲舉令數,非本部勿舉。 被 外 舉 臣 者 僚 L須有: 歲 略而 舉數 本 後 ·部監司、 ,文臣待制至侍御史,武臣自觀察至諸 詳 也 長 吏、 按察官, 乃得磨勘。 其後又增舉主三員。 又 限 司副使, 是舉官之數省矣。 到官 蓋官冗之弊浸極,故保 一考, 舉吏各有等數 方得 定監司 毋 知 得 雜 以 御 輒

守歲 其條 勘改 以 納其言,下詔申敕。 疏 法 路 人,未引見者至 多(四) 使者 氚 M 英宗時 官 許 JĘ 密 約 、數省 薦部 者 漸 薦 M 「歲才 而 $\overline{I_1}$ 磨 東,未 眞 人, 而 勘 御 才 今也,法密 待 數 m 改 史 實 歲 次者已不 官 中 + 有 百 廉未発恩於 中外臣僚歲得舉京官者, 視元數以三分率之, 減一分; 者 終不滿 人,後資考頗 狠 Ŧi. 丞 數,而 賈 十餘人。且以先朝事較之:方天聖中,法尚 固已衆矣,然引對 而 黯又言:「今京朝官至卿、監,凡二千八百餘 其數 減六七十人。 其數,則 在京臺 無能 增 增,而 也。 Å 閣及常參官管任 此 人以為 何 知州 猶未 宜 故 皇祐 明 哉哉? 薦吏, 有待 遺己。 詔 及今纔十年 天下 Œ 次者 視 在薦 - , 使有· 當舉者避謗畏譏,欲止不 屬 知 州) 也。 邑多少裁定其數,常參官不許 吏者歳 事, 通判 人則薦,不 皇祐 限 而猥 、者、雖非部吏皆得薦 中,始 簡 区定員 選 多至于三倍 員,而吏部奏舉 必満 ,務充 限 人以四考改官 監 所限 舉職官,有舉者 司 數而 敢, 奏舉之數,其 之數 此 向 一磨勘 薦 也 薦 時磨 者 而 天 如 所 郡 法 諸 選 志 第 百 + Ξ 選 舉 六

狮

遂復內外舉官

法。

人,任滿選如法。 所以分減舉者數,省京官也

難。 員 韶:「中書、樞密院舉人,皆明言才業所長,堪任何事,以副朕爲官擇人之意。」 初入二府, 了被舉者旣多,則磨勘者愈衆。 臣以爲 判 吏部流 舉所知者三人,將以觀大臣之能。後來請謁之說勝, 可罷 ·內銓蔡抗义言:「奏舉京官人,度二年引對乃可畢,計每歲所舉,無慮千九百 知 雑 御 ·史、觀察使以上歲得舉官法。」從之。 自是舉官之數彌省矣。 且今天下員多關少,率三人而 待一闕,若不稍改, 而薦者或不以公。 除吏愈 四年, 故事

恐有 嵗 外舉官法皆罷,令吏部審官院參議選格 六 員者 舉京官、縣令額。 神宗 制 ,歲得舉三員。 熙寧後,又從 即位,乃罷兩府初入舉官。 又詔察訪使者得舉官。 旣而 而損益之,故舉皆限員,而歲又分舉,制益詳矣。 帝以舊舉官往往 凡薦任之法,選人用以進資改秩,京朝官用以升任,舊 選人任中都官者,舊無舉薦,始許其屬 終求請得之, 乃革去奏舉, 而概以定格 定十六路提點刑獄 有選 詔

內

人

之。 不 與同 於是不得已而別爲之名,以用其平 元 罪, 祐 初,左司 H 選才 諫王嚴叟言:「自罷辟 '薦能 而 謂 之『踏逐』, 舉而用選格,可以見功過而 日之所信,故有『踏逐申差』之目。 非雅名也。 況委人以權而 不容舉其所知 不 ·可以見人材,中外病 『踏逐』實薦 貴 爲 舉 而 通

及司馬光爲相,奏日:

官, 器 寒遺逸,豈能周知?若專引知識,則嫌於私;若止循資序,未必皆才。 可求備? 授任 各舉所知,然後克叶至公,野無遺賢矣。 爲政 ·則世無可棄之士。臣備位宰相,職當選官,而識短見狹,士有恬退滯淹, 故孔門以四科論士,漢室以數路得人。 《得人則治。然人之才,或長於此而短於彼,雖阜、變、稷、契,各守一官,中人安 若指瑕掩善,則朝無可用之人;苟 莫若使有位達 或孤 隨

舉科 顧問 仍備所舉官姓名,其人任官無狀,坐以繆舉之罪。所貴人人重慎,所舉得才。 於 至給舍 司 JF. 日 善治 科, + 可備獻納科,舉有官人。三日智勇過人可備將帥科,舉文武有官人。四日公正聰明可備監 格 科 一科,同上。七日文章典麗可備著述科,同上。八日善聽獄訟盡公得實科,舉有官人。 欲乞朝廷設十科舉士:一曰行義純固可爲師表科,有官、無官人,皆可舉。二曰節操方 舉知州以上資序。五日經術精通可備講讀科,有官、無官人,皆可舉。 內舉三人,仍具狀保任,中書置籍記之。異時有事 、諫議,寄祿官自開府儀同三司 財賦公私俱便科,^{舉有官人}。十曰練習法令能斷請讞 ,隨事試之,有勞,又著之籍。 內外官闕, 至太中大夫,職自觀文殿大學士至待制,每歲須 取嘗試 有效者隨科授職。 須材,即執政案籍 科。 同上。 六日 應職: 學問該 事官自尚書 視其所嘗被 所賜告命、 博可備 九

志第一百一十三 選舉六

舉?故臣奏設十科以舉士,其『公正聰明可備監 **狹**,豈足以盡天下之賢才?若採訪毀譽,則情僞萬端。 光又言:「朝廷執政惟八九人,若非交舊、無以知其行能。 司。, 誠知請屬挾私所不能無, 但有不如所 與其聽遊談之言, 不惟涉徇私之嫌, 曷若使之結罪保 銀所取 至

舉,譴責無所寬宥,則不敢妄舉矣。」詔皆從之。

也。」詔 其養" 路及一州而 格用之,凡再爲半刺、有薦者三人,則得之矣。不公不明,十郡而居三四,是天下之民,半失 二年,殿中侍御史|呂陶言:「郡守提封千里,生聚萬衆,所係休戚,而不察能否,一 請令內外從臣(E),歲舉可爲守臣者各三人, 略資序而採公言, 「內外待制、太中大夫以上,歲舉再歷通判資序、堪任知州者一人,籍于吏部。 四縣者,其守臣有闕,先差本資序人,次案籍以所薦者(云)。」 庶其可以擇才芘民 以資

事 州 遠 而 選,此倚薦以爲信也。 歲舉積久,吏部無闕以授。四年,遂罷太中大夫以上歲舉法,惟奉詔乃舉焉 不簡者。 .以縣之多少而分簡劇,亦未爲盡。 一地寒,雖歷郡久、治狀著、課入上考,偶以無薦,則反在通判下,不許入三路及四縣州。 頃之,侍御史韓川言:「近太中大夫以上歲舉守臣,而薦所不及,雖課 願參以考績之實,著爲通令,仍不以縣之多少而爲簡劇。」詔吏部立法以聞。 然太中大夫以上,率在京師,唯馳騖請求、因緣宛轉者,常多得之。迹 蓋繁簡在事不在縣,固有縣多而事不繁,亦有縣少而 入優等,皆未預 且

職官、縣令舉員旣足,又倂改官舉員求之。」詔:「歷任通及三考,而資序已入幕職、令錄,方 聖元年,右司諫朱勃言:「選人初受任,雖能,法未得舉爲京官。 而有挾權善請求者,

許舉之改官。」

司屬官,中丞呂公著薦之,遂以太子中允權監察御史裏行。 親厚,擅竊人主威福,此大不便。」弗聽。旣改法,著作佐郎程顥、王子韶、謝景福方爲條例 御史|劉述奏曰:「舊制,舉御史必官升京朝,資入通判。衆學士、本臺丞、知雜更互論薦,每 中丞,亦非舊制。」帝曰:「唐以布衣馬周爲之,用京官何爲不可?知雜,屬也,委長爲是。」侍 乃令悉除舊法,一委中丞舉之,而稍略其資格。|趙抃曰:「用京官恐非體,又不委知雜,專任 薦,即不得爲御史。執政取其平日所畏者薦之,則其人不復得言事矣,蓋法之弊如此。」帝 人。」帝曰:「豈執政者惡言官得人耶?」於是中書悉具舊法以奏。 安石曰:「舊法,凡執政所 一闕上,二人而擇用一人。今專委中丞,則愛憎由己,公道廢於私恩,或受權臣之託,引所 初,神宗罷薦舉,惟舉御史法不廢。熙寧二年,王安石言:「舉御史法太密,故難於得

皆言之,非左右也。」惇曰:「臺諫所以糾大臣之越法者。故事,執政初除,苟有親戚及嘗被 章惇曰:「故事,諫官皆薦諸侍從,然後大臣禀奏,今得無有近習援引乎。」太后曰:「大臣實 宣仁太后聽政,詔范純仁為諫議大夫,唐叔問、蘇轍爲司諫,朱光庭、范祖禹爲正言。 志

可

以

臣

故

蔽

寒

之 呂

引

後又命司

責 監 專 史 任 察 委 中 臺 之本意 御 御 丞 元 史進 官 與 站 史二員,給事 一、若稍 六 兩省分舉,而今之兩省官屬 年,御 用 一詔中丞 ,宰執不 涉 私 史中丞鄭雍 中 更舉監 自有黜 得預,顧令兩省屬官舉之,非是。」遂寢前 亦舉二員。 察御 典。」 言:「舊御史闕,臺官得自 一韶御 史二員。八年, 雍 ,皆與聞 又言:「風憲之地, 史 中丞 學殿中侍 門下、中 侍御 書政 御 史楊畏言:「風憲之任, 責任 薦,所以正 史二 事 宜 員,翰林學士 專。 其 命 自舉 名舉職 若 臺屬 非 故 也。 多 事 中 由 , 自官制行 人主寄耳目 且 書舍人 他 有 薦 恐非 同 .製 御 乞

注之。 可備 統 武 其後, 衆」、二語 臣 薦 舉立 雖 練兵 時 格,有枚 有 更易,而薦舉之所重輕,選用之所隸屬,多規此立 事 可 任 別 [邊寄]之類。 職 任 而 舉之者,有概名 惟 邊要任使隸樞 1材武 m 入之銓格 密院,餘 則 者,又其上則「謀略膽 審 制。 官 西院、三班院按格 勇

謫 年 次 或 內 訪 ·, 以 文武 舉宗 外官 籍 以 有 , 無 建 朝 學所知 官 室 炎 及 無官資 大 班 兵 有 布 多闕 過 智謀 刺 衣 興 而 (隱士才) 多事 つ 並 詣 史 ",詔:「 政事 州 及武 舉忠義之士能 縣 , 才學實 派禮遣: 登聞檢院自 以中外 堪 藝精熟者; 臺諫、 大用者,擢爲 赴 可用者 行 左右 有文武材略出倫, 在 恢 陳, 司 及訪 復 亦亦 又韶舉「忠信寬博可 郞 土疆保護王室者; 才謀勇略 輔 官已上,各薦 與召 求 丽、協 國 初 擢 功臣: 濟 可使者, 或淹布衣, 大功; 一後裔 士二人, 仍令執 使絕 或命 赴 帥 中 臣、 御 或沉下僚, ·興以來 侍從舉一 一營司量 域」與「智謀 監司、守令舉所部 政 可爲 一材錄 忠義 同選。 命侍從、監司、 死節 臺諫 用。 勇毅能 之家 或命 者,或舉縣令, 在 將 外 見 侍從 任 子 庶 萬 、郡守搜 寄居待 僚各舉 孫 衆」者, 雖 在 儿

年 並 用 加 ·,復 籍 俟 薦 記 义以 終 舉 紹 司 一,延 更 姓 興 馬 名, 令 中 問 光 一年,廷 原 + 恢 入 每闕 士大 對 科 復之計。」帝然其言。 升擢 時時 臣言:「今右 官,即以舉狀多者進擬。 夫 遭 隔 以 絕滋久, 五. 勸 使 宣 能 武 吏。 諭 之世,雖二三大將, 流徙 諸 復 道 詔 東 一,令訪 用 觀 南 舊 影察使以 者, 制,侍 內 康 媒寡援 外武 潔清修 上 從官受命 臣, 各 各立 疎, 薦 田 舉忠勇智略可自代者一人, 可爲將 以 雋功,微賤之中,尚 多致 $\dot{=}$ 師 日 表 沉 更民 樂官 帥 滯 者二人,樞 者。 令侍從搜訪 員 尋 自 詔 多奇 代 密 宣 籍 中 諭 士。 以 錄 官 如文臣 以 聞 所 門下 備 願 薦 選 廣

法

一十三 選舉六

志

第

耳

甚狹 選 除 五. 增部使者薦舉改官之額,歲五員。 年 ,命自監察御史至侍從官 堪 大縣者, 通 舉二十人,不限資序。 ,舉曾經治 十四四 年,命守臣終更入見,各舉所部縣令一人。 縣聲績顯著者爲監司、郡守,不 十年,以南渡後人材萃於兩 浙 限 Mi 員 屬 數, 吏 ~薦 遇 枞 員

老練 不得 以 增 廷無 補 安義 任者 監 仍 ,恩或非泛,人得僥倖,有從 事 二十二年,右諫議大夫林 ,謹惜名器,惟薦舉 司 請 之闕; 分之士。 嶽 减 祠。 一員,十考者用四(+),十二考者用三,十五 仍保任終身 其或負犯殿選,自 望付 有 司 一路,貪躁 犯 條 大鼐言:「國初,常參官皆得舉人,不限內外,亦 上,以弭 膕 軍 如常坐。 及不 而 改秩 者速化,廉靜者陸沉。 **介競。** 職 者, 與 士有 三 十 同罪。 有捕 應 盜 五 此 而 年,命侍從舉 格者,行 考者用二。 改秩者,有以登對 今欲 無玷 取考第、員數增減以 知州、 缺,年 如 减 舉法,須 通 亦蹉 而改 判治 無 跎 、秩者。 員 跡 無無 實歷縣令, 數。 顯著者 非 便之, 今朝 孤 南 寒 渡

其議 惟 歲月 改 圖 見 而 或疑 ,中書舍人洪遵、給事 次,無材者荷冀終更,出官十餘年,可以坐待京秩。 + 責 其赴 其 九年,聞人滋 、太濫 功, 則 必使之舉官 取 吏部 又請:「凡在 中王 累年改官酌 五. | 晞亮等上議曰:「本朝立薦舉 員, 官歷任 所以 中之數, 及十考以 多其保任 立爲 上,無公私罪,雖 而 限 必其 隔 可用。 此不可一也。 舉狀、年勞,參酌 之法,必使歷任六考,所以 今 舉削不及格,許降 如議 臣所請 今欲減改官分數 並 用。」於是下 則 有 . 等 升 力者 遲其

今一旦取二百年成法而易之。此不可四也。臣以爲如故便。」滋議遂寢。 子之恩,愈不可減,非所以救入流之弊。此不可三也。夫祖宗之法非有大害,未易輕議, 以 待 無舉削者,則當被舉之人,必有失職淹滯之歎。此不可二也。京官易得,馴至郎位,任

搜而 論 令兩 遣者,任滿 選除,歲一行之,十年之後,天下多賢令矣。」乃詔:「薦舉守令,遇見闕依次除授;如已授差 《人才不拘資格,豈堪為縣令而有小大之別乎。今所舉者才也,非官也。 願無拘劇易,早與 得之,無不適當。」 府籍記。右正言何溥言:「比命侍從薦舉縣令,如聞選人不可授大邑,止籍記姓名。夫 三十年,以武臣被薦者衆,命內外大臣所舉統制、統領官各遷一秩,將官以下,所舉者 取旨。」帝謂輔臣曰:「朕有一人材簿,臣下有所薦揚,退則記其姓名。 遇有選用,

可治 五等,令非軍功觀察使以上舉之。 Ħ 練達民事 任 將 器械 來可任,注籍于三省,仍作圖進呈,以憑除擢。 大計」、「寬猛 孝宗嘗命內外選在任閑居待次官舉可任監司、郡守之人,以資序分二等,一見今可任, 可任郡容」、「諳曉財計 凡五等科目, 適宜 |可使御衆」、「臨陣驍勇可鼓士氣」、「威信有聞 令曾歷軍 可裕民力」、「持身廉潔可律貪鄙」、「詞辨不屈可備奉使」 並隨類指陳實跡,毋得別撰褒詞 功觀察使以上各舉二人公。 又以武選之衆,拔擢未廣,立「謀略沉雄 其「通習典章可掌朝儀」、 可守海那」、「思智精巧

智謀換右職當邊寄者。 相忌,有不樂從者矣。今兵塵未息,方厲恢復之圖,願博采中外有材智權略可以臨邊、可以 隆興二年,廷臣上言,謂:「國朝視文武爲一 蓋文武兩塗,情本參商。若文臣總幹戎事,不換武階,則終以 體,故有武臣以文學換授文資,文臣以材略 二、氣智

制閫者,做舊制改授。」從之。 乾道以後,又選 大將之家能世其 武 勇 者,武舉及第武藝絕

循資再任,五人則爲之改秩,而武臣無有焉。古語曰:『三辰不軌,擢士爲相; 蠻夷不恭,拔 將帥者,不在其上,則在其下,而朝廷未知振其氣、表其才也。今文臣有三人舉主,則爲之 士卒專有膽勇者次之。不拘將校士卒,優以獎擢。被舉人有臨戰不用命者,與文臣犯入己 卒爲將。』 宜令都統制視監司者歲舉武臣二人,視郡守者歲舉一人。 以智勇俱全爲上,善撫 倫 可爲 將佐者。會廷臣言曰:「方今國家之兵,東至淮海,西至川蜀,殆百餘萬。其間 河爲

臟者同,倂坐舉主。」帝可其奏,仍著爲法。

以上歲薦監司,仍用漢朝雜舉之制,三省詳加考察。詔如所請,仍不以內外,雜舉歲各五 言:「三代良法,亦不免於弊。今欲精選監司、郡守,非薦舉何由知之。」帝曰:「若今雜舉,則 須衆論愈允,又經中書考察而後除授,亦博采遴選之道也。」 人,保舉官及五員以上,列銜共奏。帝曰:「薦舉本欲得人,又恐干請,反長奔競。」龔茂良 三年,禮部尚書趙雄請令侍從、臺諫、兩省,於知縣資序以上歲薦堪充郡守,通判資序

總 監 官 升 並 司 領 長 路 數 實 亦 濫 熕 茶 分 歷 吏 與關 馬 六考,有 部 副 於 如 都 鑄 是 升 1 監 武 條 錢 內 可 外 外 視 凡 魁 舉 文 升 又 薦 主 安 軍 减 舉 臣 副 JU 撫、 班 半 改 將, 初 武 ٠, 制 官 任 內監 藝特 視 前 置 員 知 文臣 數 宰 州 司 奏名出 司 資序 執,歲各 大部 及 一人,聽 初 諸 任 ٠; 寺、 身,幷 路 通 1 州 減二員; 判 監 褟 郡 軍 "資序; 長 州 升 任 巡檢、 並 貢 親 鈐 民。 户 轄, 四 諸 再 分 駐泊 道 部 視 馤 IE 减 右 文 轉 升 副 ___• o 運、 曹 臣 IF 將,兩 監 次任 郞 將 押、 通 提 官 籍 刑 等,三 任、有 知 視 知 之數 文臣 砦, 州资序。」 提 一分減 舉常 舉 彌 比 次 省 附 主二人, 任 苹茶 文臣 矣。 孝宗 通 判 ·關介· 膿 酾 以 闪 原 部 歲 {條 I、 國子 1 、舉京 죎

則 充 倖 阙 膫 者 吏 光宗 倂 其 来 尤 或 庤 請 繆妄者 素 條 味 言 75 約 者 之。 覺 謂: 生 深之。 而 被 舉 乃 命 充 薦 所 省 帥 守、 衆 知 朝 或 監 廷 不 司 疑 能 毋 其 文 獨 私 而 員 而 舉 薦 不信, 口 士 備 著 庤 病 薦 述 其泛 舉 遂 固 m 命 多得 難 臣 從, 僚自 人, 縱 然 今有 有 有 賢才, 或 人 乏旅 則 不 鶶 學 炉 與僥 Ilij 無 駆

舉 + 科政 嘉 泰 績 年, 所 知 令內 崮 代, 外 露 舉 音 薦 列 並 薦 具 實跡 並 籍 以 記 聞 審 祭。 自 是 任满 濫舉之 則 取 弊 其舉數 稍 革。 多、有 嘉定 十 政 ·二年, 績 行 誼 命 省, 監 升權之。 μĵ 守臣

監當 路並 將領 宮廟之禄畀之。」遂命自今已就辟差理資任者,毋得據舊闕以妨下次。六年,詔諸道宣撫司, 州縣官闕,委安撫司奏辟。 身。 往因之以行其私。 以添差不釐務之闕。 四縣,多用軍功或胥吏補知縣,欄吏補監稅,民被其害。遂命取峽州、江陵府、荆門軍、公安軍 乃令釐正 私昧理,則才不爲用,請屬 防 [河捕盜、重課額務場之類,尋又立專法聽舉,於是辟置不能全廢也。 韶。 六七員,數倍於前日。 紹興二年,臣僚又以「比年 於是州郡守將,皆假軍與之名,換易官屬, ,亦辟大小使臣。 建炎初, 初,內外小職任,長東得自奏辟。 ,使歸部依格注擬。惟陝西五路、兩河、兩淮 四年,初置諸鎭撫使,管內州縣官並許 詔河北招撫、河東經制及安撫等使,皆得辟置將佐官屬, 元砧以來, 屢行屢止。 上自監司、倅貳, 諸道郡縣殘破之餘,官吏解散,諸司誘人填闕,皆先領職 賄賂,無所不有矣。 存無事之官,食至重之祿,所以重困生民。 命御史臺仍舊辟舉承務郎已上官充主簿、檢法官,不限 ·帥守、監司辟官,攙奪部注,朝廷不能奪,銓曹不能違,又多畀 下至掾屬、給使,一郡之中,兵官八九員,一務之中, 蓋處心公明,則得以用其所知,固爲良法;苟徇 又孰若付之銓曹而概以 有罪籍未敍復、守選未參部者。 辟置。 悉能歸選部。 、京東等路經略安撫 言者謂遠方之民,理宜 然要處職任, 請裁省其闕,否則以 公法者哉? 既出常格,則儉 行在五軍幷御營司 司 屬官聽舉辟,餘 一級無。 如沿邊兵官、 而後奏給付 朝論患之, 如峽州 資序。

汽往

志

,故條約焉。二十六年,詔已注知縣、縣令,不許奏辟 屬 許 本司 奏辟, 內京官以二年爲任, 願留再任者, 取旨 自兵興, 所辟官有經十年

本州守臣奏辟,毋得仍舊權攝;其見攝官留意民事百姓愛服者,許不以有無拘礙,特行奏 所辟毋得攙已差之闕,違者御史臺察之。淳熙三年,命自今極邊知縣、縣令闕官, 七年、詔未中銓、未歷任、初改秩人毋得差辟、著爲令。 孝宗初,詔內外有專法,辟闕並仍舊。 乾道九年,命監司、 帥臣,非有著令,不得創 專委 行奏

前 司 H 愿 司 具 奏辟。 嚴 官官 闕 理宗寶慶二年,以廣南東、西路通判、幕職、教授等官,法未嘗許辟者,須於各官將滿之 不許 銓法,禁監司、郡守辟親戚爲屬吏。又選人無考第、舉主不及三員,及納粟人雖有 並不 如未有代者,卽聽申部出闕,滿三月無人注擬,申省下本路。 輒自辟置,或久闕正官,許令次官暫攝,待朝命方許奏辟。 選人關,從漕司定差。作邑未滿三年、作倅未滿二考,不許預期奏辟他關。 聽辟爲令。 寶祐三年,戒諸路監司、帥閩,不應辟而輒辟者,辟主及受辟之 淳祐十一年,以御 通判以下京官闕,從 考 史

官,並與錦跌

之道,罷歲月敍遷之制。 考課。 宋初循舊制,文武常參官各以曹務閑劇爲月限,考滿即遷。」太祖謂非循名責實 置審官院,考課中外職事。受代京朝官引對磨勘,非有勞績不進

年,中書、樞密院取旨。其七階選人,則考第資歷,無過犯或有勞績者遞遷,謂之「循資」。凡 秩。其後立法,文臣五年、武臣七年,無贓私罪始得遷秩。曾犯贓罪,則文臣七年、武臣十 書之績,不得重計。初著令,州縣戶口準見戶十分增一,刺史、縣令進考,若耗一分,降考一書之績,不得重計。初著令,州縣戶口準見戶十分增一,刺史、縣令進考,若耗一分,降考一 考第之法,內外選人,周一歲爲一考,欠日不得成考。三考未替,更周一歲,書爲第四考,已

等。建隆三年,又以科賦有欠踰十之一,及公事曠違嘗有制受罰者,皆如耗戶口降考。吏 部南曹又舉周制,請州縣官益戶增稅,受代日並書於籍。凡千戶以下能增百戶減一選,減

及三選以上,令賜章服,主簿升秩進階。能歸復逋亡之民者,亦如之。

(年,縣始置尉,頒捕盜條,給以三限,限各二十日,三限內獲者,令、尉等第議賞;三

是

限 盡 外不獲,尉罰一月奉,令半之。尉三罰、令四罰,皆殿一選,三殿停官。令、尉興賊鬥而能 獲者,賜緋 升擢。 乾德四年,詔諸縣令、佐有能招攜勸課,以致蕃庶民籍,租額出其元數,

减 一選,仍進一階

復 太宗 諸道察舉部 勵精圖治,遣官分行郡縣,廉察官吏。 內官,第其優劣爲三等:「政績尤異」爲上,「職務粗治」爲中,「臨事弛慢所 河南府法曹參軍高丕等,皆以不勝任免官。

三七五七

志

清白 蔣 依 部 郡 涖 元 振 芫 州 長 帕 無 曹董淳 有 吏書其績用 振 縣 絹 狀」者爲下。 才 給 知 幹,知 南 十匹、粟五 白 州 曹曆子, 言:「有司 ,爲政 您過,秩滿,送有司差其殿最。 歲終以聞。 十石 須城 清簡,民甚便之; 天下 批書印 、縣,鞭朴不施,境內 ,賜益 知州 先是,諸州掾曹及縣令、簿、尉,皆戶部南曹給印紙、曆子 曆, 恭對 多所闕略, 通判、 衣、銀帶 秩满, 京朝官釐務於外者, 令漏書一事殿一選, 三事降 1、絹五 大治。 衆輒詣部使乞留,凡十有八年,未受代。姚益 詔有 干匹 淳化 司申明,其諸州別 初,採訪使各言其狀,下詔 給以 御前印紙,令書課 給 一資。」自是職事 公據者罷之。 褒嘉,賜 績 ,俾州 剕 時

延 滅、部內清 一覷 訟、踰 乃詔:「郡縣 匹 年 越憲 始分置磨勘之司。審官院掌京朝官,考課院掌幕職、州縣官,廢差遣院, 肅者,本道 度、盜賊競起、部內不治者,亦條其狀以聞,當 有治 轉運 行尤異、吏民畏服、 司各以名聞, 當驛置赴闕, 居官康恪、涖 親問 事 明敏、鬭 其狀 行 貶斥 加 訟衰息、倉廩盈羨、寇盜 旌賞焉。 其貪冒無狀、淹 令審官總 剪

院, 政愛民,奉法除姦,方可書爲勞績。」且謂錢若水曰:「奉法除姦之言,恐諸臣未喻, 入 銓 主奏學 以翰林學士錢若水、樞密直學士劉昌 翰 林 學士 皮 歷 蘇 任有 易簡、知制誥王日 殿最 者。 明年, 等知考課院, 帝親選京朝官三十餘人, 言同 知審官院, 重其 職 也。 考 覆· 凡流 自書戒諭之言于印紙 功過, 內銓,主常調 以 定升降; 選 又以 日:「 因而生 考課 判流 勤

焉。 慶, 17. 失儀 勤績 舊法 吏能 邊 長 「文武 尉王 ,可語之曰:『除姦之要,在乎奉法。』」<u>至道</u>初,罷考課院,倂流內銓。 D肅等二十有四人,令閤門再 吏,得八人涖 磨勘,一 百僚多得序進。帝始罷之,惟郊 得 幸 仁宗 否, 眞宗即位,命審官院考京朝官殿最 與舉 厄 ,其毋以 臣 年 說 相 l僚,非· 爲三等:公勤廉幹惠及民者爲上,幹事 因舉 尤矜憐下吏,以銓法選人有私罪,皆未聽磨勘, 者 ,歷官寡過, 王 會 數 遷官 **一及選差** 為 有 曰:「引對時,陛下 奏聽旨 事 罪。」 ,今具履歷聽旨。 勳德善狀, 、公正、惠愛及民,皆降璽書獎諭 一勿拘。 又曰:「州縣秩卑,而 書考最多而 岩 無私 凡有善政異績,準事大小遷升,選人視此。」又定監物務入親民, 不 引對,觀其辭氣文藝,並得優升。 得 犯 酌其輕 非 而著最課 無保任者。 京朝 祀 時 恩許加勳、階、爵邑。帝察羣臣有聞望者, 進秩; ,引對遷秩。 重 官磨勘 長 而 及 文吏多 稍擢之, 非次罷 有 帝察其孤 年 而無廉譽、清白 舉者) 鈎摭細故,文致之法,使不得 限, 発者, 京朝官引對磨勘,自此 ,皆第遷 則下 有 貧,特擢 私 無滯才矣。」其後選 罪 毋以 諭近臣:「凡『門謝 及歷 之。 景德初 而無治 轉官帶職 爲大理寺丞。 任: 自請釐物 當 聲者爲次,畏懦 有 2,令諸道 二年,遣使廉察諸道 罪, 爲 務 例 佛至』 先以情 人, 自 于 天聖 一辨祭所 得 京 近,股 先是,每恩 兩省以上, 有 刑 與『對敭 師 時 部 束 重 貪猥 部 五年 湛 郞 輕 鹿 官 中 岁 及

志

第

Ħ

+

Ξ

選

舉

六

三七五九

次升 通判,通判升知州,皆用舉者。 舉數不足,毋輒關升

任,始得遷。其後,知諫院劉元瑜以爲適長奔競,非所以養康恥,乃罷之 慶曆三年,從輔臣范仲淹等奏定磨勘保任之法:自朝官至郎中、少卿,須清望官五人保

革此 朝始 遷次序云。 縣、通判、知州,至數任不遷。 望官,委淸望官舉親民官。凡官有闕,惟隨員數舉之,庶見急才愛民之意。」 大,自監當入知縣, 更增 制,其應 行,未見 八年,韶近臣論時政。 展年。 有才實者,從下位立見超耀, 磨勘敍遷,必有勞績;或特敕擇官保任者,即與轉遷; 「有弊。及今年深,習以爲常,皆謂分所宜得,無賢不肖,莫知所勸。 其保任之法,須選擇淸望有才識之人,命之舉官。 知縣入通判,通判入知州,皆以兩任爲限,守官及三年,例得磨勘。 翰林學士張方平言:「祖宗之時,文武官不立磨勘年歲,不爲升 當時人皆自勉,非有勞効,知不得進。一群符之後,朝廷益循 無才實者,守一官十餘年不轉。 如 此,則是執政之臣 如 無勞績又不因保任 其任監當或知 願 陛下稍 先

不得 **婾不爲用,欲終厥功,其路無由。** 廣,責善之法非不詳,而吏多失職,非稱所以爲民之意。 久 嘉 於其官故也。 祐六年,下詔 曰:「朕觀古者治 蓋智能才力之士,雖有興利除害、禁姦勸善之意,非假以 自今諸州縣守令,有清白不擾、政迹尤異而實惠及民者, 一世,牧民之吏,多稱其官,而 百姓安其業。 少而世 今求材之路 變殊哉?殆 一歲月,則亦

等,自田始。 課,以斷獄平允、賦入不擾、均役屛盜、勸課農桑、振恤飢窮、導修水利、戶籍增衍、整治 等」,無高 本路若州連書同罪保舉,將政迹實狀以聞,中書門下察訪得實,許令再任。」 優異者,增秩賜金帛,以璽書獎勵之。若監司以上,則命御史中丞、侍御史考校。 司所第等級爲據; 爲最,而德義淸謹、公平勤恪爲善,參考治行,分定上、中、下等。 至其能否尤殊絕者, 令上可農,各注籍以相參考。惟侍從出守郡,聽不以考法,朝廷察其治焉。元豐元年,詔因勞 書皆置之籍。每歲竟,或有除授,則稽差殿最,取其尤甚者而進退之。 須別爲優劣二等,止因上、中、下三等區別以聞。是時,內外官職,各從所隸司以考覈,而中 優劣二等,歲上其狀,以詔賞罰。 效得酬賞,皆分五等,有司受其等而差進之。初一等,京朝官、大小使臣皆轉一官,選人資歷 英宗治平三年,考課院言:「知磁州李田,再考在劣等。」降監淄州鹽酒稅務。坐考劣降 神宗即位,凡職皆有課,凡課皆責實。 熙寧五年,遂罷考課院。 考績, 至考監司,則總其甄別部吏能否,副以採訪才行,合二事爲課,悉書「中 舊審定殿最格法(10), 間遺使察訪,所至州縣,條其東課。凡知州、通判上中書,縣 其入優劣者,賞罰尤峻。繼又令:一路長吏,無甚臧否,不 自發運使率而下至於知州,皆歸考課院,專以監 監司所上守臣課不占等者,展年降資,而治狀

凡縣令之

別立

簿書

志 第

百一十三

選 舉

六

滐者改京朝官,資淺者循兩資。次二等,隨其官高下升資,或減磨勘年。惟軍 臺六祭按官,以所糾劾官司稽違失職事多寡爲殿最,中書置簿以時書之,任滿,取旨 京朝官自三等以下,賞以差減。若一人而該兩賞、許累計其等以遷。三年、詔 功、捕盜皆得改 1升黜。」 御史

乃欲以緩縱委靡爲安靜。 化,擴寬洪之澤,而下乃爲苟簡。 據?請委吏依做三類自己,第其才德功效,送中書門下覆驗,取其應選者,引對而去留之。」 戚爲之殿最,歲終用此以誅賞。」文彦博又奏:「唐六典所載,以德行、才用、勞效三類察在 而三年遂校其勤惰,行賞罰焉 刑三部郎官課。崇寧間,言者乞傲周制,歲終委省、寺、監、六曹之長,各攷其屬,稽其官成, 詔令近臣議,議者請用元豐考課令,第爲高下,以行升黜,歲毋過五人。後改立縣令課,有 之上,參辨能否。今之選格特多,舉主、有軍功,斯爲上矣。然舉主可求,軍功或妄,何可盡 「川善」、「五最」之目,及增損監司、轉運課格,守令爲五等減磨勘法。 元站 初,御史中丞劉摯言:「近者,朝廷主察名實,行綜覈之政,下乃承之以刻; 請申立監司考績之政,以常賦登耗、郡縣勤惰、 先此 追罪監司數人,爲其掊斂害民耳, 初,元祜嘗立吏、戶、 而味者矯 刑獄當否、民俗休 枉過正, 主行教 選

進丁、入老,收落失實,以故課役不均,皆守令弛職,可申嚴考課法。」然其考法,因時所尚, 大觀元 年詔:「國家休養生民,垂百五十年。生齒日繁,而戶部民籍曾不加益,州縣於

以示 令,違限不實者有罪。又詔監司,一歲再具所部知縣有無「善政顯著」、「繆懦不職」,上之省。 官以三年爲任,猶且一年立威信,二年守規矩,三年則務收人情,以爲去計。 五日 就緒者加旌賞,無善狀者汰之。 其優劣而賞罰之。 能 任,雖有葺治之心,蓋亦無暇矣,可如所奏。」是時,歲以十五事考校監司,四善、四最考校縣 察守令而舉按焉。頃之,有請令江、淮官久任,而課其功過者。帝曰:「朕昔爲元帥時,見州 守令課,分上、中、下三等,每等分三甲置籍。守倅考縣令,監司考知州,考功會其已成,較 司覆實比較。 按贓吏,皆因事 誘抑。 理財賦,六日興學校,七日實戶口。 十三年,詔淮東、京 臣僚上言:「守令之治,其略有七:一曰宣詔令,二曰厚風俗,三曰勸農桑,四曰平獄訟, 紹興二年,初詔監司、守臣舉行考課之法。 監司未嘗按發,玩弛之弊日甚。」而戶部侍郎張致遠亦言之。乃下詔戒飭監司,考 若勸學、墾田、植桑棗、振貸、葬枯、興發坑冶、奉詔無違、誘進道徒、賦稅趣辦、 守臣之條 五年,立縣令四課:日糾正稅籍,團結民兵,勸課農桑,勸勉孝悌。三歲, 而增品目,舊法固不易也。 有九,通判之條十有四,令佐而下有差。二十五年,以州縣貪吏爲 西路州縣,逐考批書,若增添戶口、勸課農桑、增修水利,歲終委監 得人,則七者皆舉。今之監司,實古刺史。 但奉行不皆良吏,以請謁移實者亦 時郡縣數罹兵燹,又命以「戶 。今止以二年爲 口增否」別立 比年守

志

百

十 三

選舉六

惰而 之官,有如傳含。望令有政術優異者,或增秩賜金,或待終秩而後遷。 其能也。 寡,以爲殿最之課。二十七年,校書郞陳俊卿言:「古人各守一官終身,使易地而居,未必盡 [升黜之。庶幾人安其分,而萬事舉矣。」詔三省行之。 司 '。今監司、帥守,小州換大州,東路易西路;朝廷百執事,亦往往計日待遷, 、郡守不訶察,遂命監司按郡守之縱容,臺諫劾監司之失察,而每歲校其所按之多 使久於其職,察其勤 視所居

命經筵官參照累朝考課之法,講而行之。 者,優與增秩;所莅無狀者,罰之無赦。 課院,皆命中書或兩制臣僚校其能否,以施賞罰。望遵故事,應監司郡守朝辭日,別給御前 乾道二年,廷臣上言:「國朝盛時,有京朝官考課,有幕職、州縣官考課,其後爲審官院,爲考 名次。二年,詔淮南、川陝、京西邊郡守令,能安輯流亡、勸課農桑首就緒者,本道監司以聞。 每考,令當職官吏從實批書,代還,使藉手陛見,然後詔執事精加考覈。其風績有聞 隆興元年,命湖南、北路應守令增闢田疇,自一千頃以下轉磨勘有差,虧者展磨勘、降 如薦賢才爲幾人,若爲治錢穀,若爲理獄訟,興某利,除某害,各爲條目,使之黽勉從 則賢者效職,而中下之才,亦皆強於爲善矣。」帝乃

以治兵。分舉其職,各奏其功,任必加久,歲考優劣。一年視其規畫,二年視其成效,三年 熙二年,因臣僚言,沿邊七路,每路以文臣一人充安撫使以治民,武臣一人充都總管

者輒降黜。 司 視 以爲否,必從衆爲公,亦在精擇監司,而以臺諫攷察之,庶乎其可也。」光宗初,詔罷其令。 一其大成,重議誅賞。 時天子留意黜陟,諸道莫敢不奉承。 寧宗以郡國按刺,多徇私情,遂倣舊制,於御史臺別立攷課一司,歲終各以能否之實 行之十餘年,不免有弊,帝因諭輔臣曰:「臧否亦有喜怒之私,如諸司以爲城,一 臧否分爲三等: 治效顯著者爲臧, 貪刻庸繆者爲否, 無功 於是得實者皆增秩升擢, M 監司、牧伯舉按稽緩 無過 一片爲

閗

于上,以詔升黜。

其貪墨、昏懦致臺諫奏劾者,坐監司、郡守以容庇之罪。

官、展磨勘,各有等差。 訟、金穀之數,及各司屬官書擬公事、拘權錢物、招軍備器之數,次月置册,各申御史臺上之 月一考州縣屬官,監司會所隸守倅,制司會戎司、軍壘,遵照舊制互用文移,會其兵甲、獄 各郡總管、鈴轄並總於帥司。以逐路所部州郡多寡之數,分隸轉運、提舉、提刑三司。 監司,監司總守倅,守倅總州縣屬官。餘如戎司及屯軍大壘,則總之制司;或無制司, 公勤、康恪各有一長爲中等,旣無康聲又多繆政者考下等。其要則以御史臺總 度宗咸淳三年,命參酌舊制,凡文武官一是以公勤、廉恪爲主,而又職事修舉,斯爲上 俟至半年,類考較前三年定爲三等,中者無所賞罰,上者或轉官、或減磨勘,下者降 削閫、 守倅 則倂

校勘記

- **淳化三年** 「三年」原作「元年」,據本書卷五太宗紀、宋會要選舉二七之五改。
- 秘書直學士 按本書卷二八五馮拯傳、卷二八四陳堯叟傳,馮、陳二人於咸平間都官樞密直學

士,與宋會要職官六〇之一六、長編卷四八所記同。 此處「祕書」當爲「樞密」之誤。

授訖三月內具表附驛以聞 「三月」,宋會要職官六〇之一七、長編卷四八此條都作

當是。

- 此薦者所以多 「薦者」二字原脫,據長編卷二〇四、通考卷三八選舉考補。
- 至 內 外從臣 「臣」字原脫,據通考卷三八選舉考,並參考長編卷三九六呂陶奏疏補。
- 次案籍: 以所 薦者 通考卷三八選舉考作「次案籍以及所薦者」。
- (十) 十考者用 匹 「十考」,宋會要選舉三〇之二、繁年要錄卷一六三都作「九考」。
- **元** 各舉二人 「二人」,本書卷三三孝宗紀、宋會要選舉三〇之一二都作「三人」。
- (元) 次序 疑當作「資序」,見長編卷一六三張方平條對。
- 6 舊 審定殿 最格法 通考卷三九選舉考作:「舊無審定殿最格法。」
- 請 委吏依倣三 類 據宋會要職官五九之一〇和長編卷三九六、卷四〇一引文意博奏疏,一請委

更」下當有「部尙書侍郞」五字。

